

2008 : 1/1 2008 : 1/1 2008 : 1/1 2008 : 1/1

برایان خیرات خیرات خیرات خیرات

کلیه قرضه کلیه قرضه کلیه قرضه

کلیه قرضه کلیه قرضه کلیه قرضه

کلیه قرضه کلیه قرضه کلیه قرضه

کلیه قرضه کلیه قرضه کلیه قرضه

جملہ حقوق محفوظ

نظریاتی لسانیات

انہار : 2008ء

کمپوزنگ

ارجمند احمد

ناشر

کائنات ڈپارٹمنٹ، یونیورسٹی آف کشمیر، حضرت تیل، سرینگر

ترتیب

سرنامہ

نظریاتی لسانیات : مختصر سام

i. روایتی گرامر

ii. تقابلی لسانیات

iii. ساختیات

iv. تفراتی گرامر

v. آفاقی گرامر

شفیع شوق

42

ساختیات : اکھ تعارف

حامدی کشمیری

47

لسانیات تہ ادبی تنقید

سوسیور نہ پیٹھ جیکو بسنس تام

مجروح رشید

56

آفاقی گرامر

عادل امین کاک، سجاد حسین وانی

66

کشمیر شبد امر تم

ستپہ بھامارا زدان

- 80 اُسلوب ته اُسلوبيات
 شيخ اعجاز
- 89 نفسياتي لسانيات
 شيخ اعجاز
- 102 بولييات ته ڪاشرح ٻوله
 نزيراحمد دار
- 113 لفظ ته معنيٰ : باهمي رشتہ
 رتن تلاشي
- 129 زبان ته بوکر : اڪه تجزياتي مطالعه
 محفوظه جان
- 141 دوزباني دماغ : نقصان ڪنه فايد
 عادل امين ڪاک، سجاد حسين واني
- 148 زبانن ٻند رن اڪه باقاعده نظام
 سجاد حسين واني
- 163 لغت نگاري ته امکو اصول
 شفقت الطاف
- 181 گلوبلايزيشن ته ڪشير ٻنر بدلوني لساني شڪل
 عادل امين ڪاک، سجاد حسين واني
- 198 ڪاشر صوتيات ته اته پيڻه اثرات
 اويسا فاروق پنزو - ناظمه مهدي

سرنامہ

زبان چھے انسانس تیٹھ اکھ وسیلہ حاصل یمہ ستر سہ دُنیاہس منز زند روزتھ تمام علم حاصل کران چھ، مگر یہ وسیلہ چھ تیوت عام ز خالے گنہ وز چھ اسہ امہ چہ فطرث، امہ کس ماہیتس، امہ کس وجودس ینس تہ امہ کس افراط تہ تفریقس گن توجہ سپدان۔ (یتھ پاٹھ پریتھ کانہہ شخص زند روزتھ تہ زند گیہ متعلق تہ حیاتیاتس متعلق توجہ کران چھنہ۔) مگر قدیم زمانو پیٹھ چھ واریاہ ذہن لکھ تیتھ پاٹھ زبانہ متعلق تہ سوچان آمتی یتھ پاٹھ زند گیہ ہندیش باقی مسلن متعلق سوچان آے۔ زبانہ ہند علم تہ رود باقی علمن لرلو ربدلان، ارتقا پراوان تہ باقی علمو نشہ متاثر سپدان تہ باقی علمن متاثر کران۔

زبانہ ہنز مہارت یو دوی پریتھ کانسہ سماجی فردس پنہ پنہ بتر مطابق حاصل چھے، مگر زبانہ ہند علم چھ اتھ شعبس ستر تھاوان والین ماہرنے حاصل یمن گرامردان یا ماہر لسانیات ونان چھ۔ اتھ علمس چھ وونی تیوت وسعت میولمت ز وونی چھ یہ علم باقی علمن ہندی پاٹھ یونیورسٹی ہندس سطحس پیٹھ پرناونہ یوان، اتھ منز چھ نو نو انداز تحقیق سپدان تہ نہایت احتیاط سان حاصل کو رمت یہ علم چھ باقی علمی شعبن ہند خاطر تہ لگہار ثابت سپدان۔

کاشر زبان اکھ علمی زبان بناونہ بابت چھ کشمیر یونیورسٹی ہند کاشر ڈپارٹمنٹ قائم سپدہ کہ دوہہ پیٹھے اڑھین پاٹھ کام کران آمت۔ نہ صرف آے مختلف ادبی تہ تنقیدی مسلن پیٹھ پریتھ وری یہ سیمنا رکنہ، بلکہ آیہ واریاہ پھر کاشر زبانہ متعلق تہ زبانن متعلق تہ سیمنا رتہ ورکشاپ منعقد کرنہ۔ امہ علاو چھے کاشری ڈپارٹمنٹن باقی علمی موضوعن ستر ستر زبانہ ہندس علمس پیٹھ تہ کتابہ شائع کر مڑ۔ ڈپارٹمنٹ چن یمن کوششن ہند اکھ رت نتیجہ دراویہ ز اسی ہیکر لسانیات اکہ مضمونہ رنگو ایم اے تہ

ڈپلوما سطحس پٹھ نصابس منز شامل کرتھ۔ پننن طالب علمن تہ ریسرچ سکالرن ہندو ضرورت مد نظر تھاتھ کوڈ پارٹمنٹن 2007 کس ہر دس منز اکہ سے روز سیمینارک سنزیتھ منز وہ پٹھی مقالہ پر نہ آے یمن پٹھ تفصیلہ سان بحث سپد۔ انہارک وردس خاص شمار چھ تمنے مقالن ہنز سو مبرن۔ یو دوے اسہ کوشش کر ز نظریاتی لسانیاتہ کس پریتھ موضوعس پٹھ گوڑھ اتھ منز کینہہ نتہ کینہہ مواد شامل سپدن، مگر وچ کی کنز ہیکر نہ اسی اتھ منز تم ساری مقالہ شامل کرتھ یم تھ سیمینارس منز پیش آیہ کرنہ۔ کینہہ مقالہ سپد نہ اتھ منز شامل تکیاز مقالہ نگار ہیکر نہ اکہ نتہ پیہ وجہہ کنز اسہ پنز مقالہ شایع کرنہ باپت سوز تھ۔

اسہ چھنہ کانہہ دعوازیتھ خاص شمارس منز شامل مقالن منز چھ خیالن ہند نویر۔ اسہ چھ پے ز پیش کرنہ آمتز ساری مقالہ چھ لسانیات کین عالمی شہرت یافت عالمن ہندو خیال۔ مگر گنہ علمی کامہ منز چھنہ ہمیشہ نویرے یوت اہمیت تھاوان، بلکہ کانہہ تہ کتھ نو انداز تہ پنز پاٹھی پیش کرنسے چھے ژ راہمیت۔ ایم اے ہس منز چھ اسہ دون سیمسٹرن منز ز پرچہ لسانیاتس متعلق۔ پرنائلس دوران حاصل کو رمت تجربہ تہ کاثر زبانہ منز لسانیاتی مواد چ ویرٹھے نظر تل تھوتھ چھ یمہ شمار کو ساری مضمون پنز اہمیت تھوان۔ توقع چھ سانی طالب علم تہ سکالر پرن یم مقالہ تہ تمن میلہ یمن موضوعن پٹھ مزید سوچنگ تہ تحقیق کرنک حوصلہ۔

اسہ چھے امید ز کاثر ڈپارٹمنٹ روز آیندہ تہ تدریسی کامہ ستر ستر علمک مرکز تہ نوین نوین خیالن تہ نظریاتن پٹھ تحقیق کرنک مرکز۔

نظریاتی لسانیات: اکھ سام

شفیع شوق

1.1 لسانیات: معنی، مفہوم

لسانیات چھ اکھ قدیم مضمون یو دَوے ”لسانیات“ (Linguistics) اصطلاح
حالے، یعنی 1847ء منز گرنہ آوتہ مروج سپد۔ لسانیات گو و انسائی زبانہ ہند
سلسلہ وار تہ قاعدہ بند مطالعہ ستھ منز زبان بوکر مانتھ امہ کہ مایٹنگ، امہ کٹین
جزن ہند، جزن ہند پانہ وئی میلنگ، معنی تہ مفہومہ مطابق بدلاؤک تہ کلہم
ساختگ بحث شامل چھ۔ لسانیات چھ باقاعدہ سائنس، تہ سائنس و انتھ گو و تیتھ
علم یس باضابطہ تحقیقی مشاہدہ، تجزیہ تہ تجربہ کرتھ حاصل سپد تہ یس تصدیق،
ترمیم تہ اضافہ بابت ہمیشہ آیت آسہ۔ زبان چھ انسائی پیداوار تہ انسانہ سُنڈ
پھیر ہاو کردار۔ او کز چھ اتھ پٹھ تمّن سارنہ ضابطن تہ اصولن ہند اطلاق
سپدان یم بیہ گنہ حقیقت ہند مطالعہ بابت تسلیم کرنہ آمتز چھ۔ یہ چھ اکھ
غیر جذباتی، معروضی تہ خود مختار مطالعہ۔

لسانیاتہ بابت چھ باقی سائنس ہندی پاٹھی اکھ مقرر اصطلاحی نظام مرتب کرنہ
آمت یس امہ علمی شعبہ کین طالب علمن تہ ماہرن ویو دچھ۔ مزید تحقیق تہ
مشاہدہ مطابق چھ اتھ اصطلاحی نظامس تہ منز منز بدلاؤ یوان۔ چونکہ جدید
لسانیاتی سائنس چھ وونی طب، کمپیوٹر، بشریات، سماجیات تہ باقی علمن ستر

منسلک، امکو اصطلاح تہ چھ پچید بنان تہ ”شعبہ - بیون“ بنان۔ چونکہ پریتھ کانہہ سماجی فرد چھ زبان وار پائھو زانان، اوکڑی چھ امیک علم لسانیات نہیر پرن والین بعضے غیر ضروری باسان۔ مگر یہ چھ نامعقول سوچ: تیلہ چھ انسائی بدنگ علم تہ غیر ضروری تکیاز پریتھ بشر چھ پننس پننس بدنس منز وار کار زوان۔

زبانہ ہند سائنسی مطالعہ چھ نہ صرف ناگزیر، بلکہ نہایت دلچسپ تہ، تکیاز زبانہ ہند وسیلے چھ اسی سوچان تہ باقی علم حاصل کرتھ ہیکان۔ زبانہ ہند وسیلے چھ اسی حاصل کو رمت علم یاد و ترس منز رتھر تھ تھوان، بنین تام واتناوتھ ہیکان، تہ بروٹھ گن پکناوان۔ یہ چھ زبانے یوسہ اسہ حقیقت ہند ادراک کرنس اہل بناوان چھ۔ اوکڑی چھ زبان ہند علم سیٹھاہ وسیع یستھ مزید وسعت میلان روز۔

لسانیات چھ امیک وسعت نظر تل تھوتھ مختلف شعبن منز با گراونہ آمت۔ امکو کینہہ ویدر شعبہ چھ: ہیتی لسانیات (صوتیات، مارفیمیات، جملیات)، معنویات، تقابلی لسانیات، تواریخی لسانیات، سماجی لسانیات، کمپیوٹیشنل لسانیات، تہ نفسیاتی لسانیات۔

1.2 لسانیاتک تاریخ

یودوے ناو نووچھ، مگر لسانیاتک علم چھ واریاہ پرون۔ امیک ابتدا چھ قدیم یونانس، روس، ہندوستانس، چینس، عربس، تہ ایرانس منز مانہ یوان۔

لسانیاتک تاریخ چھ ژورن دورن منز با گراونہ یوان۔

1.2.1 روایتی گرامر

روایتی گرامر چھ نہایت وسیع، ذرخیز، باگہ بو رت، تہ یژ جہول۔ لہذا یستھ اسی روایتی گرامر ونان چھ، سہ تہ چھ پننہ وقتہ جدید تر علم اوسمت۔ ”روایتی“ لفظ

چھٹے حقارتی، بلکہ چھ اصطلاحی ناو۔

روایتی گرامرس پیٹھ کتھ تُلنہ برونہ چھے اسہ یہ کتھ ژیتس تھاوئی ز گرامراوس فلسفک اکھ اژھین حصہ تہ امیک ابتدا سپد قبل مسیح پانژمہ صدی منز ییلہ یونانی فلسفہ اصل تہ ابدی حقیقت زانہ باپت انسائس اُنڈر پکھی تمام بدلونین، اُساری، در پٹھ تہ ادر پٹھ پزرن پٹھ بحث کران اوس۔ یمن پزرن منز اوس ساروے کھوتہ دلچسپ، حیرتناک تہ اہم پزرا انسانہ سہز لسانی صلاحیت یا زبان۔ یہ زبان اُس قدیم یونانی فلسفین برونٹھ کنہ دون صورژن منز برونٹھ کنہ: بوک تہ تحریر۔

چونکہ گرامراوس فلسفک اکھ ذیلی جز، امکو بحث تہ اُس فلسفیانہ۔ امہ بحثک موک موضوع تہ مدعا اوس پزُرک تلاش، نہ ز پانہ زبان۔ یہ اوس نہ خود مختار علم، بلکہ اوس یہ فلسفیانہ علمس تابع۔

افلاطون نہ زمانہ چھ گوڈ نکہ پھر گرامری اصطلاح گرینچ کوشش آمز کرنہ۔ مثلاً سوفسٹ Sophist کتابہ منز چھ حرکت یا عمل ہاون والین لفظن ناو دینہ اُمت rhema یعنی verb (کراؤت) تہ حرکت کرن واکر ہند باپت چھ ناو دینہ اُمت onoma یعنی noun (ناؤت)۔ ارسطو چھ گوڈ نیچہ پھر زبانہ ہندیش جزن ہند فلسفیانہ تعریف پیش کران۔ مثلاً ناؤت (noun) گوو:

... a sound significant by convention, which has no reference to time, and of which no part is significant apart from the rest.¹

ترجمہ: (ناؤت) گوو سو آواز یوہ رسمہ پاٹھی اہم آسہ، یتھ نہ زمانس گن کانہہ حوالہ آسہ، تہ تیمیک کانہہ حصہ باقی آواز نشہ الگ اُستھ آسہ نہ کانہہ معنی تھوان۔

امہ پتے چھ سٹایک (Stoics) مفکر و گرامر فلسفہ نشہ الگ کو رمت تہ باقی گرامری جز چھکھ بد کڈی متری تہ تمن چھکھ ناودی متری۔ قدیم یونانین منز چھ ساروے کھوتہ اہم گرامردان ڈایونسیس تھریکس (Dionisius Thrax) تیمی Techne Grammatike ناؤ اکھ لوکٹ کتاب لیکھتھ از برونہہ ز ساس وری گرامرنویسی ہند آغاز کو۔

قدیم گرامردان منز چھ بیا کھ اہم ناؤ ارسٹوفینیز (Aristophanese) یس الہ پہ 180 قبل مسیح رومی سلطنت کس مشرقی شہر قسطنطنیہ ہس (ترکی) (Byzantium) منز روزان اوس۔ یونانی تہذیبہ کہ زوالہ پتہ ییلہ روم نو و تہذیبی مرکز بنیو، تہ تہ گو و گرامرس پٹھ سرگرم بحث۔ قیصر (Caesar: 100-44 B.C) اوس پانہ بلند پایہ گرامردان۔ تمی پتر گرامردان ملو تہ تمن دتن تھدی عہد۔ قدیم رومک بیا کھ اہم گرامردان چھ قیونٹیلین (Quintilian: 35-95 ? A.D.) یس لاطینی گرامرک ساروے کھوتہ بوڈ ماہر مانہ یوان چھ۔ سہ چھ مانان ز زبانہ ہند بنیاد چھ ژورن کتھن پٹھ: عقل، روایت، سند، استعمال۔ ووں گو و سہ چھ عملی ورتاؤ زبانہ ہند رہنما اصول مانان۔ سہ چھ لیکھان:

Usage however is the surest pilot in speaking, and we should treat language as currency minted with public stamp. But in all cases we have need of a critical judgement. ... (I. vi. 1-3)²

رومک عظیم نقاد تہ شاعر ہورس (Horace : 65 B.C) تہ چھ ”شاعر یہ ہند فن“

یعنی De Arte Poetica منز لیکھان:

Use is the judge, and law, and rule of speech.³

ورتاؤے چھ زبانہ ہند منصف، قانون تہ قاعدہ۔

مشرقی ملکن منز تہ چھے گرامر کہ علمیچ قدیم روایت۔ اکھ قیاس چھ ہندوستانک عظیم گرامردان پانتی اوس 500 قبل مسیح زمانس منز روزان۔ تم سُنڈ لیو، کھمت سنسکرت گرامر ”اشٹادھیائی“ چھ دُنیا ہک اکھ حیرتناک کارنامہ مانہ یوان۔ تم سُنڈ ذکر چھ ہیون سانگ نس سفر نامس منز، سوم دیونہ کتھاسرت ساگر س منز تہ کھمندرنہ بڑہت کتھامنجری منز میلان۔ پانتی ہن چھ گرامرس منز پنننن ژباٹھن پیشرون ہند ذکر کو رمت۔ ”اشٹادھیائی“ گرامر علاو چھ پانتی ہنز بیہ ژور کتابہ اہم یم ہندوستانس منز گرامردانی ہنز زتچھ تہ وسیع روایت ہند ثبوت چھ۔ یم کتابہ چھ: 1۔ دھاتو پاٹھا، 2۔ گنہ پاٹھا، 3۔ پر بھاشا، تہ 4۔ لنگ انشاسنا۔ پانتی نہ گرامر چ اکھ خاص کتھ چھ یہ زسہ چھ تمام لفظن ہند آگر کراؤت (verb) مانان۔

بلومفیلڈ (Bloomfield) چھ لیکھان:

This grammar, which dates from somewhere round 350 to 250 B.C., is one of the greatest monuments of human intelligence. It describes, with the minutest detail, every inflection, derivation, and composition, and every syntactic usage of its author's speech. No other language, to this day, has been so perfectly described.⁴

چینس منز تہ چھ تہ پانٹھ گرامر نویسی ہنز طویل روایت روزہڑ۔ تہ چھ گرامر نویسی، لغت سازی تہ خوشنویسی ہنز روایت تقریباً ژور ساس وری پرانی۔ ہنان، زیاونچن، تہ انیانگ شہرن ہندین عجائب گرن منز چھ کینہہ تہ نادرسخہ تہ سرتلہ پٹھ کھنتھ تحریر یم 1600 قبل مسیح زمانکو یادگار چھ۔ چینی زبانہ ہندین ماہرن ہند وٹن چھ ز چینی گرامر کو کینہہ قدیم نسخہ چھ ژور ساس

واری کھوتہ زیادہ پرانی۔

گنوہمہ صدی تام روز گرامری روایت عالمی سطحس پیٹھ کلہم پاٹھی اسکہ خاص
نہجہ پکان تہ اتھ چھہ کیئہہ ویدک انہار۔ قدیم یونانی گرامر پیٹھ گنوہمہ صدی
تام چہ ساری ہے گرامر روایت چھہ اصطلاح پاٹھی ونان: ”روایتی گرامر“
(Traditional Grammar)۔ دنیا چن مختلف زبانن ہندی ہند گرامر لیکھنس منز
یو دوے روایتی گرامر دانو عظیم کارنامہ سرانجام دی متری چھہ، مگر جدید گرامر کہ
ڈینشناہ (point of view) چھہ اتھ ساری ہے گرامر س منز کیئہہ مغالطہ اندوند
ہاوی رودی متری۔ روایتی گرامر کہ نکلی کیئہہ بنیادی مسئلہ چھہ یم:

1.2.1.1۔ زبان چھہ فطری کنہ رسمی؟

قدیم یونانی گرامر دانو تھل یہ مسئلہ تہ تمّن گئے ز دُر۔ اکھ دوراوس یتھ پڑھ
پیٹھ ڈٹھ ز زبان چھہ فطری، بروٹھے قائم، قاعدہ بند تہ سما جس منز امکی ساری
ورتا وچھہ اصل زبانہ نشہ اکہ نتہ پیہ رنگو ڈلتھ۔ فطرت پسند دوراوس مانان ز
زبان (تمّن بروٹھ کنہ یونانی تہ لاطینی) چھہ انسان ہند غلط ورتا وستی اصل
زبانہ نشہ دور پمڑ تہ اگر گرامر دان محنت کر سہ ہیئہ اشتقاقیات یعنی ایٹیمالوجی
(etymology) ہندی مناسب طریقہ استعمال کرتھ تمام لفظن ہند مول لبتھ۔ یہ
اوس تہند عقیدہ ز لفظس تہ معنیس چھہ ازلی واٹھ۔ اتھ پڑھ اسی تم آواز ز
لفظن (onomatopoeia) ہنز مثال دتھ ثابت کر چ کرشش کران۔ مثلاً: ”کاو“
جاناوارس چھہ او کنز یہ ناو دینہ آمت تکیا ز سہ چھہ ”کاو کاو“ کران۔ تہن
آواز ز ناون ہنز پیہ کیئہہ کاتھر مثالہ چھہ: گگراے، ترٹھ، ڈمہ ڈمہ، ٹاسراے،
کھکھراے، ہوہراے۔ کوگر بیتر۔ مگر تم اسی نہ لفظن ہندین باقی قسمن یہ

وضاحت کرتے ہیں۔ واریہن لفظن اسی تم انسانا بدس ستر ہشر دتھ
ویرہنے کران۔ مثلاً: بوتلہ ہنز گردن، گرسیہ ہنز زنگہ، کلک کلہ، اولون ہنز
اچھ، لیتر ہند دند..... بیتر۔

فلسفین ہند بیا کھ دور (یمن منزار سٹوساروے کھوتہ اہم فلسفی چھ) اوس
اتھ برعکس مانان ز زبانہ منزعھنے گنہ تہ سطحس پیٹھ معروضس تہ ناوس یا آواز تہ
معنیس درمیان کانہہ فطری رشتہ۔ زبان چھ انسانہ سند سماجی پیداوار تہ اتھ
منزعھ اکوے اصول کار فرما گؤ ورتاؤ۔ زبان چھ محض باؤ ژ ہند اکھ رسمی
وسیلہ، پیہ نہ کیئہ۔ گنہ لفظس پیٹھ ییلہ گنہ لسانی طبقس منزا اتفاق راے سپدان
چھ، سہ لفظ چھ رواج لبان تہ زبانہ ہندس لغاتس منزعھ شامل سپدان۔ او کئی چھ
”اصل زبان“ یا ”گوڈنچ زبان“ محض اکھ عینی تصور۔ پتہ کنہ کانہہ پزر
چھنے۔ زبان رسم زانن والین چھ ”رسم نواز“ (conventionalists) ونان۔

1.2.1.2۔ زبان چھا مربوط کنہ غیر مربوط؟

فطرت نواز (naturalists) اسی مانان ز زبان چھ فطری آسنہ کئی نظامس،
قاعدن، اصولن تہ ضابطن تحت۔ زبانہ ہند پریتھ کانہہ لسانی انہار ہیکون یمنہ
قاعدن ضابطن تہ اصولن تحت زانتھ تہ ویرہناؤتھ۔ امہ تراپہ سوچن والین
گرامردانن چھ مثال نواز (analogists) ونان۔ تہ زن گؤ و پریتھ کانہہ نحوی
خاصیت گنہ مثالہ ہندس بنیادس پیٹھ ویرہناؤنی۔ مثلاً: ناوتین ہند تعداد تہ جنس
ہاونہ بابت چھ اصول۔

اتھ برعکس اسی ”رسم نواز“ گرامردان مانان ز زبانہ منزعھ ربط بجایہ انتشار،
بے قاعدگی، تہ رواج ورتاؤ۔ مثلاً: کاشر کہ حوالہ اگر اتھ کتھ واش کڈو، اسی

ہیکو یہ مثال دتھ ز چیزن ہند تانیث مقرر کرنہ بابت چھنہ کانہہ اصول۔ بعضے چھ یہ سپدان یس چیز مذکر آسن گوڑھ سہ چھ مونث، نہ یہ مونث آسن گوڑھ، تہ چھ مذکر۔ (مثالہ چھے ٹاکار۔) لی چھ پریتھ گنہ لسانی انہارس متعلق پوزتہ کاشرس منزے یوت نہ بلکہ پریتھ زبانہ متعلق؛ مثالہ چھے بیشمار۔ انگریزی زبان چھے ایچ بہترین مثال۔ پرچھ لی زیتھ زبانہ منزقاعدن تہ ضاطن ہنز زیادتی آسہ نہ سوے زبان چھے لکن منز زند روازن۔ زبان چھے ناہشرس تہ تفریقس پٹھ دتھ۔ امہ تراپہ سوچن والین گرامر دانن چھ تفریق نواز

(anomalists) ونان۔

روایتی گرامرس ییلہ کلہم پاٹھو سام ہیمو اسی چھ وچھان ز اتھ منز چھ قدیم زمانہ پٹھ وہمہ صدی تام کینہہ تصورات غالب رودی متری۔ جدید گرامردان چھ یمن بے بنیاد تصورن مغالطہ (fallacy) ونان⁵۔ یم مغالطہ چھ:

i۔ معنی چھ بنیاد

روایتی گرامراوس پڑھتھوان ز گوڑ چھ معنی اد چھ لفظ، جدید گرامر چھ اولیت لفظس دوان۔ روایتی گرامراوس زانان ز پریتھ کانہہ لفظ چھ گنہ مقرر معنیس اظہار وینچ کوشش تہ او کئی ہمیشہ نامکمل۔ اتھ برعکس چھ جدید گرامرمانان ز لفظن ہند ورتاؤے چھ معنی ووداوان تہ بعضے ہیکہ بے مطلب باوتھ تہ گرامر ج پابند آستھ۔

ii۔ منطقی تصور

قدیم فلسفک تصور اوس ز کایناتگ پریتھ کانہہ منظر چھ منطق کین مقرر قانون تہ ضاطن تحت پکان۔ لہذا چھے زبان تہ کایناتہ کہ امہ ضابطہ بند نظامک عکس۔

روایتی گرامر اوس اوکئی مانان ز زبانہ ہند پریتھھ کانہہ انہار (تعداد، جنس، کیس، بدلاؤ، کال، جملہ، بیتز) گزھ قاعدہ بند، ضابطہ بند آسن۔

iii۔ ہدایتی تصور

چونکہ معنی چھ اول، زبان چھے منطقی، اوکئی گزھ گنہ زبانہ ہند گرامر ہدایتی آسن۔
یتھ امکو ساری بولن واکو گرامر کئین قاعدن تہ ضابطن ہند مکمل احترام کرن۔
گرامر ک سورے زور اوس اوکئی زبانہ ہند س صحیح ورتاوس پٹھ۔ زبانہ ہندیش
مستند استادن ہند س ورتاوس تابع روزن اوس بولن والین ہند بابت ضروری
مانہ یوان۔

iv۔ تحریری تصور

روایتی گرامر کئین ماہرن بروٹھ کنہ اسی قدیم مذہبی کتابن ہند تہ قدیم
مصنفن ہندیش تصنیفن ہند پرانی نسخہ، تم اسی اوکئی مانان ز زبان چھے
تحریری شکلہ منز وژھمژتہ گرامر دانن چھ گرامر ک ساری قاعدہ تہ اصول یموے
تحریر و منز اخذ کرنی۔ عام ورتا وچ زبان اسی تمن بروٹھ کنہ اصل زبانہ ہنرمسخ
صورت۔

v۔ اولین زبانہ ہند تصور

یونانس، روس، ہندوستانس، چینس تہ عربس منز اوس روایتی گرامر س پٹھ یہ
تصور غالب ز دنیا ہس منزیمہ تہ زبانہ بولنہ یوان چھے، تمہ ساریے چھے اکی
زبانہ منز دارمژ۔ سوزبان کوہہ اسی، تھ پٹھ اوس اختلاف تہ سہ اختلاف
اوس لسانی تصحیح بنیاد۔

1.2.2 تقابلی زبانیات (Comparative Philology)

منز کال (Medieval Ages) یعنی (مغربی دنیا ہس منز) رومی سلطنت کہ زوالہ پٹھہ رنسانس (Renaissance) تحریکہ (ژوداہمہ صدی - سداہمہ صدی) تام رو د علم تہ ادب الہ پلہ ا کر سے ڈنجہ تہ اتھ پٹھہ رو د توہاتن ہند غلبہ - رنسانس تحریکہ ہند موہ مقصد اوس قدیم یونانی تہ رومی علمیچ بازیابی۔ ہکرمہ صدی عیسوی منز ییلہ عربی ترجمو پٹھہ افلاطون تہ ارسطو سندین تصنیفاتن ہند ترجمہ یورپی زبانن منز سپد، سارک سے علمس تہ فلسفس سپد ژ کر پھیر۔ تحقیقس تہ تجربس میج آزادی تہ یورپس منز سپز یونیورسٹیہ قایم۔ اٹھہ ستر ییلہ کرسٹوفر کولمبس (1451-1506) نہ دس ہندوستان واتنہ بابت سمندری سفر کرنہ پتہ امریکہ دریافت سپد، بسیار جہت تحقیقس میول تروج۔

لسانیات کہ حوالہ سپد اہم واقعہ یہ ز ماہرن نئیو وز عالمس منز چھہ ساسہ بز زبانہ تہ یمن منز افراط آسنس ستر ستر واریاہ تفریق تہ چھہ - 1786ء منز کو رولیم جونزن (William Jones : 1746-1794) ہند یورپی لسانی خاندانک تصور پیش ز قدیم زمانس منز چھہ ہندوستان چہ سنسکرت تہ یورپ چہ یونانی تہ لاطینی زبانن ہند آگر اکاے زبان ا سہڑ۔ یہ حیرتناک انکشاف بنیو ونولسانی سرگرمیہ ہند باعث تہ ساری گرامردان لگو دنیا چن مختلف زبانن درمیان ہشتر تہ بین تلاش کرنس گن - 1859ء منز سپز ڈارون (Darwin: 1809-1882) سہنز کتاب Origin of Species شایع یمہ ستر حیاتیاتی سائنس علاو باقی علمی شعبن منز تہ انقلاب آو۔ تم سہند حیاتیاتی ارتقا ہک نظریہ سپد زبانن ہندس علمس پٹھہ تہ غالب۔ یمن تہ تھہ نے باقی علمی کارنامن ہند نتیجہ دراو نو قسمک لسانی تحقیق

یہ ”تقابلی زبانیات“ یعنی (Comparative Philology) ناویو و۔ امیک مداتہ مقصد اوس وچھن ز:

- i۔ بظاہر مختلف زبانن منز کیاہ کیاہ ہشر چھ،
- ii۔ زبانن کس تاریخی رشتہ چھ پانہ وئی،
- iii۔ اکھ زبان کتھ پاٹھ چھ پیس زبانہ متاثر کران، تہ
- iv۔ زبانن منز کتھ پاٹھ چھ ارتقا سپدان۔

تقابلی زبانیاتک بوڈ بار دیت چھ ز دنیا چن ساسہ بز زبانن ہندی گرامر تہ ڈکشنریہ آیہ انگریزی تہ باقی یورپی زبانن منز مرتب کرنہ۔ تمہ علاو آیہ ساسہ بز زبانہ مختلف لسانی خاندانن منز باگراونہ۔

لسانی خاندان تصور اوس پہ زیو دوے کانہہ زبان پنہ جایہ مخصوص ا سنس ستر ستر پنہ تمدنک تہ قومیز ہند آنہ چھ آسان، اتھ چھ تمن سارنہ زبانن ستر واریاہ ہشر آسان یمن ستر اتھ کانہہ تاریخی رشتہ رودمت آسہ۔ اکھ ا کس ستر رشتہ تھاون واجنہ زبانہ ہیکو کھ ا کر سہ لسانی خاندانن منز تھاوتھ۔ مثلاً کاشتر زبان چھ پنہ جایہ اکھ منفرد زبان۔ مگر تاریخی اعتبار چھ اتھ سنسکرت زبانہ ستر قدیم زمانہ پیٹھ قریبی رشتہ رودمت۔ سنسکرت ستر قریبی رشتہ آسہ کنز چھ اتھ تمن سارنہ زبانن ستر تہ دوریک رشتہ یمن سنسکرت ستر قریبی رشتہ رودمت چھ۔ مگر قدیم زمانن منز چھ سنسکرت اکہ پاسہ ایرانی زبانن ستر تہ پیہ پاسہ یونانی تہ لاطینی زبانن ستر رشتہ رودمت۔ لہذا ہیکو ا ستریتہ و نتھ ز کاشترس چھ تمن سارنہ یورپی زبانن ستر تہ دوریک رشتہ یمن قدیم یونانی تہ لاطینی زبانن ستر رشتہ چھ۔ یہ پاٹھ بنیو و اکھ لسانی خاندان یہتھ ا ستر ”ہند یورپی“

(Indo-European) وناں چھ -

دُنیا ہس منز چھے ژور ساس پٹھکر زبانہ بولنہ یوان تہ پرستھ زبانہ چھے پنہ علاقائی بولہ۔ یمہ ساریے زبانہ تہ بولہ چھے تریشن بڈیشن خاندان منز باگراونہ آمرہ:

۱۔ ہند یورپی خاندان:

الف: ایشیائی:

i۔ ہند-آریائی

a۔ سنسکرت تہ پراکرت (پنجابی، ہندی، اردو، بنگالی، گجراتی، مراٹھی، سنہالی، نیپالی، بیتی)

b۔ ڈراویدی: تامل، تیلگو، کنڈ، ملیالم

ii۔ ایرانی: پہلوی، فارسی، خطنی، گوردی، بلوچی، تاجیکی، پشتو بیتی

بے۔ یورپی:

a۔ بالٹو-سلووک: روسی، یوکرینی، بیلوروسی، چیک، سلوویکی، پولش، سربو-کروویشی، بلغیری، البانوی، بیتی

b۔ اطالوی: پرتگالی، سپینش، فرانسیسی، اطالوی، رومانوی

..... بیتی

c۔ جرمنیک: انگریزی، فلیمش، ڈچ، جرمن، آیسلینڈی، ناروینی، سویدش، ڈینی..... بیتی

ii۔ ساینو-تبتی: چینی (عالمی ساروے کھوتہ بڈ زبان یوہہ اکھارب لکن ہنز مادری زبان چھے)، جاپانی، تبتی، منگول، میانمار، ویٹنامی،

کبھوڈی، بیت

۱۱۱۔ افرو۔ ایشیائی : عبرانی، عربی، آرامیک، بربر، مصری، ٹگرے
(تقریباً ہتھ لوکچہ زبانہ)

گنہمہ صدی ہند تقابلی زبانیات یا ونوس تاریخی زبانیات روڈیمن ساسہ واد
زبان ہندین تاریخی رشتن، یہندس ارتقاہس، یہندس ہینس تہ ہشرس دل
دوان تہ نتیجہ دراویشمارگرامر تہ ڈکشنریہ آے ترتیب دہ۔ خلاصہ پاٹھک ونوز
گنہمہ صدی ہند تقابلی زبانیات اوس روایتی گرامر نشہ پانڑ انداز مختلف:

i۔ زبان چھینہ تحریر، بلکہ چھے بوک۔ واریاہ زبانہ چھے تمہ یمن منزخیریج
روایت یاتہ حال حالے شروع چھے گمڑ، نتہ چھے شروع گڑھنے۔

ii۔ زبان منزچھ افراطہ تفریق۔

iii۔ پریشٹھ گنہ زبانہ چھ پٹڑ پٹڑ قاعدہ تہ ضابطہ تہ لہذاپٹن وکھر ساخت۔

iv۔ پریشٹھ کانہہ زبان چھ ارتقا پزیر تہ بیوز بانو ستری متاثر سپدان۔

ضرورتہ یا عادتہ موجب چھے اکھ زبان بیوز بانو نشہ لفظ رٹان۔

v۔ پریشٹھ گنہ زبانہ چھ پننن بولین والین ہندس قومی کردارس ستری قریبی
رشتہ۔

تقابلی زبانیات کیو ماہر وتل ہم رشتہ زبان ہنزن آوازن تہ لفظن ہنز تقابلی سام
ہینس دس۔ لفظن ہندین قدیم راؤ وک متین رشتن تام واتنہ باپت آے
قاعدہ بند بازیابی ہندی اصول مرتب کرنہ۔ یم اصول اسی واریہن مثالن ہند
تجزیہ کرنہ پتہ وضع کرنہ یوان۔ تمن اوس یقین زیمو وکھر وکھر اصولو ستری ہیکو
اسی ساری راؤ وک سانی رشتہ بازیاب گرتھ۔ مثال: س > ھ

کائر سنسکرت یونانی لاطینی انگریزی ہندی / اردو

ستھ سپتہ ہیپٹا سپٹم سیون سات

ہیو زبانوں نشہ رٹنہ آمتی لفظ چھ رٹن واجنہ زبانہ ہندیو کلہم صوتیاتی اصولو مطابق بدلان۔ بعضے چھ یہ بدلاوتیوت زیاد آسان ز اصل لفظ چھنہ پتہ اتھی یوان۔ مگر تقابلی صوتیاتی اصولو مطابق ہیکو کھ اُسر بدلاونہایت پیچید تجزیہ ستر ویرہناوتھ۔
تقابلی لسانیاتک اکھ بوڈ دیوت چھ لہذا آوازیات (phonetics) تہ صوتیات (phonology) ہند سائنس۔

1.2.3 ساختیات (Structuralism)

ساختیات چھ تقابلی زبانیات پتہ لسانیاتک بیا کھ دور تیمیک بانی کار سوڈنگ ماہر لسانیات فرڈیننڈ ڈی سوسیو (Ferdinand de Saussure) چھ۔ سہ زاو 1857ء منز تہ مؤد 1913ء منز۔ مگر تمی سبز کتاب Cours de linguistique ge'ne'rale سبز تمی سند مرہ پتہ 1915ء منز شائع۔ یہ کتاب بنیہ ساختیات یا ونو جدید لسانیاتک بنیاد۔ اتھ کتابہ منز پیش کرنہ آمت نظر یہ سپد باقی علمن پیٹھ تہ اثر انداز۔ پیتین چھنہ امہ کتابہ ہند تفصیلی جایز ممکن۔ پیتین مین امکو کینہہ کلیدی تصور پیش کرنہ۔

1.2.3.1۔ بولہ ہنز اولیت۔

زبان چھ بنیادی بول، نہ ز تحریر؛ تحریر چھ محض بول طبعی شکلہ منز پھر بچ اکھ ناکافی کوشش۔ بولہ ہنز صور ز منز چھ زبان انسانہ سندس انسان بننس سستی وجودس آہر تہ او کئی چھ تیہرے قدیم یوت پانہ انسان چھ۔ حرف تہ حرفو ستر

بنیادی تحریری لفظ چھ انسانی تہذیبیں مندرجہ ذیل کھوتے زیادہ پانچھ یا شے ساس وری قدیم۔ واریہن زبان مندرجہ تحریر چ روایت حال حالے شروع گمڑتہ کینہہ زبان چھے تم تہ یم و نہ بولہ ہنر شکلہ مندرجہ موجود چھے۔

زبانہ ہند وجود چھ امہ کین بولن والین ہندس ورتاوس مندرجہ نہ ز تحریر مندرجہ۔ یوہ زبان تحریر مندرجہ گپہ سو چھے مرد زبان زانہ یوان۔ قدیم لاطینی، سنسکرت چھے امچہ مثالہ۔ زبانہ ہند فطری ارتقا چھ تیلی ممکن میلہ امکی بولن واکر اتھ روز مر کامہ کارس مندرجہ اکھ ا کس ستر کتھ باتھ کرنہ باپت ورتاؤن۔

1.2.3.2۔ زبان چھے دو گنہ وناو (Double Articulation)

زبان چھے بولک مگر یہ چھے باقی آوازی بولیو نشہ مختلف۔ غیر لسانی آوازی بولک (مثلاً کانہ پکھش سندر یا پش سندر بولک) چھے محدود، یعنی ترے ژور آواز: بوچھ و ز، شہوتہ و ز، خطر و ز، تہ باضے گندہ و ز۔ انسانہ سندر زبان چھے اکہ پاسہ محدود آوازن (گنر اونس لایق مصمتہ تہ مصوتہ) ہنر بنیاد، پیہ پاسہ چھ یوے محدود آواز و ستر لا محدود آواز (وئر: لفظ، ترکیبہ، تہ جملہ) بنان۔ مثلاً: ات/تہ/ر/ا/ہیکو کھ گنہ مصوتہ ستر رلا و تھ تہ بن پتر لفظ: تر، تر، تر، تار، تار، تور، تور، تر، تر، تو، تر، تر، تر، رت، بیتر۔

1.2.3.3۔ لینگ (langue) تہ پرول (parole)

انسانی زبان چھے دون سطحن پٹھ وجود تھوان: فطری لسانی صلا حیت (langue) تہ عملی ورتاؤ (parole)۔ سوسیو ہند نظریہ مطابق چھ لینگ معنی تھوان سہ لسانی نظام یس گنہ زبانہ ہندین بولن والین مشترک آسہ تہ تیمہ مطابق تم اکھ ا کس باوتھ تہ بوڑتھ ہیکن۔ اتھ چھنہ کانہہ طبعی صورت بلکہ چھ یہ کینژن لسانی

رواجن، قاعدن، تہ عادتہ پٹھ اشتراک آسن۔ مثلاً: کاشرس منز چھ آب، ہوا، آسمان، کل بیتہ مذکر تہ کنز، میڑ، دوس، وتھ، بس، کار بیتہ چیز چھ مونٹ۔ یہ چھنہ او کنز یہ چھ گنہ جایہ لیکھتھ، بلکہ لکھ مانن نہ اتھ پھر تھ، لکھ چھ یی مانان آمتہ۔ لیکھتھ گرامر چھ عملی ورتاؤ کین طریقن، اصولن، قاعدن تہ رواجن ترتیب دیچ کوشش۔ یہ کتھ سپد یمہ مثالہ ستر وار پٹھ واضح: نیلہ اسی کانسہ کاشرس متعلق ونو ”سہ چھ کاشر بولان۔“ تمیک مطلب گو ونہ سہ شخص کیا چھ تمہ ساعتہ پزی کاشرس منز کتھ کران بلکہ یہ زلس شخصس چھ کاشر زبان مادری زبان تہ سہ چھ گنہ تہ ساعتہ کاشر پٹھ فطری انداز بولتھ ہیگان۔ لینگ چھ لہذا گنہ لسانی طبقس منز پریتھنہ تہ پھانپھلہ ستر فطری انداز یوان۔ امہ بایت چھنہ تس ہچھ ہچ (learning) کانہ شعوری کوشش درکار۔ سہ چھ اتھ برعکس مادری زبان (= سوزبان یوسہ تس اندر پکھ لسانی طبقس منز رائج آسہ۔) بوزنہ تہ بولنہ ستر پانی پانے حاصل کران، یتھ عملہ زبان ریچ عمل یعنی language acquisition ونو۔ اگر اکھ انگریز بچہ کاشرس ماحولس منز زیوتہ پھانپھلہ تس کتھ چھ مادری زبان کاشر۔ یاونو تس بنہ کاشر لینگ۔

پرول چھ اتھ برعکس لینگ عملی ورتاؤ۔ یہ چھ بولنگ واقعہ یس گنہ مخصوص وقتہ تہ جایہ گنہ مخصوص وجہ کنز رونما چھ سپدان۔ پرول چھ تمہ زبانہ ہندیو قاعدوتہ ضابطو مطابق سپدان۔ لسانی واقعہس چھ ترے پاس: باؤکھ، بوزکھ تہ وجہ۔ یہ چھ وطیرک اظہار۔

پرول ⇨ بولنگ واقعہ ⇨ باؤکھ + بوزکھ + وجہ

1.2.3.4۔ زبان چھے ہیت نہ زمواد

یتھ پٹھر کرال اکر ہے رہہ دو گلس پنہ منشہ مراد شکل دوان چھ تھے پٹھر
چھ زبان بولن وول تہ لسانی موادس (جذبہ، خیال، تصور، یاد، تہ دستیاب لفظ)
مخصوص لسانی واقعہ مطابق ہیت دوان۔ مواد چھ توت تام بے شکل تہ بے
ہیت یو تام نہ اتھ زبانہ منز را تج آوازن ہند ترتیب میلان چھ۔ سوسیو چھ
شطنج کھیلہ ہنز مثال دوان۔ شطنجکو مہر داٹھو چھا، ہچو چھا، یا بیہ گنہ چیز کی،
تھ چھنہ شطنج کھیلہ ستر کانہہ واٹھ۔ مطلب چھ تھاوان شطنج مہرن ہنز شکل
یمن پنی پنی اہمیت چھے۔ کانہہ تہ مخصوص شطنج کھیل چھے شطنج بورڈس پٹھ
گنہ مخصوص وز یمن مہرن ہندا کھا کس ستر رشتہ۔

واریاہ تصور تہ معروضی وجود چھ تم تہ یمن ہند بابت گنہ زبانہ منز لفظ چھنہ
آسان۔ مثلاً رنگ چھ بسیار، مگر ناو چھ کڑتا ہے۔ یا کاشرس منز چھ پریتھ
خاندانی رشتہ بابت لفظ، مگر انگریزی س منز چھ ہی نہ۔

باؤژ ہندس سطحس پٹھ تہ ہیکو اسی یہ نکتہ زانتھ۔ زبانہ ہند اظہاری مواد
یو دویہ بذاتی بولک چھے، مگر یہ ہیکون گنہ تہ تحریری شکلہ منز انتھ، گنہ تہ
ریڈیائی، یا الیکٹرانک وسیلہ چہ شکلہ منز پھرتھ؛ زبان روز تہ کرتھ تہ سوے
زبان۔


1.2.3.5۔ زبان چھے جبری (arbitrary)

زبان چھے صوتیاتی، مارفیمیاتی تہ جملیاتی سطحس پٹھ جبری؛ بولک اسی تن یا
تحریر۔ تہ زن گو و پریتھ کانہہ آواز چھے رسمہ کن چیزن یا معنیس ستر واسطہ،
اتھ چھنہ امہ چہ فطر ز ستر یا امہ کس ماہیتس ستر کانہہ فطری واٹھ۔ تر، تر، تر،


تار، تاور، تور، تر، تر، تو، تر، تر، تر، رت، بیت لفظن چھنہ تمن چیزن یا من معنیں ستر کانہہ تہ واٹھ یہند بابت یم ورتاوس منز چھے۔ لی چھ پوزامہ کس تحریر متعلق تہ۔ [ز]، [ذ]، [ض]، [ظ] یو دوائے مختلف حرف یا اچھر چھ، مگر کائثرس پھورس منز چھ یم ژونوے حرف اکائے آواز، یعنی لکھری، زیو، دند، وژی تہ اہکاری = /ز/۔ اسی ہیکو کائثر رومن، ناگری یا پیہ گنہ رسم خطس منز تہ سہل پاٹھ لیکھتھ، معاملہ چھ محض رواجک۔

1.2.3.6۔ اشار، اشار ہاؤکھ، اشار نووو (Sign, Signifier and Signified)

لکھ چھ عام پاٹھ زانان ز کانہہ زبان چھ محض اکھ لفظہ راش، یا ونونا ون ہند انبار = لغات۔ مگر یہ چھنہ صحیح۔ زبان چھ لسانی اشارن ہند نظام تہ اکھ لسانی اشار چھنہ اکھ چیزک تہ ناؤک میل، بلکہ چھ اکھ تصورک تہ امہ بابت مقرر صوتی شبہک میل۔ یہ چھنہ ضروری ز صوتی شبہہ کیا پیہ بولنہ، بلکہ یہ ہیکہ بولنہ وراے تہ سانس ز ہنس منز اکھ چھاپ آستھ۔ امہ بابت مقرر لفظ بولو یا نہ بولو۔ لسانی اشار چھ لہذا اکھ دو پاسل نفسیاتی وجود۔



یہ نگتہ ویرہناونہ بابت چھ سوسیوپہ مثال دوان:



یہ نکتہ سپردِ واضح اگر اُس اشارِ کینِ دون پاس ہنرِ جلیہ بدل ناو تھا و و، تصورِ بدلہ اشارِ نوو (signified) تہ صوتی شبیہ بدلہ اشارِ ہا و کھ (signifier)۔
 اشارِ ہا و کھس تہ اشارِ ناؤس درمیان رشتہ چھ رسمی یا جبری (arbitrary)۔ پرستھ
 زبانہ منز چھ اشارِ ہا و کھن تہ اشارِ ناوین درمیان جبری رشتن ہند پُن پُن
 نظام۔

1.2.3.7۔ صفہ رشتہ تہ زمر رشتہ:

(Syntagmatic and Paradigmatic Relationship)

سوسیو چھ مانان ز پرستھ کانہہ لسانی اشارِ ہا و کھ چھ گنہ مخصوص و ز وجودس
 منزیوان۔ تہ اتھ و ز چھ کانہہ خاص طول لگان۔ مثلاً: لفظ چھ ”نیول“۔
 یہ چھ اکھ اشارِ ہا و کھ ستھ بولہ ہندس سو تھرس پیٹھ بولنہ و ز اکھ مختصر طول لگان
 چھ۔ مگرستی چھ امہ کین صوتیمن پانہ و ز اکھ صفہ رشتہ یا تگہ رشتہ:

ان/ + ی/ + و/ + ل/ = نیول

بولنہ و ز چھنہ امہ کین جُزن ہند صفہ رشتہ اتھ یوان، تکیازِ طول چھ واریاہ
 مختصر۔ مگر تحریرس منز چھ نو نیران تکیازِ امکر ترکیبی صوتیم چھ اچھرن ہنرِ شکلہ
 منظر ظاہر سپدان۔ امہ کین جُزن ہند یہ ترتیب ہیکونہ بدلأ ورتھے۔ یہے کتھ
 چھے زبانہ ہندین باقی ساختن متعلق تہ پز۔ مثلاً:

آسمان چھ نیول۔ = آسمان + چھ + نیول

لسانی ساختن ہندین جُزن درمیان اتھ زچھر رشتس وون سوسیورن تگہ رشتہ
 یاصفہ syntagmatic relationship۔

صوتیات، مارفیمیات تہ جملیات کین سطحن پیٹھ چھ زبانہ منز رشتن ہند بیا کھ

نظام، سہ گو و ز گنہ تہ اشار ہاو کھک کانہہ تہ جز ہیکون بدلآ وتھ تہ نو و اشار ہاو کھ ییہ بار سس۔ مثلاً:

↑	ت/ +	ء/ +	ر/	= ت	↑
	ت/ +	یہ/ +	ر/	= تیر	
	ت/ +	و/ +	ر/	تو،	
	ت/ +	و/ +	ر/	تور	
	ت/ +	ء/ +	ر/	تر	
	ت/ +	ء/ +	ر/	تر	
	ٹ/	ء/ +	ر/	ٹر	
	اک/	ء/ +	ر/	کر	
↓	بیتَر	بیتَر	بیتَر	بیتَر	↓

ت/، ٹ/، اک/ بیتَر صوتیمن ہند باہمی عمودی رشتہ گو و زمر رشتہ یعنی (paradigmatic relationship) (سوسیو)۔ جملہ کس سطحس پٹھ چھے زمر رشتہ

اکھ مثال یہ:

↑	مے	کھیو و	ژونٹھ	↑
	مے	وول	ژونٹھ	
	اسہ	ہیوت	ٹنگ	
	ژے	کھیوتھ	ژونٹھ	
↓ بیتَر بیتَر بیتَر	↓

1.2.3.8۔ اوک زمانی مطالعہ تہ یژ زمانی مطالعہ

(Synchronic and Diachronic Study) (سوسیو)

گنہ زبانہ ہند ساختیاتی مطالعہ اگر اکر ہے زمانس تام محدود آسہ تہہ ونوا اوک زمانی مطالعہ (synchronic study)۔ سہ زمانہ ہیکہ محقق سند پٹن زمانہ آستہ یا کانہہ ژورمت حد بند تاریخی زمانہ۔ مثلاً لل دید ہند زمانک کاشتر۔ اوک زمانی مطالعہ ہیکہ گنہ مخصوص وقتہ گنہ زبانہ ہند لینگک مخصوص انداز ورتا ویا پرول آستہ تہہ سوسیو *e'tat de langue* ونان چھ۔

اتھ برعکس گو ویژ زمانی مطالعہ گنہ زبانہ ہند تاریخی ارتقا ہک تحقیق۔ مثلاً قدیم پراکرتی کاشتر پٹھہ ازی کس کاشترس تام کیاہ کیاہ صوتیاتی، ماریمیاتی، لفظی، تہ جملیاتی تبدیلیہ چھہ آمڑ تہ تمن تبدیلین ہندی اصول کیاہ چھہ۔

1.2.4 تغیراتی گرامر

1.2.4.1 تمہید

امہ گرامرک بانی کار چھہ چامسکی مانہ یوان یو دوی زن ٹمر ہندیو کینڑو ہمعصر لسانیاتی ماہرو اتھ استر رلونی گرامر تجویز چھہ گری متری۔ یمن منز چھہ ہاکیٹ (Hockett : 1958) تہ ہرس (Harris : 1957) خاصکر تہہ قابل ذکر۔ 1957ء لیس منز سپرنوم چامسکی (Noam Chomsky : 1928-) ہنز کتاب : Syntactic Structures شایع۔ امہ کتابہ گری لسانیاتکو نوک امکان روشن تہہ زبانہ ہند ساختیاتی مطالعہ کرنہ باپت آو ساینسی طریقہ کار اختیار کرنہ۔

تغیراتی گرامر چ وضاحت کرنہ بروہہ چھہ چامسکی ہندی ز کلیدی تصور زائٹو

ضروری: لسانی صلاحیت (Linguistic Competence) تہ لسانی عمل آوری
(Linguistic Performance) ، پیہ سطحی ساخت (Surface Structure) تہ
زیریں ساخت (Deep Structure)۔

1.2.4.2۔ لسانی صلاحیت تہ لسانی عمل آوری

چامسکی سُنْد یہ تصور چھ الہ پہلہ تی یہ سوسیو سُنْد لینگ تہ پیروں تصور چھ۔
گنہ لسانی طبقہ کس پریتھ کانسہ نارٹل فردس چھ پنہ زبانہ منز انتھ رؤس یا
لامحدود باؤ ژ بل آسان۔ سہ چھ محدود آواز رلا وتھ لامحدود وئتر (expressions)
بناوئچ فطری صلاحیت تھوان۔ زبان چھینہ لہذا بروٹھے مقرر جملن ہند انبار بلکہ لا
تعداد امکائی جملہ تشکیل دنگ قوت یس زبان بولن واکر سُنْدس ذہنس منز وجود
چھ تھوان۔ زبان چھ تشکیلاتی اصولن ہند نظام۔

لسانی عمل آوری گو وگنہ مخصوص وقتہ، مخصوص جاپہ گنہ مخصوص مقصد باپت
فطری صلاحیت ہند ورتا ویتھ منز بولن، بوزن، پیہ سُنْد بولمت زائن تہ سوچن
شامل چھ۔ کانہہ ہیکہ امہ صلا حیر ہند ورتا ویکھنہ تہ پر نہ کہ وسیلہ تہ کرتھ۔

1.2.4.3۔ سطحی ساخت تہ زیریں ساخت

سطحی ساخت گو وچ ظاہری صورت یتھ منز صوتیو ستر بنے متری مارفیم لفظ
بناوان چھ تہ لفظ چھ ترتیب اختیار کرتھ جملہ بناوان۔ سطحی ساختس ہیکو اُس
جزیاتی تجزیہ کرتھ تہ امکو بنیادی ترکیبی جز درجہ بدرجہ لیتھ۔
اتھ برعکس گو و زیریں ساخت چھ علامتی جملیاتی ترجمانی۔ م:

i۔ ج ← (ن ت + اترک ت)

ii۔ ن ت ← ب + ن + تعداد + جنس + کیس

iii۔ اتریک ت ← ک + ہ + ک + پ

اُترے ک ت ← ک + ہ + ک + ن ت

اُترے ک ت ← ک + ہ + ک + ب

اُترے ک ت ← ک + ہ + ک + ن ت + ن ت

زیریں سطح چھ پیہ تہ کینہہ ناو: مولہ ساخت (Base Structure)، بنیادی

ساخت (Underlying Structure)، تہ گوڈ ساخت (Initial Structure) -

زیریں ساخت پر زناؤتھ چھ اُس ہم معنی جملن تہ مبہم جملن ہندی صوتی - مارینی

تہ جُمْلیاتی بدلاؤز اُنٹھ تہ تمَن ہنز وضاحت کُرتھ ہیکان۔ زیریں ساخت

زانتھ ہیکو اسریتہ ویرھناوتھ زامہ پیٹھ کتھ یاٹھر چھ مختلف قسمن ہندی سطحی

ساخت تھاون و الی جملہ و ویدان۔ پرستھ زمانہ منزچھ زرس ساخت محدود

یم لامحدود تشکیلین زاین چھ دوان۔

آته گرامر س چھ او کنی وو پز او دی گرامر (Generative Grammar) ته ونان

تکلیف چا مسکی نہ نظر یہ مطابق چھ نہ زبان بولن و الی سُنْد اور دیت (Output) تی

روزانہ یہ تس پور دیئت (Input) آسے۔ زبان زنانہ وول جھ بیئر، نشہ زباناں،

لوزان، ما ران ته بننه و آنسه ته ته مطالق جه زبان متعلق آتجه و بنس ران

وہیہ اوالانیت سے جھڑپا بننے لگا مگر امریکا کی ازان بٹھکتی تھی۔ سڑکوں پر منظر ہلکا ہوا۔

و پیر او ان تہ یہ پھر ربانہ ہنر امری ران بھہ دے سندس ذہن منہ چاے رٹان۔

یہ پھے پھر د پھر د ورتاؤء کی عام سپدان۔ کی سند ورتاؤ چھنے کی یہ کی بوزمت یا

پورمت اسے، بلکہ چھ کرسند پریتھ کانہہ ورتا نو و آسان۔

محدود زیریں ساختو پیٹھ لا محدود سچی ساخت وو پد نہ لس بنیادس پیٹھ قایم


چامسلی سندس کرامتس چھ اوے تغیرانی ووپزاؤ وگرامر (Transformational

(Generative Grammar) تہ و نان۔ تہ زن گو و و پز او گرامر چھ لا تعداد سطحی ساختن پٹھ مخصوص، مقرر تہ محدود گرامری قاعدن ہند اطلاق۔ چامسکی نہ تغیر آتی و و پز او گرامر ک گوڈنیک مرحلہ چھ ترکیب ساختی گرامر۔

1.2.4.3 ترکیب ساختی گرامر

اچ وضاحت کرنہ برو نہہ چھ ضروری زائن ز پریتھ کانہہ لسانی ساخت ہیون امہ کٹین جون منز تقسیم کرتھ تہ پریتھ کانہہ جز ہیون مزید تقسیم کرتھ۔ 1933ء لیس منز دیٹ امریکی ساختیات پسند ماہر لسانیات بلوم فیلڈن (Bloomfield) ساخت کٹین ترکیبی جون ہند نظریہ یمن تکر ناو دیٹ نکھ جز یا بنیادی جز (Immediate Constituents)۔

بچور جانہ ژول نیر۔
امہ جملہ کو نکھ جز چھ تہ پٹھ پاٹھ:



یا بریکٹ چالہ:

{ن ت (ب [بچور] + ن [جانہ] + ک ت (ک [ژول] + ل ب [نیر])}

جملہ کٹین ژورن جون چھ اکھ ترتیب زچھر:

بچور + جانہ + ژول + جوّم

مگر بیا کھ ترتیب چھکھ تابعی۔ تہ زن گو و پز او چھ بروٹھ میٹن تہ پتر میٹن

جُزن تابع۔ ورنہ ہیکہ نہ بیشمار مبہم ساختن ہند صفہ ترتیب صحیح اُس تھے۔ م:
خوبصورت کور پلو۔

اتھ ساختن منز چھ ز معنی:

i۔ خوبصورت کورین ہندری پلو۔ تہ

ii۔ کورین ہندری خوبصورت پلو۔

بیہ کینہہ مثالہ:

بہ چھس نہ یژہان چون گر گژہن۔

i۔ بہ چھس نہ یژہان ژ گوژہکھ گر گژہن۔

ii۔ بہ چھس نہ یژہان ز بہ گژہ چون گر۔

بہ چھسے ژے تم کھوتہ زیاد محبت کران۔

i۔ سہ چھے نہ ژے تیوت محبت کران یوت بہ چھسے ژے کران۔

ii۔ بہ چھسے نہ ژے تیوت محبت کران یوت تس کران چھس۔

نکھ جز ویزہنے چھینہ لہذا زبانہ ہندین ساختن ہنز ویزہنے کرنہ باپت
کارگر۔ چامسکین کوراکھ متبادل طریقکار تجویز یتھ ترکیب۔ ساخت
گرامر (Phrase-structure Grammar) ونان چھ۔ امہ تجزیک مختصر خاکہ
چھ یتھ پاٹھ۔ مثالہ جملہ:

تم لڑکن وچھ اکھ پوشنول باغس منز۔

ترکیب ساخت ویزہنے چھے ترین مرحلن منز سپدان:

i۔ دوبار لیکھنک قاعدہ:

1- ج ← ن ت + ک ت

2- ن ت ← ب + ن + جنس + تعداد + کیس

3- ک ت ← ڈک + ک + ن ت + ل ب


{ج = جملہ؛ ن ت = ناؤتی ترکیب؛ ک ت = کراؤتی ترکیب؛ ب = بدیاً ے determiner؛

ڈک = ڈکھ کراؤت؛ ل ب = لگہ باش {adverb}

ج ← {ن ت (ب [تحر] + ن [لڑکہ + کیس] + ک ت) (ک [وچھ] + ن ت

{(اکھ [پوشنول]) ل ب ([باغس منز])}

یہ ساخت ہیکون بییمہ لکڑشکلہ ستر بہتریا ٹھوڑا انتھ:



△ چھ ہاوان زاتہ اپورہیکہ نہ اتھ لنجہ باگنے سپد تھ۔ یمن نقطن ونو تہرہ

اند (terminal nodes)۔

ii۔ متبادل قاعدہ : جملن ہندیئن واریہن نمون ہنز ساختیاتی ویشہ ہنے گرتھ

جملن ہندین ساختی قسمن ہندی ساخت علامثن منز ہاؤنی - م:

i- ج ← (ن ت + اترک ت)

ii- ن ت ← ب + ن + تعداد + جنس + کیس

iii- اترک ت ← ک + ہ + ک + پ

اترک ت ← ک + ہ + ک + ن ت

اترک ت ← ک + ہ + ک + ب

اترک ت ← ک + ہ + ک + ن ت + ن ت

بیتر

1.2.4.4- پھیری پھیری یونی قاعدہ (Recursive Rules):

زبانہ ہندین بسیار جملہ قسمن ہند ساخت زانہ بابت تتھو قاعدہ وضع کرنی یم
پھیری پھیری استعمال ہیکو کھ کرتھ۔ مثلاً: رلاؤر متین جملن منز [تہ] ہک
ورتاؤ۔

ن ← ن + تہ + ن

ن ← ن + تہ + ن + ن

ن ← ن + تہ + ن + ن + ن بیتر

م: ساری شری سلیم تہ گاشہ تہ راجہ تہ ڈیزی تہ روزی تہ بٹہ تہ
یا جملہ رلاؤنس منز: م:

بہ وژہس سلہ صجائے تہ چھو لُم اتہ بُتھ تہ پتہ ڈوم ہیرہ بونہ ساری

ہے گرس تہ پتہ کو رُم آنگن صاف تہ پتہ لاجم سارنہ کڑھ نوئے

چاے تہ
(discontinuous) (discontinuous) (discontinuous)

یو دَوے امہ چالہ جملہ گرامری طور غلط چھنہ، مگر زبانہ ہند اصل بولن وول چھ زانان زامہ قسمکو جملہ چھ فضول تہ گرامر تہ گڑھ حقیقت پسندانہ آسن۔
مگر ترکیب ساختہ ویشہنئے چھ واریہن معاملن منزنا کافی یا نا کام ثابت سپدان۔ تہ زن گو و کینژن زبانن منز (مثلاً کائٹرس منز) چھ تقریباً پریتھ جملس ضرورتہ مطابق پوت پھیر (inversion) ہیکان سپدتھ۔

تمہ کھئے ژوک دچھ۔ (سوال: تمہ کیاہ کھیو و؟)

کھئے تمہ ژوک دچھ۔ (سوال: تمہ کھیہ ژوک دچھ؟)

ژوک دچھ کھئے تمہ۔ (سوال: ژوک دچھ کھ کھیہ؟)

حوالہ موکلی (context free) ترکیب- ساخت قاعدہ تہ گڑھن بسیار آسنی۔ امہ علاوچھ پریتھ زبانہ منز واریہ ساخت مبہم۔ م:

بہ چھئے ژئے کھ سندن کھوتہ زیادہ محبت کران۔

تہ واریہ ساخت چھ بے تسلسل (discontinuous) آسان۔ م

خوبصورت کوریلو۔

واریہ بڈ موہنوک تہ زانہ۔

یم تہ تھری باقی ساختیاتی مسئلہ حل کرنہ بابت چھ چامسکی سندن تغیراتی یا ووپز اوک گرامر (Transformational/ Generative Grammar) پریتھ گنہ زبانہ ہند ساختگ سلسلہ وار تہ ساینسی طریقہ تجزیہ کرنہ بابت کارگر۔

1.2.4.4 تغیراتی- ووپز اوک گرامری اصول

تغیراتی- ووپز اوک گرامر کو اصول چھ ترین سطحن پیٹھ لگہار: جملیاتی (syntactic)، معنویاتی (Semantic) تہ صوتیاتی (Phonological)۔ تریثونی سطحن

پٹھ چھ ترین قسمن ہندی تغیرات سپدان:

1.2.4.4.1 - چھونیر (deletion)

کینہہ صوتیم، مار فیم تہ لفظ چھ چھونان۔ م

پورم \Rightarrow مے پور (/، /، /م)

بہ ہیکہ نہ یہ کام کرتھ۔ \Rightarrow یہ کام ہیکہ نہ میانہ دس کر نہ ہتھ۔

(- بہ ، کرتھ۔)

1.2.4.4.2 - ہریر (addition)

بہ ہیکہ نہ یہ کام کرتھ۔ \Rightarrow یہ کام ہیکہ نہ میانہ دس کر نہ ہتھ۔

(+ دس ؛ میانہ ، دس ؛ ہتھ)

1.2.4.4.3 - جایہ بدلی (permutation)

بہ ہیکہ نہ یہ کام کرتھ۔ \Rightarrow یہ کام ہیکہ نہ میانہ دس کر نہ ہتھ۔

(بہ ق ق یہ کام)

جملیاتی سطحس پٹھ چھ پریتھ زبانہ منزوار یہن قسمن ہندی تغیرات واجب۔
کینہہ اہم جملیاتی تغیر چھ:

i۔ جملہ واٹھ (Coordination) ز سائللم جملہ پن ساخت ہتھ [تہ]، [یا]، [بیہ]

تہ باقی واٹھو ستری رلاؤنی۔ م

بہ دو تھس سلی تہ لاجم کام کرنی۔

از گڑھ بہ یہ مضمون موکلاؤن یا گڑھ دفتر چ کام موکلاؤن۔

از گڑھ بہ بینک واٹن نتہ واٹن نہ تس پونسہ۔ بیتر

ii۔ پور و ناوے (Complementation)

اکھ جملہ چھ پیہ جملہ کس کراوے تر کیپس منز ضم سپدان۔ م:

مے چھنے پے زسہ کتہ چھ روزان۔

مے دوپمس ژے چھے اختیار۔

تھر پریشہنم ژ کو ت گزہکھ۔

ژ پر آر زہ میانس واتنس۔ بیتر

iii۔ حوالہ ناوے (Relativization)

اکھ جملہ چھ حوالہ جملہ اڈ (Relative Clause) بناوتھ پیہ جملہ کس ناوے تر کیپس منز ضم سپدان۔

ژے یس شخص و فی پیاری نیران و چھ تھن، سہ چھ یور بسہ آممت۔

بہ گزہ تو، ری یور ژ گزہکھ۔

مے بیچ نہ سو کتاب پرتھ یوہ ژے دژا تھم۔ بیتر

iv۔ شرطی جملہ میل۔

اے نیر و ضرور کامہ اگر دور کو رن۔

اگر سہ و قنس پیٹھ آوتہ زیون۔

رَب ماووتھہ اگر نہ روڈ پیہ ہے۔

تھر کر یوم سیٹھاہ زار پار مگر بہ ماما نہس۔ بیتر

{پیشین چھنے یمن سار نے تغیرن پیٹھ تفصیلی بحث ممکن۔ تفصیل و بابت و چھو:

شفیع شوق: کاشٹریک گرامر، 1980ء}

تغیراتی عمل زائے بابت نمونہ پیشین اسی کا اے مثال۔ جملہ چھ:

ہے تھو دمؤ ہنیو یس دارکن و چھان چھ، سہ چھ پاگل۔

یہ جملہ چھ حوالہ ناویہ (Relativization) ہنز مثال۔ ستھ منز جملہ ملو تھ چھ:

ہے تھو دمؤ ہنیو چھ پاگل۔

ہے تھو دمؤ ہنیو چھ دارکن و چھان۔

دویم جملہ چھ گوڈ نکہ جملہ کس ناوتی ترکیس منز ضم کرنہ آمت۔ امہ بابت
چھ یم تغیر عملہ منز آمت:

یور دیت (Input)

(ن ت Δ ج ہے تھو دمؤ ہنیو چھ دارکن و چھان) ن ت

حوالہ ناویہ ستھ چھ ضم گوڈ مت جملہ ناوتی ترکیس نقل کرنہ پتہ گوڈ نکس
جملس منز Δ جملہ بنان۔ امہ تغیر بابت چھ یم ذیلی تغیرتہ عملہ منز یوان۔


چھوئر : ہے تھو دمؤ ہنیو۔

ہریر : یس + فاعلی کیس + تعداد : سہ

لفظہ بدلاو : ہے تھو دمؤ ہنیو > یس

جایہ بدلی: چھ ن جملہ اڈ اند۔

امہ تغیرک بنیادی ساخت (Underlying Structure) چھ تہ پٹھر:



ہے تھو دمؤ ہنیو یس دار گن و چھان چھ، سہ چھ پاگل۔


1.3.5 آفاقی گرامر (Universal Grammar)

آفاقی گرامر ک مطلب گوویہ ز عالمہ چن ساسہ بز ن زبانن تہ بولین ہند بنیادی ساخت چھ اکوے۔ یو دویہ مختلف زبانہ مختلف صوتیاتی انہار تھوان چھ تہ یہند جملیات تہ چھ بظاہر ورگہ ورگہ، مگر ژ کہ چھ یمن سار نے زبان ہند نیخ بنیاد کئے۔ 1961ء لیس منز سپز نو یار کس منز اکھ کانفرس۔ یتھ منز "Universals of Language" عنوانس پٹھ کاہ مقالہ پر نہ آے۔ یم مقالہ آیہ پتہ اُتھر عنوانس تحت اُکس کتابہ ہنز شکلہ منز شایع کرنہ۔ امہ کانفرنسہ ہند قرار داد چھ یمولفظو ستر شروع گزھان:

Underlying the endless and fascinating idiosyncracies of the world's languages there are uniformities of universal scope. Amid infinite diversity, all languages are, as it were, cut from the same pattern... Language universals are by their very nature summary statements about characteristics or tendencies shared by all human speakers.⁶

یہ تصور یو دویہ قدیم یونانین نش تہ اوس، مگر اُتھ تصورس وژ جدید صورت چا مسکین تیمر 1965ء منز پنژ دویم اہم کتاب Aspects of the Theory of Syntax لیکھتھ امہ نظریہ بنیاد تراؤ۔

پنہ گوڈنچہ کتابہ منز اوس چا مسکی یتھ کتھ پٹھ ڈٹھ ز زبانہ ہند ووپزاؤر قوت چھ زبانہ ہندس جملیاتس منز۔ تہ جملیات چھ زبان بیون بیون۔ تھ منز اُس نہ معنیاتس کا نہ خاص اہمیت۔ مگر 1965ء چہ کتابہ منز وژ چا مسکین معنیاتس تیڑے اہمیت پیر جملیاتس وژن۔ مگر ہند نظریہ مطابق چھ تمام زبان ہند نظام کئے یس یمہ آیہ چھ۔



امہ نظریہ مطابق چھ زبانہ ہندسورے ووپڑاؤر قوت جملیاتس منز تہ
 معنیات Semantics چھ تشریکی۔ زیریں ساخت چھ تغیر و ستر بالا ساختن
 زائیں دوان تہ باؤ ژ ہند معنویات چھ زیریں ساختو پیٹھ ووپدان۔ تہ زیریں
 ساخت چھ جملیاتی۔

چامسکین کو رتجو یز عالمہ چن تمام زبانن ہند ہیکہ تقابلی مطالعہ کرنہ یتھ؛ تمن
 زبانن پانہ وئی کانہہ نسبی رشتہ آسہ یا نہ آسہ۔ امہ اعتبار چھ یہ نو ولسانیات
 گنوہمہ صدی ہند تقابلی زبانیات نشہ مختلف۔

طریق کار گزھ یہ آسن ز گوڈین مقابلس منز انہ آمژن زبانن ہند پنی پنی
 مخصوص انہار بد کڈنہ تہ ادیہ تہند تقابلی مطالعہ کرنہ۔ امہ انداز یس تحقیق
 شروع سپد تھ چھ عام پاتھر Contrastive Linguistics ونان۔ امہ قسمک
 مطالعہ چھ بہر صورت یژ سمتی روزان نہ ز اوک سمتی۔ امیک طریق کار چھ یتھ
 پاتھر:

الف:

اکھ آفاتی پزر (آپ) یُس زبان ز¹ منز آپ¹ بُنتھ ظاہر چھ سپدان
کتھ پاٹھ چھ زبان ز² منز درینٹھ گڑھان۔

بے:

یہ دریافت کرن ز زبان ز¹ تہ زبان ز² درمیان ہشر یا بین کتھ پاٹھ چھ
تموز بانو منز کا نہہ زبان ہچھ نچہ عملہ منز مثبت یا منفی مداخلت پاؤ کران۔
آفاتی پزر چھ صوتیاتی، مارفیمیاتی، جملیاتی تہ معنویاتی۔
(تفصیلات چھنہ پیتھن ممکن۔)

حوالہ:

1. Aristotle
2. Quintilian
3. Horace, *De Arte Poetica*, 72.
4. Leonard Bloomfield, 1933. *Language*. rpt. New Delhi : Moti Lal Banarsidas, 1964.
5. Smauel R. Levin, "Comparing Traditional Grammar and Structural Grammar" in Harold Byron Allen, *Readings in Applied Linguistics*, London : Appletan-Century-Crofts, Inc. 1958.
6. Green berg, Osgood, Jenkins, "Memorandum Concerning Language Universals", in *Universals of Langue*. ed. J.K.Greenberg. Cambridge : The M.I.T Press, 1966. p. xv.
7. Chomsky, *Aspects of the Theory of Syntax*, p. 72.

ساختیات: اکھ تعارف

حامدی کاشمیری

موجودہ صدی ہندس شروعس تام اوس زندگی تہ کایناتچہ حقیقتہ ہند ادارک
یتھ سائنسی مفروضس پٹھ د رتھ ز پرتھ کانہہ چیز یا شے چھے بجایہ خود مؤ جود تہ
کایناتی عمل چھے علت تہ معلولک پابند، اما پوز موجودہ صدی منز کو رجدید فریکسن
یہ نظریہ پیش ز کانہہ چیز یا شے چھنہ اکھ ا کس نشہ بد و ن، پرتھ کانہہ شے چھے
پانہ رشتن ہند اکھ زال، تہ سوچھے بین ستر رشتن ہندس زالس منز ووتھ، پرتھ
کانہہ ذر تہ چھ زلر زال ہیو۔ کایناتہ کین چیزن تہ آثارن منز رشتن ہند عملک
پے لگا ونہ ستر ووتلیو و ساختیا تک تصور، تہ یہ آپتہ بشریات، نفسیات، فلسفہ تہ
لسانیات ہوئیں عملی شعبن پٹھ تہ آزما ونہ تہ اُمی لب وکی وکی شہرت تہ ایچ
اہمیت آیہ تسلیم کرنہ، یہ کتھ چھے وٹنس لایق ز ساخت (Structure) چھہ ژ کہ
دوور (Binary) آسان، یعنی ساختیہ چھہ تیلی پاد گڑھان ییلہ سہ گئے آسہ نہ،
بلکہ دوور آسہ، تہ امیک دوگر نیار آسہ متضاد۔ خود انسانانی دماغ تہ چھہ متضاد
قوتن ہند Interaction ستر پرزنا ونہ یوان۔ مذہب تہ فلسفہ تہ چھہ گٹہ تہ
گاشہ (خارتہ شر) چہ جدلیاتی عملہ ستر زندگی ہند پے لینچ کوشش کران۔
جدید لسانیاتس منز چھہ ساختیا تک علم عام پاتھو سوسیرس ستر منسوب یوان
کرنہ، تہ ساختیاتی نقاد چھہ ادب شناسی خاطر سوسیر سندرے لسانی ماڈل بڑ وٹھہ

کنہ تھوان۔ سوسپر سُنْد نظریہ چھ زِ زبانہ ہُنْد ساخت ہیگو دویو طریقو بد کڈتھ،
 Parole تہ Langue، لانگ چھ کُنہ تہ زبانہ ہُنْد اکھ تجریدی نظام، اصول یا
 گرامر، یُس انسان پانے چھ ہچھان تہ یمہ ستر زبانہ ہُنْد جملہ معنی چھ پڑاوان
 تہ زبان چھ پُن ترسیلی کردار اندس واتہ ناوان، پارول گوو زبانہ ہُنْد استعمال۔
 پڑتھ کانہہ انسان چھ پنے پنے طریقہ تہ پنے پنے ضرورتہ موجب طے شدہ قاعدس
 تحت جملہ بناوان تہ زبان ورتاوس انان، سوسپر سُنْد نظریہ موجب چھنہ زبان
 خارجی چیزن یا مظاہرن منز فطری یا وصفی خصوصیت بد کڈان، تہ گوو و لفظس تہ
 خارجی چیزس چھنہ کانہہ ہشر یا واٹھ، لفظ چھ پانہ خودے (Arbitrarily) چیزن ناو
 کران، یتھ محض روایت ڈکس چھ، تکر سُنْد خیال چھ زِ لفظ چھ محض نشان
 (Sign)، یتھ زِ پہلویا پاس چھ۔ Signifier تہ Signified، یعنی لفظ چھ نشان تہ سہ
 چھ چیزس تہ تمہ کس معنی یُس گن اشار کران۔ دراصل چھ علم لسانیاتہ
 موجب زبانہ منز اکھ اجتماعی لسانی نظام کام کران، یمہ ستر سہ پُن ترسیلی کردار
 ادا چھ کران۔ یہ لسانی نظام چھ انسان شعوری یا غار شعوری پاٹھی قبول کران،
 یتھ اجتماعی نظام نشاندہی چھ بین فکری تہ علمی شعبن منز تہ کرنہ آمڑ، فراینڈ
 سُنْد خیالہ موجب چھ یہ اجتماعی نظام انس حد بندین منز روٹہ کران تہ سہ
 چھ Psychic بنان۔ سوشالوجی منز کورڈر ہیمن (Durkheim) دریافت زِ فرد چھ
 دراصل اکھ ذریعہ، یمہ کنر اجتماعی مقاصد چھ پور گڑھان۔

سوسپر سُنْد نظریہ لسانس پٹھ آو ساختیاتی تنقیدک نظریہ تعمیر کرنہ۔ امہ
 موجب چھ ادیب تخلیقی عملہ منز اکس شعریاتی یا امتزاجی طریقس دس
 تھان، یتھ Structuring ناویہ دینہ۔ امہ موجب چھ ادیبہ سہنز زندگیہ ہُنْد

شعوری تہ لاشعوری محرکات، خارجی زندگی ہندو واقعات، نسلی تہ ثقافتی عوامل
پانہ وانی رلتھ میلٹھ اکھ ساختیاتی صورتھ پڑاوان، تہ ساختیاتی نقاد چھ ادبک
تجزیہ کران کران یم نے ساختیاتی پیٹرنن یا اصولن بد کڈان، تہ گو و سہ چھنہ
کاٹھہ واضح موضوع یا معنہ مطلب بد کڈان، بلو کہ چھ ادبک شعریات
دریافت کران۔

ساختیاتی نظریہ ستر گئے روایتی ادبی نظریات رد۔ فرانسیسی نقاد رولاں بارتھ
(1915-1980) چھ ساختیاتی تنقیدک اکھ بوڈ علمبردار۔ تمکرسند خیال چھ ز ادبس
منز ورتا ونہ ستر زبان چھنہ خارجی حقیقت ہنز ترجمانی یا عکاسی کران۔ تکیاز زبان
چھنہ کاٹھہ اُنہ یوسہ حقیقتک عکس پیش کر۔ یہ چھ اکھ تصور، یوسہ رشتن ہند
نظامہ ستر شکل چھ پڑاوان، تہ یموے رشتو ستر چھ زبان معنہ لبان۔ ساختیاتی
نظریہ موجب چھنہ ادب ادیبہ سبز شخصیت یا تمکرسند سوانحک اظہار، تکیاز کایناتی
نظامس منز چھنہ فرد سبز مرکزی حیثیت قائم تہ سہ چھ اکھ اجتماعی نظامک
حصہ، سہ چھ رشتن، کوڈن تہ کنوینشن ہند حصہ۔ لہذا چھنہ تمس لیکھنس منز کاٹھہ
نؤن یا فعال کردار روزان، تہ امی چھ Writing writes not writers بارسس
آمت۔

ساختیاتیہ موجب چھنہ ادب گنہ اکر سہ، یک رخی یا متعینہ معنیس ستر واٹھ
تھوان۔ تکیاز سہ چھ روایت تہ ثقافت کہ پیچیدہ تہ مربوط صورتحالہ کہ شعورک
پا داوار۔ بارتھن کو رنو تنقیدک یہ نظریہ رد تخلیق چھ قائم بالذات آسان، تمک
وون ز ادیب تہ ادب دونوے چھ تار آکھس تہ ثقافتس ستر ہمرشتہ آسان۔ امہ
ستر چھ ادب بسیار پاسل بنان۔ سہ چھ فلسفیانہ طرز فکر موجب مرکزی معنہ یا

جو ہر مسٹر دکران۔ حالانکہ مجموعی طور چھ رشتن ہند زال (web of relations) تہ اکھ مرکز جو د صورت حال پاد کران۔ بارتھ چھ ونان ز حقیقت یا متن چھ گنہ مرکز یا معنیہ بجایہ ساختیہ (Structure)، یتھ پتہ گنہ یا تلہ گنہ کانہہ معنی چھنہ، یہ چھ رشتن ہند نظام یتھہ گنہ (Onion) چھ۔ گنڈس یو د وے دیل تلو، تھہ روزنہ کہنہ باقی۔ بارتھ سند خیالہ چھنہ ساختیاتی تجزیہ کانہہ پوشید معنی د رکیافت کران، تکیاز ”تخلیق چھ گنہ کپاٹھ کر آسان یوسہ دیکن (نظامن) وراے کہنہ چھنہ“

ساخت شکنی (Deconstruction) ہند تصور کو رفرانسیسی نقادوریدن پیش۔ تمہ کراٹھر فلسفیانہ تصورس تھہ ز معنی لیس چھ نہ کانہہ وجود تکیاز جوہر، مثالیت یا د اخلیت چھ بزم۔ Signifier تہ Signified ڈک تصور ذہنس منز تھوتھ وون تمہ ز سوسپر سند یہ خیال چھنہ صحتی ز یمن چھ پانہ وانی ربط، بلکہ کہ چھ یمن درمیان افتراق تہ تضاد موجو۔ یس معنی کس کثرتس و وپداوان چھ، تمہ سند خیال چھ ز متنس منز ہیکہ نہ پیچ نشانہ ہی کرنہ یتھ، تکیاز تنقیدی عملہ ہند آغاز چھ ساخت شکنی ستر سپدان تہ معنی چھ یاتہ راوان یا التواہنس منز روزان۔

ساختیاتی نظریہ موجود چھنہ ادبس منز حقیقت نگاری (یوسہ ترقی پسندی ہند نشان امتیاز بنیو) کانہہ بوور یا اعتبار روزان۔ یتھہ گنہ چھنہ سوانخی یا نفسیاتی تنقید گنہ روزان، متن چھنہ ادیبہ سنہز سوانخی زندگی ہند خاکہ، بلکہ کہ چھ یہ داخلی رشتن ہند اکھ پیچید فنا منا، رولان بارتھ چھ پننس مضمونس The Death of the Author رن منز مصنفہ ہند اخراجک اعلان کران، تہ سستی چھ مصنفہ سند منشیہ، ارادہ تہ نظریہ تہ خارج گڑھان، تہ متہ بچ معنویت چھ خودامہ کس ساختس منز

بارسس یوان۔ یتھہ گنر چھ متنہ منز معنے تہ بے دخل گڑھان۔

بہر حال ساختیاتک نظر یہ چھ مختلف سائنسی تہ سماجیاتی علومن منز اکھ نو و
نظر یہ تہ لسانیات تہ ادب تہ گو و امہ ستر متأثر۔ اما پو زانچ حد بندی چھہ یہ زفن
پارک تخلیقی وجود پر ز ناوہ خاطر یتھ پوشید داخلی شعریاتس اہمیتھ چھہ یوان
وہہ سہ چھہ قدر سخی ہند کانہہ واضح تہ نتیجہ خیز طریقہ بز و نہہ گن انان۔ امیک
ثبوت چھہ یہ ز ساختیاتی تنقید کر عملی نمونہ چھہ نہ آسنس برابر، دویم کتھ چھہ یہ ز
ساختیاتی تنقید چھہ نہ کانہہ مربوط تنقیدی نظام پیش کران، یس ادبہ پر کھائی
خاطر کانہہ بیون طریقہ پانہ ناوہا۔ تاہم چھہ ساختیاتی نظریہک یہ دیت زمر
پھٹہ را و کینہہ تم تنقیدی مفروضات یمو ادلس نال اوس و ولومت، مثلاً حقیقت
نگاری ہند تصور، یاہ خیال زفن چھہ فنکار سہز شخصیت ہند اظہار یاہ چھہ گنہ طے
کر نہ آمتہ خیالک یا نظریہک اظہار کران، یاہ ز زبان چھہ حقیقتہ کہ اظہارک
وسیلہ۔ ساختیاتی تنقیدن اون قاری ادلس منز دبار بارسس، تہ ”قاری
اساسک تنقید“ چھہ کینژن زیون پٹھ، یمہ موجب قاری چھہ متنہ کین تخلیقی
اسرارن منکشف کران تہ امکر جہات چھہ پر ز لاوان، یہ چھہ قراتکہ تخلیقی طریقہ
ستر سپدان۔

ساختیاتہ کس موضوعس پٹھ چھہ بنیادی کام لیوی سٹراسن گرہنژ۔ تم کور
علمہ بشریاتک مطالعہ ساختیاتی نقطے نظر کز، تم ویرہہ نووز انسانہ ہند شعورک تہ
لا شعورک مطالعہ ہیکہ یمن ہندیو اندرمیو ساختیو (Structures) ستر کرنے یتھ،
تس علاوہ گر جکیب سن، ٹراو بزی، لیوٹارڈ، کرسٹیوا، تہ مارلیو پانٹی مین تہ
ساختیاتس پٹھ بھلہ پایہ کام۔

لسانيات ته ادبي تنقيد

{سوسيال سائنس پيڙهيءَ جو سائنس نامو}

محرور رشيد

وهمه صدي منرايه زندگي ستر وسته پرسته شعبس سائيسي نقطه نظر کن سام
پنه ته پرسته تصور چ ته نظر پنج حقيقت کهر کر نه بايت آيه سائيسي طور طريقه
ورتاونه۔ پڙهه اكه اهم کوشش سپر تمه ساهه ميله بشریات کيو ماهرو
انسانيات (humanities) ستر وابسته علمي شعبن اكه درسائيسي بنياد فراهم کرنگ
سز کو رتکيا ز علمه کين کين شاخن اوس روايتي نظر وچهه يوان۔

ادبي تنقيدس منز ته گوواکھ تيته هو انواپا ديمه ستر يه کته ٺا کار سپر زيه چهه وار
وار سائيسي مزار پانناونچ اهل ته ذمه دار۔ اته سلسلس منز چهه گوڏنيته تته کته
گن اشار کر ن لازمي ز وهمه صدي منرايه ا کس شعوري کوششه هند نيجه کن
ادب ته شاعر يه هنر خاص ته يهند ساختگ مطالعه زبانه هنر خاص ته امه کس
ساختس ستر جور نه۔ امه توارنجي نهجه هند موئه اثرات سپر گوڏ رو سي تنقيدس
منز نمودار ته پته کو رامه نوينه نهجه اکه سيڙهه طاقتوار تصور ک روپ ر ٽيهه سويزر
لينڊ ته چيکوسلواکيه هس منز پننه افاديڙ هند مظاهر۔ فرانسس منز و اتهه يو دوه
اميک اثر لوکڻين لوکڻين علمي ادارن تام محدود رو دتا هم ديوت امه تحريکه تمه ساهه
پنه قوتگ ته لکهار ي هند باس ميله 1960ء اندر ڀڳو لوي ستر اسن علمه کين مختلف

شعبن نش استفاد کرتے یہ کتھ واضح کرینچ کوشش کر ز انسان کتھ پاٹھو چھ
 تہذیب کین مختلف منزلن پٹھ و اتھ بدس حسیاتی شہادژن (sensory
 evidence) ترتیب دتھ تہ تاویل کرتھ ز این کو کچھمت۔¹ لوی سٹراس ہندین
 خیالاتن کوم کرنی چھنہ گفہ کتھاہ بلکہ اکھ سیٹھاہ دشوار گزار عمل۔ سائی چھینہ کتھے،
 تمہندین ہمکال فرانسیسی عالمن ہند خاطر تہ چھ تمہندی سیٹھہے مبہم تہ ناقابل
 فہم طرز اظہارن ابلاغ مسلہ یاد کو رمت۔ تمن چھنہ امہ کتھ ہند اعتراف
 کرنس منز کانہہ مند چھ محسوس سپر مژ او کز چھکھ پھری پھری و وومت ز تمن
 چھنہ لوی سٹراس ہندین لیکھن ہند پرنہ پاٹھو ادراک۔ تاہم چھنہ یہ کتھ واضح ز
 تمہندیو خیالاتو کو را کہ معنہ ساویر یاد تہ ادبی تنقیدس پٹھ دور رس اثرات
 تراوتھ تہ نقد و نظر چہ نو و تہ ہموار کرتھ تراون اکہ نو تنقیدی ملکتیج کہنہ کن۔
 رولان بارتھ تہ جراڈ جینی ہوک نقاد چھ اتھ پٹھ پنہ تنقیدی بصیرت تہ بصارت ہنز
 عمارت استاد کرتھ اکھ زیوٹھ بحث شروع کران یس و نستم جاری چھ۔ امہ
 سارے بحث بنیادی نکتہ چھ لسانی نظریہ ساختیات تہ برونہ کن پکتھ رنگہ
 رنگہ تہ بیون بیون لنگ تہ لنجہ درایہ۔ ساختیات کس نظریہس مقبول بناونس منز
 کو ریمو اہم رول ادا تہ ادبک مطالعہ ساختیاتی بنیادن پٹھ کرن بنیو و کینژون
 نقادن ہند خاطر کزیز (craze)۔

ساختیات و وتلیو و بحیثیت اکھ تنقیدی رویہ ساختیاتی لسانیات کس اثرس تل۔
 خصوصاً تمن لیکچرن ہندس گاشس تل یم سوز ماہر لسانیات سوسیو (Saussure)
 ہن یونیورسٹی آف جینیوا ہنس منز 1911-1906ء دوران وئی تہ یم پتہ 1916² منز
 شایع سپدی۔ یہ کتھ و تہ چھ ضروری ز 1959ء تام اوس نہ یمن لیکچرن ہند

انگریزی زبانہ منز کا نہہ ترجمہ بدس۔ 1959ء منز سپدی مذکور لیکچر انگریزی زبانہ منز
 A Course in General Linguistics ناو چھاپ۔ امہ ترجمہ کس پنچس منز پیو و
 علمہ کین بسیار شعبین پٹھ قابل ذکر اثر تہ ادبی تنقیدن تہ کو رامہ نشہ فیض
 حاصل۔ زبانہ نسبت یس تصور سوسیوہن پیش کو رتمہ نشہ کو روسی ہیت
 پسندو (Formalists)، علم نشانات (Semiotics) کیو مآہر و ساختیاتی تہ لا تشکیلی
 نقاد و استفاد۔ یتھ کنی بنیو و سوسیو سندانسی نظریہ تہ امیک خاکہ بروہہ کن زبان
 ہند مطالعہ علاو علمہ کین دویمین نظامن سام ہینہ بابت اہم ذریعہ تہ طرز
 (pattern)۔

سوسیوہن و ون زبانہ ہند مطالعہ چھ منظم یک زمائی (synchronic) تہ
 تواریخی (diachronic) آسان۔ چونکہ ہندی نظریات چھ مولہ کنی معروضی، او
 کنی چھ تم پنین خیالاتن اکہ ساینسی بنیاد فراہم کرتھ دریر بہم کو رمت۔ تم و ون
 زلسان (langue) چھ نطق (language) تہ تکلم (parole) نشہ بیون۔ تم ہندی کنی
 چھ تکلم اکہ شعوری تہ دانشورانہ فعل تہ نطق چھ اکہ فطری مظہر تہ لسان چھ سہ نشانہ
 نظام یتھ مخصوص لسانی فرقہ ورتاوان چھ۔ زھوٹ پاٹھی ہیکو یہ کتھ یتھ پاٹھی
 و نتھ ز زبان چھ لسانی ریژن ہندس نظامس ونان یمہ برکتہ ابلاغ ممکن چھ تہ
 تکلم چھ یتھ ابلاغی صور ژ ناویس کا نہہ مخصوص فرد گنہ مخصوص حالت منز ورتاوان
 چھ۔

زبان چھ یتھ کنی نشان ہند اکہ علامتی نظام یس مخصوص کتھ یا خیال باونہ
 باونہ خاطر ورتاونہ یوان چھ۔ انسانی زندگی ستر وابستہ ساری نظام، ریژن،
 روایشن تہ اسطورن ہندی نظام چھ مولہ کنی نشان ہندی خاص طرح۔ بہر حال

زبان دویمین واریہن نظامن ہندی پائٹھرا کس خاص نظامس بارسس اُنٹھ
کام کارکران بیتھ اُسرا آوازن ہند نام وُنٹھ ہیگو۔

سوسیو سندن لسانی نکتن زول دوان چھے یہ کتھ سینٹھاہرتی پائٹھرا فکر تران زمر
دیت زبانہ ہندس تواریخی مطالعس مقابلہ زبانہ ہندس ضابطہ زمانی تہ منظم
مطالعس ژ راہمیت۔ سوسناونیکا چھ لیکھان:

They (Structuralists) defined societies as complex systems ruled by
a social contact, of which the participants are not always conscious
, so that the contract is latent rather than manifest... In this sense
structuralism is a " unified field" theory, since its subject is not a
given culture (a corpus of texts, a geographically or historically
delimited area) but the study how rites, values, meanings and all
such recurrent currencies structure ain all its meanings. ³

سوسیو سندر خیالات پس منظر اُسٹھ تکر ساختیات کئو مائہرو کینہہ اہم سوال یمو
منز ز سوال بڈ اہم چھ۔ گوڈنیک یہ زلفظن ہنز سماجی معنویت تہ مرتبہ کیا چھ۔
دویم یہ ز ادبس تہ رپڑن چھا کانہہ واٹھ پانہ وئی کئہ اب چھ خود مختار پائٹھرا تہ
منفرد آہ پنز تخلیقی عمل جاری تھوان۔ جیفری ہارٹمین (Feoffery H. Heartman)
چھ اتھ تناظرس منز پننن خیالاتن ہنز باوتھ کران ونان ز یمن سوالن ہند جواب
ژھاران وائی ساختیاتی مائہر بیتھ پنجس پیٹھ ز اسطور تہ فن چھ سماجی زندگیہ ہندی
پاداوار تہ یمن چھے پنہ عملہ (function) کئی امتیازی اہمیت۔ دویم ز ساری
اسطور چھ اکھ اُسٹھ رتھ میلٹھ تہ پنہ عملہ منز ہوی۔ امہ تواریخی بازیافتہ
کئی بنیو و ساختیات کلہم تہ منظم سماجی رویک سائنس۔⁴

امہ کتھ ہند شدید احساسہ کئی دژ لسانی مطالعس منز صوتیاتس بنیادی اہمیت۔

ماہرین ہندوئن چھ زیو دوے سوسیوہس صوتیاتک تہ آواز یا تک محدود ادراک اوس، تاہم رودسہ یتھ کتھ پٹھ ڈٹھ ز پریتھ زبان گڑھ پنہ مخصوص صوتیاتہ حوالہ زانہ تہ۔ زبان ہند روایتی مطالعہ اوس زبانہ ناو کرنگ عمل (naming process) مانان۔ لفظ اسی تمن چیزن ستر جورنہ یوان یمن ہندی تم ناوچھ۔ مگر سوسیوہن بدلوو زبانی مطالعک یہ طریق کار تہ ”لفظ“ چہ جاپہ ورتوون نشانہ (Sign)۔ سہ چھ نشانس بنیادی لسانی اکائی گزراوان تہ یتھ کتھ پٹھ زور دوان ز زبان چھ اکھ دپاسل نفسیاتی وحدت۔ یہ وحدت چھینہ چیزن تہ تہندیش ناون رلاوان، بلکہ چھ تصورس تہ صوتی شبہس (sound image) میل کران۔ مادی شبہہ (material image) تہ صوتی شبہہ درمیان فرق کرتھ وون کر ز صوتیم (phoneme) چھ گفتار چہ اندر مہ شبہہ ہند اظہار، ییلہ زن صوتی شبہہ چھ آواز ہند ”نفسیاتی نقش“۔

چونکہ سوسیو اوس زبانہ منز مروجہ اصطلاحن ہندس کھری دار مسلسل پرنہ پاٹھر انزی منز گو مت، او کنی کو رکی نشان (sign) زبانہ ہندس کلہم نظامس احاطہ کرنہ خاطر تہ تصورس تہ صوتی شبہس خاطر کو رن signifier تہ signified مقرر۔ امہ ساری بحثک عطر چھ یہ تم کر یہ کتھ کھر ز sign چھ signifier تہ signified ہک مفروضی رشتہ تہ نشانہ sign چھ پننس مخصوص نظامس اندر اندرے معنہ مطلب رٹان۔

یتھ کتھ کرنہ کانہہ انکار ز سوسیو سند نظریہ چھ سیٹھ ہے اہم تہ نوو، تاہم چھ تمک سند لسانی نظریہ جدید لسانیاتس منز مرکزی آسنہ باوجود تمہ زیٹھ لسانی تفرکک نتیجہ یتھ سینٹ اگسٹاین، لاک تہ شین ہو یو مفکر و پننن نگار شاتن منز باوتھ کر ہر

اُس۔ Terenne Hawkes چھ Structuralism and Semiotics کتابہ منزیمین
نئیر کرنہ باوجود سوسیو سُنڈ نظریہ اکھ توارینچی تہ تازہ کار (innovative) نظریہ
مانان۔ 5

سوسیوہن تر ووتھہ پٹھہ پٹھہ جدید لسانیاتہ علاو ادبی تہ کلچرل مطالعن پٹھہ
زبردست اثر۔ ادبہ تہ کلچر کہ حوالہ میج او کئی ساختیاتس تہ اہمیت زیہ بنیو وند کوڑ
دونونی شعبن پرکھا ونگ اکھ اہم وسیلہ تہ طریق کار۔
توارینچی اعتبار ییلہ ساختیات کس پریتھنس تہ پوٹھنس سام ہیمو، تیلہ چھہ یہ
کتھ شیقہ ز روسی ہیت پسندی ہندس ووتھہ بوس منز چھہ اُمی اہم رول ادا
کوُمٹ۔ روسی ہیت پسندی ووتلیہ 1920ء اُنڈر پکھہ۔ مشہور روسی ماہر
لسانیات رومن جیکو بسنن تراؤ 1915ء منز ماسکو لنگو سٹک سرچ بنیاد تہ اتھ ستر
وابستہ بڈی بڈی لسانی ماہر اُس ز بانن ہند مطالعہ کہ حوالہ نوپنہ سوچہ ترا این پٹھہ غور
کران تہ یتھ کتھ پٹھہ اُسکھ محکم پڑھ ز شعریاتس منز چھہ لسانیاتگ اکھ جز۔ د
ویمہ طرفہ اوس وکٹر شلوکوسکی (Victor Shlovsky) تہ تکر ہند دوسٹ اکھ
سوسایٹی ہندس صورتس منز یتھ کتھ پٹھہ زور دوان ز ادب چھہ مولہ کئی اکھ لفظہ
فن (Verbal Art)۔ او کئی گزہ خود مختار پٹھہ پرکھا ونہ یُن تہ پرکھا ولس منز گزہ
نہ لسانیاتس حد کھوتہ زیادہ اہمیت دنی۔

یکو بسن اوس بیک وقت ادبک زبردست عالم، ماہر لسانیات تہ ماہر نشانات
(semiotician) تس اُس روسی مستقبل پسند شاعر ستر ہمدردی تہ پیہ اوس
تجر بہ پسندی حمایت کران۔ 1920ء منز گو وُسہ پراگ پیٹہ سہ 1926ء منز پراگ
لنگو سٹک سرکلک سرگرم تہ بنیادی رکن بنیو و۔ اتھ سرکلس ستر وابستہ ماہر لسانیاتو

تہ ادبی نقاد و گروہ ساختیاتی لسانیات تہ شعریات کہ حوالہ سیٹھاہ اہم تہ بنیادی کام۔⁶ اُتھر دوران گو و سہ سویور ہندس لسانی نظریہس انزری منزری یمہ ستر تمس زبانہ ہند منظم مطالعہ کرنہ بابت اکھ طریق کار بہم سپد۔⁷

رومن یکو بسن ہندس ادبی نظریہس سام پتھ چھ ز اہم نکتہ ووتلان: اکھ یہ ز ”لفظ پیغام“ (verbal message) چھ پنہ ادبیژ کنز فن پار بنان۔ دویم چھ استعارہ تہ metonymy ہشہ صنعتان شناخت۔ سویور ہندس کنز چھ استعارس تلازمی اہمیت یمہ ستر زبانہ ہندس عمودی (vertical) رشتہ بد چھ نیران تہ اتھ مقابلہ چھ metonymy زبانہ ہندس مستقیمی (horizontal) رشتہ نراوان۔ مطلب یہ ز یہ چھ اکھ چیز ک ناویہ چیز کہ ناوی ستر بدلاوان یمن پانہ وئی قریبی رشتہ چھ۔ یمن نکتان چھ جیکو بسن برونہہ پکناوتھ ونان ز لسانی پیغام (linguistic message) چھ عمودی تہ مستقیمی حرکت و ستر بارس یوان۔ اکھ چھ لفظن میل کران تہ بیا کہ زبانہ ہند ”اندرا گدامہ“ منز لفظ ژا رتھ کڈان۔ پننس مشہور مضمون The Metaphoric and Metonymic Poles منز چھ جیکو بسن لیکھان:

Metaphor is alien to the similarity disorder, and metonymy to the contiguity disorder.⁸

تھر دیت یتھ کتھ پٹھ زور ز شاعری چھ پنہ اصلہ کنز استعاراتی تہ نثر metonymic آسان۔

1941ء منز ییلہ نازیو چیکو سلوواکیہس پٹھ حملہ کور، یکو بسن گو و امریکہ۔ مذکور مضمون لیو کہ تمز تتی۔ امریکہ واتنہ پتہ تقریباً اٹھ نو و ہری کور تمز صوتیمن

phonemes صوتیاتی نظامن ہند اکھ جامع خاکہ وضع یمن ہنز بنیاد سوسیور
ہندس نظر ہس پٹھ ڈرتھ اُس۔ سوسیورن اوس binary opposition پٹھ زور
دیتمت، مگر جیکو بسنن کو رادی تنقیدس ریاضی ہندس نظریہ ابلاغس (Theory of
Communication) تہ C.S. Peirce ہندس علم نشانیاتس (Semiotics) میل
گرتھ⁹ شعریاتس تہ ابلاغس متعلق پٹن نظریہ پیش۔ پننس ”لسانیات تہ
شعریات“ مقالس منز گرتھ شعری عملس (Poetic Function) متعلق پٹن
نظریہ پیش تہ یمن لفظن منز کو رن پننن خیالن ہند محاصل بیان:

The poetic function projects the principles of equivalence from
the axis of selection into the axis of combination.¹⁰

یکو بسن ووتلیو ویتھ پاٹھرا کہ با اثر علمی، تنقیدی تہ ادبی شخصیت ہندس روپس منز
تہ گرتھ صوتیاتی ماڈل (model) بنیو Tel Quel گروپ¹¹، بامے نوم چامسکی
(Noam Chomsky) ہند تغیراتی گرامر خاطر اکھ طاقتور ڈوکھ۔ تہ تمن لوگ
تغیراتی ماڈلک سون (deep) تہ نون (surface) ساخت (structure) پننن
بیون بیون تہ رنگہ رنگہ ماڈلن ہند تعمیر خاطر بکار۔ لاکان (Lacan) میخایل
باختن (Mikhail Bakhtin) ہندین خیالاتن تہ لوی سٹراس ہندس ساختیاتی تصور
بایت شیریکو بسنن وتہ۔ لوی سٹراس سپد یہ شرف تہ حاصل زسہ بنیو ونو یارک
کس New School for Social Research منز یکو بس سندا ژاٹھ تہ گرتھ
ساختیاتی فکر ستر کو رن مرکزی برازیل چہ زبانہ تہ کلچر سمجھنہ خاطر ساختیات
بطور اکھ طاقتور ول اختیار۔

حوالہ جات تہ حاشیہ

1. David Daiches, *Critical Approaches to Literature*. Oriental Longman Limited, 1993. p. 372.
2. David Lodge, ed. *Modern Criticism and Theory*. U.K.: Longman Limited, 1988. p. 1-2.
3. Patricia Wangh, *Beyond Formalism*. London : Oxford University Press. p.261.
4. Geoffery H. Harman, *Beyond Formalism*, New Haven and London : Yale University Press, 1970. pp. 3-9.
5. Ferdinand de Saussure, (1913). *Course in General Linguistics*. tr. Wade Baskin. London : Petrown, 1959. p. 12.
6. Jeremy Hawthorn, *Contemporary Literary Theory*, Guilford and King's Lynn, 1994. page. 254.
7. Ibid, p.254.
8. David Lodge, ed. *Modern Criticism and Theory*, U.K.: Longman Group, 1988. P.57.
9. Patricia Wangh, ed. *Literary Theory and Criticism*, London: Oxford University Press, p. 263.
10. Roman Jakobson, in David Lodge, ed. *Modern Criticism and Theory*. U.K.: Longman Limited, 1988. p. 39.

11۔ ٹیل قیل گروپ (Tel Quel) اوس 1960ء، منز بناونہ آمت تہ اتھ ستر اُس رولاں بارتھ، جیراڈ جینی ہووے عالم تہ نقاد وابستہ۔ یہ گروپ یوہہ اشاعتی کالم کران اوس تچ سربراہی اوس فلپ سولارس کران تیمی پتہ جولیا کرسٹیواپ ستر خاند رکور۔ یہ گروپ اوس Tel Quel ناو رسالہ چھاپان تہ امہ علاو اوس دویمہ کتاب تہ شایع کران۔ یمہ کنز 1960-1970 تام امیک زبردست اثر روڈ۔ اُمی گروپن کورنہ کانہہ مخصوص نظریہ پیش بلکہ کورن ادب تہ کلچر پرکھاونہ بابت اکھ طریق کار اختیار۔ یہ گروپ گوڈ 1987ء، اُنڈر پکھی ادبی تہ کلچرل اُفقہ پٹھہ و چھان و چھان غاب۔

آفاقی گرامر

عادل امین کاک
سجاد حسین وانی
(ڈپارٹمنٹ آف لنگویسٹکس)

1.1 تعارف

گرامر ک تجزیہ چھ دو یو طریقو کرنہ یوان: ا کس طریقس منز چھ الگ الگ زبانن الگ الگ تجزیہ یوان کرنہ تہ امہ پتہ چھ یمن مختلف زبانن ہند گرامر بناونہ یوان۔ مثالہ پاٹھی اردو زبانہ ہند گرامر، انگریزی زبانہ ہند گرامر، بیتر۔ د ویمس طریقس منز چھ دنیاہ چین سارنہ زبانن اکوے گرامر بناونہ یوان تہ اتھ گرامرس چھ آفاقی گرامر یا یونیورسل گرامر (UG) ونہ یوان۔

گوک (1997) چھ آفاقی گرامر چ عکاسی کران وونمت کہ آفاقی گرامر چھ ا کس کریہنس ڈلس برابر۔ یوہے کرہن ڈبہ چھ زبان ہچھ نس منز بنیادی کردار ادا کران۔ یوہے کرہن ڈبہ (U.G) چھ سہ چیز انسانی دماغس منز نیمہ ستر زن اکھ بچہ پنہ زبانہ ہند مکمل گرامر تشکیل چھ ہیکان کرتھ یہ گرامر چھ سہ لکن ہند بولہ باشہ خاصکر مائلس مابہ ہند بول باشہ پیٹھ امی کرہنہ ڈبہ کہ مدد ستر تیار کرن۔

1.2 آفاقی گرامر ک ضرورت:

چومسکی (Chomsky, 1986) سند مطابق چھ لسانی تھیوری (linguistic

theory) ہندو بنیادی ترے مقصدیم زنیتھہ کنی چھ:

1.2.1 زبانہ ہندہ علمچ بناوٹ کیاہ چھ؟

1.2.2 زبانہ ہند علم کتھ کنی چھ حاصل سپدان؟

1.2.3 زبانہ ہند علم کتھ کنی چھ استعمال سپدان؟

یتھ مضمونس منز چھ زبانہ ہند علمس ستر مراد زبانہ ہنز غیر ارادی شکل

(Subconscious Mental shape) تہ یہی زبانہ ہنز غیر ارادی شکلی چھ زبانہ ہنز

بنیاد بنان۔ ووں پھر و اسی پنن توجہ گوڈنکس سوالس کن۔

1.2.1 زبانہ ہند علمچ بناوٹ کیاہ چھ:

لسانی تحقیق مقصد چھ یہ وچھن کہ زبانہ ہنز دماغی شکل کرٹھ چھ۔ یعنی

زبان کتھ شکلہ منز چھ انسانی دماغس منز موجود آسان۔ سستی چھ یہ تہ وچھنہ

یوان کہ دنیاہ چن مختلف زبانن منز کم کم چیز چھی ہوی آسان۔ لسانی تحقیق

مقصد چھ یہ تہ کہ کتھ کنی چھ زبان باقی رسل ورسایلہ کیو وسیلونشہ مختلف آسان تہ

کیاہ کیاہ یکسانیت چھ زبانہ یمن رسل ورسایلہ کین وسیلن ستر آسان۔

زبانن ہند ترجمہ ستر چھ یہ کتھ ہنز عکاسی سپدان کہ انسانی زبانن منز چھ

واریاہ چیز اکس اکھ ستر رلان مگر سستی چھ اسی وچھان کہ دویم زبان ہچھ نس منز

چھ واریاہ مشکلات یوان۔ یہ کتھ چھ ثابت سپدان کہ انسانی زبانن چھ واریاہ چیز

اکس اکھ نشہ قدرے مختلف۔ چومسکی (Chomsky, 1986) چھ ونان کہ یتیمہ

ساتہ زن اکھ بچہ زیوان چھ، تمسند ذہن چھ زبان ہچھنہ حیطر تیار آسان۔

چومسکی چھ مزید ونان کہ زبانہ ہنز صلاحیت چھ صرف انسانن منز یوت لبنہ

یوان تہ امی ستری چھے یہ کتھ پیہ ہن ثابت سپدان کہ آفاتی گرامر (U.G) چھ نکس
 زینہ پیٹھے دماغس منز موجود آسان۔ زبانہ ہند علمچ بناوٹ چھے اتھ آفاتی
 گرامرس (U.G) منز آسان۔ یہ آفاتی گرامر چھ دون حصن ہند بنیو ومت آسان
 ، یمن زن پرنسپل تہ پیرامیٹر (principle and parameter) ونان چھ۔ پرنسپل چھ
 پریتھ زبانہ منز موجود آسان، تہ زبانن منز ہشر یا یکسانیت یموے پرنسپلو
 (principle) ستری آسان۔ یمن برعکس چھ پیرامیٹر کینژن محدود شکلن منز موجود
 آسان، تہ یم پیرامیٹر چھ مختلف شکلن منز مختلف زبانن منز لبنہ یوان۔ اگر زن
 اکہ پیرامیٹرچ اکھ شکل اکس زبانہ منز موجود آسہ، پیس زبانہ منز آسہ امی
 پیرامٹرچ بیا کھ شکل۔

1.2.2 زبانہ ہند علم کتھ کنی چھ حاصل سپدان؟

چو مسکین چھ آفاتی گرامر آسنگ وجہ پتہ وونمت کہ زبانہ ہند علم چھ اکھ مشکل،
 پیچیدہ تہ وٹھتھ علم تہ یتھ مشکل علم چھ اکھ بچہ آسانی سان رٹان۔ زبانہ ہند علم چھ
 اکھ غیر احساسی علم تہ اتھ علمس پیٹھ قابو کرن چھ سیٹھاہ مشکل تو تام یو تام نہ
 اُمس نکس دماغس منز یہ آفاتی گرامر موجود آسہ۔ پینین چھے یہ کتھ قابل ذکر کہ
 یمہ ساتھ نہ اکھ بچہ پانس رآ چھ ہیکان چھ کرتھ، ییلہ نہ سہ پانہ کھیتھ چیتھ چھ
 ہیکان تھ وانسہ منز چھ یہ بچہ بلبل سندری پاٹھی بول بوش کران تہ زبانہ پیٹھ مکمل
 عبور حاصل کران۔ امہ تلہ چھ یہ ثابت سپدان کہ نکس چھ گوڈ نیٹھے دماغس منز
 زبانہ ہند اکھ نقشہ موجود آسان۔

آفاتی گرامر کہ وجود ک ثبوت چھ امہ کتھ ستری تہ ثابت سپدان یمہ
 ساتھ زن اُسی یتھ کتھ سام ہیمو کہ زبانہ ہند علم کتھ کنی چھ حاصل سپدان۔ دُنیا

ہلکین مختلف تہذیبین ہندو بچہ چھاکر ہے طریقہ منہ زبان ہچھان تہ زبان ہچھنکو مختلف درجہ (Steps of language Acquisition) چھ عالمہ کین سارنی بچن منہ کنی آسان۔ دُنیا ہکو ساری بچہ چھ بلامحت، گنہ سختی ورای زبان آسانی سان ہچھان۔ دُنیا ہلکین سارنہ بچن چھ زبان ہچھنہ حیطر، اکوے ضرورت آسان کہ تم گڑھن سوزبان پانس اندر پکھر بوزنی۔ یتھ کنی وچھ اسہ کہ زبانہ ہچھ نچ عمل چھ درُست عالمس منہ کنی تہ امی ستر چھ آفاتی گرامر آسنگ اکھ ٹھوس ثبوت پیش کرنہ یوان۔

1.2.3 زبانہ ہند علم کتھ کنی چھ استعمال سپدان؟

چومسکی سند مطابق چھ آفاتی گرامرک تعلق زبانہ ہندس علمس ستر نہ کہ زبانہ ہندس استعمالس ستر۔ زبانہ ہند علم کتھ کنی چھ استعمال سپدان چھ نہ آفاتی گرامرس ستر وابستہ بلکہ چھ امیک تعلق سپد سیو دزبانہ ہندس استعمالس (use of language) ستر۔ زبانہ ہندس استعمالس منہ چھ واریاہ چیز وچھنہ یوان، مثالہ پائٹھ کتھ علاقس منہ کوہہ زبان چھ بولنہ یوان، تہ کمہ قسمکی لوکھ چھ بولان اتھ زبانہ۔ امہ موجب چھ ونہ یوان کہ زبانہ ہند علم چھ زبانہ ہند استعمال نشہ کافی الگ آسان۔ زبانہ ہندس استعمالس منہ چھ نہ صرف زبانہ ہند علم یوان، بلکہ چھ اتھ منہ مختلف غیر زبانی چیز تہ شامل سپدان۔

یوت تام زن چومسکی سند سوال چھ، تم تھو وپن تحقیق صرف گوڈنکین دون سوالنہ تامتھ محدود، یعنی زبانہ ہند علم بناوٹ کیاہ چھ تہ زبانہ ہند علم کتھ کنی چھ حاصل سپدان۔ چومسکین کو رنہ زبانہ ہند استعمال پننس تحقیقس منہ شامل یس زن پتہ واریاہوزبانی ماہروا کس الگ نظریس منہ پیش کو ریمن منہ ڈیل ہیمسز

(Dell Hynes) تہ میک ہیلی ڈیے (Mack Halliday) قابل ذکر چھ۔

1.3 آفاقی گرامر کو اجزا یا حصہ

یتھ کنزرن بروہی ذکر کرنے آو کہ آفاقی گرامرس منز چھ بنیادی دون قسمیں ہندو اجزا آسان: اکھ گوو پرنسپلز (principles) تہ دویم گئے پیرامیٹرز (parameters)۔

1.3.1 پرنسپلز (principles):


زبانہ ہنز بناوٹ چھ اکس پابند نظامس پیٹھ مشتمل آسان یمہ وجہ زبان ہیچھ نس منز اکس نکس واریاہ سہولیت چھے یوان زبانہ ہند یہ پابند نظام چھ تیلی ممکن ییلہ زن زبانہ ہندس نظامس منز پرنسپل لبنہ ین۔ پرنسپل چھ دنیاچہ پر یتھ گنہ زبانہ منز لبنہ یوان۔

آفاقی گرامرس منز گس چیز گوو پرنسپل، یہ کتھ سمجھنہ حیطر ہیکو اسی آفاقی گرامر کہ اکھ پر سچ مثال دتھ یتھ زن سٹرکچر ڈینڈنسی پرنسپل (Structure Dependency principle, SDP) وننہ چھ یوان۔

SDP پرنسپل ہیکون اسی واضح لفظن منز یتھ کنز سمجھنہ کہ دنیاچن سارنے زبانن ہندین جملن منز یم الفاظ موجود چھ آسان تمن الفاظن چھ اکس اکھ ستر رشتہ آسان۔ یہ رشتہ یس زن اکھ جملہ کین الفاظن پانہ وئی چھ آسان چھ نہ سارنے لفظن منز ہوئے تہ یکسان آسان۔ اکس جملس منز چھ کینہہ الفاظ تہ آسان یمن زن پانہ وان اکس اکھ ستر زیادہ قریبی رشتہ چھ آسان تہ یم لفظ چھ اکس اکھ پیٹھ زیادہ منحصر آسان بنسبت امہ جملہ کین باقی لفظن۔ مثالہ پاتھر نمو اسی کاثر زبانہ ہند یہ جملہ:


ہے زیوٹھ لڑکہ چھ میون دوست۔

اتھ جملس منز چھ ”ہے“، ”زیوٹھ“، ”لڑکہ“، یمن ترین الفاظن چھ اُکس اکھ ستر زیاد قریبی رشتہ۔ تھے پاٹھی چھ ”چھ“، ”میون“، ”دوست“ یمن ترین الفاظن تہ چھ اُکس اکھ ستر زیاد قریبی رشتہ۔ تھ کنز چھ گوڈ نکو ترے الفاظ تہ پتم ترے الفاظ اُکس اکھ پیٹھ زیاد منحصر۔ تہ اکھ جملہ کین سار نے الفاظن چھنہ ہشی رشتہ داری آسان۔ اتھ پرنسپلس آوناودنہ SDP، تہ یہ پرنسپل چھ دُنیاہچن سار نے زبانن منز لبنہ یوان۔ SDP ہیکو اُکس اکھ شکلہ یاٹری ڈیاگرام (Tree Diagram, TD) ستر تہ ہاوتھ:



اسہ وچھ کہ ہیری مس جملس چھ حصہ: اکھ: ”ہے زیوٹھ لڑکہ“، تہ بیا اکھ ”چھ میون دوست“۔ یمن جُزن چھ پھرین (Phrases) وننہ یوان۔ ”ہے زیوٹھ لڑکہ“ منز چھو ساروی کھوتہ ضروری لفظ: ”لڑکہ“ یوس زن اکھ نوون (Noun) چھ۔

امی موکہ چھ اتھ پھریز نوں پھریز ونہ یوان (Noun Phrase, N.P) یتھی کز
 چھ ”چھومیون دوست“ پھریز منز ساروی کھوتہ ضروری لفظ ”چھ“ یس زن اکھ
 ورب (Verb) چھ تہ اتھ پھریز چھ ورب پھریز (Verb phrass VP) ونہ یوان۔
 اتھ ورب پھریز (VP) ہیکو اسی ز حصہ کرتھ: اکھ گو ”چھ“ یس زن اکھ ورب
 چھ تہ بیا کھ گو: ”میون دوست“ یس زن بذات خود اکھ نوں پھریز (NP) چھ۔
 یتھ کز و چھ اسہ کہ اکس جملس منز چھ واریاہ درجہ آسان۔ کینہہ لفظ چھ سرس
 آسان تہ کینہہ لفظ چھ بونی مین درجن پیٹھ آسان۔ یتہ وچھ اسہ کہ پر یتھ پھریز
 (Phrase) منز چھ اکھ ضروری لفظ آسان یتھ لفظس خانہ دار یا ”Head“ چھ
 ونان اتھ ہیڈس (Head) پیٹھ چھ اکس پھریز ناودنہ یوان۔ اگر اسہ کاشر کی پیہ
 کینہہ جملہ وچھو اسی وچھو کہ یہ جملج شکل چھ پر یتھ جایہ لبنہ یوان۔



اسی ہیکو ونتھ کہ کاشر یک جملہ چھ اکس خاص نظامس یا اکس خاص شکلہ منز
 لبنہ یوان یعنی NP-V-NP تہ کاشر ز بانہ ہنز شکل چھ اتھ خاص نظامس پیٹھ پکان

(یہ مضمونس منز چھ واریہ چیز موضع مطابق تراونہ آمتی یم زن کاشر زبانہ ہندس ساختس ستر وابستہ چھ)۔ یتھے پاٹھ کر چھے باقی زبانہ تہ پٹنس پٹنس نظامس ماتحت۔ یہ زبانن ہنز ساخت یا شکل چھے زبانن ہند علمک اکھ بوڈ بار حصہ۔ سستی چھ یہ زبانن ہنز ساخت آفاقی گرامرک (UG) تہ اکھ بوڈ بار حصہ۔ SDP پرنسپل ہیکون اسی اکہ بیہ زبانی عملہ ذریعہ ثابت کرتھ، یتھ عملہ زن پھیرن یا مومنٹ (Movement) وننہ یوان چھو: مومنٹ چھ زبانن منز س عمل یمہ کہ ذریعہ اکہ جملکو الفاظ اکہ جایہ پٹھ پٹس جایہ پھیرنہ یا منتقل کرنہ چھ یوان۔ چاہے یہ مومنٹ سوال بناونہ حیطر گڑھ یا بدل گنہ زبانی عملہ موجب گڑھ۔ مثالہ پاٹھ کر:

سوال بناون مومنٹ

رضین لوے سلیمس ----- ← رضین لوے کمس ---- ← کمس لوے رضین
یم ز پرنسپل یعنی SDP تہ مومنٹ پرنسپل رلا وک نو سنن تہ بیہ کوکن (Cook & Neuson) تہ تمو وون کہ اسی ہیکو SDP پرنسپل ا کس آفاقی پرنسپل چہ شکلہ منز پیش کرتھ یمہ ساتھ الفاظ ا کس جملس منز مومنٹ کہ ذریعہ پھیرنہ ین، تمہ ساتھ چھ یمہ کتھ ہوند خیال یوان تھونہ کہ یہ الفاظ یس زن پھیرنہ یہ تہ چھ بیہ کنہ لفظس ستر زیادہ قریبی رشتہ تھوان یعنی زبانن منز یمہ ساتھ تہ مومنٹ گڑھان چھ SDP پرنسپلک خیال چھ ہمیشہ تھونہ یوان۔

1.3.2 پیرامیٹرس (Parameters):

یتھ کن زن گوڈنتھ وننہ آو کہ زبانن منز زن یمہ کینہہ فرق لبنہ یوان چھ تم چھ پیرامیٹرس آسنک وجہ ستر آسان۔ آفاقی گرامرس منز چھ پیرامیٹرسن اجزاہن ون یم زن اکہ زبانہ پیٹھ پٹس زبانہ منز مختلف چھ آسان، مگرامہ فرقہ ہند چھ

اکھ حد آسان۔ یعنی یم پیرامیٹر چھ اکس قونولس یا حدس منزاً کس اکھ نشہ مختلف آسان۔ مثالیہ پاٹھی نمو اسی آفاقی گرامرک اکھ پیرامیٹر یتھ زن ہیڈ پیرامیٹر (Head Parameter) ونہ چھ یوان۔ یتھ کنز زن اسہ بروہے وچھ کہ اکس پھریز منز چھ اکھ لفظ زیاد ضروری آسان، یتھ لفظس ہیڈ (Head) یوان چھ ونہ تہ پھریز ہندس بنیس حصس کمپلمنٹ (Complement) ونہ چھ یوان۔ ہیڈ پیرامیٹر ہیکہ زبانن منز دو یو طریقو موجود آستھ، یتھ زن ہیڈ فیسٹ (Head fast) یا ہیڈ لاسٹ (Head last) طریقہ ونان چھ، تمہ زبانہ یمن منز ہیڈ کمپلمنٹ کھوتہ بروہہ ییہ، تمن چھ ونان ہیڈ فرسٹ زبانہ، تہ یمن منز کمپلمنٹ گوڈ ییہ تمن چھ ونان ہیڈ لاسٹ زبان:

ہیڈ ----- کمپلیمنٹ (ہیڈ فرسٹ زبانہ)

کمپلیمنٹ ----- ہیڈ (ہیڈ لاسٹ زبانہ)

چومسکی چھ ونان کہ نکس چھ زینہ وزی دماغس منز پرنسپلن ستری پیرامیٹر تہ موجود آسان نکس چھ SDP پرنسپل دماغس منز آسان۔ ستری چھ تمس ہیڈ پیرامیٹر تہ پتہ آسان۔ یتھ سہ زبان چھ بوزان، تمس چھ پتہ لگان کہ مین زبان چھ ہیڈ فرسٹ کنہ ہیڈ لاسٹ۔ یتھ کنز چھ پیرامیٹر اکس محدود دایرس منز گندتھ آسان تہ چھ آفاقی گرامرک اکھ ضروری جز بناوان۔۔ ٹھیک یتھ کنز زن پرنسپل آفاقی گرامرک اکھ ضروری حصہ چھ۔

چومسکی ین وُن مزید کہ اکس حدس منز چھ زبانہ ہند علم حاصل کرن سوچ (Switch) یلہ تراونچ ہش مثال۔ یتھ زن اکھ بچہ پنز زبان چھ بوزان۔ تمس چھ پتہ لگان کہ مہ کتھ اندس کن چھو سوچ پھیرن پیرامیٹر چھو سوچیک پیٹھ ہیوریا

یون تھوون پیوان تہ یہ ہور یون چھو زبانہ مطابق کرنہ یوان۔
 آفاتی گرامر چھو از کل زبانن ہند علمک اکھ اہم حصہ بنیومت تہ دودھ کھوتہ دودھ
 چھ آفاتی گرامر ہچھ پنچ مذید کوششہ کرنہ یوان۔ چو مسکین وون کہ آفاتی گرامر
 چھ اکھ باقاعدہ نظام یتھ منز زن واریاہ اصل، واریاہ حساب لبنہ یوان چھ تہ یہ
 آفاتی گرامر چھ پریتھ زبانہ منز لبنہ یوان۔ سستی چھ یہ آفاتی گرامر انسانی زبانہ
 ہوندر قدر و قیمتس تہ اہمیت بڑاوان۔

کتاب نامہ

- 1 چومسکی، این (1976)۔ ریفلکشنز آن لنگوتج ٹیمپل سوتھ: لندن
- 2 چومسکی، این (1981)۔ لیکچرس آن گورنمنٹ اینڈ باسنڈنگ فور لیس:
ڈوڈریک۔
- 3 چومسکی، این (1988)۔ لنگوتج اینڈ پروبلیمز آف نوائج: دی میڈیو لیکچرس۔ ایم۔
آئے۔ ٹی۔ پریس: کیمبرج
- 4 گوک، وی (1997)۔ انسائڈ لنگوتج۔ ایڈوارڈارنائڈ: لندن
- 5 گوک، وی اینڈ نیوسن، ایم (1996)۔ چومسکینریو نیورسل گرامر: این انٹروڈکشن

کشمیر شبد امر تم

تہ امیک نفس موضوع

ستنیہ بھامارا زدان

”کشمیر شبد امر تم“ چھ کاشتر زبانہ ہند گوڈنیک گرامر، تیج تخلیق پنڈت ایشور کولن وکرم سموت 1913 یعنی سنہ عیسوی 1856ء منز کر مر چھ۔ یہ کتاب چھ سنسکرت زبانہ منز لیکھنہ آمڑ تہ تخلیق کارن چھ پٹن گتھ ہنز باوتھ پانی سنز اشٹادھیانی ہندس طرزس پیٹھ سوترن منز کر مر۔ نوں بابن پیٹھ مشتمل اتھ گرامرس منز چھ سوترن ہند کل تعداد 780 تہ امیک کینہہ باب چھ دون، ترین یا ژون حسن منز تہ تقسیم کرنہ آمت۔ بابہ خاطر چھ پڑ کرن یا پڑ گز یا لفظ ورتا ونہ آمت۔

کشمیر شبد امر تم کتابہ ہند آغاز چھ ایشور کولن کاشتر زبانہ ہند سین حرفن ہند فہرست ستر کو رمت۔ امہ فہرست مطابق چھ کاشتر زبانہ ہند حرف چھ یتھ پٹھ۔

ا۔ آ۔ ای۔ اُ۔ او۔ ری۔ لڑ۔ لری۔ اے۔ آپی۔ او۔ آو۔ ا۔ ا۔
ا۔ ک۔ کھ۔ گ۔ ن۔ ج۔ چھ۔ ج۔ ٹ۔ ٹھ۔ ڈ۔ ت۔ تھ۔ د۔ ن۔ پ۔ پھ۔
ب۔ بھ۔ م۔ ے۔ ر۔ ل۔ و۔ ش۔ ش۔ س۔ ہ۔ کش 1

اما پوزا تھ فہرستس منز چھ ایشور کولن کینہہ حرف تہہ وئی متری یم زن نہ کاشتر ز بانہ منز ورتا ونہ چھ یوان تہ نہ چھ ا تھ کتاب منز مثالہ رنگر گنہ جایہ در پنٹھ گرتھان۔
مثلاً۔ ری۔۔۔ لڑ۔ لڑی۔ آئی۔ اہ۔ بھ۔ ش۔ کش۔

امہ علاو چھے امہ فہرست ستری یہ کتھ تہ واضح گرتھان ز ایشور کول اوس نہ اصواتن ہندس تعمیر تہ قسیمس ستری پور پٹھری زانی یاب سے وجہ چھ ز تمو چھنہ ا تھ فہرستس منز ا۔ ا۔ ا۔ ا۔ ا۔ ا۔ او۔ او۔ آوازن ہند کاٹھہ تہ ذکر کور مت تہ یمن آوازن چھ بعضے ا۔ آ۔ ہش برابر مانان تہ بعضے چھ۔ ا۔ او۔ حرفو ستری ظاہر کران۔ ا تھ ہیکن ز وجہ ا ستھ۔ اکھ وجہ گویتھ پٹھری زن مے عرض کور، ایشور کول چھ یمن آوازن۔ ا۔ آ۔ یا۔ او۔ ہکی variant یا مختلف قسم مانان تہ یہ چھنہ صحیح کینہہ۔ دویم وجہ ہیکہ پتہ ا ستھ ز کشمیر شبد امز تم چھ چونکہ دیونا گری رسم خطس منز لیکھنہ آمت، بنان چھ ز امہ کس مسودس منز ما آسن تمویم آواز بیون زانہہ بابت فرق ہاون واکر نشان یعنی diacritical-marks ورتا وک متری یم زن تمہ ساتہ چھپاپہ منز دستیاب آسہن نہ تہ او کئی چھنہ شبد امز تم کس موجودا شاعتس منز در پنٹھ گرتھان۔ یونام زن اصواتن ہند تقسیمک تعلق چھ۔ ا تھ ضمنس منز تہ چھ ہنا گرتھ بڑے باسان۔ تہ زن گواگر سوترس منز ذکر چھ آسان لفظ کس اندس پنٹھ ینہ واجنہ آواز ہند۔ اما مثالہ منز چھ سو آواز لفظس منز باگ آسان مثلاً اکھ سوتر چھ ”اودنتانام پنسی“² یمک معنی چھ ز یمن لفظن پتہ کنہ او آواز

آسہ تم گرتھن مذکر زائری۔ مثالہ پٹھری چھ تمو اں لفظ دیستمت وونی وچھتو ا تھ لفظس منز چھنہ گوڈ او آواز کئی در پنٹھ گرتھان۔ وونی اگر مانوز تہند مقصد آسہ آواز ستری تہ سہ تہ چھ لفظس منز کنہ نہ کہ پتہ کنہ۔

کشمیر شبد امر تم کہ گوڈ نکہ بابک عنوان چھ ”سندھی پڑ کرن“ سندھی چھ سنسکرت زبانی ہند لفظ یمیک لفظی معنی جوڑ یا ملون چھ تہ یمیک گوڈنیک لسانیاتی استعمال تہ سنسکرت زبانہ ہندیو ماہروے کوڑمت چھ۔ لسانیاتس منز چھ سندھی تمن حرفی تبدیلیں ہند ناویم زن دون لفظن پانہ وانی رلنہ کنی یا اصل لفظس ستر تصریفی پوت لوگ رلنہ ستر ووتلان چھ۔ یتھ پاتھر چھ پنڈت ایشور کولن کاہن سوترن پیٹھ مشتمل اتھ بابس منز کاثر زبانہ منز سندھی ہندیش تمن قاعدن کن اشار کوڑمت یم زن لفظن ہنز تصریفی عملہ کنی ووتلان چھ۔ امہ بابک گوڈنیک سوتر چھ ”سندھی سدھی پدش“³ تہ ستی چھ دویم سوتر ”ن واکیش“⁴ یمن دوشونی سوترن ہند مد اچھ ز سندھی چھ پدن منز ممکن نہ کہ

جملن منز۔ مثلاً:

تا پک⁵ = تا پھ + genitive واحد ”اک“

دویم سوتر چ مثال چھ ”تم آہ“ اتھ منز چھ ز پد یمن زن پانہ وانی سندھی امہ کنی ممکن چھنہ تکیا ز یم چھنہ مول لفظ بلکہ چھ تصریفی عملہ ہندی نتیجہ یعنی تم ... سہ + جمع پوت لوگ، آہ ... یہ فعل + ماضی ہاون وول پوتلوگ۔

سندھی ستر کم حرفی تبدیلی چھ ووتلان اتھ متعلق چھ پنڈت ایشور کول ونان ز ”اسورنہ اکار سے لوپہ“⁶ یعنی بیون بیون ذان زن ہندی حرف علت سیو دینہ

کنی چھ گوڈ نکہ لفظک پتیم اراوان۔ مثلاً ڈیکہ * + اک = ڈیکگ، گاٹہ + ال = گاٹل۔ بیا کھ اکھ سوتر چھ ”اکارے + اکار لوپہ“⁷ یعنی اہس سیو داینہ ستر چھ

گوڈ نیکہ لفظک پتیم ا راوان مثلاً گر + ان = گرن۔ اما پوز لسانیاتی نظریہ کنی کتھ
 حدس تام چھ تم قاعدہ صحیح یا غلط سہ چھ بیا کھ اکھ موضوع یتھ پٹھ تحقیق کرنک
 ضرورت چھ تکیا ز یمن دون سوترن ہند مے وئی ذکر کور تمن دوشو نی چھنہ
 مثالن ستر کانہہ میل باسان یوہے حال چھ باقی کہن سوترن ہند تہ۔ تہ زن گو
 سوتر چھ کیا ہتام ونان تہ وژمڑ مثالہ چھ بدلے کیا ہتام ہاوان۔ مثلاً سوتر چھ۔
 ”سورہ سور نے دیر گھ پر لو پاؤ“⁸ یعنی ا کی ذ ا ژ ہند ز حرفی علت سید سیو دیہ کنی

چھ گوڈ نیک زھوٹ حرف علت ز تھس منز تبدیل گڑھان تہ بروٹھ کنکہ حرف
 علت چھ راوان مثالہ رنکو چھ ایشور کولن یم لفظ دتی متری۔ اچھ + اٹ =
 ’اچھپٹ‘۔ کران چھیا = چھے + آ = چھیا اکھ سوتر چھ ”اکار اکاراے“ تہ اٹھر

ہو بیا کھ اکھ سوتر چھ ”اکاراؤ“¹⁰ یمن دون سوترن ہند معنی چھ ا آواز سید سیو د

ا آواز ینہ ستر چھ اے آواز ووتلان تہ ا آواز ینہ ستر چھ او آواز بنان۔ اما
 پوز یم دوشوے سوتر چھ پاننی سند ”آوگنہ“¹¹ سوتر ک نقل باسان تکیا ز یم لفظ

مثالہ پاٹھر ایشور کولن دتی متری چھ تم چھنہ سوتر مطابق صحیح باسان۔ مثلاً: چے +
 ان = چین۔ چے + اون = چون، کھے + ان = کھین،

کھے + ان = کھون۔ یمو مثالو کنی چھ باسان ز ایشور کولن چھنہ لفظن ہنز
 ساخت مد نظر تھاوتھ سندھی ہند ک قاعدہ قائم کرک متری بلکہ چھن پاننی سندھین
 قاعدن ہند ک بند کجہ مد نظر تھاوتھ تہی انداز کاثر ک لفظ گر پنچ گوشش کر مڑ۔

* اکار سے لوپہ بدل گوڑھا اکار سے لوپہ آسن۔

+ اکار لوپہ بدلہ گوڑھا اکار لوپہ آسن۔

دویمہ بابک عنوان چھ لنگ پڑ کرن۔ اتھ منز چھ اسم تہ ضمیر چ تصریفی عمل
یعنی Inflexional process ویشہناونہ آمڑ۔ یہ باب چھ ترین حصن منز تقسیم۔
گوڈ نیکہ حصک عنوان چھ لنگ یاد۔ اتھ منز چھ 79 سوتر یمن منز زن مذ کرتہ
مونث لفظن ہنز فاعل، مفعول، (nomintive, accusative, instrumental, dative,
ablative, genitive, locative) ہنز نجوی علامتن ہند ذکر چھ مثلاً فاعل یعنی
nominative کیسک ذکر کران چھ ایشور کول ونان:
”اکارانتانام پڑتھ مالیک بہتوے لنگوت“¹²

یعنی یمن لفظن پتہ کرا آواز آسہ تم مذکر یا مونث لفظ چھ nominative کیسک
منز واحد تہ جمع دوشوئی صورتن منز پنہ مولہ شکلہ منزے ورتا ونہ یوان۔ مثلاً۔
ڈیکہ۔ پیڑ۔ اما پوز یمن دوشوئی لفظن چھنے پتم آواز ابکہ چھ بالترتیب ایتہ۔ ا۔
امہ حسابہ چھ باسان ز سوتر گوڑھ آسن ”سورانتانام....“ بیتر یعنی یمن پتیم لفظ
ٹ، ٹھ یا ڈ چھ تم چھ جمع Plural اس منز بالترتیب ج، چھ یا ج حس منز تبدیل
گڑھان مثلاً پٹہ۔ پٹ۔ تچ۔ کاٹھ۔ کاچھ۔ بڈ۔ بچ۔ یتھے پاٹھی اگر پتیم حرف
ت۔ تھ۔ یاد چھ سہ چھ بالترتیب ژ۔ ژھ۔ یا ز بنان۔ مثلاً راتھ۔ راٹھ۔ گرند۔
گرند۔

”اورنانتانام اکارہ“¹⁴ یعنی یمن مذکر لفظن ا آواز ستر چھ تھند پتیم اچھ ابنان
مثلاً گر۔ گری¹⁵

یتھے پاٹھی چھ nominative کیسک ستر وابستہ واریاہ سوتر یھند ذکر کرن
یتین ممکن چھنہ۔

مفعول جمع یا Accusative plural اک ذکر کران چھ ایشور کول ونان ”ن پر

تھے سروتر“¹⁶ ”... ن پر تھے پر اکارا گوبھوت“¹⁷، یعنی accusative کیس منز چھ مذکر تہ مونس۔ سار نے لفظن ستر جمعس منز ن علا مثر بروٹھا آواز ہر ان مثلاً کٹھ۔ کٹن گور۔ کورین۔ اما پوز سیود پٹھکر ان علامت مانہ بجائے کم قاعدہ موجوب چھ ایشور کولن ن بروٹھ کڑا ہک ہر یر مومت امیک چھنہ شبد امر تس منز کانہہ ذکر۔ instrumental کیس متعلق چھ ایشور کول ونان۔ ”ہتا و ستے ننتو ستینا ووا“¹⁸۔ تہ ”ترتی یایام آو ستین پڑ تہ“¹⁹، یعنی وجہ یا ذریعہ ہاونہ باپتھ چھ آو ستین تصریفی علامت ورتاونہ یوان مثلاً اتھو ستین کھیون۔ شر اگو ستین مورن“²⁰ ساتھ یعنی accompaniment ہاونہ باپت چھ accusative کیس ستر ستین پوتلوگ ورتاونہ یوان ”سہار تھایام سناو“²¹ مثلاً مائلس ستین آو۔ باین ستین میول۔

ژور مس یا dative کیس متعلق چھ ایشور کول لیکھان ”چتر تھیام کیت کرہ انتا و پمستری کر مائے کتہ“²² امیک معنی چھ ز dative کیس چھ accusative فارس ستر مذکر تہ مونس معنیس منز بالترتیب کیت یا کرہ لفظ استعمال کرنے ستر بنان مثلاً مائلس کیت اون پونی۔ مائلس کرہ انن گاو۔ بیا کھ اکھ سوتر چھ، سامانی چتر تیتھام پڑھکر²³ یعنی dative ظاہر کرنے باپت چھ پڑھکر پوتلوگ تہ استعمال سپدان اما پوز پڑھکر استعمال کرنے وز چھ مول لفظس ستر ترسیم یا شیمیم یعنی instrumental یا genitive کیس تصریفی علامت ستر روزان، ”سمبندھ ششٹھی پڑ یوگ لنگات تر تپا پر یوگ لنگات وچتر تھیام پڑھکر پرتیہ سیات...“²⁴ مثلاً پوٹر پڑھکر آو۔ پوٹر ہند پڑھکر آو۔

تین چھ مے باسان زمول لفظ نہ چھ instrumental منز تہ نہ چھ ہندو
 genitive کیسک لائھہ بلکہ چھ الگ اکھا غار متصرف لفظ یس زن امہ علاو
 مشابہت ظاہر کرنے وقتہ تہ استعمال سپدان چھ مثلاً:
 لو، کڑ ہند کھوتہ چھ بوڈ عقلمند آسان۔

پانژم یعنی ablative کیسک ذکر کران چھ ایشور کول ونان، ”کھوت نش وا
 آپاے پنجمیام“ 25 یعنی ablative sense ظاہر کرنے بابت چھ کھوتہ تہ نش لفظ
 ورتا ونہ یوان مثلاً: کنہ کھوتہ چھ ترگر۔ اما پوزیو تام زن ablative کیسک
 تعلق چھ تیمیک مقصد زن کانسہ انسلس، چیزس یا جاپہ نشہ بیون گرہن ظاہر
 کرن چھ۔ مے چھنہ باسان ایشور کول ہنز وژہڑ یہ مثال چھ صحیح۔ اتین تہ
 چھ تموسنسکرت چن مثال نے ترجمہ کو رمت۔ دراصل چھ کاتھر زبانہ
 منز ablative sense ظاہر کرنے بابت نشہ تہ پیٹھ لفظ ورتا ونہ یوان مثلاً
 کلہ پیٹھ پیو ووس۔

بازر / گامہ / ژاٹہ ہالہ پیٹھ آو۔

مائلس نشہ دژا و بیون۔ بیتر۔

امیک ذکر تہ چھ ایشور کولن ہتھ سوترس منز کو رمت۔

”پنجمیامد اوتا و پیٹھانتا و نشانتا و اند راتا ووا“ 26

شیئ مس یعنی genitive کیسہ کس ذکرس منز چھ ایشور کولن سنسکرت کی قاعدہ پانہ
 ناوینچ کوشش گرہڑ تہ مثالو رنگو تہ چھ تمو پانتی ہندو نے جملن ترجمہ
 کو رمت۔ امیک تفصیل دیں چھنہ ممکن۔ genitive کیسک ذکر کران چھ
 ایشور کول زسوتر ونان۔

”پُپ زائن ایتو سمبندے ہ سے سہ سروت“²⁷

”ستری سمبندھاے کانے کتوے سناؤ ہندنتاویکوے“²⁸

گوڈ نیکہ سوترک مطلب چھ ز مذکرس ستر رشتہ ظاہر کرنے بابت چھ بدلہ س
ورتاؤنہ یوان مثلاً: ”ماکر سوند نچو سہز گور۔“ دویمہ سوترک مطلب چھ
موٹس ستر رشتہ ظاہر کرنے بابت چھ ”س“ بدلہ ”ہ“ ورتاؤنہ یوان۔ مثلاً: ماجہ
ہند نچو۔ ماجہ ہنز گور۔ بیہ اکہ سوتر ”اپراننام پمسو لکٹو پمسی“²⁹ مطابق چھ
بے جان چیزن ستر واحدہ جمہس منز بالترتیب ”اک“ تہ ”اکر“ علامت لگان
مثلاً: دانیک تو مل، کلکو و تھر بیتر۔ تھے پاٹھر چھ اتھ کیس متعلق بیہ تہ
وارپاہ سوتریہند تفصیل دیں ممکن چھنہ۔

ستیم یعنی locative کیس متعلق چھ ایشورکول ونان

”ادھ کرنے کیتھ انتاؤ“³⁰ تہ

”سپتھیام سناوند رمنز پیٹھ انتاؤ سوارتھ بھیدتہ“³¹

یعنی locative ظاہر کرنے بابت چھ اندر، منز، پیٹھ تہ کیتھ لفظن ہند استعمال
کرنہ یوان مثلاً: گرس اندر، ناومنز، گرس پیٹھ، تھالس کیتھ۔

دویم بابہ کہ دویمہ حصک عنوان چھ ”سمبدرھی پاڈ“ یعنی اتھ منز چھ آلو
دینہ کٹن یا بلاونہ کٹن طریقن ہند ذکر مثلاً: عزتہ پڑھ چھ مذکر ناوس برونہ
”ہے“ تہ ناوس پتہ ”جو“ لگاؤنہ یوان مثلاً: ہے ناران جو، ”انتے سا پریش“³²

یعنی پتہ کنہ چھ ”سا“ تہ یوان لگاؤنہ مثلاً: ”ہے ناران جو سا!“ ”ہتسا ہے
پو آو“³³ مثلاً: ”ہتسا ہے ناران جو سا!“ بیتر۔ اتھ حصس منز چھ کل³¹

سوتر۔

ترتیمہ حصک عنوان چھ ”سرو نام پاد۔“ 46 سوترن پیٹھ مشتمل اتھ حصس منز چھ ضمیر کین مختلف قسمن ہنز تصریفی عملہ ہند ذکر و پڑھناؤتھ کرنہ آمت۔ امہ علاوچھ اتھ حصس منز ہندس ستر استعمال سپدن والین پوت لگین ہندتہ ذکر۔ ترتیمہ بابک عنوان چھ ”سماس پڑکریا۔“ سماس چھ سنسکرت زبانہ ہند لفظ یمیک معنی زن مرکب چھ۔ یتھ پائٹھی چھ اتھ بابس منز کاشتر زبانہ ہندین مرکب الفاظن ہند ذکر۔ ایشور کول چھ کاشتر زبانہ ہند مرکب لفظ ژور قسمہ مانان:۔ گوڈ نیگ قسم چھ یتھ منز زن بیون بیون معنی واکر ز لفظ پانہ وائی رلتھ اکھ لفظ بناوان چھ۔ اتھ چھ دوندو سماس ناو۔ مثلاً: تا پھ گٹہ۔ دویم چھ کرمدھار رے سماس۔ اتھ چھ گوڈ نیگ حصہ عموماً صفت آسان مثلاً: موٹہ گر ستر آو۔ ترتیم قسمہ کس چھ ناو تپرش۔ اچ مثال چھ: راز پوتھر۔ ژوریم قسم چھ بہری ہی۔ تہ اچ مثال چھ: ہونی بٹھ۔ یتین ونہ بہ یہ کتھ ز ایشور کولن چھ سنسکرت کین مرکب لفظن ہندس طرزس پیٹھ کاشترین مرکب لفظن ہند ذکر کرینچ کوشش کرہن۔ اما پوز پورپاٹھی چھن نہ ہیکر متری و پڑھناؤتھ۔

ژوریمہ بابک عنوان چھ: ”تردھت پرکریا۔“ 193 سوترن پیٹھ مشتمل اتھ بابس منز چھ secondary derivatives یعنی تمس ثانوی علامتن ہند تفصیلی بیان یم زن اسم یا صفتس ستر رلتھ نوک لفظ بناونس منز مدد کران چھ۔ مثلاً: ”پوز اپز شبد ابھیام یوز“ 34 یعنی پوز تہ اپز لفظن ستر ”یوز“ رلاو نہ ستر چھ صفت بنان۔ یعنی پڑک یوز، اپز یوزر بیتر۔ بیا کھ سوتر چھ ”وشیشیا پٹا نامر“ 35 یعنی صفتس ستر ”ار“ جوڈ نہ ستر چھ اسم بنان مثلاً کرہن۔ کرہنیر، کوپ۔ کوپیر، نیول۔ نجر۔ یتھ

پاٹھر چھ 193 سوترن منز مول لفظو پیٹھ نوک لفظ بناونکین قاعدن پیٹھ تفصیل سان ذکر کرنہ آمت۔

پانژمس بابس چھ عنوان ”اویے پر کریا“۔ اویے چھ غار متصرف لفظن ونان۔ اما پوزیم مثالہ ایشور کولن وژ مڑ چھے تمّن چھنہ غار مت حرف لفظن ستر کانہہ واٹھ بابس۔ مثّلن سوتر چھ ”دھاتیہے آن اویے“³⁶ یعنی infinite verb اس ستر یس آن لگان چھ سہ چھ اویے مثلاً: ویٹھان آو۔ تھے پاٹھر چھ بیا کھ اکھ سوتر ”لنگا بھیکشنے چ“³⁷ یعنی صفت فعل یس زن دوہرا ونہ بی مثلاً: گوب گوب چھ پکان۔ اتھ بابس منز چھ کل پانژھ سوتر۔

شیمہ بابک عنوان چھ ”ستری پر تے پر کرن“۔ 31 سوترن پیٹھ مشتمل اتھ بابس منز چھ ایشور کولن تمّن پوت لکین ہند ذکر کو رمت یم زن مذکر لفظن ستر رلا ونہ ستر مونث لفظ بناونس منز مدکران چھ۔ مثلاً اکھ سوتر چھ: ”منٹھے جاتیہ سروتر بایے“³⁸ یعنی گنہ ذاکر یا کانسہ پیش ورسنز زنانہ معنی ظاہر کرنہ باپت تھ ذاکر یا پیشہ کس ناوس ستر ”بایے“ پوتلوگ رلا ونہ ستر چھ تمہ ذاکر یا پیشہ ور سہنز زنانہ معنی ظاہر گزھان مثلاً: کولہ بایے، در بایے، سونرک بایے، دوہر بایے، کھار بایے۔ بیتر۔

اکھ سوتر چھ ”لانتانام جہ“³⁹ یعنی مذکر لفظک پتیم حرف اگر ”ل“ چھ سہ چھ مونث بناونہ باپت ”ج“ حرفس منز بدلان مثلاً: گرال۔ کرا ج۔ گاٹل۔ گانج۔ تھے پاٹھر چھ بیا کھ اکھ سوتر“ کور گانتانام چورگہ“⁴⁰ یعنی مذکر لفظس اگر پتیم حرف ک، کھ یا گ چھ سہ چھ بالترتیب چ، چھ یا ج بنان۔ مثلاً: ژ

وک۔ ژوچ، ہوکھ، ہوچھ۔ دروگ۔ دروچ۔

سُتمہ بابک عنوان چھ ”آکھیات پرکریا“۔ آکھیاتک مطلب چھ فعل۔
 اتھ منز چھ کاشتر زبانہ منز ورتا ونہ پنہ والین verb root اَن ہند اکھ فہرست دنہ
 آمت۔ امہ مطابق چھ کاشتر زبانہ منز کل نوشتھ تہ شتوہ verb root یمن منز زن
 فعل لازم تہ فعل متعدی، دو نوے شامل چھ۔

اٹھمہ بابک عنوان تہ چھ ”آکھیات پرکریا“ تہ یہ چھ ژون حسن منز
 تقسیم۔ گوڈ نکہ حصک عنوان چھ ”ورتمان پاڈ“۔ اتھ منز چھ 59 سوتر یمن منز
 زن زمانے حال ظاہر کرنہ بابت استعمال سپدن والین تصریفی علامتن ہند ذکر
 چھ۔ مثلاً ”ورتمانایام چھ۔ چھ۔ چھکھ۔ چھو۔ چھس۔ چھ پکسی۔ چھیہ،
 چھیہ، چھکھ۔ چھو۔ چھس۔ چھیہ ستری یام“⁴¹ یعنی زمانہ حال ہاونہ بابت چھ
 مذکر ستر چھ۔ چھ۔ چھکھ۔ چھو۔ چھس۔ چھ۔ تہ مونشس ستر چھیہ، چھیہ،
 چھکھ، چھو۔ چھس۔ چھیہ ورتا ونہ یوان۔

دویمہ حصک عنوان چھ ”بھوشیت پاڈ“۔ اتھ منز چھ 35 سوتر یمن منز زن
 مانہ مستقبل ظاہر کرنہ بابت مختلف تصریفی علامتن ہند ذکر چھ۔ تھتھے پاٹھی چھ
 امہ بابک ترتیم حصہ زمانہ ماضی بابت استعمال سپدن والین تصریفی علامتن
 گن اشار کران اتھ منز چھ کل 97 سوتر۔

امہ بابہ کہ ژوریمہ حصک عنوان چھ ”ہے ت پاڈ“۔ یعنی 34 سوترن پیٹھ
 مشتمل اتھ حصس منز چھ علت فاعلیہک ذکر۔ علت فاعلی یعنی بیلہ زن فاعل
 پانہ کام نہ کرتھ بیس اتھ کام کرنا وان چھ۔ ایشور کول چھ ونان ”ہے تاودھا تور
 آو“⁴² یعنی علت ظاہر کرنہ بابت چھ verb root اَس ستر ”آو“ رلا ونہ یوان مثلاً

پرناوان چھ۔ یتھ پٹھ کر چھ سوترس منز ”آؤ“ پوتلوگ وننہ آمت۔ اماپوز
مثال چھ ناو ہاوان۔

کشمیرشبد امز تم کہ نومہ تہ آخری بابک عنوان چھ ”کر دنت پر کریا“۔ یہ
باب تہ چھ دون حصن پیٹھ مشتمل۔ گوڈ نکہ حصک عنوان چھ ”کر تکر یا پاؤ“۔
اتھ منز چھ کل 51 سوتر یمن منز زن participial verb اک ذکر چھ۔ دویمہ
حصک عنوان چھ ”بھاو پاؤ“۔ اتھ منز چھ 92 سوتر یمن منز زن تمن علامتن
ہند ذکر چھ یم فعل یعنی ورب روٹس ستر رلا ونہ ستر اسم یا صفت لفظ بنان چھ۔

یتھ پٹھ کر چھ ایشور کولن اتھ گرامرس منز کا شریز بانی ہندس پر تھ گنہ پہلو ہس پیٹھ،
سوائے جملن ہنز ساخت، کتھ کرہ۔ اماپوز اتھ پیٹھ چھ برونہ گن تحقیق
کر نک ضرورت۔

حوالہ تہ حاشیہ

1. a, a, i, i, u, u, R, R, lR, lR, e, ai, o, au, am, ah, k, kh, g.

Kashmir sabdam Rtam, c, ch, j, th, d, t, th, d, n, p, ph, b, bh, m, y, r, l, v, s, s, s, h, ks.

Kashmir sabdam Rtam-p.3

2. udantanam pumsi- Kashmir sabdam Rtam-2-1-2

3. sandhi siddhi padesu- Kashmir sabdam Rtam-1-1

4. na vakyesu- Kashmir sabdam Rtam-1-2

5. Morphological structure of a word is called pada.

6. asavarna akarasya lopah- Kashmir sabdam Rtam -1-4

7. akare akara lopah- Kashmir sabdam Rtam -1-5 (k)

8. svarah savarne dirgha paratopau- Kashmir sabdam Rtam-1-5

9. *akara ikara e - KashmirsabdamRtam -1-6*
10. *uka:ra o- KashmirsabdamRtam- 1-7*
11. *ad gunah e.g, rama + iccha = rameccha; rama: + isa= ramesa; gahga + udakam=gahgodakam*
12. *akarantanam prathmaika bahutve- KashmirsabdamRtam-2-1-11*
13. *udant tavargasya cavargah prathama bahutvadis-*
KashmirsabdamRtam- 2-1-22
14. *uvarnantanamikarah- KashmirsabdamRtam-2-1-30*
15. *Ibid- I feel that it is an example of palatalization.*
16. *na pratyaye sarvatra- KashmirsabdamRtam -2-1-12*
17. *Ibid.*
18. *Hetau sutinnanto sutyantau va- KashmirsabdamRtam -2-1-59*
19. *TRtiyayam au sutin pratyayah- KashmirsabdamRtam-2-1-34*
20. *Ibid-2-1-59*
21. *saharthayam snau- KashmirsabdamRtam-2-21-60*
22. *caturthyam kyut kitsantau pumstri karmaikatah-*
KashmirsabdamRtam-2-1-54
23. *samanya caturthyam putshya- KashmirsabdamRtam-2-1-63*
24. *sambandh sasthi prayogalihgat tRtiya prayogalihgadva caturthyam*
putshya pratyayyah syat- KashmirsabdamRtam-p.39
25. *khotu nis va apaya pancamyam- KashmirsabdamRtam-2-1-62*
26. *pancamyamida tau pyathantau nisantau andratau va-*
KashmirsabdamRtam-2-1-65
27. *pum pranin ekatva sambandhe hasya sah sarvatra-*
KashmirsabdamRtam-2-1-46
28. *stri sambandhaikanekatve snau hundantavekatve- KashmirsabdamRtam*

2-1-42

29. *apranina pumsokukyau pumsi- KashmirsabdamRtam -2-1-48*30. *adhikarne kyatha antau- KashmirsabdamRtam-2-1-53*31. *saptamyam snavandarmanzpyathantau svartha bhedatah- KashmirsabdamRtam-2-1-52*32. *ante sa pratyayasca- KashmirsabdamRtam-2-2-3*33. *hataasahe purvam va- KashmirsabdamRtam-2-2-4*34. *poz apuz sabdabhyam yor- KashmirsabdamRtam-4-22*35. *visesyayattanamar- KashmirsabdamRtam-4-41*36. *dhatubhya anavyaye- KashmirsabdamRtam-5-2*37. *lihgabhiksnyen ca- KashmirsabdamRtam-5-5*38. *manusya jateh sarvatra bay- KashmirsabdamRtam-6-2*39. *lantanam jah- KashmirsabdamRtam-5-52*40. *kavargantanam cavargadesah kramat- KashmirsabdamRtam-5-47*41. *Ibid-8-1-11; 8-1-12*42. *hetau dhatorav- KashmirsabdamRtam-8-4-2*

اسلوب ته اسلوبیات

شیخ اعجاز

اسلوبیات (Stylistics) چھ لسانیاتچ سو شاخ میمہ ستر ادبی زبانہ ته ادب پاران ہنز ویتھنے لسانیات چہ روشنی منز کرنے چھے یوان۔ بین لفظن منز و نوز لسانی طریقہ کارن ته اصولن ہندس ادبس ته ادبی زبانہ ہندس مطالعس ته تجزیس منز استعمال کرنے پنس چھ اسلوبیات و نان۔

اسلوبیاتس چھ لسانیاتس ستر سیٹھاہ قریبی رشتہ تکیاز (سو) زبان یوسہ لسانیات خاطر مواد (Subject Matter) فراہم چھ کران سوے زبان چھ ادبہ خاطر ته باؤڑ ہندس سامان مہیا کران۔ اسلوبیاتس منز چھ لسانی نظریں، اصولن ته طریقہ کارن ہند اطلاق (Application) ادبی زبانہ ہنز ویتھنیہ منز سپدان، او موجب چھ یہ اطلاقی لسانیات کس دایرس منز تھاوہ یوان۔ اطلاقی لسانیات چھ لسانیاتچ سو شاخ۔ تتھ منز لسانی طریقہ کار ته اصول پیہ گنہ موضوعس یا دایرس پیٹھ لاگو کرنے چھ یوان۔ خاصکرتھ چھ اسلوبیاتس منز لسانی نظریں ته اصولن ہند پور پور استعمال سپدان۔ لسانیاتس منز یم ته نوئی نظریہ وقتہ وقتہ بارسس آیہ تہند آو ادبی زبانہ ہندس تجزیس منز ته استعمال کرنے۔

اسلوبیاتس منز چھ اسلوب بد کڈنس بُنیادی ثبیت حاصل۔ اَوے چھ
 اسلوبیاتس اسلوبک مطالعہ (Study Of Style) تہ و نان۔ عمومی طور ہیکو کا نہہ
 کام کرنے کس طرزس یا طریقہ کارس اسلوب (Style) و انتھہ۔ مثلاً نژانگ
 اسلوب، گئوئنگ اسلوب بیتر۔ اسلوبیاتس منز چھ اسلوب ادبی زبانہ ہند تعلقہ
 بیان یوان کرنے۔ اتھ منز چھ یہ وچھنہ یوان زاکھ ادیب یا قلمکار کتھہ پاٹھر
 تہ کمہ انداز چھ زبانہ ہندک مہیا وسیلہ استعمال کران تہ تڑھہ خصوصیت چھ بد
 کڈنچ کوشش سپدان یم تکر ہندس اسلوبس باقی قلمکار و نش ممتاز چھ
 کران۔ دویمین لفظن منز ہیکو اتھ ادیب سنہز لیکھن تر اے تہ و انتھہ۔ اسلوبس
 تعریفک جامہ و لہر چھ سیٹھاہ مشکل کام تکیاز اسلوب چھ لسانیات، (ادبی)
 تنقید تہ جمالیات ہوین ورگہ مضمونن منز مستقل طور زیر بحث رو دمت۔
 چو نکہ یمن شین تہ دایرن ستر تعلق تھا و ن والیو ماہر وچھ اسلوبنچ ویشھنے پنہ
 پنہ انداز کر مر لہذا چھ امکو مختلف تہ بیون بیون تعریف بارسس آمتر۔ مثلاً
 سیمویل ویزلے (Samuel Wesley) ہند خاطر چھ یہ خیالن ہند پوشاک (Dress
 Of Thought) تہ جانا تھن سوفٹ (Jhonathan Swift) چھ مناسب جائین پیٹھ
 مناسب الفاظ ورتاؤنس اسلوب و نان۔ مشہور فرانسیسی مفکر بفون (Buffon)
 سنہز اسلوب (اے) چھ شخص (Style Is The Man) تعریف چھ زبان زد عام۔
 کارل پروسٹ (Karl Proust) ہند مطابق چھ اسلوب ادیب ہند خاطر سوے
 حیثیت تھا و ان یوسہ رنگ ا کس رنگ ساز ہند خاطر تھا و ان چھ۔ موخہر و نوز
 اسلوب چھ واریاہہ انداز بیان سپد مت۔

یہ گتھ زیر نظر تھا و تھ چھ مشہور ماہر اسلوبیات نلز ایرک اینکوسٹن (Nils

Erik Enkvist) پینس مشہور مضمون 'On Defining Style' منظر اسلوب بیان کرنے کو مختلف انداز یا اپروچ (Approach) بد کڈی متری۔ یم انداز چھ اسلوبیچ ویشھنے یتھہ کنی کران:

(i) Style as Embellishment

(ii) Style as the choice between alternate expressions

(iii) Style as the ste of individual characteristics

(iv) Style as deviation from norm.

(v) Style as a set of relations among linguistic entities that are statable in terms of wider spans of text than the sentence

یعنی اسلوب:

(i) بحیثیت ضایع

(ii) مختلف باوژن درمیان اختیاری ژاؤر

(iii) بحیثیت انفرادی خصوصیت۔

(iv) مڑ وجہ اصولو نشہ انحراف۔

(v) بحیثیت اکھ رشتن ہند سلسلہ یس جملہ کھوتہ ہیو رساؤر سے متنس

ستری تعلق چھ تھاوان۔

چونکہ ادبک اظہار چھ زبانہ ہند و ساطتہ سپدان لہذا چھنے اسلوبک تشکیل تہ تعمیر زبانی ہند و ساطتہ بغاؤر ممکن۔ یہ کتھ چھ صاف ز پڑ یتھ کاٹھہ قلمکار چھ زبانہ ہند میں دستیاب و سیلن پنہ برتہ صلاً حیثہ مطابق استعمال کران۔ اتھ عملہ دوران چھ اکھ ادیب یا شاعر زبانہ منظر ضرورتہ مطابق ژٹھ کپٹھ کران تہ رد و بدل تہ، یمہ ستری تمک سندا الگ اسلوب وجوؤ دس چھ یوان۔ دویمین لفظن

منز ہیگو وِنتھ زِ تکر ہندس اسلو بس منز چھ کینہہ تڑھہ لسانی خصوصیت در پٹھمر
 گڑھان یم تھہ اکھ الگ پڑنتھ بخشان چھ۔ یم خصوصیت ہیگن زبانی ہند میں
 مختلف سوتھر میں پٹھ لہجہ تھہ۔ مثلاً پروفیسر گوپی چند نارنگ چھ میر تقی میر سہنر
 شاعری ہند اسلوبیاتی تجزیہ کرتھ یہ کتھ ثابت کران زبانی اردو شاعر و نسبت
 چھ تکر سہنر شاعری منز ز تھن مصوتن (Long Vowels) ہند زیاد استعمال
 سپد مت۔ بہر حال اسلوبیاتی بنیادی کام چھ کانسہ ادیس یا ادب پارس پڑھہ
 خصوصیت بد کڈنہ آسان۔ اردو زبان ہند مشہور ماہر اسلوبیات پروفیسر مرزا
 خلیل احمد بیگ چھ یہ کتھ بونہ گنہ لکھتھ فارمولہ ذریعہ بیان کران:

لسانیاتی + اسلوبی خصائص کی شناخت = اسلوبیاتی تنقید

وونی گو و ماہر اسلوبیات سہنر کام چھنہ یم خصوصیت بد کڈنہ ستی یوت ائد
 واتان بلکہ چھ تھس یہ کام تہ مٹہ ز سہ کر یمن خصوصیت ن ہنر (ادبی فن پارس
 منز) معنوی تہ ادبی اہمیت تہ وضع تہ متعین کرینچ کوشش۔ یعنی اسلوبیاتی
 تجزیہ گڑھہ یہ تہ واضح کران ز یم خصوصیت کتھہ پٹھمر ادب پار کس جمالیاتی
 حُسن تہ معنوی جہتس منز نہ صرف فٹ (Fit) گڑھان بلکہ تھہ ہر یر کران۔
 مثلاً ہیمنگ وے (E. Hemingway) س تڑ مشہور ناولہ 'A Farewell To Arms' منز
 چھ موسمک (Weather) ذکر پھر پھر سپدان یمہ کڑ اتھ منز موسمس ستر
 وابستہ الفاظن ہند کافی تعداد استعمال چھ سپد مت۔ ا کس ماہر اسلوبیات ہند
 خاطر چھ یہ اسلوبی خصوصیت سینٹھاہ اہمیت تھاوان تہ سہ چھ امیگ وجہ معلوم
 کرینچ کوشش کران تکیا ز تکر ہند خاطر چھنہ یہ استعمال بے معنی بلکہ معنہ سوو
 یس پور ناولہ ہندس معنیس گنہ نتہ گنہ رنگو ہر یر چھ کران۔

اسلو بیا تک مضمون چھنہ زیاد پرؤن۔ امیک آغاز گو و و ہمہ صدی ہند نصفہ
پٹھہ شروع ییلہ تنقید نگارن ہند ظون ادبی زبانہ ہندس تجزیس منز لسانی
اصول کامہ لاکنس گن پھیو رتہ مائبر لسانیاتو تہ ادبی ناقد و کراکھ ا کس
نزدیک یتھ ادبی تنقیدس منز لسانیاتک رول وضع کر چ مشتری کہ کوشش۔
امہ پچ اکھ اہم کوشش سپز 1953ء منز امریکہ چہ انڈیانا (Indiana) یونیورسٹی
منز سپدن و ا لس سیمینار کس صورتس منز یتھ منز زبان تہ ادب کس موضوعس
خاصکرتھ شاعری ہندس مطالعس منز لسانیات کس عملی پہلو ہس دل دینہ آو۔
امہ پچ بیا کھ کانفرنس آیہ ا تھی یونیورسٹی منز سوشل سائنس ریسرچ کونسل کہ ایر
اہتمامہ اپریل 1958ء منز اسلوب کس موضوعس پٹھ منعقد کرنہ یتھ منز
اسلوب چہ اہمیز، نوعیت تہ خصوصیت زیر بحث آنہ آیہ تہ ادبی تہ شعری اسلوب
کین صوتی، مارفیمیائی جملتی تہ معنوی پہلو و ن ہنز ویشھنے سپدن علا و نگر تہ
وزن ہویش مسلن پٹھ لسانی نقطہ نظر مطابق گاش تراونہ آو۔ ا تھ کانفرنسہ منز
یمو عالمو مقالہ پرک تمن منز چھ آے اے رچرڈز، راجر براؤن، سیمور لی
چپٹمین، رولان ویلز، آرکی بالڈاے ہل، جان بی کیرل، رچرڈ ایم ڈورسن،
ڈیل ہایمز تہ ٹامس اے سیبوک ہوک ناوقابل ذکر۔ ا تھ کانفرنسہ منز پر نہ پینہ
والو مقالہ گری ٹامس اے سیبوگن کتابی صورتس منز مرتب یوسہ 1960ء منز
'Style In Language' ناو شایع سپز۔ یہ کتاب چھ اسلوبیات کس تارخس
منز مپلہ گنہ ہنز حیثیت تھاوان۔ امہ کتابہ ستر گئے اسلوبیاتکی خدو خال واضح تہ
اسلوبیاتی تجزیچ و تھ سپز متعین۔ تنہ پٹھہ از تام چھ اسلوبیات مائبر لسانیاتن تہ
ادبی اسکالرن ہند خاطر اکھ دلچسپ موضوع رو دمت تہ اکر چھ نہ صرف

لسانیاتس منز بلکہ ادبی تنقیدس منز تہ اکھاہم حیثیت پڑا و مژ۔

یہ زن بز و بہہ تہ ونہ آوا سلوبیاتی تجزیہ چھ زبانہ ہندین سارنے سو تھرین ہند احاطہ کران۔ اتھ بنیادس پٹھ ہیکو اسلوبیاتکے مختلف ذیلی قسم تہ گنر تھ۔

مثلاً صوتی اسلوبیات (Phonostylistics) مارفیمیاتی اسلوبیات (Morpho Stylistics)، جملتی اسلوبیات (Syntactico-Stylistics)، لفظی اسلوبیات

(Lexico-Stylistics) تہ معنیاتی اسلوبیات (Semantico-Stylistics)۔ یہ زن یمو ذیلی قسمو ہند یونا و وتلہ واضح چھ پڑیتھ گنہ قسمس چھ پٹن پٹن موضوع یاد ا پر کار تہ یم چھ پٹنس پٹنس دایرس اندرینہ والہ سو تھرچ اسلوبی خصوصیت بد کڈان۔

صوتی اسلوبیاتس منز چھ فن پارچہ صوتی خصوصیت زیر نظر روزان۔ اتھ منز چھ اسلوبیاتی تجزیہ نگاریہ و چھنج کوشش کران ز ادین یافن کارن کتھہ کنر چھ زبانہ منز مؤج و آواز (صوتیم) کامہ لاجہ مژ تہ کم صوتی خصوصیت چھ تکر ہند اسلوبیچ شناخت بنیمز۔ یمن منز ہیکن قافیہ، آہنگ (Rhythm)، مصمتی تکرار،

(Alliteration)، صوتی ربط (Consonance) تہ مصوتی تکرار (Assonance) ہشہ خصوصیت شامل استھ۔ مارفیمیاتی سطحس پٹھ چھ مارفیمن تہ تہندس استعمالس پٹھ نظر آسان۔ یہ زن معلوم چھ ز جدید لسانیاتس منز چھ مارفیم (Morpheme)

صوتیم (Phoneme) کھوتہ بڈ تہ لفظہ کھوتہ لوکٹ اکائی مانہ یوان۔ یمن مارفیمن ہند یکہ وٹہ رلہ ستر چھ لفظن وجو د میلان۔ چونکہ مارفیمیاتی سطح چھ لفظن ہند تہ احاطہ کران لہذا ہیکو لفظی اسلوبیات تہ مارفیمیاتی اسلوبیات کہ اشتراکہ لغوی یا لفظہ سو تھرس پٹھ فن پارک اسلوبیاتی تجزیہ کرتھ۔ اتھ

تجزیس منر چھ لفظن ہند بن، تہند تلہ تراوتہ استعمال بیتر تجزیہ چہ کہہ وچہ کھانہ یوان۔ اتھ سو تھرس پٹھ چھ لفظ تھرے (Word Formation)، ہم معنویت (Synonym)، ابہام (Ambiguity) ہشن خصوصیتن تہ دل لگان۔ ادبی زبانی ہنز اکھ اہم خصوصیت چھ ز ادیب یا شاعر چھ نوک لفظ بناؤس تہ تہندس استعمالس ژ راہمیت دوان۔ امہ سچ تخلیقیت (Creativity) چھ ادبی زبانیہ خاصکر تھ شاعری ہنز زبانیہ ہنز اکھ پز زلونی خصوصیت۔

جملتی سو تھرس (Syntactic Level) پٹھ چھ اسلوبیاتی تجزیہ خاطر وافر مواد مہیا آسان۔ جملن ہنز بناوٹ، جملن منر لفظن ہند استعمال، تہند ترتیب، بیتر چیز چھ جملتی اسلوبیاتکی خاص موضوع۔ امہ علاو چھ اکی خیالہ چہ باؤ ژ خاطر جملتی سو تھرس پٹھ مختلف صور ژ مؤجود آسان۔ مروجہ جملتی اصولن نشہ انحراف (Deviation) چھ ادبی زبانیہ ہنز اکھ مائی ہنز خاصیت تھ پٹھ اسلوبیچ اکھ تعریف (Style is the deviation from norm) تہ مبنی چھ۔ امہ قسمہ چہ خصوصیت تہ چھ جملتی اسلوبیاتک موضوع۔ معنیاتی اسلوبیاتس منر چھ استعار، تشبیہ، قول محال (Paradox) ہوک اسلوبی خصوصیت تہ تہنز معنوی ہیئت زیر نظر روزان۔ موخصر و نو ز لسانیات یمہ تہ ز اوک یہ زبانی و چھان چھ، اسلوبیات چھ تم ساری ز اوک یہ ادبی زبانی ہنز ویشہنیہ منر ورتاوان۔ وونی گوویہ و چھن چھ مایر اسلوبیات سنز کام ز سہ کمہ ز اوک یہ تہ کمہ مقصد گر ادبی فن پارچ ویشہنہ۔

اسلوبیاتس متعلق چھ یہ کتھ ژ یٹس تھاوونی ز اتھ منر چھ توضیحی (Descriptive) انداز پانناونہ یوان یعنی اتھ منر چھ مصنف یا فن پارکہ اسلوبیچ ویشہنہ

سپدان۔ اُتھ منز چھ ماہر اسلوبیات سُنڈ توجہ یتھ کتھہ پٹھ مرکوز آسان زفن کارن کتھہ پاٹھ کر چھ زبان استعمال کر مر۔ یعنی اسلوبیاتی نقاد سُنڈ مقصد چھ ادیب سُنڈ دس استعمال سپر مز زبانی ہنز ویتھ ہنے کر فی آسان نہ زیہ بیان کرن ز تمس کتھہ کئی پز ہے زبان استعمال کرنی۔

اسلوبیاتس منز چھ فن پار کس متنس تجزیہ سپدان۔ اُتھ منز چھ ادبی متنس مرکزی حیثیت حاصل۔ دویمین لفظن منز ہیگو یہ ویتھ ز اسلوبیات چھ ادب پارس اکھ آزاد تہ خود مختار وجہ دمانان۔ یعنی اُتھ منز چھ صرف متنہ کس تجزیس پٹھ زور آسان تہ متنہ نیمرم چیز تہ عوامل مثلاً مصنف ہنز ذاتی زندگی، حالات، اوند پو کھ بیتر چھنہ اُتھ تجزیس منز کانہہ اہمیت تھاوان۔ اوے مؤجوب چھ امہ قسمک تجزیہ متن مرکزی (Text-Centered Or Text- Oriented) (تجزیہ مانہ یوان۔)

سائنسی تہ معروضی (Objective) انداز نظر تہ چھ اسلوبیاتی تنقیدس روایتی تنقید نشہ الگ گران۔ پیتہ زن روایتی تنقید تاثراتی (Impressionistic)، ذوقی تہ تخیلی آسان چھ تہ چھ اسلوبیات مشاہداتی تہ معروضی آسان تہ اُتھ منز چھ اختصار (Precision) کامہ لا گتھ نتیجہ اخذ کرنہ یوان۔ امہ قسمک تجزیہ چھ ادب پار سمجھ نس منز تہ تمہ ستر مخطوط گرہنس منز پرن وائلس کافی اُتھ روٹ گران۔

گنہ ادب پارک اسلوبیاتی تجزیہ چھ ترین مرحلن منز انجام دینہ یوان۔ گوڈنکس مرحلس منز چھ مواد چ لسانی ویتھ ہنے کرنہ یوان۔ امہ پتہ چھ دویمس مرحلس منز اسلوبیاتی خصوصیت بد کڈنہ یوان تہ ترتیمس مرحلس منز چھ

یمن اسلوبیاتی خصوصیتوں ہند اسلوبیاتی استعمالک بیان سپدان۔
 موصرف و نوز اسلوبیاتن چھ ادبی تنقیدس منز اکھ اہم مقام پروومت تہ چھن
 تنقید کس مادانس منزتری چھاپ تر اوہر۔

نفسیاتی لسانیات

شیخ اعجاز

نفسیاتی لسانیات (Psycholinguistics) چھ لسانیات تہ نفسیات کئین شعبین ہند سہ بین شعبہ جاتی (Interdisciplinary) علم یتھ منز یمن ہند تعاونہ ستر زبانہ ہند مختلف انگ گاشراونچ کوشش چھ کرنہ یوان۔ امہ ذریعہ چھ تمن ذہنی عملن تہ ہنر ن ہنر ویشھنے سپدان یم انسانن منز زبانہ ستر وابستہ مختلف عملن مثلاً تخلیق زبان (Language Production) تہ زبانی زان (Language Comprehension) بیتر منز استعمال چھ سپدان یا تہند خاطر بنیاد فراہم کران۔ اگرچہ نفسیاتس منز زبانہ ہند مطالعہ بروئہہ کالہ پٹھہ سپدان اوس مگر بین شعبہ جاتی نفسیاتی لسانیاتک مضمون چھنہ جاد پرؤن۔ موجود بین شعبہ جاتی شکلہ منز گو و امیک باقاعدہ آغاز و ہمہ صدی ہندس پانژوی مس دہلس منز ییلہ 1951ء منز امریکہ چہ کارنیل (Cornell) یونیورسٹی منز سوشل سائنس ریسرچ کونسل کہ زیر اہتمامہ اکھ بین شعبہ جاتی کانفرنس منعقد کرنہ آیہ۔ امہ کانفرنسہ دس گئیہ لسانیات تہ نفسیات کئین شعبین ہندک مابرا کر سہ پلیٹ فارمس پٹھہ جمع تہ ہیڑ کہ لسانیات تہ نفسیاتس ستر تعلق تھاون والین مشترکہ مسایلن سام۔ یہ کانفرنس سپر بڈ سو دمند ثابت تہ امہ کسے اثرس تل آیہ پیہ وریہ لسانیات

تہ نفسیاتِ قومی کمیٹی (National Committee on Linguistics and Psychology) تشکیل دینے۔

1953ء منز آیہ سوشل سائنس ریسرچ کونسل کی زیر اہتمامہ انڈیانا (Indiana) یونیورسٹی منز ہنا بڈس پیمائس پٹھ لسانیات تہ نفسیات کین شعبن پٹھ مشتمل بیا کہ بین شعبہ جاتی کانفرنس منعقد کرنے۔ اُتھی وقتس دوران آیہ مشہور مائبر نفسیات جارج ملر (George Miller) تہ مشہور مائبر لسانیات نام چامسکی (Noam Chomsky) اکھ اُکس نزدیک تہ تہنر مشترکہ کام سپر نفساتی لسانیاتس پوچھر وُس منز سیٹھاہ کارآمد ثابت۔ پیتہ نس چھ یہ کتھ وئی مناسب ز اُتھی وقتس دوران کور چامسکی یں پنہ مشہور تغیر آتی گز امرک نظر یہ پیش نیمہ ستر لسانیاتک روح مکمل پاٹر تبدیل سپد۔ تکر ستر کامہ بدلا و لسانیاتس ہیئت تہ اونن یہ نفسیاتس، خاصکرتھ بصیرتی نفسیاتس (Cognitive Psychology) سیٹھاہ قریب۔

نفسیاتی لسانیاتک باڈواگر چہ واریاہ وسیع چھ مگر یمن موضوعن اُتھ منز زیادہ توجہ میول تمّن منز چھ تخلیق زبان (Language Production)، زبانہ زان (Language Comprehension) تہ حصول زبان (Language Acquisition) سرفہرست۔ امہ علاو آیہ گفتارِ بچ خرابی (Speech Disorders)، اشارہ زبان (Sign Language)، لفظن ہند معنہ پچھن بیتر موضوع تہ زیر بحث آنہ۔

تخلیق زبان (Language Production)

یہ چھ سہ موضوع یتھ منز نفسیاتی لسانیات ذریعہ زبانہ ہندس تخلیق سے پاداوارس دوران استعمال سپدن واجتین مختلف نفسیاتی تہ ذہنی عملن پنٹھ گاش تر اوہ چھ یوان۔ گفتار چھ اکھ پیچید لسانی تہ بصیرتی (Cognitive) ہنر۔ تحقیقہ مطابق چھ انسان ا کس سیکندس منز تقریباً پندہ آواز پادگران یتھ منز تقریباً اکھ ہتھ ماز داو (Muscles) یکہ وٹہ کامہ چھ لاگہ یوان۔ کتھ گر پنچ یہ عمل چھ ترین اہم مرحلن پنٹھ مشتمل یمن خاکہ سازی (Conceptualization)، تشکیل (Formulation) تہ ترسیل یا وناو (Articulation) ناوچہ دہ آہتر۔

(i)۔ خاکہ سازی:

یہ چھ سو عمل یمہ ذریعہ کتھ گرن وول مطلوبہ خیالک یپا غامک خاکہ تہ تصور ذہنس منز ووتلاوان چھ۔ امہ خاطر چھ سہ حالاتن ہند مناسبتہ موضوع ژا رتھ تمیک ذہنی خاکہ بناوان۔ اتھ سلسلس منز چھ سہ انسایکلو پیڈیائی علم (Encyclopedic Knowledge) تہ موقع جاتی علم (Situational Knowledge) تہ ضرورتہ مطابق استعمال گران۔ انسایکلو پیڈیائی علم چھ تھ علمس (یا زانکاری) ونان یس اکھ انسان زندگی ہندین مختلف مرحلن پنٹھ سپدک متیو تجربو ذریعہ دنیاہس متعلق حاصل چھ گران۔ دویمس قسمس منز چھ تھ خاص موقعس ستر وابستہ علم تہ زان شامل یتھ منز زبانہ ہند ورتاوسپد۔ امہ قسمک علم چھ اتھ موقعس نسبت موزون آسان۔

(ii)۔ تشکیل:

اتھ منز چھ خاکہ سازی ہنر عملہ دوران وونہ آمتس ذہنی خاکس لسانی رپھ

دینے پر ان۔ یہ کرنے خاطر چھ گوڈنیتھ انسائس پنہ وہنی لغت یا ڈکشنری (Mental Lexicon) منہز مناسبتہ موزون الفاظ ژارنی پیوان۔ ہر کائسہ انسائس سینڈس وہنس منہز چھ تمہر سینہز زبانی ہندش لفظن ہند اکھ مناسبت ذخیر آسان یس تمہر بالہ پانہ پیٹھہ جمع کو رمت چھ آسان۔ اتھ ذخیرس چھ وہنی لغت یا وہنی ڈکشنری ونان۔ انسائس سینہز اتھ ڈکشنری منہز چھ تھ منہز موجو و لفظن متعلق سارے واقفیت آسان بیتھ لیما انفارمیشن (Lemma Information) ونان چھ۔ اتھ واقفیتس منہز چھ تمہ لفظلہ معنی علا و تھ ستر وابستہ صوتیاتی، مارفیمیاتی تہ جملہتر واقفیت تہ آسان۔ مثلاً 'سو' لفظک 'لیما' چھ یہ زانکاری ووان ز یہ لفظ چھ مونث فاعل (Feminine Subject)، خاطر استعمال سپدان تہ اتھ ستر استعمال سپدن وول فعل (Verb) تہ چھ ماد جنس (Feminine Gender) استعمال گران۔

تشکیلی عمل چھ ترین مرحلن پیٹھہ مشتمل۔ گوڈنکس مرحلس منہز چھ جملہتر خاکہ (Syntactic Frame) تہ برتی الفاظ (Content words) ژارنہ پیوان۔ جملہتر خاکک دارومدار چھ واریاہنس حدس تام ژارنہ پنہ والین لفظن پیٹھہ آسان۔ مثلاً پیٹھہ کنہ وژ اسہ 'سو' لفظلہ مثال۔ یہ لفظ چھ نہ صرف اتھ ستر وابستہ جملہتر خاکک نشاندهی گران بلکہ چھ اتھ ستر پنہ والین باقی لفظن متعلق تہ زانکاری فراہم گران۔ دویمس مرحلس منہز چھ جملہ چہ ہیژ تہ ضرورتہ مطابق لفظن منہز مارفیمیاتی تغیر و تبدل سپدان۔ اتھ منہز چھ لفظن ستر تعلق واجتین خصوصیون مثلاً کال (Tense)، جنس (Gender) تہ تعداد (Number) بیتہ گن دیان دینہ پیوان۔

ترتیم مرحلہ چھ صوتیاتی ضروریاتن سام ہئوان۔ اُتھ منز چھ لفظن ہئند لفظہ چھل گرت (Syllabic Structure) علاؤ ہکھ (Pitch) تہ دباو (Stress) ہشن خصوصیتن ہئند خیال تھاوہہ یوان۔

(iii)۔ ترسیل یا وناو:

یہ چھ سو عمل یئھ منز تشکیل کس مرحلس دوران تیار سپد ویتس خاکس عملی شکل چھ دہہ یوان یس گفتار کس صورتس منز بولن تانودسی بامل چھ یوان۔ اگرچہ یم ترے عملہ عموماً ترتیب وار اندازس منز کَام چھ کران مگر کتھ کرنہ ویز ہیکن تم یکے وٹے (Simultaneously) کَام کرتھ۔ یمہ وقتہ خاکہ سازی ڈرک یہ پنہ والہ جملہ (Clause) خاطر خاکہ تیار آسہ سپدان می ساتھ ہیکہ وناوچہ عملہ ڈرک یہ موجوڈ جملہ بولہہ یئھ۔

زبان سمجھ نیچ عمل (Language Comprehension):

زبان سمجھ نیچ عمل ہیکون وٹھر پوٹھر پاٹھر ترین حصن یعنی تقریری پرنزنتھ (Speech Recognition)، ترکیب لفظی (Parsing) تہ ترجمانی (Interpretation) منز باگرتھ۔ گوڈنیگ مرحلہ چھ آواز تہ لفظ پرنز ناوس ستر تعلق تھاوان۔ دویمس مرحلس منز چھ جملس منز موجوڈ مختلف لفظن ہئز ہیئت تہ تمن درمیان لبہ پنہ والہ ریش ویشہنے سپدان۔ ترجمانی ہئز عمل چھ معنیاتی ویشہنے ستر وابستہ یئھ منز بولہہ پنہ واجہ زبانی ہئند تعلق حقیقی دنیاہس ستر واطنہ چھ یوان تہ امیک معنی چھ بد یوان کڈنہ۔

(i)۔ تقریری پُر زنتھ:

گتھ گرنہ وِز مختلف آواز اکہ اکہ الگ پاٹھر پر زِ ناوِ نہ چھنہ کانہہ سہل گتھ بلکہ چھ یہ اکہ پیچید عمل۔ بولنگ رفتار مدِ نظر تھاوتھ چھ گتھ باتھہ منز استعمال سپدن واجتہ پڑتھ کانہہ آواز الگ گرنہ سیٹھاہ مُشکل کام۔ وُچھنہ چھ اُمت زِ انسان ہیکہ اُکس سیکنڈس منز دہہ کھوتہ کم آواز پر زِ ناوتھ ییلہ زن سہ پتر سے وُقس منز امہ کھوتہ لگ بھگ دو گنہ آواز پاڈ چھ کران۔ پٹھہ چھنہ گتھ باتھہ منز استعمال سپدن واجتہ آواز زن منز باگ کانہہ واضح ژھنن آسان۔ یہ گتھ تہ چھ پُر زِ آواز زن ہندس تِلہ تراوس منز چھ نہ صرف مختلف بولن والین درمیان فرق آسان بلکہ ہیکہ اُکر سے نفر ہند دس مختلف موقعن پٹھہ اکے آواز پاڈ گرنس منز تہ فرق لبہ بہتھ۔ مگر تیوت کر تھ تہ چھ بوزن دول صد اے اشارن (Acoustic Signals) ہندس بُنیادس پٹھہ آواز پر زِ ناوان تہ ماحولہ مطابق سپاروے کھوتہ زیاد چپان گرژھن وائلس لفظس ژاران۔

امہ سچ لفظہ پُر زنتھ یا لفظہ ژار (Word Recognition) ہنز عمل چھ زبان سمجھ نس منز میلہ گنہ ہنز حیثیت تھاوان۔ ذہنی ڈکشنری منز کانہہ لفظ ژار نہ خاطر چھ ادرا کی (Perceptual) تہ سیاتی (Contextual) زان چکھان اہم رول ادا کران۔ ذہنی ڈکشنری منز چھ سے لفظ ژار نہ یوان یُس دینہ پنہ وائلس انفارمیشنس سترِ مطابقت تھاوان آسہ۔ مختلف صوتی اشارن تہ انفارمیشن کس بُنیادس پٹھہ ییلہ سچ لفظہ چکھان گرنہ چھ یوان، لفظہ پُر زنتھ یا لفظہ ژار ہنز عمل چھ مکمل سپدان۔ یتھ گتھ پٹھہ چھ ماہرن درمیان اختلاف زِ ذہنی سلسلس منز چھ زِ نقطہ نظر قائم سپد و متر یمن ترتیب وار ماڈل (Serial Model) تہ متوازی

عملیت (Parallel Processing) ماڈل و نان چھ۔ گوڈنکے ماڈلے مطابق چھ لفظن ہند جائز ترتیب واریا کہ کہ سپدان ییلہ زن دویمہ ماڈلے مطابق مختلف لفظن ہند جائز بیک آن (Simultaneously) ہینہ چھ یوان۔ لفظ پرز ناوہ چہ عملہ خاطر چھ و نیک تام واریاہ نظریہ پیش کرنہ آمتر یمن منر Logogen Cohort Model، Model، Interactive -activation Model بہتر شامل چھ۔

(ii)۔ ترکیب لفظی:

لفظ پرز ناوہ پتہ چھ دویم اہم کام جملن منر لفظن ہنز لسانی ہیئت تہ رول بد کڈن آسان۔ یہ عمل چھ دون مرحلن منر انجام دینہ یوان۔ گوڈنیتھ چھ لفظ محاورن (Phrase) ستر وابستہ یوان کرنہ تہ دویمس مرحلس منر چھ ترکیبن درمیان رشتن ہنز ویشہ سپدان۔ پتر مین دہلین منر چھ اتھ سلسلس منر واریاہ کام سپز ہنز تہ مختلف نظر یہ چھ بارسس آمتر۔ اتھ سلسلس منر سپز ہنز کام ہیگو ترین مرحلن منر باگر تھ۔ گوڈنکس دورس ہیگو تغیر آتی دور (Transformational Era) و انتھ یس سنتھہ کس دہلس پیٹھ پھالتھ چھ۔ دویم دور چھ شیتہ پیٹھ شروع گزہتھ امہ دہلہ کس آخرس تام پھالتھ۔ اتھ چھ ادرا کی حکمت عملی ہند دور (Perceptual Strategy Era) و نان۔ امہ دہلہ کہ آخری حصہ پیٹھ شروع گزہن وائلس دورس چھ کمپیوٹر دور (Computational Era) و نان۔ پرتھ دورس منر سپز یمہ کتھ ہنز ویشہ ہنہ کرینج کوشش زبوزن دول کتھ کنز چھ لفظن مختلف ترکیبن (Phrases) ستر رلا و تھ تہنز ترکیبی ہیئت تہ جملس منر تہند روپج شناخت گران۔ و قس ستر ستر چھ اتھ

سلسلس منز کافی پیش رفت سپز مژ مگرو نہ تہ چھنہ انسانہ سپز امہ صلا حیرہ ہند
پورپاٹھر احاطہ سپد مت۔ وونی گو و تحقیقہ ستر چھ یہ کتھ ثابت سپز مژ ز انسانہ
دماغ چھ سینٹھاہ طاقتور تہ جملن ہنز ترکیب لفظی کرنہ خاطرہ ہیگن انسانس نش
واریاہ طریقہ تہ وتہ موجو دأستہ۔

(iii)۔ ترجمانی:

یہ ہیگون معنیات (Semantics) تہ سیاتی معنیات (Pragmatics) کین خان
منز با گرتھ یم لفظن تہ جملن ہند معنی بد کڈنس ستر تعلق چھ تھاوان۔ ترکیب
لفظی ہنز عملہ پتہ چھ جملن تہ تھ منز موجو لفظن معنیو جامہ لا گز ترجمانی ہنز
کام۔ نفسیاتی لسانیاتی تحقیقس منز چھ لفظن تہ جملن ہند معنی بد کڈنہ کس
سلسلس منز واریاہ نظر پہ پیش آہتر کرنہ یمو ذریعہ لفظن تہ جملن ہند ترجمانی
ہند واریاہ گوشہ نر راونہ چھ آہتر۔

حصولِ زبان (Language Acquisition):

زبان پڑاونی یا گوڈنچ زبان چھ عموماً تھ عملہ ونان یمہ ذریعہ اکھثر
فطری طور پنہ ماجہ زیو پیٹھ عبور حاصل گرتھ عملی طور تمیک بولن وول بنان چھ۔
شرین ہنز زبان چھ بروئہہ کالہ پیٹھ نفسیات تہ لسانیات کین مہرن
ہنز دلچسپی ہند موضوع رؤومت کیمپ بیل تہ ویلز (Campbell and Wales,
1970) ہند مطابق چھ اتھ سلسلس منز جرمن حیاتیاتی مہر (Biologist) ٹائیڈمین
(Tiedemann, 1787) ہند دسر سپز مژ کام چھ گوڈنیک تحریری ریکارڈ مانہ

یوان۔

شری سہز زبان پڑاؤنچ صلاً حیت چھ حاران گن۔ وچھنہ چھ آمت زشہ
وہر شری چھ زبانی پٹھ یہ وپڑ زتہ کامل عبور آسان حاصل کورمت تہ سہ
چھ بڈ آسانی سان زبانی ہند استعمال زندگی ہند میں مختلف شعبن منز ہیکان
ورتاوتھ۔

اگرچہ شری ہند جسمکی زیادتر انگ زینہ پتہ نشوونما لبان چھ مگر مگر سوند بوزنگ
نظام چھ زینہ وزے پورپاٹھی مکمل آسان۔ یہ تہ چھ یوان ونہ زشر چھ ماجہ
ہندس شکمس منز تہ بوزتھ ہیکان۔ زینہ پتہ کینہہ ہفتہ گڑھتھ چھ شری انسانہ
آواز (Human Voice) باقی آواز ونشہ الگ ہیکان کڈتھ تہ تقریباً دو یہ ریتی
چھ سہ دوستانہ تہ شرارتہ ہوت آوازن درمیان تمیز ہیکان کرتھ۔ کینہہ و تجربہ
(ایماس بیتر، 1971ء، مشمول مام کیر صفحہ 242) ستر چھ یہ کتھ ثابت آہر کر نہ ز
زینہ پتہ چھ اکہ ریتی شری وری (Voiced) تہ اوڑی (Voiceless) آوازن
درمیان فرق ہیکان کرتھ۔ شری سہز یہ بوزنچ صلاً حیت چھ تس زبان ہچھ نس
منز واریاہ مددگران تکیا زشرس اندی پکھی ماحولس منز استعمال سپدن واجری زبان
چھ تسند زبان پڑاؤنہ خاطر سینٹھاہ ضروری۔ وچھنہ چھ آمت ز اگر شری زبانی نش
دو ریہ تھاؤنہ سہ ہیکہ نہ زبان پڑاوتھ۔ شریس منز چھ زبان پڑاؤنچ ماجہ زاو
صلاً حیت آسان تہ سہ چھ سوے زبان ہچھان۔ تھ منز سہ پلہ تہ بڈ۔ شری سہز
یہ پیدا لشی صلاً حیت کامہ لاگنہ خاطر چھ ضروری زتس روز زبان استعمال
کرن والین باقی لوگن ستر تام میل تہ ووتھن بہن۔ ساری شری چھ تقریباً
گنی وائسہ منز تہ کئے آہ زبان پڑاوان یعنی زبان پڑاؤنگ شیڈول چھ تقریباً

ہوئے یُس مختلف دورن منز با گرتھ ہیگو۔

نوزاد شُر چھ بے زبان آسان تہ و اُرکشن تام چھ سہ صرف کینہہ بے معنہ
 آواز کڈتھ ہیگان۔ اُتھ و قس چھ ماقبل زبان دور (Pre-Language Stage)
 و نان۔ تَرین ریتن ہند شُر یم آواز پاد چھ گران تمن چھ کُر ت کُر ت
 آواز (Cooing Sounds) و نان یم پوت تاکی مصمتن (Velar Consonants)
 تہ تھدین مصوتن (High Vowels) پیٹھ مُشتمل چھ آسان۔ شین ریتن تام
 واتان واتان چھ شُر مختلف مصمتہ تہ مصوتہ آواز پاد ہیگان گرتھ یمن منز لکھری
 تہ نسر مصمتہ تہ شامِل چھ آسان۔ یم آواز چھ لفظ چھلن (Syllable) ہندس
 صورتن منز آسان۔ مثلاً ما، پا، دا، بابا، ماما، بیتر۔ اُتھ دورس چھ پھپرک مرحلہ
 (Babbling Stage) و نان۔ ناکیز ما (1962ء) ہند مطابق چھ اُتھ مرحلہ
 پیٹھ مختلف لسانی ماحولن منز پکن والین شُرین ہندی آواز خزانہ (Sound
 Repertoire) ہوی آسان۔ بُنیادی طور چھ اُتھ مرحلہ پیٹھ شُر / آ / ہیو مصوتہ
 پاد گران تہ تھ ستر مصمتہ جوڑتھ چھ CV تہ CVC طرز چہ لفظ چھلہ پاد
 گران۔ (Babbling) پھپرکس اُخری مرحلہ منز تقریباً نو ریتھ وائسہ
 و اُتھ چھ شُر تلتراو (Intonation) استعمال گران۔

بہہ پیٹھ شُر اہن ریتن ہندس و قس منز چھ شُر عموماً یک لفظی
 و ناو (Single-word utterances) استعمال گران۔ اُتھ مرحلہ چھ یک لفظی
 مرحلہ (Single-word Stage) و نان۔ شُر اہ پیٹھ اُرداہن ریتن ہندس و قس
 منز چھ یم یک لفظی و ناو عموماً معنیاتی زمرن مثلاً کراول (Agent)، کام
 (Action) تہ کزوو (object) ہند باؤثر خاطر استعمال سپدان۔ اُتھ و قس منز چھ

شریک لفظی و ناو و دس پورتر کیہ (Phrase) یا جملہ معنیگ اظہار گران۔ او
 موجب چھ اتھ پورتر کیہ دور (Holophrastic Stage) تہ و نان۔
 Holophrastic چھ 'Hole' تہ 'Phrase' لفظن ہند مرکب۔ 'Hole' لفظک معنی
 چھ مکمل (Complete) تہ 'Phrase' چھ ترکیب یا جملہ کس معنیس منز استعمال
 سپدان۔ مثلاً اتھ دورس منز چھ شر کا و لفظ۔۔ ہہ کیا چھ کا و ہوس معنیس منز
 ورتاوان۔ وچھنہ چھ آمت ز یک لفظی تہ پورتر کیہ دورن منز چھ شر لفظن
 وسیع الاستعمال (Over extension) بناوان۔ مثلاً 'بال' لفظ ہچھتھ چھنہ شر اتھ
 لفظس صرف 'بال' (Ball) ہاونہ خاطرے یوت استعمال گران بلکہ چھ امہ
 لفظ ستر گنہ تہ گول چیزس گن اشار گران۔ ارداہہ ریتہ پتہ چھ شر و لفظی
 و ناون (Two-word utterances) ہند استعمال شروع گران۔ یہ دور چھ
 ارداہو ریتو پٹھہ دون وری سن تام روزان تہ اتھ چھ و لفظی دور (Two-word
 Stage) و نان۔ اتھ دورس منز چھ Mammy eat, baby chair تہ کا شر پاپہ
 چائے بیتر و ناو استعمال سپدان۔ برین (Braine, 1963) چھ اتھ مرحلس منز
 استعمال سپدن والین و ناون گز امر مرکزی (Pivot Grammar) چہ مثالہ
 مانان۔ سہ چھ یمن و لفظی و ناون منز استعمال سپدن والین لفظن تہند استعمالہ
 کس بنیادس پٹھہ مرکزی لفظ (Pivot word) تہ X-words ناو کین دون گروپس
 منز با گران۔ ا کس لفظس چھ Pivot تہ بنیادس پٹھہ و نان ز سہ چھ بحیثیت
 مرکز کام گران تہ باقی لفظ چھ تھ مرکزس ستر جوڑنہ یوان۔ اتھ گروپس منز
 چھ واریاہ کم ممبر آسان تہ یہ چھ بند (Closed) آسان۔ اتھ گروپس منز چھ
 پریتھ ریتہ صرف کینژن مرکزی لفظن ہند ہریر گڑھان۔ دویم گروپ چھ

یلہ (open) آسان تہ اُتھ منز چھ لفظن ہند تعداد زیادہ آسان یُس لگاتار ہران تہ چھ۔ اینڈرو (Andrew) (مشمول مام کیر صفحہ 245) چھ تحقیق کس بنیادس فراہم گران یُس بوئے گنہ دتھ چھ:

Pivot-class word	open-class word	Pivot-class word
all no see more hi	broke; buttoned; clean; done; dressed; dry; fix; gone; messy; shut; through; wet. see; shut; sit. bed; down; fix; home; mama; more; pee; plug; water; wet. baby; pretty; train. Car; cereal; cookie; fish; high; hot; juice; read; sing; toast; milk. Calico; mama; papa.	
other	bib; bread; milk; pants; part; piece; pocket; shirt; shoe; side. boot; light; pants; shirt; shoe, water; airplane; Siren Mail, mama	off by come

دوہری پٹھہ تڑوہرس تام چھ شُر کثیر لفظی وناو (Multiple-word utterances)

استعمال گران۔ اُتھ دورس منز چھ شُر لوکڑ لوکڑ جملہ تہ ترکیبہ بناوان۔ وونی

گووسہ چھنہ وُنہ مختلف قو اُدی زمر (Grammatical Categories) ورتاوتھ

ہیکان۔ اُتھ دورس منز استعمال سپدن والین وناون ہنز مثالہ چھ: This

shoe all wet; cat drink milk; Andrew want ball

استعمال سپدن واجنہ زبانی چھ ٹیلی گراف بولر (Telegraph Speech) ونان۔
 ڈایہ وری پتہ چھ شرک سُنڈ ذخیرہ الفاظ (Vocabulary) کافی بڈان۔ تہر و ہر
 گزہتھ چھ شر ٹیلی گراف دور منز نیران تہ سہ چھ مار فیمیاتی زمرن ہندس
 استعمالس پنٹھ وقت گزرس ستر ستر عبور حاصل کران۔ تہتھین زمرن منز چھ جمع
 تہ ماضی خاطر استعمال سپدن واکر تصریفی لگو (Inflectional Affixes) شامل۔
 وونی گوو یمن تصریفی لکین ہندس استعمالس منز چھ شر عمومیتک
 (Generalization) شکار گزہتھ غلطی تہ ہیگان کرتھ۔ مثلاً انگریزی زبانی منز چھ
 عموماً -s تہ -ed پوت لگو استعمال کرتھ لفظن ہندی جمع تہ ماضی صیغن ہند
 اظہار کرنے یوان۔ شر چھ یم پوت لگو استعمال کرنی ہچھان مگر اتھ ستر چھ سہ
 یمن پوت لکین تڑھن جاین تہ ورتاوان پیتہ نس تم زبانی منز استعمال چھنہ
 سپدان۔ اتھ صورتس منز چھ شر Goed، Mans، Foot تہ کاشر پھٹاوتھ ہور
 لفظ بناوان۔ وچھنہ چھ آمت زشر چھ تہتھین زاکر جارن منز ژو ہر گزہنہ پتہ
 فرق کرنی ہچھان۔ شہ و ہر واتان واتان چھ شر زبانہ پنٹھ مکمل کنٹرول
 حاصل آسان کورمت۔

بولیات تہ کاثر چہ بولہ

نذیر احمد دار

(الف)

زبانہ تہ بولہ منز فرق تہ تشریح کر فی چھے ماہر لسانیاتن ہند بھنگ اہم حصہ۔ یہ وضوع چھ واریہ بار یک تہ ایچ وضاحت چھے نہ صرف لسانیاتی زان کاری تام محدود۔ البتہ چھے اتھ ستر نفسیاتی، سماجی، ثقافتی، سیاسی بیتر ہو اہم عنصر تہ شامل۔ یہ کتھ چھے عام ز زبان چھے بول چال یا ورتاوس منز علاقائی سو تھرس پٹھ لسانیاتی فرق ہاؤ فی۔ یہ فرق چھے صوتیاتی، مارفیمیاتی، لفظیاتی یا صرف ونحو کس سطحس پٹھ بیشتر زبانن منز جو جو آسان۔ یہ علاقہ واد لسانیاتی پھیر چھ زبانہ علاقائی ڈائلیکٹن یعنی بولین منز با گراوان۔ چونکہ عصر حاضر منز چھ زبانن منز ڈائلیکٹ ژارن یا ڈائلیکٹس چھان بین کرنک تحقیق واریہ برو نہہ تہ خاصکر اکو ہمہ صدی دوران انفارمیشن ٹیکنالوجی (Information Technology) ہندیش انقلابن کو راتھ علمس واریہ پوچھر۔ البتہ چھ اتھ علمس پٹن تاریخ تہ پتھ کال۔ ابتدا ہس منز چھ یونانی ماہر یہ اشار کران زتمہ علاقہ بول چال یوسہ علاقہ علمی، ادبی، ثقافتی، سیاسی، کاروباری تہ باقی ہرھن سرگرمین ہند مرکز آسہ چھے ساری بول چال ورتاوان۔ اتھ بول چالہ دیوت یونانیو زبانہ ہند اصطلاح۔ سستی آوزبانہ تعلیمی نظام، زبانہ منصوبہ بندی، عدلیہ، حکومتی نظام یا تھن باقی

ادارن منز سرگرم روزن مقرر دینہ۔ اُتھ برعکس آوڈیو لیکٹ زبانہ نشہ یتھ بنیادس پٹھ بیون کرنہ ز امیک ورتا وچھ یتھ علاقس ستر منسلک یس علاقہ یژھن سرگرمین نشہ محروم چھ۔ یو دویہ یہ نظرہ وار یہس کالس قایم رو دتا ہم اُمی کلہم پاٹھو بسیار منفی اثرات۔ یمن منفی اثراتن منز چھ ڈایلیکٹ بولن واکر احساس کمتری ہندو شکار سپڈنگ اندیشہ۔ تہند ذہنی یا نفسیاتی نشونما روٹ سپڈنگ اندیشہ تہ چھ ممکن۔ وہمہ صدیہ منز سپڈ اُتھ علمس نووزو زیتہ میلنگ آغاز۔ اُتھ دورس چھ اہم خاصیت یہ ز محققو ہیژ پرائس نظر یہس سٹتھ سام تہ امہ کین منفی اثراتن کرکھ چھان بین تہ اکہ نو شعبک تروو کھ بنیاد یمیک ڈھانچہ لسانیاتی تہ سائنسی اصولن پٹھ منحصر روڈ۔ امہ نو نظر یہکی کینہہ نگتہ چھ یتھ پاٹھو:

1۔ پریتھ کانہہ فرد چھ بلا لحاظ علاقایی تہ معاشرتی وابستگی گوڈنچ زبان (یا مادری زبان) اُکس آفاقی طرز نظامس تحت غیر شعوری طور ہچھان تہ زانان۔ قدرت چھ پریتھ کانسہ شرس صلاحیتن ہندو خزانہ پڑوتھ یتھ دنیا ہس منز سوزان۔ اُتھ منز چھ باقی ذہنی صلاحیتون ستر ستر زبان ہچھ نچ صلاحیت سر فہرست۔ اُتھ صلاحیت چھ جدید لسانیاتی اصطلاحس منز (Language Acquisition Device, LAD) ونان۔ یہ صلاحیت چھ اُکس قدرتی نظامس تحت عمل کران یتھ صورتس منز باقی حیاتی نظام کَام کران چھ۔ یہ صلاحیت چھ تیز مستحکم تہ پایدار کہ شُر چھ کانہہ جسمانی محنت کرنہ ورا یی صوتیاتی نظامہ پٹھ مافیمیاتی تہ لفظیاتی نظام قابو ہس منز گرتھ زبانہ ہند صرف ونحوک پیچیدہ ترکیبہ زانتھ پانس اُندو پکھو زبان آسانی سان زندگیہ ہندس اُخری مرحلس تام ورتاوان۔ ماہر لسانیاتو کو رامہ دلیلہ ستر واضح کلہم پیمانس پٹھ چھ زبان زانچ

تہ ہچھ نچ صلاحیت آفاقی۔ معاشرس منزراتج اصطلاحن مثلاً معیاری بول چال یا زبان بولہ نشہ بیون کرتھ یمن درجہ بندی کرنی چھے مصنوعی رد عمل تہ اتھ چھنے لسانیاتی یاسائسی وزن۔

2۔ زبانہ ہند پریتھ لفظ یا پریتھ کانہہ لسانی ترکیب چھہ ذہنی صلاحیت بد کڈان۔ پریتھ اکھ لفظ یا لسانی ساخت چھہ پنہ اند معیاری تہ یمن درجہ دس منز چھنے غیر لسانی عنصر۔ مثلاً ترقی یافتہ علاقہ یا پسماند علاقہ گنہ اند تہ موثر۔ یہ اصول تہ چھہ اتھ کتھ ڈکھ کران ز زبانہ یا بولہ کانہہ ماروئی تشریح چھے اڈیچ۔

3۔ یو دوی اکھ طبقہ یہ معاشرس منز معیاری قرار دینہ تہ یہند بول چال تہ یہ معیاری مانہہ تہ اتھ برعکس باقی علاقہ یمن امہ نشہ مجھ تھونہ، معاشرتی توازن ڈلہ ڈنجه۔ امہ ستر سپد کانہہ طبقہ برونہہ پکنہ نشہ پتھ رٹنہ۔ جدید لسانیاتی اصول چھہ اتھ نظر یہس رد کران ز اتھ چھنے کانہہ علمی جوازیت۔

وہمہ صدیہ منز یو دوی لسانیاتگ جدید دور شروع سپہ، اتھ سستی آے نوک اصطلاح برونہہ گن۔ زبانہ تہ ڈایلیکٹس یا بولہ متعلق چھہ کینہہ نکتہ پتھ پاٹھر:

1۔ زبان چھے واریہن بولین ہنز سو مبرن۔

2۔ بولہ چھے زبانہ ہنز وسعت ہاوان تہ زبانہ مستحکم بناوان۔

3۔ زبانہ اندر چھے بولہ پانوئی لسانیاتی اعتبار فرق تہ ہشر ہاوان۔

یہ فرق چھے بولین درمیان isogloss (بولہ بنہ) تراونہ ستر واضح

سپدان۔ تہ سستی چھے امہ ستر یہ کتھ ننان ز زبانہ اندر موجود بولہ کتھ حدس تام چھے لسانیاتی اعتبار اکھ ا کس نشہ نزدیک یادور۔

4۔ بولین درمیان چھہ باہمی افہام (mutual intelligibility) تہ ضروری۔

5۔ بولین درمیان ہشترتہ بین واضح کرنس منز چھ نہ فقط لسانیاتی اصول بنیادی، بلکہ چھ معاشرتی اصول تہ۔ اتھ منز چھ ثقافتی، تاریخی تہ سیاسی دلیں ہند تہ بامعنی دخل روزان۔

بولین ہنزاہمیت ویرھناؤتھ آویتھ کتھ گن تہ اشار کرنہ ز زبانہ ہنز زان چھ امہ چن بولین ہنز زائی روس نامکمل۔ امہ ستر لوگ بولیاتس زبردست وسعت۔ بیشتر زبانن ہندی بولہ یٹلس (Dialect Atlas) تہ آیہ تیار کرنہ یمن زبان پچھن تہ پچھناؤنی مقصد روڈ۔ امہ ستر لوگ زبانن ہندی لغات تیار کرنس تہ بے پناہ مدد۔

گنؤ ہمہ صدیہ ہندس وسطس منز لوگ بولیاتی تحقیقس واریاہ پوچھر ییلہ سماجیاتس تہ لسانیاتس میل سپد۔ اکہ، نو تحقیقی شعبک سپد آغازیتھ سماجی بولیات (Social Dialectology) ناو پیوؤ۔ امہ علمک نظریہ چھ یہ ز لسانی ساختن ہندس مطالعہس منز چھ معاشرت عنصر تہ اہم۔ یمن عنصرن ہند تشخیص سپد یمن ترین زاوین پیٹھ:

1۔ کتھ منز چھ لسانیاتی ساختس ستر بولن واکر سندا معاشرتی عنصر تہ شامل۔ یم معاشرتی عنصر چھ بولن واکر سبز واکس، جنس، تعلیمی درجہ، پیشہ، مذہب، معاشرتی درجہ بتر۔


2۔ بول چالس منز چھ بولن وول بوزن واکر ہندی معاشرتی عنصر (مثلاً واکس، جنس، تعلیمی درجہ، پیشہ، مذہب، معاشرتی درجہ بتر) مد نظر تھوتھ لسانیاتی ساختک انتخاب کران تہ پن بول چال بامعنی تہ اثر آموز بناوان۔

3۔ موجود گفتگو چھ بولن وائلس تہ بوزن وائلس پانونی وائٹھ دتھ اکہ کڈلچ حیثیت تھوان تہ یہ چھ لسانیاتی ساختہ کس انتخابس منز بنیادی حیثیت تھوان۔
 یم عنصر تہ تھری باقی عنصر چھ زبانہ ہندی بیشتر خاصیت زائیس منز بسیار مدد کران۔ تہ امہ تحقیقہ ستر آو لسانیاتی سائیس معاشرتی سائیس واریاہ نزدیک۔ زبان زانہ خاطر تھری نمونہ بارسس تھ درایہ بولیائس ز نوک شاخ:

1۔ علاقائی بولیات (Geographical Dialectology) تہ

2۔ معاشرتی بولیات (Social Dialectology)

دونوے تحقیق چھ عصر حالس منز زبان ورتائیس ستر ستر لفظن ہند آگر معاشرتی طبقن ہند پتھ کال کلہم پائٹھ معاشرک سیاسی تہ ثقافتی پتھ کال بیتر یہ اہم موضوع ژھانڈان۔ امہ تحقیق نمونہ چھ تھ شکلہ منز ژھوٹراونہ آمت۔



(بے)

کاشر زبانہ صوتیاتی نظام، مارفیمیاتی تشکیل، صرف و نحو ک ترکیب، لفظیاتن ہند پتھ کال، ورتاویا معنویت چھے کاشرس لسانیاتی اعتبار اکھ دلچسپ تہ منفرد مقام دوان۔ یہ چھہ پزرنہ یہ زبان چھے و نہ جدید لسانیاتی اصولن تحت پرکھاو نہ نشہ واریہس حدس تام چھہ روزہڑ، مگرستی چھہ یتھ تہ انکار ز پتر میو و ہوتر ہو وریو پٹھہ چھہ ماہر لسانیات کاشریک کانہہ موضوع لسانیاتی ز اولیس پٹھہ پرکھاو نس ستر مصروف۔ کاشریک لسانیاتی ساخت چھہ واریاہ سروں تہ امیک سز نیر بد کڈنس منز چھہ و نہ آنتھہ روس میدان یلہ۔ بولین ہند شناخت تہ چھان بین تہ چھہ یمن موضوعن منز اہم حیثیت تھوان۔

جارج گریسنن (1919) دیٹ ابتدا ہس منز کاشر زبان علاقائی بولین منز با گراونک اشار تہ کاشرس ستر گرین یمہ بولہ شمار:

i۔ کشتواڑی ii۔ پوگلی، iii۔ رامبہڑ،

iv۔ سراجی، v۔ کوہستان

یمن علاقائی ڈائلیکٹن ہند حوالہ چھہ یتھ کتھ پھیر آمت دہ ز رامبہڑ، تہ سراج، یمہ درائے چناب کس بٹھس پٹھہ چھے پھہلتھ، چھے ڈوگری تہ پہاڑی زبانن نزدیک۔ مثلاً ہند صوتیات، مارفیمیات، تہ لفظیات چھہ ڈوگری تہ پہاڑی زبانن ستر ہشر تھاوان۔ یمن ہندی کینہہ صوتیم /بھ/، /دھ/، /ڈھ/ تہ /گھ/ چھہ ڈوگری تہ پہاڑی زبانن ستر مشترک۔ یتھے پاٹھر چھے حسب ذیل مثالہ تہ سراج تہ رامبہڑ بولین کاشرس نشہ الگ کرتھہ ڈوگری تہ پہاڑی زبانن نزدیک انان:

کاشر

رامبہڑ / سراج

اکھ	اکہ
ز	دوے
ترے	ترے
ژور	ژور
پانژھ	پنز
گوڈنیک	پلو
دویم	ڈکو
پونژم	منژمو
شیمیم	سیمو
ستیم	ستمو
دہیم	دسمو
سو	اؤں
تمہ	اُنون
تمن	اُنیں
ژ	توں
تہو	آپ
رُن	ژاکنو
موکلاؤن	مُکلاؤنو
پھیرُن	پلٹنو
گندُن	کھڑنوں
کشن	کتنو

جملن ہنز بناوٹ تہ چھے رامہنڑ تہ سر اُج بولین کاثر نشہ ہٹتھ۔ مثلاً:

سر اُج	کاثر
اوں کام نہ کرلو	صو کر نہ کام۔
توں کام نہ کریتھ۔	ژ کر کھ نہ کام۔
آپ سفر کرنو چھا۔	توہہ چھ سفر کرن۔
کوہستانی بولک چھے شینا زبانه ستر ہشر ہاوان۔ مثلاً:	

کوہستانی	شینا	کاثر
کو	کو	کیاہ
کوؤں	کوؤن	گس
یوسن	یون	زُون
ایس	ایس	اَس
مول	مول	مل
جب	جب	زبان یازیو
جتھ	جتھ	مس
آل	ماہ	جہ
اساں	اچھی	اَس
بر اُر	بر اُر	بیور

پوگلی بولک چھے کاثرس ستر ہشر ہاوان۔ البتہ [نو] مار فیم یُس ہند آریائی
 زبانن typological form چھ بنان چھ پوگلی بولہ منز عام۔

کاثر پوگلی

گنڈن	گنڈنو
وسن	وسنو
شونگن	شونگنو
آسن	آسنو
روزن	رہنو بیتر

کاشرس تہ پوگلی بولہ منز چھ جملکس ساختس منز موئی فرق۔

پوگلی کاشر

یہ کاو وڑ چھو۔	یہ کاو چھ وڑان۔
یہ سفر مے کر یلو۔	یہ سفر کو ر مے۔
آول بہ سفر کر چھس۔	بہ چھس یہ سفر کران۔
آو تونر وتھ پیں نتھ۔	بہ سوز تھس ژے تور۔
راچی روڈ آس۔	راتھ اوس روڈ۔

یو دوے کشتو آڑی بولک تہ وادی منز بولن ولس کاشرس ستر جملہ ساخت

بالکل ہیوے تھاوان تھاوان چھے، تاہم چھ لفظیاتی سطحس پیٹھ واریاہ پھیر۔

وچھو کیئہہ مثالہ:

کشتو آڑی	کاشر
کر	گر
تک	دک
کاسہ	گاسہ
تھلن	چھلن

بوگت

زامتر

ہیر کے مثالی چھے۔ تھ کتھ کن اشار کران ز کشیر منز چھ علاقائی بولین نو سر
 سام پنچ تہ تہنز نشاند ہی کرنک ضرورت۔ یو دے سر آج تہ راہنی منز زیادہ در
 ڈوگری یا پہاڑی زبانن ستر لبہ یوان چھ، سستی چھ پوگی تہ وارہس حدس تام
 کاشرس نشہ ہٹھ۔ کوہستانی تہ شینا چھ پانوی زیادہ نزدیک تہ کاشرس ستر کم ہشر
 ہوان۔ البتہ چھ کشتواڑی کاشرس ستر فرق ہاونہ باوجود جملن ہند ساحتہ رنگو
 کاشرس ستر بنیادی ہشر ہوان۔ یم بین تہ ہشر واضح کرنہ بابت چھ سنجیدہ
 تفصیلی سروے کرنک ضرورت۔ ادے ہیکن کشیر ہندین بالائی علاقن منز ژور
 لسانی راز بدیر تھ یم ڈائلیکٹالوجی ہند خاطر تہ علم لسانیاتہ خاطر مولو خزانہ بنن۔
 کاشر زبان چھ معاشرتی ڈائلیکٹالوجی بد کڈنہ خاطر تہ واریاہ مواد پیش کران۔
 معاشرتی عنصر مثلاً مذہب، جنس، وائس، تعلیم، گامی تہ شہری چھ کاشرس منز
 بولہ پھیر پاد کران۔ یو دے مختلف معاشرتی طبقہ چھ کشیر منز واریاہ ملوٹار
 سان یکجا ووتھان بیہان، مگر تو تہ چھ لکن ہند معاشرتی طبقہ بین بولین ہند بین
 ہٹھ نو نیران۔ اتھ چھ گو میر تھ پاتھ کر بیان کران:

A characteristic feature of Indian society is the segmentation of population into ethnically distinct, endogamous groups... These groups are only in part territorially separate. In many instances, they coexist in what social scientists study as a single community. They hold similar religious beliefs and regularly exchange services. Yet although they are in constant communication, they may speak distinct languages and dialects at home. Whereas, in other areas of the world, intergroup communication in time tends to obliterate language differences, In India, such differences appear to be in

large part maintained. (1969: 598)

معاشرتی بولیات زانہ خاطر چھ بہر حال کاشرس منز تہ تھے۔ مثلاً دیہاتی تہ شہری چھ اکھ ا کس ستر قریبی ر ا بطہ تھاوتھ تہ بولہ پھیر ہاوان۔ مثلاً:

شہری

شُر

شُرہ

گگر

دیہاتی

شُر

شُرہ

گگر

جملہ ساختس منز تہ چھے فرق نظر گرہان۔ مثلاً:

شہری

بہ پر نہ سبق۔

بہ گرہ نہ تور۔

دیہاتی

بہ نو پر نہ سبق۔

بہ نو گرہ نہ تور۔

بطہ تہ مسلمان تہ چھ زبان ورتاؤنس منز پنہ شناختک اظہار کران۔ مثلاً: پونی، پنی، نرگ، سورگ، نیہہ بیتر لفظ چھ کاشرین بٹن منز عام۔ اتھ برعکس چھ کاشری مسلمان یمن لفظن ہنز جایہ آب، ثواب، جہنم، جنت، ماز لفظ ورتاوان۔

کتاب نامہ

1. Grierson, George Abraham, 1919. *Linguistic Survey of India*, vol. VIII, pt. ii. rpt. Moti Lal Banarsidas, 1967.
2. Gumperz, John J. 1969. "Sociolinguistics in South Asia", in *Current Trends in Linguistics*, vol. 5. T.S Sebeole (ed.) The Hague : Mouton.

لفظ تہ معنی: باہمی رشتہ

(کیئہہ قدیم ہندوستانی نظریہ)

رتن تلاشی

ہندوستانس منز چھے زبانہ ہند مطالچ روایت سیٹھاہ پرانی۔ مختلف علومن تہ فلسفن ستر وابستہ عالموتہ مفکروچھ زبانہ ہندین بیون بیون پہلوہن ہند حوالہ پنہ نظریہ فکرچ باوتھ کرہڑ۔ اتھ منز چھ معنویاتی پہلوہن ہند بحث تہ شامل۔ مختلف عالموچھ لفظ تہ معروض کہ رشتچ فطرت تہ خصوصیت بنیاد بناوتھ ”معنی“ یک تصور واضح کرچ کوشش کرہڑ۔ ’لفظ تہ معنی‘ کس رشتس متعلق پئی خیال پیش کرن والین منز چھ خاص پاٹھگر اگردان کیولسانی عالم، مختلف مذہبی مفکر تہ شعریاتس کیوشعری جمالیاتس ستر وابستہ عالم شامل۔ غرض فلسفہ، لسانیات تہ شعریات چھ وٹھ پوٹھ پوٹھ کر تم ترے دبستان یمو اکہ نتہ پیہ رنگہ لفظ تہ معنی یک بحث تلمت چھ۔ یمو تریو منز لسانی تہ گرامری مطالعہ ساری کھوتہ قدیم ییمیک آغاز ژورڈی مہ صدی قبل مسیح ہندس مشہور گرامردان پانی سہنز تصنیفہ ”اشت ادھیائے“ ستر سپد مت مانہ یوان چھ۔ اتھ پیٹھ چھ مختلف عالمو شرح لیکھ متری یمن منز دویمہ صدی قبل مسیح ہندس پنجابی سند شرح تہ شامل چھ۔ امہ علمی سرچشمک اہم عالم چھ بھرتری ہری تیک سہنز ”واکیہ پدیہ“ ناوچ تصنیفہ منز لفظ معنی کس رشتس متعلق مولو خیال چھ۔ بھرتری ہری لیس علاو چھ ماگیش بھٹ، گندابھٹ تہ امہ روایڑ ہند کیئہہ عالم۔

قدیم ہندوستانہ کین مختلف فلسفی مکتب فکرن منز تہ چھ ”لفظ“ تہ لفظن ہند معنی ووپداو ستر اکہ نتہ پیہ نقطہ نظر غور و خوضک موضوع رو دمت۔ یمن منز یودوے ویدانت، سانکھیہ تہ جینی مکتب فکر شامل چھے۔ اماپوز میماسا، نیاے تہ وشیشک تہ بودھ مکتب فکر چھے خاص اہم۔ میماسا مکتب فکر ج بنیاد چھے تریئمہ صدی قبل مسیح ہندس چینی سند ”میماسا سوتر“ مانہ آمت۔ یتھ پٹھ بشر سوامی ین شرح لیو کھمت چھ۔ میماسا سکولس ستر چھ کمار بھٹ تہ پر بھا کر تہ وابستہ یمو چھ زبانہ ہندین معنوی پہلوہن متعلق اکہ مخصوص زاویہ نگاہ بحث کو رمت۔ ”نیاے تہ وشیشک“ ادب چھ بسیار۔ مگر یمن منز چھے ”کناد ستر“۔ وشیشک سوتر تہ گوتم ستر ”نیاے سوتر“ خاص اہمیت تھاوان۔ گوڈنچہ تصنیفہ متعلق چھ ونہ یوان زچھے مہاتما بدھ ہند زمانہ برو نہم۔ تیمیک شرح ”اواہن“ تہ شریدھرن لیو کھمت چھ۔ نیاے سوتر ک شرح چھ واتساین تہ واپسی ین لیو کھمت۔ بودھ مفکرن منز چھ دن ناگا، دھرم کیرتی تہ رتنا کر بتر اہم یمو معنی لیس متعلق بودھی خیالن اکہ نظر تیج صورت دژ۔ معنویاتس متعلق ہندوستانی نظریہن ہند سرشمہ چھ شعریاتس ستر وابستہ عالمن ہند۔ یتھ علمک آغاز چھ بھرت سند ناٹیہ شاستر مانہ آمت۔ ناٹیہ شاستر ک موضوع چھ دژشیہ کاویہ یعنی ڈراما ہس متعلق۔ مگر برو نہہ کن ییلہ ناٹیہ شاستر کین اصولن ہند اطلاق شاعر یہ پٹھ سپد تہ کاویہ شاستر آوارس۔ اتھ تحت آو شعر زبانہ ہندین مختلف پہلوہن تہ امہ کس معنی ووپداوس متعلق تہ غور و فکر کرنہ۔ یتھ منز رس، رتی تہ دونیہ مکتب فکرن ستر وابستہ مختلف عالمن ہند دیوت چھ۔ شعریاتس ستر چھ ادبی عالمن ہند اکھ زیوٹھ کاروان وابستہ رو دمت۔ ووں گوڈتھین عالمن

منز چھ آنند وردھن یمہ لحاظہ اہم ز اُم چھ جان شاعری تہ جان قاری سہزن
خصوصیژن ہنز کتھ کران کران لفظ تہ معنی کین مسلن پٹھ تہ تفصیلہ سان
لیو کھمت۔

یمن تریشونی علمی دبستان ستر وابستہ مفکر وچھ معنی چہ فطرژ تہ خصوصیژ متعلق
رنگہ رنگہ پہلو ہو کز سوچمت تہ سو رمت؛ کینز و سر سری پاٹھ تہ کینز و بار یکی
سان۔ مختلف مفکرن ہندین خیالن باہم چھ ہشر تہ تہ کینز ن باہم چھ بین تہ
ٹاکار۔ مثلاً علم لسانیات ستر وابستہ کینز ن عالمن ہنز رایہ چھ معنی ورتا وینچ سکتھ
چھ لفظن منز، ییلہ زن سانکھیہ یا ویدانتی مفکرن ہنز رایہ موجب یہ سکتھ
معروضن منز چھ۔ کینز ن ہند موجب چھ لفظ تہ معنی یک رشتہ جبری تہ کینز ن
ہند موجب چھ یہ رشتہ قدری۔ بہر حال یمن سار نے عالمن ہنز ن راین تہ
تصورن ہنز وکھر وکھر ذکر روزیتھ مقالس منز نہ مناسب تہ نہ ممکن۔ بلکہ کروا س
پیتین اتھ متعلق اہم نظریں انزی منز گڑھنچ کوشش۔

میما مسا نظریہ

پیتین چھ یہ وئن ضروری ز میما مسا مفکر و یہ کینز ہاہ ز بانہ تہ امہ کہ معنی کہ حوالہ و
ونمت، سہ چھنہ عام بول چالی ز بانہ ہند حوالہ ونہ آمت، بلکہ چھ تہند موضوع
بحث ویدن ہنز زبان روزہڑ۔ چناچہ ویدک عبارت تہ منترن ہند ورتا و اوس
یکہ تہ عبادتہ بابت لازمی تہ اکثر اوس عالمن امہ ز بانہ ہند س صحیح مفہومس تہ
تعبیرس متعلق تضاد روزان۔ ویدک جملن منز الگ الگ لفظن ہند باہمی رشتہ
تہ جملن منز یمن لفظن ہنز اہمیت اُس اکثر پاٹھ یہند بحثگ موضوع روزان۔

یمنے بخش ہند نتیجہ آیہ منترن ہند صحیح مفہوم سر کھر کرنہ بابت کینہہ اصول مرتب کرنہ یہند مقصد لفظ - معنی مسئلہ انزراؤن اوس - یمنے بخش دوران چھ میما مسامفکرو لفظتہ معنی کس رشتس متعلق پنہ رایہ ہند اظہار کو رمت -

بہر حال لفظتہ معنی کہ رشتہ حوالہ یہ امہ مکتب فکر چ راے چھے، سوچھے امہ کہ فکری نظام مطابق - چناچہ امہ نظام فکر اکھ امہ اصول چھ خالق ہنز عدم موجودگی -

امہ فلسفہ مطابق نہ چھ یمہ سمسارک خالق کانہہ، تہ نہ چھ اتھ کانہہ نقطہ آغاز یا اختتام - یتھے پاٹھو چھ وید تہ قایمی تہ دایمی، یہند مصنف نہ کانہہ الیشور چھ نہ کانہہ انسان - کلام کہ حیثیتہ چھ یم پوشونی تہ انسانہ ہنز رہبری بابت ضروری -

ویدن تہ چھ نہ کانہہ آغاز تہ نہ کانہہ اند - یم چھ ہمیشہ اُس متری تہ ہمیشہ آسن -

چناچہ وید چھ قایم تہ دایم، امیک مطلب چھ زیہنز زبان تہ چھے قایم تہ دایم تہ مستقل، یمہ چہ زبانہ ہندین معنہ مفہومن محرکاتن ہند پے لبُن ناممکن چھ -

یتھ پاٹھو چھ نہ یہ مانہ وراے چارے کانہہ زامہ کین لفظن تہ معنی یک رشتہ چھ فطری تہ ازلی - چناچہ ویدن ہنز زبان چھے ازلی، امہ سبہ چھے نہ امہ چہ صداقرٹ بابت نہ کانہہ سند درکار تہ نہ گنہ قسمک بحث با مقصد -

میما مسامفکرن ہند مطابق چھے لفظس معنی باونچ سکتھ یتھ تم ”یوتا“ ونان چھ - غرض پر یتھ لفظ چھ فطری طور معنی باونچ صلاحیت تھاوان تہ یہ صلاحیت چھے مقتقل تہ تہ غار متبدل تہ - چناچہ لفظن ہند تعبیری قوت چھ ازلی تہ پر یتھ کانہہ لفظ چھ پنہ، امہ خصوصیتہ کنی بذات خود مخصوص معروضک معنی تھاوان - یتہ ز تمام لفظ چھ ازلیہ پیٹھے موجود، بلا لحاظہ یمہ ز بوزن دول چھا تہند معنی سمان یا نہ - پڑ بھا کر سندن وُن چھ ز چناچہ لفظن ہند معنی چھ اورے گنڈ تھ، یہ معنی یہ کہ

خاص عملہ حاصل کرنے۔ یوسہ اُسی یتھ پٹھو واضح کرتھ ہیگو: مثلاً ما لکن اُکر دیت نو کرس حکم: ”گاوانن تہ گر گنڈن۔“ نو کرچھ اتھ حکمس تعمیل کران تہ اتھ دوران چھے شُرس اُکس نو کرس پٹھ نظر۔ امہ حکمک تعمیل کمہ انمانہ کوُر نو کرن، امہ ستر سپد شرتہ ”گاؤ“ تہ ”گر“ لفظہ کس معنی لیس اُنزی مُنزی۔ معنی زانہ چہ اتھ عملہ منز چھے پر بھا کرن ویدن ہندین حکمی جملن خاص اہمیت دثرت۔ اما پوز گمارل ہند مطابق ہیگہ کانسہ تہ قابل اعتماد شخصہ سُد کلام امہ باپت ورتا ونہ یتھ۔

غرض میما سا نظریہ مطابق چھ زبانہ منز نہ صرف معنی یک استحکام، بلکہ چھ زبانہ ہند مکمل آسنگ تصور تہ، یتھ منز ارتقا تہ معنیج تبدیلی ہنز کانہہ تہ وتھ ناپید چھے۔ یہ کتھ چھے دلچسپ زویدن ہنز زبان کٹنگ مرکز آسہ باوجود چھ میما سا والیو خالق مطلقس ستر وابستہ یتھ ہو کر گیت تہ نظر انداز کر دی متی:

کس چھ سون مول..... سون خالق!

یُس پر یتھ مکانس تہ پر یتھ مخلوقس زانان چھ

سے چھ دیوتہن ناوتھا ونگ باعث تہ.....

میون مقصد چھنہ ویدک گیتس منز باونہ آمتہ خیالچ معقولیت تسلیم یار دکر فی، بلکہ چھ میون مقصد ماما سا والین ہند انحراف ٹا کار کرن۔ زبان متعلق یتھ ہو کر تصور چھ قدیم کالہ مختلف تہذیبین منز رائج روڈی متی یتھ تحت یمن اساطیری تہ الوہی خصوصیت وابستہ کرنے آمڑ چھے۔ کینڑو چھے یمہ خصوصیت منطقی بنیادن پٹھ سر کھر کرینچ کوشش تہ کر مرث۔ اُسی ہیگو میما سا نظریہ تہ زیاد کھوتہ زیاد پڑھے اکھ کوشش مانتھ یُس نیاے نظریہ فکرن معقول دلیوڈی رد کو رمت چھ۔

نیاے تہ و شیشک نظریہ

میما مسافکر ن ہندی پاٹھر چھ نیاے مکتبہ فکر کہ توجہک مرکز تہ ملہ تلہ ویدک عبادتن تہ منترن ہند صحیح معنہ تہ مفہوم اوسمت۔ کینز و عالموچھ ”نیاے“ لفظک مول ”نی“ مانتھ اچ تشریح تہ طریق کارنگو کر مرثیمہ کنز لفظن تہ جملن ہند صحیح تاویل تہ تعبیر کرنہ یوان اوس۔ امی موجب اوس بعضے لفظن ہندس صحیح ویدک لہجس تہ نیاے ونہ یوان۔ زبانہ ہند ’لفظ‘ تہ ’معنی‘ کہ رشتہ حوالہ چھ نیاے تہ میما مسافر ز فکر ن درمیان پھیر نمایان۔ یہ پھیر چھ یہند میں بنیادی تصورن منز تہ۔ مثلاً نیاے واکر چھ نہ صرف خالق مخلوق تہ فنا ہک تصور تسلیم کران بلکہ ویدن تہ ازلی برعکس ایشور سز تخلیق مانان۔ پنہ فکری نظامہ مطابق چھنہ یمن نش لفظ معنی یک رشتہ نہ مستق تہ نہ ازلی۔ لفظ تہ معنی یک رشتہ نہ چھ فطری تہ نہ خودزاوت نہ چھ لفظس توڑھ کانہہ داخلی تہ فطری خصوصیت یمہ کنز اتھ گنہ معروضک معنی آسان چھ۔ مثلاً ”نار“ لفظس چھ نہ پنز کانہہ داخلی خصوصیت یمہ سببہ یہ امہ باپت ورتا ونہ یوان چھ۔ نیاے والین ہند مانن چھ ز لفظہ چہ معنی سازی پس پرچھ رواج تہ رواج ہند دخل۔ یہ طرز فکر تہ چھ لفظہ چہ معنوی توڑھ ہند قایل، یتھ ’ابد‘ ونہ آمت چھ۔ ووں گو و تمن نش چھ نہ یہ سکتہ۔ با توڑھ فطری یا مستقل بلکہ چھ یہ توڑھ اکھ پشرن تہ غار مستقل۔ اتھ توڑھ چھ بعضے ’پر بھاشا‘ تہ ونہ آمت۔ نیاے سوتر کس مصنف گوتم سند وٹن چھ ز لفظس تہ معنی لیس باہم چھنہ کانہہ سید سیو دتہ فطری واٹھ، بلکہ چھ یہ واٹھ سماجہ و سسر کھر سپدان۔ بقولہ تسند ہر گاہ لفظ تہ معنی یک رشتہ ازلی یا فطری آہے تیلہ روز ہن یم پر یتھ ساتھ موجود تہ ستر ستر۔ یعنی لفظ زیو کڈنہ وز آہے معروض تہ

حاضر سپدان۔ مثلاً ہر گاہ اُس بونہ ہنز غار موجودگی منز بونی، ونوتہ بونی آسہ
حاضر پیس اکھ عبث صورتحال چھ۔ میما مسا والین ہندس لفظ تہ معنی کس فطری
رشتہ کس نقطہ نظر س رد کران چھ نیاے وشیشک واکر ونان ز ہر گاہ تمام لفظن
ہند معنی ازلی آسہ تیلہ آسہ مختلف زبان در میان تفاوت غار موجود تہ نہ آسہن
تیلہ گنہ زبانہ منز اکر ہے معروف متعلق مختلف لفظ۔ مثلاً ہر گاہ رشتہ قائم تہ دایم
آسہ تیلہ آسہن پریتھ زبانہ منز غپلا بس 'گلاب' ونان تہ نارس 'نار'۔ یو دوی
لفظک تہ معنی یک رشتہ مستحکم تہ مستقل آسہ تیلہ آسہ اکھ معروضہ بابت اکھ لفظ۔
تیلہ نہ آسہن زبان منز ہم معنی لفظ تہ نہ ہم آواز، مگر مختلف معنی واکر لفظ۔

نیاے نظام فکر مطابق چھنہ لفظ محض آواز ن ہند مجموعہ بلکہ چھ یہ تڑھ اکھ
صوتیاتی ساخت یوہہ ا کس ذہنی تصورس پٹھ د رتھ چھے تہ معنی تہ چھنہ محض
معروض بلکہ چھ یہ معروضک ذہنی تصور یا مبدل، یتھ "وکلپ" وننہ آمت چھ
تہ یس سماجک پا داوار آسان چھ۔ "نیاے کندلی" ہندس مصنف شریدر ہند
مطابق چھے پریتھ تجربہ تہ ادراک بنیاد کا نہہ تہ کا نہہ "مستقل وجود" یتھ

دروپہ "وننہ آمت چھ۔ مگر درو تچ تشریح ہیکہ پانے دروپہ آستھ۔ لفظ ہیکہ زیاد
کھوتہ زیاد امیک مجرد ذہنی تصور آستھ تیمیک اطلاق امہ کس کلہم ورگس پٹھ
سپد تھ ہیکہ تہ یو تام نہ اتھ ستری مخصوص تصور وابستہ سپدان تو تام ہیکہ نہ یہ مخصوص
معنی دتھ۔ یم تصورات چھ "گن" (کیفیت) کرم (فعل) تہ وشیش (خوبی)
بیتر محرکاتو ستری وابستہ سپدان۔ مثلاً ہر گاہ اُس لفظ "کتاب" ونوپہ چھ نہ
صرف اکھ مجرد تصور، بلکہ چھنہ اتھ مخصوص معنی تہ کا نہہ ز کوہہ کتاب؟ ییلہ اُس
دو زج کتاب" ونو، اتھ منز چھے کتاب "دروپہ" تہ یہ چھے اکہ ور پچ نمایندگی

کران۔ مگر یو تام نہ اتھ ستر ”اکھ آسنگ“ تہ ”ووژل“ آسنگ تصور وابستہ
گڑھ تو تام ہیکہ نہ یہ مخصوص معنی دتھ۔ ”دروپہ“ تصور چھ کینز وگرا مردانو تہ
ورتوومت ے، من منز پتجلی تہ شامل چھ۔

اپوہ نظریہ

اپوہ نظریہ چھ بودھی مکتب فکر ستر وابستہ۔ بقول William Alston، ”اپوہ“
گو و نکارن۔ چناچہ نیاے مکتب فکر ک نقطہ نظریو دوے میما مسا کہ نقطہ نظر
مقابلہ معقول باسان چھ، تہ گرتھ چھ دوشوئی ہنز کینہہ خصوصیت مشترکہ۔ مثلاً
دوشوئی ہندی طرز فکر چھنے مابعد الطبیاتی ماورایتہ نشہ مجھ تہ دوشوے چھ یمہ رایہ
ہندی ز لفظ تہ معنی یک رشتہ چھ مثبت۔ مگر بودھی فکر چھنے امہ نشہ بدوئے۔ یہند
نقطہ نظر چھنے یہ رشتہ مثبت، بلکہ تفریقی۔ یہ نقطہ نظر چھ یہند فکری نظامہ مطابق۔
لامعروضیت یا لاشیئت تہ عدم وجود چھ بدھ فلسفہ تہ خاص پاٹھی امہ کہ شنیہ
واچ کئے کئی۔ امہ طرز فکر مطابق نہ چھ صرف معروض متعلق کینہہ وئن محال،
بلکہ چھ یہ لسانی اعتبار نا قابل اظہار تہ۔ یہند نظریہ مطابق چھنے معنی لفظ تہ
معروضہ کہ براہ راست رشتہ ستر پاڈسپدان تکیاز بذات خود چھنے نہ لفظس منز
کانہہ تہ معروضیت۔ معنی چھ پنے نوعیتہ کہ اعتبار منفی۔ لفظس تہ معروض باہم
چھنے کانہہ تہ اصل رشتہ۔ نیاے والین ہندی پاٹھی چھ تم تہ مانان ز لفظ چھ محض
اکھ تصوراتی پیکریس چھراہ اکھ ذہنی تشکیل چھ۔ مگر یہند مطابق ہرگاہ لفظس تہ
معروض درمیان کانہہ رشتہ چھ سہ نکار نہ ستر بنان تہ معنی تہ چھ امی نکارتیک
نتیجہ۔ لفظ چھنے معروض، بلکہ اکھ وکلپ یا مبدل یس منفیتہ چہ خصوصیت تھاوان

چھ۔ بقول دن ناگا، لفظ چھ اکھ تیتھ مبدل یتھ پنہ ورگہ کین تمام معروض ستر تفریقی نوعیتک رشتہ چھ۔ مثالے ہرگاہ اُسر لفظ ”گلاب“ ونو، تمیک معنی چھنہ سید سیو دگلاب، بلکہ تم ساری معروض یم گلاب چھنہ۔ یعنی گلابس چھ تیلی گلاب معنی ییلہ باقی تھن سارنے معروض ہند نفی سپدان چھ۔

اپوہ نظریہ مطابق چھ نہ معروضی کا نہ خصوصیت لفظس منز، بلکہ لفظس ستر چھ گنہ معروضک معنی تیلی وابستہ کرنہ یوان ییلہ بدوئے کاری تحت امہ نشہ دویم تمام معنی تفریق کرنہ یوان چھ۔ ”لنکا اوتار سوتر“ مطابق ییلہ اُسر گفتگو کران چھ تہ اتھ دوران چھ گنہ چیزس کا نہ ناودوان، یہ چھ دراصل بوچ اکھ ترکیب یوہ نہ حقیقی چھ۔ امیک مطلب چھ لفظس منز چھ نہ معروضی کا نہ تہ حقیقت تہ معنی چھ محض بدوئے کاری تہ تفریقی عملہ ہند نتیجہ۔ یہ زن دن ناگا نیمہ مثالہ ستر واضح کران چھ: ونان چھ ز ییلہ اُسر ”نیول پمپوش“ ونو، ”نیول“ لفظک انتخاب چھ تمن تمام پمپوش پٹھ د رتھ یم نہ نیل چھ، تہ لفظ ”پمپوشک“ انتخاب چھ تھن سارنے چیزن پٹھ د رتھ یم نہ پمپوش چھ۔ یتھ پاٹھر چھ امیک معنی غیر نیول، تہ غیر پمپوش دوشوئی زمر کین معروض ہنز بدونکاری تہ نفی یس پٹھ منحصر۔ ہرگاہ معنی سازی منز بدونکاری ہند عمل دخل آہے نہ تیلہ ہرگاہ کانہ کا نہ مخصوص چیزانہ باپت ونہو، سہ انہ ہے تمہ بدلہ بیہ کا نہ تہ چیز، تکیا ز سہ ہیکہ ہے نہ تھ چیزس باقی چیزن نشہ بدون کرتھ۔ امیک مطلب چھ یتہ لفظس ہند معنی چھ معروض ہنز امتیازی تہ پھیر ہا خصوصیتن ہند ستر۔

یہ کتھ چھ اہم ز امہ نقطہ نظر یو د وے معنی تیج خصوصیت انچ منفیت چھ، مگر بظاہر چھ یہ اثباتی دھرم کیرتی ہند مطابق چھ امپیک بجہ زبانہ منز ذہنی تصورن ہند

تکرار۔ ”اپو وہ سدھی“ ہندو مصنف رتن کیرتی سُنڈ وُن چھ ز معنی سازی ہنز عملہ منز چھ نفی پس ستر ستر اثباتی عمل تہ یٹھ ”پشٹی“ ونہ آمت چھ، تہ یم دوشوے عملہ چھے ذہنی سو تھرس پٹھ بیکوقت لرلو رپکان۔

بہر حال لفظ تہ معنی کس رشتس متعلق چھ بودھن ہند طرز فکر یمہ لحاظہ دلچسپ ز زبانہ ستر وابستہ یمن مسلن گن وہمہ صدی دوران ساختیاتی تہ پس ساختیاتی لسانی ماہر و توجہ دیٹ، بود دیٹ، بودھ مفکر و آس صدیہ واد برونہ تم مسلہ الہ پلہ تمی انمانہ ویرھناؤر مٹر۔ مثلاً سوسیور سُنڈ یہ وُن ز زبانہ منز چھے چھراہ بدونہ کآری، چھ اکہ نتہ پیہ رنگہ اپوہ اصولس ستر ہشر تھاوان۔ یمن دوشوہ قدیم تہ جدید طرز فکر ن ہشر ن یکسانیزن گن چھ ”انڈین تھیریز آف مہنگ“ کتابہ ہندو مصنف گنجی راجا ہن تہ اشارہ کو رمت۔

سپھوٹ نظریہ

معنویاتس متعلق ہندوستانی گرامردان ہندیشن نظریہن منز چھ سپھوٹ نظریہ نہ صرف اکہ نمایاں دیٹ بلکہ چھ یہ مختلف لسانی عالمن ہند باپت اکہ تحریک تہ بنیو مت۔ ”سپھوٹ“ نشہ چھ مطلب اکہ بامعنی اشارہ۔ یہ بامعنی اشارہ ہیکہ اکہ لفظ تہ آستھ، تہ اکہ جملہ تہ۔ سپھوٹ نظریہ مطابق چھنہ لفظ یا جملہ محض آوازن یا صوتن ہنز تذل، بلکہ چھ یم بامعنی اکائیہ۔ ووں گو و زبانہ ہندو صوت چھ بامعنی اکائیہ باونگ وسیلہ تہ یم صوت چھ زمائی ترتیبہ حسابہ ادا کرنہ یوان۔ مگر اتھ مقابلہ چھے معنی ووداؤ بیک آن۔ مطلب چھ یہ ز سپھوٹ ووتھہ جملس یمہ

نشہ معنی یکدم ووتلہ یا شولہ۔ سپھوٹک لغوی معنی تہ چھ ووتلن، وُزن یا شولہ تراؤن۔ کینژن عالمن ہنز راے چھے ز ”سپھوٹ“ چھ تی یہ جدید لسانیاتس منز sign چھ۔

سپھوٹ اصولک بانی کار چھ بھرتی ہری یس اکھ قد اوار گرامردان اوس۔
 تھر چھے امہ نظریج ویرٹھنے پنہ ”واکیہ پدیہ“ تصنیفہ منز گرامرٹھ۔ ووں گو و
 سپھوٹ اصطلاحک ورتا وچھ اُمس بروہنہ تہ پتجلی سندر ”مہا بھاشیس“ منز
 سپد مت۔ پتجلی چھ ونان ز لفظس چھ ز پکھر: اول سپھوٹ تہ دویم ”دھونی“
 یعنی آواز۔ سند مطابق چھ سپھوٹ لفظک دایمی پوکھ یتھ نہ انفرادی تلفظ ستر
 کانہہ تہ فرق پیوان چھے، یعنی یہ چھ غیر متبدل۔ ییلہ زن دھونی پوکھ متبدل
 چھ تکیا ز انفرادی ورتا و ستر چھے یہ اثر انداز سپدان۔ ووں گو و پتجلی تہ بھرتی
 ہری سند سپھوٹ نقطہ نظرس درمیان چھے فرق۔ پتجلی سند بابت چھے نہ سپھوٹ
 اکھ اکائی بلکہ اکائی ین ہنزا کھ تندل۔ دراصل چھ پتجلی سند یہ سوچ میما مسا
 مکتب فکر نشہ متاثر۔

بھرتی ہری سند سپھوٹ نظریہ چھ تہ سند تصور نشہ، بلکل بدونہ۔ سند نقطہ نظرتہ
 چھ لفظن یا جملن ز پکھر، مگر یم چھ پتجلی سند نقطہ نظر نشہ الگ۔ یم چھ ظاہری
 پوکھ تہ ”بھاوپوکھ“۔ ظاہری پکھس تحت چھے آواز تہ آواز آکار یوان ییلہ زن
 بھاوپکھس تحت معنی مفہوم آسان چھ۔ بھرتی ہری سند زور چھ یتھ کتھ پٹھ ز
 آواز انداز یا آکار چھ لفظک یا جملک خارجی سو تھرتہ مفہومی یعنی بھاوپوکھ چھ
 داخلی یتھ سپھوٹ ونان چھ۔ یتھ پاٹھر چھ سپھوٹ تی یہ جملک مفہوم آسہ۔
 سہ چھ مانان ز زبانہ ہنز بنیادی اکائی چھے جملہ، بامے سہ جملہ اُکس لفظس

پٹھہ مشتمل آسہ یا اکہ کھوتہ زیادہ لفظن پٹھہ۔

وونی چھ سوال ز با معنی جملہ کتھ ونو؟ یا یز اتھ کمہ خصوصیت گڑھن آسنہ؟ ہندوستانی گرامردانوہ لسانی ماہر چھے اکہ با معنی جملہ باپت لفظن ہنز ترے خصوصیت ضروری مانمہ: اول، ”آنکا نکھشا“ یعنی نحوی مناسبت، دویم، ”سندھی“ یعنی قربت، تہ ترتیم، ”یوگتا“ یعنی مطابقت۔ یو دوے جملس منز یم تریشوے خصوصیت آسن، جملہ آسہ با معنی۔ مثلاً نی تو یہ جملہ: ”مائلس دبتہ۔“ اتھ جملس منز چھے لفظن باہم نحوی مناسبت ہر گاہ یہ جملہ یمہ آیہ ونو: ”ماکر دبتہ۔“ عیان چھ ز ”ماکر“ لفظہ چہ حالت منز چھ خلل کرنہ آمت، یمہ ستر امہ جملہ کس نحوی مناسبتس منز تہ خلل چھ سپد مت، یمیک اثر مفہومس پٹھہ پیو و۔ قربتکہ اصولہ مطابق گڑھن جملہ ساری لفظ بوزن وائلس تام تمہ آیہ وائتر یتھ نہ یمن درمیان وقتی طور بے جا زھین لگہ۔ مثلاً ہر گاہ اُسر ”ہے قلم ما“ اکہ ساتھ ونوتہ ”تلتھ“ ونو کینہہ وق گڑھتھ، امہ ستر سپد قرینچ خصوصیت متاثر۔ جملہ کہ معنی مفہومہ باپت چھے نہ یے ز خصوصیت کافی، بلکہ چھے ”یوگتا“ تہ ضروری۔ مثلاً یہ جملہ نی تو: ”بہ کھیمہ آب۔“ گرامر لحاظہ چھ جملہ صحیح تکیاز پریتھ کانہہ گرامری جز چھ پنہ پنہ جاہ۔ مگر مطابقت چھے ندارد۔ یو دوے کانہہ شخص امہ آیہ یہ جملہ بولہ تس پٹھہ ہیکہ اُس یتھ۔ امہ سببہ چھے جملس با معنی بناونہ باپت یمہ تریشوے خصوصیت ضروری۔

بہر حال بقول بھرتی ہری، لفظ یا جملہ چھ معنی لیس وجودس انگ وسیلہ۔ امیک خارجی پہلو آواز یا آکار ہیکہ تقسیم سپد تھ۔ اُسر ہیکو چلچ آواز پھڑاوتھ، یم اکھ اُکس ستر وائٹھ چھے، مگر داخلی پہلو ہیکہ نہ تقسیم سپد تھ؛ یہ چھ اکھ

وحدت۔ سچھوٹ نظریس منز چھ لفظ تہ معنی یک واٹھ سینٹھاہ اہم۔ سچھوٹ چھ با
 معنی اشاریُس آواز و دس اظہاری سوتھرس پٹھ یوان چھ۔ آوازن ہنز کاے
 چھ با معنی اشار سچھوٹس صورت بخشہ تہ سچھوٹ ییلہ آوازن ہند وسیلہ اظہاری
 سوتھرس پٹھ یوان چھ، یم چھ غیر متبدل با معنی اکا پین ہنز صورت پراوان۔
 سچھوٹس اظہاری سوتھرس پٹھ ائس منز چھ لفظن تہ جملن ہنز پریتھ آواز ہند
 رول اہم۔ سچھوٹ کہ اظہارک آغاز چھ لفظ چہ یا جملہ چہ گوڈنچہ آواز ستر
 سپد تھ آخری آواز ہندس ادا کرنس ستر مکمل سپدان۔ بہر حال بھرتی ہری سُنڈ
 دیٹ چھ یہ ز پنے سچھوٹکہ نظریہ ستر کتر لفظ تہ معنی یس منز مکمل وحدت پاد تہ
 اتھ وحدتس دیٹن سچھوٹ ناو۔ لفظ تہ معنی یک بین اوس اُمس برو نہہ لسانی
 ماہرن برو نہہ کنہ اکھ بحث طلب مسئلہ رودمت۔ ام پوز بھرتی ہری سُنڈ کمال
 چھ پرتکر کو رینرس منز یکت پاد۔

دونہ نظریہ

ہندوستانی لسانی عالموتہ شعریات کیو ماہرو چھ عام زبانہ تہ ادبی زبانہ درمیان
 فرق واضح کرنس دوران لفظن ہند معنی ووتلاونہ کس قوتس ورگہ با گنے کر ہڑ۔
 یمن منز چھ خاص پاٹھی انکار سکولس ستر وابستہ عالم تہ شامل یمولفظک معنی
 دون سوتھرین منز با گروومت چھ۔ اکھ سوتھر چھ ”ابدا“ تہ دویمس
 سوتھرس چھ ”لکھشنا“ ناو دہ آمت۔ یتھ پاٹھی برو نہہ تہ ذکر سپز، ابد اچھ
 لفظ سو سکتھ یمہ دس یہ گنہ معروضک معنی باوان چھ۔ یا ونو۔ ز یہ چھ گنہ چیزک
 وکلپ بنان۔ یتھ پاٹھی ہیکو ویتھ ز ”ابدا“ چھ لفظک لغاتی یا ظاہری معنی۔ یہ

چھ لفظک سہ معنی یُس بوزن و اُل لفظ بوزی تھے فہمس منز یوان چھ۔ یتہ ہیکو
 و نتھ ز ایدا چھ لفظک تناظر رؤس معنی۔ ووں گو و انسان چھ زبان بیشتر پائٹھر
 جملن منز بولان پیتہ الگ الگ لفظ رنگہ رنگہ تناظرن منز ورتا ونہ یوان چھ تہ
 کینژون تناظرن منز ہیکہ لفظ پنہ لگاتی معنی کہ دایر نیبر نیر تھ نوس معنی معنوی
 دایرس منز داخل سپد تھ۔ تھین موقعن پٹھ ہیکہ امیک معنی امہ کہ لغاتی معنی نشہ
 و کھر اُستھ۔ گنہ مخصوص تناظرس منز ورتا ونہ ستری ییلہ لفظ نو و معنی رٹہ، اُتھ و نو
 ”لکھشنا“۔ امیک مطلب چھ ز ”ایدا“ چھ بنیادی معنی ییلہ زن لکھشنا تبدیل
 شد یا ثانوی معنی چھ۔ یتہ چھ وچھنہ آمت ز انسان چھ تھکر جملہ تہ بولان پیتہ
 امیک معنی اتھ منز شامل لفظن ہند الگ الگ لغاتی معنی یہ نشہ مختلف اُستھ
 ہیکہ۔ مثلاً فی تو یہ جملہ: ”سورے گام آوڑ اُستھ۔“ اتھ منز چھے ٹاکار پائٹھر
 کراؤلس تہ کراؤلس درمیان ناہمواریت تہ سستی چھ ”گام“ پنہ لغاتی معنی یہ نیبر
 درامت۔ تھکر ہوکر جملہ چھ ناہمواری باوجود سانہ روز مرزبانہ منز بولنہ یوان
 تہ یم چھ با معنی تہ۔ ہر گاہ اسی امہ جملہ کین لفظن ہند الگ الگ لغاتی معنہ نمو
 تیلہ باسہ یہ غیر فہم۔ وونی گو و یتھ ہیو جملہ سمجھنہ باپت چھ اسہ ”گام“ لفظک
 لغاتی معنی وراے سہ نو و معنی زائن یتھ گن یہ تناظرس منز یتھ اشار کران چھ۔
 یو ہے نو و معنی چھ امیک لکھشنا۔

اسہ وچھ برو نہہ پہن ز بھرتی ہری ین چھ سپھوٹ وادس منز جملس اکھ با معنی
 اشار و وومت۔ امی اصولہ نشہ استفادہ کر تھ کو رآ نند و ردھن شاعر یہ متعلق تہ
 شعری جمالیاتک اکھ نو و تہ مکمل نظریہ پیش۔ مگر چھ یہ نظریہ ”دونیہ لوک“ تصنیفہ
 منز ویر و ہنو وومت۔ اتھ نظریہس تحت چھ آ نند و ردھن لفظک ”ایدا“ تہ

لکھشنا، ”معنی تسلیم کرتے ہیں اُس کس معنی سو تھرس کن تہ اشار کو رمت۔ بقول تہند ہیکہ لفظن ہند معنی تریہ قسمہ اُستہ: ابداء، لکھشنا، تہ تریہم وینجنا۔ ”وینجنا“ دیت تم لفظ کس علامتی یا رمزی (suggestive) معنی لیس ناو۔ پنس اتھ نظریہس وون تم ”دونہ“۔ یہ کتھ تہ چھہ صحیح ز ”دونہ“ اصطلاح ورتا و چھہ تمی پٹھے بانہ کو رمت، بلکہ چھہ تم یہ بروہمین گرامردان نشی اؤنمت۔ نہ چھہ سہ پانس دونہ نظریہک بابہ آدم مانان۔ تم چھہ اعتراف کو رمت ز دونہ اصولی کتھ کرتے چھہ تم روایت ہنزے وکالت کرے۔ وون گو وٹمس پتہ یم تہ شعریاتکو عالم و تمومون سہ دونہ نظریہک زخم داتا۔

بقول آندوردھن ییلہ زبانی ورتاوس دوران لفظ یا جملہ لغاتی معنی تہ تبدیل شد معنی کیو حد و نیر نیران چھہ، امہ پتہ چھہ سہ علامتی معنی رٹان، یتھ وینجنا وونہ اُمت چھہ۔ مثلاً یہ جملہ نی تو: ”تمن چھہ گرس منزے گنگا۔“ ہرگاہ امہ جملک ظاہری معنی نمو، امہ ستر ہیکہ مفہومس و اتناورس منز دل میل پاؤ سپد تھ۔ تکیاز گنگا ہیو رواں دواں دریا و ہیکہ گریچن لبن منز روز تھ؟ وونی ونبو ز اتھ چھہ تبدیل شد معنی یعنی لکھشنا۔ یمہ مطابق اتھ یہ معنی کڈ ہو ز تم چھہ گنگاہ بٹھس پٹھ بسان، مگر اتھ معنی لیس ہیکہ ”منز“ لفظ تھوس اُنتھ۔ امہ سببہ چھہ اتھ جملس منز لفظ گنگاہیہ کتھ تام کن اشار کران۔ یہ ہیکہ شرؤ ژر اُستہ یا خوشحالی یا امن سکون، بیت۔ تکیاز گنگا چھہ یمہ معنی کن اشار کران۔ یتھ پاٹھ چھہ یہ معنی یک تریہم سو تھرتہ اتھ ونو علامتی معنی۔ علامتیت کس یا رمزیت کس اُتھ طریق کارس ونو ”دونہ“ تہ آندوردھن تہ دیت اُتھ اصولس دونہ اصول ناو۔ دونیک مطلب تہ چھہ علامتیت یا رمزیت (suggestive meaning)۔ پینین

چھے یہ کتھ ژئیس تھاؤنی ضروری ز آند وردھن چھہ دونیہ اصولک اطلاق شعر
زبانہ پٹھہ کو رمت۔ امہ سببہ چھے نہ ژھرے علامتیت یا رمزیت دونیہ بلکہ چھے
یہ سورمزیت یوہ شاعری منز جمالیاتی حظک باعث بنان چھے۔ بقول تسد
چھے دونیہ شاعر یہ ہند روح تہ عام زبانہ ہندس لفظ تہ معنی لیس پٹھہ ہیکو امیک
اطلاق کرتھ۔ تھ متعلق ہیکن نہ زراپہ اُستھ۔

دونیہ نظریہس ستر کو ر آند وردھن پتہ کینژ و ادبی عالمواختلاف تہ۔ مثلاً
مکل بھٹن چھنہ وینجنا معنی یک کانہہ الگ درجہ تسلیم کو رمت، بلکہ چھہ کر یہ
لکھنا ہکے انگ مونمت۔ کتھک ہند کنز چھے دونیہ دراصل ”وکرواقتی“
ہند یعنی ورگہ اظہارک دویم ناو۔ مگر ابھنو گپتن چھے پنہ ”ابھنو بھارتی“
تصنیفہ منز دونیہ نظریچ حمایت کر ہژ تہ تنہ چھے اتھ ہندوستانی شعریاتس منز
خاص اہمیت روزہژ۔

زبان تہ بولک: اکھ تجزیاتی مطالعہ

محفوظہ جان

زبان چھے تہمن الفاظن تہ کلماتن ہند مجموعہ یم گنہ آبادی ہندس گنہ حصس منز بولنہ آسن یوان۔ یموے الفاظوتہ کلماتو ذریعہ چھ اکھ انسان دویمس انسائس ستر کتھ باتھ کران تہ امہ کتھ باتھ ہند مطلب پانہ تہ سمجھان تہ بنیس تہ سمجھاوان۔ گوو زبان چھے خیالاتن ہند ذریعہ اظہار، تیج کأم انسائہ سند ذہنی مفہوم، دلیل تہ عام خیالات لفظوتہ جملو ذریعہ بیان کرن چھ۔ زبانہ ہندی تعریف کران چھ اکھ لسانی ماہر لیکھان:

پس زبان کی واضح تعریف ان الفاظ میں کی جاسکتی ہے کہ زبان انسانی خیالات اور احساسات کی پیدا کی ہوئی ان تمام مصنوعی اور جسمانی حرکتوں اور اشاروں کا نام ہے جنہیں زیادہ تر قوت گویائی شامل ہے اور جسکے ایک دوسرا انسان سمجھ سکتا ہے اور جس وقت چاہے اپنے ارادے سے دہرا سکتا ہے۔¹

زبان چھے انسانی زندگی باپت واقعی ترسیل کأم دوان۔ تہ زن گوو یہ کینڑ ہاہ یہ ترسیل کر، روانہ کر، سوز یا یہ کینڑ ہاہ یہ ونہ، بولہ، تہ چھ انسان بہم کرنہ لگان۔ زبان چھے تہڑ اہم یوت شہہ کھالن تہ والن چھ۔ امہ ذریعہ چھ انسان پٹڑ خیالات بنیس تام واتناوان تہ بنین ہندین خیالاتن چھ واقف سپدان۔ اگر زبان اسہ آسہ ہانہ، ذہنس منز مائے محبت، نفرت، نیکی، بدی، اصل تہ خرابیچ

پہچان کرنی اوسنے صرف مشکلیے یوت بلکہ نان ممکن تہ۔ یو دوی دُنیاہ چہ باقی زو
 ذاتہ زند روزنہ بابت ”کتھن“ ہند ترسیل کران چھ، مگر انس انس چھ زبان
 بخشہ سہ شرف دینہ آمت یمہ کنی اُمس اشرف المخلوقات وناں چھ۔ انسان
 کتھ ہیکہ ہا کون زون روزتھ؟ یو ہے اوس وجہ زتس پیو و زند روزنہ بابت
 اُکس چھو کہ یا گروپس منز و تھن بہن، لسن بسن تہ اُتھو چھو کہ یا جمائز منز
 روزتھ اوس سہ پنی خیالات گوڈ پیٹھے بنیس تام و اتناونی یژہان۔ انسان اوسنے
 گوڈ پیٹھے کتھ باتھ کران، بلکہ اوس انس انس گوڈ گوڈ اشار، حرکت، شر فی، گنہ
 چیزس ٹھسرا بے کرنی بیتر ذریعہ اظہار۔ دون اتھن واش کڈتھ تم رلا و تھ چھ
 ثابت گژہان زیہ چھ تریش منگنس کن اشار۔ کلہ ہلا و نہ ستر چھ اُسی اقرار تہ
 نکارتہ کران۔ اشار و ذریعہ کتھ کرنس چھ واریہ طریقہ۔ کینہہ اشار چھ تم یم
 اُسی اُچھو ستر و چھتھ چھ ہیکان۔ مثلاً اتھو ستر اشار ہاؤن یا کلس حرکت کرنی۔
 کینہہ اشار چھ کنو بوزان یا ژینہ یوان۔ مثلاً گولہ ہنز آواز، شر نہ ہنز آواز،
 ڈوچ آواز یا گا نٹی و اتی، بیتر۔ مگر اشار اُتی نظام چھ صوتی زبانہ مقابلہ بلکل
 مؤلور و ستر۔

خیالات کی ترسیل اور جذبات کے اظہار کیلئے انسان نے زبان کی ایجاد کی۔ ترسیل نطق
 ہی کے ذریعے سے ہوئی۔ یہ اشاروں سے بھی ممکن ہے۔ اشاروں کا استعمال ازلی اور
 آفاقی ہے۔ اتنا مہذب ہو جانے کے بعد انسان اپنے خیالات کے اظہار کیلئے
 اشاروں سے بے نیاز نہیں، لیکن ان کے باوجود اشارے صوتی زبان کے مقابلے میں
 بالکل بے دست و پا ہیں، ان کی دنیا بھی محدود ہے۔²

انسانہ ہندی یم ابتدائی تمدنی نشانہ چھ از تہ لوکن منز برابر جاری۔ مثلاً گاڑی
 چلاون وول پیلہ سوار یا کنڈکٹر سند آلو چھنہ بوزان یُس گاڑی ٹھہراونہ تہ

سوار کی تراونہ باپتس کرنے چھ یوان، تھ صورتس منز چھے سوار کی یا کنڈ کٹر زور دار شرنی کران تہ نتہ چھے سوار کی گاڑ ہند تالو وائیں لاگان، گاڑی وائیچ یا شرنہ ہنز آواز کنن منز وائیچ چھ ڈرایور گاڑی ٹھہراوان۔ اگر کانسہ نفرس آلو کران آسہ، تھ صورتس منز چھ شرنی کران، اتھ وایان یا پیہ کانہہ تھ حرکت کران یٹھ سہ نفر افس کن متوجہ گڑھ۔ یہ کتھ پرنہ اسہ مشراونی زکرتہ چھ پنی خیالات بنین تام مختلف طریقو وائناوان۔ مثلاً کلہ ہلا وٹھ یا اتھن ہندیو اشارو ستر۔ ہر گاہ زور کانہہ کتھ بوز ناؤن آسہ تھ صورتس منز چھ انسان پنہ ابتدائی تمدنکی نشانہ کامہ منز انان تہ یموئے ذریعہ چھ سہ زرس کتھ فکر تاران۔ انسانہ سند وجود تہ ہندی ساری اعضا چھ فطری طور حرکات و سکنا تچ عمل پر یٹھ و زجاری تھ وٹھ۔ ہر گاہ اتھ کارس منز تھ ہاہ رکاوٹ پیہ، سورے وجود نظام گڑھ ر کتھ تہ چھلہ چھانگر۔ نر زنگ، کلہ یا پیہ کانہہ اعضاے جسم اسی تن، پر یٹھ گنہ تانس چھ پنی انفرادی کام کار قدرتی طور مطہ۔ انسانی وجودس یودوئے ز روپ اندرون تہ بیرون چھ، مگر زبانہ ہند استعمالہ و زچھ یمن دوشونی حصن ہند متفق آسن قدرتی امر۔ ہر گاہ یہ فطری عمل تشکیلی طور متفق آسہ نہ، ذریعہ باوٹھ (way of expression) سپد ہے تاریک۔ زبان چھ مختلف اعضا ہن درمیان اتحاد سپد نہ کنی پنی کام جاری تھ وائناوان۔ زبان چھ تیلی کینہہ (کتھ) قدرت کہ سانچہ (mouth) کڈان ییلہ انسانی وجود کی ساری اعضا، خاصکر تھ اچھ، وٹھ، کن، ہوٹ، دل تہ دماغی لو، کڑی بڈر حصہ بیک وقت متفق سپدن۔ ساری اعضا یہ جزو رتھ چھ آواز داوان (vocal cords) زیر لگان تہ آواز چھ باضابطہ پاٹھر اکھ سو صورت اختیار کران یٹھ لفظن ہند وجودس یمن لازمی بنان چھ۔ مثلاً اسی

کر و لفظ ”ڈون“ مثالہ بابت پیش۔ ”ڈون“ لفظ چھ ترین آوازن ہند مجموعہ
 /ڈ/ + /و/ + /ن/۔ یعنی ترے آواز رن پانہ وئی، ادہیکہ لفظ ”ڈون“ ہتھ۔
 گو و آوازن ہند میل گڑھنے چھ لفظ تھنے پینگ بنیادی وجہ۔ یو تام آواز اوک
 صوت روزن، جملہ بنگ چھنے کہن امکان۔ کمہ کھوتہ کم گڑھن ز صوت رن
 ہیکہ لفظ ہتھ۔ مثلاً /گ/ + /ء/ + /ر/ = گر۔ یا /ش/ + /ء/ + /ر/ = شر
 بیتر۔ مختصر از بان چھے باؤ ژ ہند اکھ مخصوص طریقہ سیمہ ذریعہ انسان پانہ تہ چھ
 کتھ کران تہ پانہ کتھ چھ دویمین تام و اتناوان، تہ باقی لو کن ہندین خیالاتن
 تہ چھ واقف سپدان۔ بہر کیف انسانہ سند بحر چھ اہنز زبانہ ہند اظہار۔ آواز
 داو، وٹھ، زیو تہ باقی اجزای اعضا چھ حرکتس منزیتھ اوک صائی یکہ وٹھ رلا وٹھ
 آواز ترتیب دوان تہ کتھ چھے وجودس یوان۔ یتھ کتھ چھنے کہن شک ز کتھ
 بارسس ہن چھے تمہ سانیچ نشاندہی کران یس سانو نظر وڈلتھ چھ۔ یہ بحث ا
 وکطرف تر اوتھ وئو اسی ز زبان چھے دراصل اکھ بوک، سیمہ ذریعہ اکھ اچ کتھ
 بنیس اُسس منز جو ابی صورتس منز ترسیل چھ کران۔ زبان چھے مشکل تہ پیچید
 لسانی ترسیل۔ انسان یو دوی تحریر دسی تہ اظہار خیالات کران چھ یا کرتھ
 ہیکان اوس، مگر لیکھنک تارتخ چھنے تیوت پرون یوت انسانہ سند اظہار
 چھ۔ خیال چھ کرنے یوان زطر ز تحریر تمدن چھنے ستھ ساس وری کھوتہ پرون،
 میلہ زن پر اُنس انسانہ ہند کیئہ ڈھانچہ یم دنیا چن لبنہ آے، چھے تحقیقہ تلہ
 ہاوتھ دوان زیم چھ لگ بگ 20۰ لچھ وری پرانی۔ امہ تلہ چھ ننان ز یہ انسان
 سیمہ دورک چھ، سہ اوس دور تاریک (Dark Age) نہ کہ تمدنی دور (Civilized
 Age)۔ بہ الفاظہ دیگر ہیکو اسی ونتھ ز لسانی اعتبار اوسنہ یہ دور لیکھنک بلکہ صرف

بوزنگ دور“ (کنو بوزنگ):

During the last 25000 year of the earlier Paleolithic period of fourth species of ancient man made an appearance was Neanderthal Man. Although we know little about Neanderthal culture, it is certain that Neanderthal progressed far beyond the apes, above all because they had the capacity for speech which enabled them to communicate with their fellows and to pass on what they had learned to succeeding generations. 3

یہ پٹھ آدم و جودس آو، تنہ پٹھ چھے زبان بولنہ یوان۔ زبان چھے آدم ذات
ہند لوہ لنگرک اصلی تہ کلہم رنگ و روپ پد کڈان۔ اکھ اکر ہندک جذبات،
خیالات تہ احساسات محسوس کرتھ چھے زبانے رشتن ہنز قدر کرنی ہچھناوان۔
زبان چھنہ اکرس فرد ہنز آسان، بلکہ چھے یہ اکہ چھو کہ یا جماژ تہ طبع
آسان۔ انسانہ ہندس شعورس منز ییلہ دوکھ، درد، خشی، غم نفرت، محبت، جذبہ،
تجربہ سوچ تہ تصور خیالات پادگے، ضروریات مطابق آیہ زبان تہ بارس۔

زبان کتہ آیہ تہ گوڈ کوسہ زبان اُس دُنیا ہس منز رائج، پریشہ کانہ قوم اوس
دعوا کران ز تہنز ے ننتہ تہنز ے زبان چھے سارو ے کھوتہ پرانی زبان۔ اتھ
پٹھ روڈ طویل و قس تضاد جاری بیمہ کنو واریا خون خرابہ سپد۔ وید اُس ونان ز
اُنشد زبان چھے اصلی پرانی زبان، پارسی اُس ونان ز تہنز ے زبان چھے پرانی،
انجیل مقدس مطابق چھے گوڈ اکا ے زبان رائج العمل اُسمر یوسہ شہر بابلکو
لوکھ بولان اُس۔ قدرت کہ قہر کنو لگویم تڑھ بولہ بولنہ بیمہ یمن پانہ وئی تہ فکر
آسہ تران۔ یہودین تہ عیسائین ہند عقیدہ چھہ یہ زعبرا نی زبان چھے دُنیا ہیچ پرانی
زبان اُسمر۔ تہ پٹھ پٹھ ولندیزی 4 عالم بیکانس (Bacanas) شر اہمہ

صدی اندر دعوا کران زِ ڈچ⁵ چھے ساروے کھوتہ پرانی زبان۔ سہ چھ یہ تہ
دعوا کران زِ گاتھی یعنی قدیم جرمنی چھے ابتدائی زبانن اندر شامل۔

ایک پرانا نظریہ یہ ہے کہ خدا نے زبان کو پیدا کیا اور خود اللہ تعالیٰ نے انسان دیو
بانی زبان سکھائی۔ زبان کے خارجی و داخلی امور نے انسان کو آگاہ کیا۔ یہی وجہ
ہے کہ آریالوگ ویدک بھاشا کو زبانِ الہی (دیو بانی) کے نام سے موسوم کرتے
ہیں۔ اور بدھ مذہب کے پیروکار پالی زبان کو قدیم ترین اور دیگر زبانوں کا منبع
قرار دیتے ہیں۔ اہل اسلام عربی زبان کی فوقیت کے قائل ہیں کیونکہ قرآن مجید
اسی زبان میں نازل ہوا، کوئی عبرانی، یونانی، لاطینی، فرنیچ، ژند، اوستا اور سنسکرت
کی قدامت کا دم بھرتے ہیں۔⁶

انسائے سنز ابتدائی زبان کو سہ اُس، یہ پر زانہ خاطر گری مختلف لو کو مختلف
تجربہ۔ کینز و بادشہور چھناؤ ز اشری جنگلن منز تا کہ یتھ نہ یم گنہ ز بانہ ہند
کا نہ لفظ بوزن یا ہچھن۔ قدیم مصری بادشہو منز چھ سیمائی ٹکس
(Prommiticals) دون بچن جنگلن منز چھنا وان۔ کینز و ہر آہ یم بچہ در بارس
منز انہ۔ یمو منز و ون واتانی ا کر بچن ”بیکوس“⁷۔ امہ تلہ نیو وز فرنیچسین⁸ چھے

ابتدائی زبان اُسمز۔ شراہمہ صدی ہندس ابتدا ہس منز کو ر بادشاہ فریڈرک
رومن تہ یتھئے تجربہ تجربہ، مگر بچہ چھ کینہہ ونہ بروہے مران۔ یتھئے پاٹھک چھ
اسکاٹ لینڈک بادشاہ جیمس (Jaemus) ژورم تہ دون بچن جنگلن منز چھان
تہ آخر چھ فاصلہ دوان ز یم اسی عبرانی بڈ اصل پاٹھک بولان۔ مختصر ونوز یرٹھ
ہشہ مثالہ چھے ہتہ بز نظر گزھان۔ امہ قسمک بحث چھنہ از کل زیادہ تکلہ یوان تکیاز
لسانی ماہر چھ یتھ کتھ پٹھ زور دوان ز یم انسان وجود چھ پروومت، زبان

چھے اکہ قومہ، قبیلہ، چھو کہ یا جما ژ نشی مکمل زخم لبان۔ قبیلگ، قومک یا چھو کہ ہند پریتھ کانہہ فرد چھ کانہہ نتہ کانہہ لفظ استعمال کران آمت۔ یم ساری لفظ میلہ جمع سپدی، اکہ بوکی آیہ بارسس یمہ وار وار زبانہ ہنز شکل اختیار کر۔

زبانہ ہندس آگرس متعلق کانہہ بحث تلمہ بونہہ چھے یہ ژینونی دن تہ ضروری ز عام پاٹھر چھے یہ غلط فہمی نظر گڑھان ز اکہ زبان چھے پیہ زبانہ منز نیران۔ مثلاً کاشتر زبان کیا چھے سنسکرتہ منز یا درد زبانہ منز درامڑ۔ پرر چھ یہ ز کانہہ تہ زبان چھے نہ پیہ زبانہ منز نیران۔ لکھ چھ زبان متعلق سے تصور تھوان یس تم انسانن یا باقی زوذا ژن متعلق تھوان چھ۔ زوذا ژ چھے پزی زیوان یا ووا اکہ زند چیز چھ پیہ زند چیز منز نیران، یا تہ جنسی طریقہ یعنی نرتہ اد پانہ وئی میلہ ستر، یا ا۔ جنسی طریقہ یعنی اکر ہے فردس (مثلاً وپرکلس اکہ لند ژ ٹٹھ الگ جایہ روئے ستر)۔ عنی زینس چھ کانہہ ثقہ تارتخ تہ زیون جاے۔ زبان منز چھے نہ جنسی ووپڑے، تہ نہ ا۔ جنسی ووپڑے۔ زبان ہندس ووتلنس چھنہ کانہہ کلینڈر۔ زبان چھے آسان صرف اکہ تسلسل۔ ازیک کاشتر چھ پرانہ کاشتریک تسلسل، تہ پرون کاشترتمہ پرانہ کاشتریک تسلسل۔ 9

امہ اقتباسہ تلہ چھے یہ کتھ واضح گڑھان زیام بچہ زیوان چھ تام چھ تسلسانی ساختگ اوپ ژوپ سپدان۔ اگر بچہ جنگلس منز سوزون، واپس سینہ پتہ آسہ تس منز فطری طور لسانی شعور زیاد سپد مت۔ آثار وقراین چھ ہاوتھ دوان ز انسانہ ہندس دماغس منز چھ لسانی بنیاد ہند عنصر مادر زاد آسان یمہ کنز بچہ زپرین زبان ہتھ یوان چھ۔ اتھ پتہ کنہ چھے آفاقی زبان آسان۔

انسان چھ زبانہ ہند مدد پٹن اظہار بین تام و اتناوان۔ زبان اکہ وسیلہ اظہار بناوتھ دنیا کین سار نے چیزن، تصورن، خیالن، وطیرن وژن لفظن اندر

ہاے۔ لفظو گرِ فقرن تہ جملن ہنش شکل اختیار تہ ہتھ پٹھر چھے زبان ترسیل
 وجود لبان۔ اتھ چھ واتیہ قسم۔ اشار و بیت ستر تہ چھے زبانہ ہنز کام نباونہ یوان،
 مگر محدود طریقس منز۔ زبانہ چھ باضابطہ اکھ صوتی علامثرن ہند آگر زند
 تھاتھ۔ زبان چھے بنیادی طور ازمانہ ہنز علامتی عملہ ہنز اکھ انتہائی ترقی یافت
 شکل۔ زبان چھے آوازن ہنز ترتیب یمن عملاونہ ستر چھ تلفظ تھنہ پیوان۔ یمہ
 آواز ییلہ مختلف کلاس تہ سلسلن منز ترتیب لبان چھے، اکھ پیچیدہ منظم ساخت
 چھے وجودس منز یوان۔ زبانہ ہنز حقیقت یا امیک وجود چھ یمہ علاقن پٹھ انحصار
 کران۔ یمہ علامتہ چھے بامعنی آسان۔ زبانہ ہند تعریف چھ اکھ ماہر لسانیات
 ہتھ کنی کران:

Language is everywhere .It permeates our thoughts, mediates our
 relations with others, and even creeps into our dream. The
 overwhelming bulk of human knowledge is stored and transmitted
 in language. Language is so ubiquitous that we take it for granted,
 but without it, society as we now know it would be impossible.¹⁰

زبان چھ بولین ہندس مجموعس ونان۔ زبانہ ہند علاقہ یوت بوڈ آسہ، تیر آسن
 اتھ منز بولہ تہ زیاد۔ اگر امہ علاقہ لوکھ اکھ اکس کس کے قریب آسن، بولین منز
 آسہ فرق واضح۔

دنیا ہس منز کاٹراہ بولہ چھے رائج، امیک جواب چھنہ لسانیاتکین ماہرن نشہ تہ
 ونہ۔ پزر چھ یہ زتم تہ چھ یہند شمار کرنس منز مکمل ناکام سپد کرتی۔ امہ تلہ چھننان
 زبولہ چھے لاتعداد۔

بولہ ہند معنی چھ وسیع۔ عام پٹھر چھاتہ واریاہ معنی دنہ یوان۔ اگر اسی کنہ علاقس

منز گڑھتھ کتھ کرو، تمن تر نہ سائی بولک فکر، اسی ونوسید سیو د تہنز بولک چھے سمانہ بولہ نشہ مختلف۔ یعنی تسنز زبان چھے الگ زبان۔ گنہ زبانہ ہنز ن مختلف لجن تہ چھے بولہ ونان۔ مثلاً ہند یورپی ہشہ پرانہ زبانہ ہنز لجنہ چھے سنسکرت، یونانی، لاطینی، جرمن، فارسی بیتر۔ امہ علاو چھے بولک مزید معنی لیس منز استعمال سپدان۔ مثلاً ادبی بولک، معیاری بولک، زنانن ہنز بولک، مزورن ہنز بولک، شرین ہنز بولک، مرآزی بولک، تہ کمرآزی بولک بیتر۔ یمن بولین منز چھے سیاق و سباق فرق ضرور میلان۔ اینسایکلو پیڈیا برٹینیکا ہس منز چھ بولہ ہند مفہوم یتھ پائٹھک بیان کرتھ: ”گنہ ملکہ کس، ضلعہ کس، برادری ہنز سماجی چھو کہ یا پیشہ ورانسانہ ہنز زبان یتھ اکھ بولنگ خاص طور طریقہ آسہ، چھ بولک ونان۔“ امیک مطلب ہیکو اسی یہ کڈتھ ز زبانہ ہنز بدلونی صورت چھے بولک۔ زبانہ منز فرق نیس چھ مختلف وجوہات۔ اگر علاقائی فرق آسہ، زبانہ منز چھے فرق تہی لازمی۔ یوسہ زبان مختلف علاقن منز بولنہ آسہ یوان، تھ پٹھ چھ علاقائی اثر ضرور پیوان۔ مثالہ خاطر کری تو عربی زبانہ ہند مطالعہ۔ یہ زبان چھے سارنہ عرب ملکن منز بولنہ یوان، مگر قاعد، لغت، تہ تلفظ اعتبار چھے پریتھ جاپہ عربی زبانہ پنہ الگ خصوصیت۔ سعودی عربس منز چھے اتھ اکھ خصوصیت، فلسطین، شام، اردن، یمن تہ بحرین ملکن منز چھے الگ الگ خصوصیت۔ ساختیاتی تبدیلی چھے اکر ہے ملکنس منز مختلف محسوس کرنہ یوان۔ زبانہ ہنز ن یمن بدلونین صورتون چھ علاقائی بولہ ونان۔ یتھ علاقس منز اکھ زبان بولنہ آسہ یوان، سہ علاقہ ہیکہ مختلف فرقن منز تقسیم کرنہ یتھ۔ یہ تہ چھ ممکن ز پریتھ فرقس آسہ پنہ الگ بولک۔ اتھ صورتس منز ییلہ سماجک مختلف فرقہ یاسارے برادری اکھ مشترکہ زبان بولن،

قدرتی طور پین اُتھ زبانہ پٹھ دویمین زبان ہندی اثرات تہ۔ زبانن منز چھ
تبدیلین ہندی عنصر در پٹھ گڑھان۔ زبان چھ سماجک اکھ حصہ تہ سماج چھ
مختف طبقن اندر تقسیم آسان۔ مثلاً پورمت، ان پڑ، ترقی یافتہ، پسماندہ،
مہذب، مزدور، کارخانہ دار، بیتر۔ اگران پڑ تہ پڑ متس درمیان کتھ سپد، اکھ
واضح فرق سپد عیان۔ مزدور کر نہ تہ کتھ کتھ کتھ فیکٹری ہند مالک کر۔
سماجس منز چھ طبقاتی فرق بولین منز کافی تبدیلی پاد کران۔ زبانہ ہنز اُتھ
بدلونہ شکلہ چھ اُسی سماجی بولکر ونان۔ مغربی ماہر لسانیات چھنہ بولکر لفظک صحیح
معنی ہیکان متعین کر تھ تکیا زامیک معنی چھنہ محدود بلکہ لامحدود، نیمہ کنی تم ونان
چھ ز:

The term dialect a familiar one and most people will think that they
have a good idea of what it means, in fact, though it is not
particularly easy term to define and this also goes for the two other
commonly used terms which we have already mentioned

language and accent.¹¹

بولہ ہند آرجن چھ یونانی۔ یونانی زبانہ منز چھ امہ لفظک معنی ”ذریعہ
باوتھ“ (Way of expression) مگر بولکر لفظ چھ شراً ہمہ صدی اندر گوڈ انگریزی
زبانہ ذریعہ بد نیران سیلہ زن انگریزی زبانہ بابت بولکر لفظ رومن تہ فرانسی
زبانہ پٹھ ووزم آوانہ۔ بولکر لفظ چھ زبانن منز تفاوت ہاوان۔ بولکر چھ تلفظ،
مجموعہ محاورات تہ گرامرس تفاوتک حوالہ دوان۔ دویمین لفظن منز چھ بولکر لفظ
صرف یا ونو محض آدائے یا تلفظس پٹھ زور دوان۔ بہر صورت چھ بولہ ہندس
تلفظس تہ بولہ ہندس لفظس کن صحیح توجہ دیں اد ہیکہ انسان بولکر پرکھاوتھ۔

صوتیاتی نظام چھ بول پرکھاونک بہترین ذریعہ پیلہ صوت پرکھاونک ماہر گنہ بولہ صوتیاتی تجزیہ کران چھ۔ علم آواز چھ دودتہ آب الگ الگ کڈان۔ صوتیات چھ اکھ مکمل سائنس یمہ ستر کتھ ہند تلفظ تہ مجموعہ محاورات (vocabularies) گرامر تہ ادا پرکھاوان چھ۔ ماہر بولیات (Dialectologist) چھ یتھ پنچس پٹھ وائی ستر ز علاقائی بولہ چھ جغرافیائی سرحدن ستر مائل یعنی خوے تھاوان۔ بولہ چھ تحریر تہ سپدان مگر سینٹھاہ کم۔ وونی گو و تحریر سپدنہ ستر چھنہ سہ مقصد پور گڑھان تہ نہ چھ اتھ سہ روتہ (status) روزان یمہ خاطر گنہ بولہ occupational or class dialect ونان چھ تکیاز سہ تلفظ، گرامر تہ ادا چھ ہیٹکان اتھ بولہ و زیاد سپدتھ، نہ کہ تحریر ویز۔

بولہ چھ زبان مگر پریتھ کانہہ بولہ چھینہ بولہ آسان۔ بولہ، تہ زبانہ چھ مازک تہ نمک رشتہ۔ مختصر نو زبان تہ بولہ پتہ چھ ایچ بیٹا کھ ٹرم وجودس آمر۔ فرانس ڈکشنری منز چھ 1956ء منز زبانہ تہ بولہ پتہ لفظ Patois وجودس آمت۔ فرانس ماہر لسانیات چھ یتھ کتھ پٹھ متفق ز پیلہ بولہ تحریرس منزین، تمن چھ patois ناو پیوان۔ یتھ باضابطہ اکھ مکمل تہذیب و تمدن تہ ادب چھ آسان۔ مگر Burn چھ 1946ء منز لیکھان ز patois چھنہ ادب لیکھنہ خاطر استعمال یوان کرنہ تہ نہ گڑھ استعمال کرنہ یں، تہ نہ یہ دفترن منز استعمال کرنہ۔ مگر تہ گرتھ تہ چھ فرانس چن بولین ہندی مختلف قسم تحریرس منزانہ آمت۔

حوالہ تہ حاشیہ

1۔ ڈاکٹر محی الدین قادری زور، زبان۔۔۔ ماہیت، آغاز اور تشکیل، ڈاکٹر عبدالستار دلوئی

(ایڈٹر)، بمبئی: 1971ء۔ ص: 72۔

2۔ گیان چند، لسانی مطالعے۔ دہلی: 1982ء۔ ص۔ 21-22۔

3. Edward Burns, Robert Meachan, Wworld Civilization, V.A. 1980. New Delhi, p.9.

4۔ ولندیز چھ اکھ ملک یتھ نپدر لینڈ تہ ناوچھ۔ یہ چھ ہالینڈس منز۔ یہ چھ عربی لفظ۔ ابتدائی انسانہ سبز کلہ کھوپر چھنے امی جایہ پٹھ نہہ درامتر یمہ کنز نیندر تھل مین وناں چھ۔
5۔ نپدر لینڈک اکھ مشہور لسانی ماہر۔

6۔ ڈچ چھ ہالینڈس منز روزن والین تہ وناں تہ تہنز زبانہ تہ۔

7۔ ڈاکٹر بیدی، کے، ایس، تین ہندوستانی زبانیں، دہلی: 1966ء۔ ص۔ 14۔

8۔ بیکوس گو و فرآنجیس زبانہ منز ژوٹ۔

9۔ ناجی منور، شفیع شوق۔ نو وکاشر ادبک تواریخ۔ سرینگر: 1992ء۔ ص۔ 16-17۔

10. Ronald. W. Langacker, Language and Its Structure, U.S.A : 1968. p. 3.

11. Peter Trudgill, Socio-linguistics, England: 1974. p.39.

دو زبانی دماغ: نقصان کنہ فائدہ

یک زبانی تہ دو زبانی دماغن ہنزا کھو پر شہنے

عادل امین کاک

سجاد حسین وانی

1.1 تعارف:

یک زبانی تہ دو زبانی انسانس منز چھ یہ فرق ز یک زبانیس چھ صرف ا کی زبانہ ہند علم آسن بیلہ زن دو زبانیس دون زبانن ہوئد علم آسان چھ۔ دو زبانی کیمس ونو؟ عالمو چھ اتھ متعلق واریاہ سوچمت۔ بلومفیلڈن (Bloomfield :1933) وون اتھ متعلق ز باے لنگویل یا دو زبانی گوو سہ یمس دونوئی زبانن پیٹھ ہیووی یا برابر عبور آسہ۔ اتھ مقابلس منز چھ واریاہن عالمن ہنزا رے ز دو زبانی گوو سہ یمس دویم زبان صرف فکر تر یا یس دویمہ زبانہ منز صرف کتھ کرتھ ہیکہ۔ دو زبانی گوو سہ تہ یس زن دویم زبان لیکھتھ یا پرتھ ہیکہ۔

یہ چھ آمت وچھنہ ز دو زبانی انسان چھ اکثر زبانہ رلاوان یتھ زن کوڈ مکسنگ پیہ کوڈ سوچنگ ونان چھ۔ کوڈ مکسنگ منز چھ اکہ زبانہ ہند الفاظ بیس زبانہ منز استعمال گوشان بیلہ زن کوڈ سوچنگ منز اکہ زبانہ ہند جملہ بیس زبانہ ستر استعمال گوشان چھ۔

گوڈ اوس کوڈ مکسنگ بچہ سند خاطر نقصان دہ مانہ یوان۔ خیال اوس یوان

کرنہ ز کوڈ مکسنگ کرن وائلس نچس چھ نہ کئی زبانہ پیٹھ عبور آسن۔ کوڈ مکسنگ
اُس پڑھی ہش کتھ یوان مانہ:

نفہک تسلی گاٹہ مو پاو

ہانگو کر یوشو پے ستری واو

عالمین ہند خیال اوس ز کوڈ مکسنگ ستری چھ دماغس نقصان و اتان۔ تھ زن سیمی
لنگویلیزم (semilingualism) ونہ آو۔ وینرکن (weinreich 1953) وون کوڈ
مکسنگ چھ اکھ ناہموار مرکب ("irregular mixture") تہ کوژن قیاس ز کوڈ
مکسنگ ہیکہ نہ کانہہ تہ شخص اکھ باقاعدہ نظام ونہ۔ وینریکنز یہ رے کر
واریا ہولکو قبول۔

کینہہ ماہر اُسی خیال کران ز اُستادس پز نہ کلاس منز کوڈ مکسنگ کرپی۔
اووینڈو (Ovando 1985) سند مطابق ہیکو اتھ برعکس تمن بچن نشہ کوڈ مکسنگ
ہند توقع کرتھ کیا ز کہ بچن چھ نہ دویمہ زبانہ پیٹھ پور عبور آسان۔
مگر کوڈ مکسنگ ہند حد چھ نہ اوت تھے تام محدود و دمٹ بلکہ چھ واریا ہو عالمو
کوڈ مکسنگ اکھ فائد مند عمل مائی مرث۔ یمن عالمین ہنز رے چھے ز کوڈ مکسنگ تہ
کوڈ سوچنگ چھے دانستن یا غیر دانستن واریا ہو ضرورتو مطابق کرنہ یوان۔ یم
ضرورت ہیکن لسانی، سماجی، ادراکی یا نفسیاتی اُستھ۔ یمو عالمو مطابق چھ
کوڈ سوچنگ تہ مکسنگ اکھ نفیس تخلیقی عمل تہ امہ ستری چھ قوت ادراکس منز تہ واریا
اضافہ گڑھان۔ ستری چھ دماغہ خاطر تہ یم زبانہ رلاونچ عملہ واریا ہ فائدہ
مند۔ گومپرز (Gumperz: 1982) نہ مطابق چھ کوڈ مکسنگ تہ سوچنگ سماجی طور
واریا ہ اہمیت تھاوان۔

1.2 یک زبانی تہ دوزبانی دماغ، کینہہ سائنسی حقائق:

پتھر میں کینہہ نوری میں منز آریہ واریہ تجربہ کرنے یمن منز زن یک زبانی تہ دوزبانی دماغ ہنز کامہ تہ ساختگ خلاصہ کرنے آو۔ یہ اُس نہ صرف عام رائے ز دوزبانی آسنہ ستر چھ دماغس نقصان و اتان، بلکہ اُس کینہہ لسانی ماہر تہ یی مانان۔ مثالہ پاٹھر سلگیر تہ واگو (Saliger and Vago 1991) سند مطابق چھ اُس دوزبانی سنز ز زبانہ دماغس منزاکے جاییہ خاطر مان مان کران تہ امہ ستر چھ دماغس دوار و اتان۔ مگر واریہ سائنسی تجربہ ستر چھ یہ کتھ بروہہ گن آمثر ز دوزبانی دماغ چھ واریہ طریقو بہتر تہ بالاتر آسن۔ یہ کتھ تہ چھ بروہہ گن آمثر ز دوزبانی دماغ چھ ساختہ لحاظہ تہ مختلف آسن۔

پرانہ تحقیقہ مطابق چھ دماغ ز حصہ یعنی بروکاز تہ ورنیکز ایریا (Broca's and Wernicke's area) زبانہ ہند نظام قابو کران۔ مگر نو تحقیقہ مثالہ پاٹھر بٹھناگر (Bhatnagar, etal 2000) بیتر چھ ونان ز دماغ اکھ بوڈ حصہ چھ زبانہ ہند نظام چلاون۔ اوجمین (Oejmann :1983) نہ مطابق چھ دماغ واریہ حصہ پنہ اصلی کامہ علاو زبانہ ہنز کام اضافی طور پکناون۔

اکھ تحقیق یس زن انسٹیچوٹ آف نیورولوجی، یونیورسٹی کالج آف لندنس

(Institute of Neurology, University College of London) منز کرنے آو،

چھ ثابت کران ز دویم زبان ہچھہ ستر چھ دماغی اندرونی ساختس منز تبدیلی یوان۔ یومو ماہر وکر 105 نفرن ہندین دماغن پیٹھ تجربہ یمن منز 80 نفر دوزبا فی اُس۔ یہندہ مطابق چھ دماغ گرے میٹھر (Grey matter) دویم زبان ہچھہ ستر تھ کنہ ہران یتھ کنہ ورزشہ ستر مڑھ (muscles) طاقت لبان چھ۔ گرے

میٹر چھ دُوم زبان ہچھنہ ستری طاقت لبان چاہے کانہہ دُوم زبان شُرک پانہ ہچھ
تن یا بالغ گڑھتھ۔

ساینسدان اُسری زانان زماحولہ مطابق ہیکہ انسانی دماغس منز تبدیلی یتھ۔ امہ
تجر بہ ستری گو و ثابت کہ کتھ کنی چھ دُوم زبان ہچھنہ ستری دماغہ کس ساختس منز
تبدیلی یوان۔ میکیلی (Mechelli : 2004) تہ باقی محققو تہ چھ دماغی سکیننگہ
(Structural Scanning) ہند ذریعہ ہوومت ز دوزبائی انسانس منز چھ دماغہ
کس کھو فرس طرفس اضافی گریے میٹر آسن۔ بیکرن مطابق (Baker 2001)
چھ دوزبائین ہند سوچنگ انداز یک زبائیو کھوتہ بہتر آسن۔ ستری چھکھ تخلیقی
صلاحیتہ زیاد آسان۔ دوزبائین چھ زبانس ہند نظامک تہ اضافی علم آسن۔

بایلو سٹوک وغیرہ (Bialystock, et al 2004) چھ تجربو ستری یہ ہوومت ز دو زبائین
منز چھ قوت ادراک زیاد آسان۔ یہند مطابق چھ دوزبائی ہند فائدہ بجرس منز تہ
محفوظ روزان۔ قوت ادراکس منز یوسہ کمی بجرس منز یک زبائین منز یوان چھ تھ
مقابلہ منز چھ دوزبائین منز یہ کمی واریاہ کم یوان۔ امیوک وجہ چھ یہو ماہرو یہ و
وومت ز دوزبائی چھ دماغس منز اضافی مرکز ہند استعمال کران۔ یہو ماہرو
مطابق ہیکہ دوزبائی آسن اُکس بچہ سندس ذہانتس آسان کھالتھ۔

ڈاکٹر چرمین کینر (Charmian Kenner 2004) تہ چھ دو زبائین ہندس
زبانہ ہندس علمس تعریف کران و نان ز دوزبائی چھ دون زبانس ہندس نظامس
مقابلہ کران تہ امہ ستری چھ اُمس زبانہ ہندس ساختس تہ نظامس متعلق
اضافی علم حاصل گڑھن۔

برجیز تہ شیلیسی (Burgess and Shallice 1996) تہ چھ تجربو ستری یہ ہوومت ز د

وزبائین ہند دماغک برؤنہم حصہ (Frontal Lobe) چھ یک زبائیو کھوتہ ہر یمانہ کارکردگی ہاوان۔ دماغک یو ہے فرنٹل لوہ (Frontal Lobe) چھ انسان ہنز واریاہ شعوری، انتظامی، تخلیقی، جذباتی تہ پیرٹھے واریاہ کاروائیہ قوبو کران۔ دوزبائین چھ یہ فائدہ یوان زتہند یو ہے فرنٹل لوہ چھ یک زبائین ہند کھوتہ متحرک آسان تہ چھ یمن شعوری، تخلیقی، انتظامی، جذباتی تہ پیرٹھنے واریاہن کائین منزیک زبائیو کھوتہ بہتر بناون۔

یوت تام زن کوڈ مکسنگ تہ کوڈ سوچنگ ہنز کتھ چھے یہ چھے دوزبائی دماغک اکھ باقاعدہ تخلیق یوسہ زن دون زبانن ہند رلنہ ستری ساتیہ بارس یوان چھے ییلہ زن دوزبائین دوشونی زبانن پیٹھ اکھ خاص عبور آسہ۔ اسی ہیکو نہ پرستھ کانسہ اکھ صحیح کوڈ مکسر ویتھ۔ اکھ صحیح کوڈ مکسر آسہ خاطر چھ دوشونی زبانن منز اکھ خاص عبور آسن ضروری۔ میک کلیور (Mc Clure 1966) سند مطابق چھ اکس نکس صحیح کوڈ مکسر بنہ خاطر کمس کم 8 وری لگان۔ دوشونی زبانن پیٹھ عبور چھ کوڈ مکسنگ ہند اہم ضرورت۔ میر سکٹون (Myers scotton 1993) ہند تحقیقہ مطابق چھ دون زبانن پیٹھ عبور کوڈ مکسنگ منز کوڈ سوچنگ کھوتہ زیادہ ضروری۔ یعنی کوڈ مکسنگ خاطر چھ دون زبانن منز مہارت اکھ اہم شرط۔

ہیر کنہ یس بحث سپد، تمہ ستری چھ ثابت سپدان ز دو زبائی آسن چھ اکھ نعمت۔ دو زبائی آسنہ ستری چھ نہ صرف دماغک ساختس منز تبدیلی یوان بلکہ چھ دماغک تخلیقی، شعوری، انتظامی تہ پیرٹھے واریاہ صلاحیتہ ہران۔ ستری چھ دو زبائس قوت ادراکس منز تہ اضافہ گڑھان لیس زن پتہ بجرس منز تہ برقرار روزان چھ۔ یہ کتھ تہ چھ امہ بحثہ نشہ ثابت گڑھان ز کوڈ مکسنگ چھ نہ اکھ

ناہموار مُرکب بلکہ چھ یہ دوزبانی دماغہ کہ تخلیق اکھ باقاعدہ تہ بے مثال نمونہ۔

کتاب نامہ

- 1۔ بیکر، کو لین۔ 2001۔ فونڈیشن آف باینگلوئل ایجوکیشن اینڈ باینگلوئلزم۔ یو۔ کے: بلٹی لنگوئل میٹیرس لیمیٹڈ۔
- 2۔ بٹھناگر، ایس۔ سی، جی۔ ٹی۔ مینڈیور، اٹیج۔ ڈبلیو۔ بکنگام، اینڈ او۔ جی۔ اینڈی۔ 2000۔ لنگوتج رپریزنٹیشن ان دی ہیومین برین: ایوڈینس فروم کورٹیکل میپنگ۔ برین اینڈ لنگوتج 74: 238-259
- 3۔ بایلسٹوک، ای۔ ایف۔ آئی۔ ایم۔ کریک، آر۔ کلین اینڈ ایم۔ وشواناتھن۔ 2004۔ بای لنگوئلزم،
- 4۔ ایجنک اینڈ کوگنیٹو کنٹرول: ایوڈینس فروم دی سائمن ٹاسک۔ سائیگولوجی اینڈ ایجنک 19: 290-303۔
- 5۔ بلوم فیلڈ، ایل۔ 1933۔ لنگوتج۔ نیویارک: ہولٹ، رینے ہارٹ، اینڈ وینسٹن۔
- 6۔ برجیس، سی۔، اینڈ کے۔ لُنڈ۔ 1996۔ پروڈوسنگ ہائے ڈائمنشنل سیمینٹک سوپیز فروم لیکزیکل کوآرڈینس۔ بیہیویر ریسرچ میتھڈس، اینسٹرومینٹس، اینڈ کمپیوٹرس
- 2008-203:28۔
- 7۔ گمپرٹز، جے۔ 1982۔ ڈسکورس سٹریٹجیز۔ کیمبرج: کیمبرج یونیورسٹی پریس۔
- 8۔ کینر، چرمین۔ 2004۔ بیکومنگ بایلٹریٹ: یونگ چڈرن لرننگ ڈفرنٹ رائٹنگ سسٹمز۔ سٹرلنگ: ٹرینتھام بوکس لمیٹڈ۔
- 9۔ میک کلیور، ای۔ 1977۔ اسپیکلز آف کوڈ سوچنگ ان دی ڈسکورس آف باینگلوئل میکزیکن۔ امریکن چڈرن۔ ایم۔ ساویل۔ ٹرویگے (ایڈشن)، لنگویسٹکس اینڈ اینتھرپولوجی: 115۔ واشنگٹن، ڈی سی: جوارج ٹاؤن یونیورسٹی پریس۔
- 10۔ میکیلی، اے۔ 2004۔ سٹرپچرل پلاسٹیسٹی ان دی باینگلوئل برین: پروپیشنسی ان

اے سینڈلنگوتج اینڈ اتج آف ایکویزیشن ایفیکٹ گرے میٹر ڈینسیٹی۔ نیچر

-757:431

11۔ میرسکائن، سی۔ 1993۔ سوشل موٹیویشن فور کوڈ سوچنگ۔ آکسفیڈ: آکسفیڈ یونیورسٹی پریس۔

12۔ اوجمین، جی۔ اے۔ 1983۔ برین آرگینائزیشن فور لنگوتج فروم دی پریسپیکٹو آف ایلیکٹر یکل سٹیمولیشن میپنگ۔ دی بیہویرل اینڈ برین سائنسز 2: 189-207۔

13۔ اووینڈو، سی۔ جی۔ اینڈ وی۔ کولیر۔ 1985۔ بایلنگویل اینڈ ای ایس ایل کلاس رومز: ٹیچنگ ان ملٹی کلچیرل کونٹیکسٹیز۔ نیویارک: میک گرا-ہیل۔

14۔ سیلیگر، اتج۔ ڈبلیو۔ اینڈ آر۔ ایم۔ ویگو۔ 1991۔ دی سٹیڈی آف فسٹ لنگوتج آٹریشن: این اوورویو۔ اتج۔ ڈبلیو۔ سیلیگر اینڈ آر۔ ایم۔ ویگو۔ (ایڈیشنز)۔ فسٹ لنگوتج آٹریشن: 3-15۔ کیمبرج: کیمبرج یونیورسٹی پریس۔

15۔ ویزیک، یو۔ 1953۔ لنگوتج ان کنٹیکٹ۔ دی ہواگ: موٹون۔

زبانن ہند رلن : اکھ باقاعدہ نظام

"کائٹھر اکھ درجہ دویم کنٹیکٹ (Contact) زبان"

سجاد حسین وانی

ریسرچ سکالر

لنگویسٹکس ڈپارٹمنٹ کشمیر یونیورسٹی

1.1 تعارف:

زبانن ہند تارنچ چھ تیوت پر یون یوت زن انسانن ہند چھ۔ زبان گیہ نہ صرف ہتھ منز زیو ہند استعمال گڑھ بلکہ زبانہ منز چھ اشارتہ خاموشی تہ شامل۔ ستی چھ انسانی تارنچس منز زبانن ہند رلن اکھ قدرتی عمل۔ ز زبانہ چھے اُکس اکھ ستی واریا ہو طریقور لہتھ ہیکان، زبان چھے واریا ہو طریقور لان تہ زبانن ہند رلنک نتیجہ تہ چھ اُکس اکھ نشہ قدرے مختلف آسان۔ یمہ زبان رلنک نتیجہ چھنہ صرف دون زبانن ہندس بناوٹس (Linguistic structure) پیٹھ دارومدار تھاوان بلکہ چھ امیک دارومدار نفسیاتی (Psychological)، سماجی (Social)، سیاسی (Political) تہ اقتصادی (Economic) حالاتن پیٹھ تہ آسان۔ زبانن ہند رلن (Contact) چھ دون قسمن ہند آسان۔ اکھ گو و سید سیو و کنٹیکٹ (Direct Contact)۔ سید سیو و کنٹیکٹس منز چھ ز قوم رلنس ستی ز زبانہ رلن۔ مثالہ پاٹھی یمہ ساتہ اکھ قوم اُکس جایہ پیٹھ بنیس جایہ ہجرت (Migration) کر

بلا واسطہ کنٹیکٹس (Indirect contact) منز چھنہ ز قوم رلن مگر۔ اکھ زبان چھے واریا ہو ذریعو بنیس زبانہ ستر رلن۔ مثالہ پاٹھی تعلیمی ذریعو، سرکار کہ ذریعو یا مذہب کہ ذریعو۔ عربی تہ انگریزی زبان پھالپہ ساری سہ دُنیا ہس یهودیو طریقو یعنی سید سیوڈ طریقہ تہ بلا واسطہ طریقہ تہ۔ زبانن ہند رلن (Language Contact) چھ بنیس نظریس منز تہ دون قسمن ہند آسان:

1۔ ہموار زبانی کنٹیکٹ (Horizontal Language Contact):

ہموار زبانی کنٹیکٹس منز چھ رلن واجنہ زبانن ہند مالی، سماجی تہ سیاسی طاقت برابر آسان۔

2۔ غیر ہموار زبانی کنٹیکٹ: (Diagonal Language Contact):

غیر ہموار زبانی کنٹیکٹس منز چھ دون زبانن ہند مالی، سماجی تہ سیاسی طاقت نابرابر آسان۔

زبانن ہندس رلنس سستی چھ بیمہ زبانہ لوکن ہنز روزمر زندگیہ ہند حصہ بنان تہ لکھ چھ اکہ کھوتہ زیادہ زبانہ استعمال کران۔ اتھ واریا ہن زبانن ہندس استعمالس چھ ملٹی لنگویلیزم (Multilingualism) ونان۔ ملٹی لنگویلیزم چھ سانہ روزمر زندگی ہنز اکہ حقیقت بنیومت۔ ملٹی لنگویلیزمس ستر چھ واریاہ عملہ (Processes) دون زبانن منز شروع سپدان۔ یمن زن زبان رلنج عملہ یا لنگوتج انٹرایکشن عملہ (Language Interaction Processes) ونان چھ یمن منز زن کوڈ مکسنگ (Code-mixing, CM)، کوڈ سوچنگ (Code-Switching, CS)، نانس باروونگ (Nonce Borrowing, NB) تہ باروونگ (Borrowing, BW) قابلہ ذکر چھ، واریا ہولسائی ماہرو (Linguists) چھو پنہ ریسرچہ)

(Research) ستر یہ ثابت کو رمت کہ یمہ ساتھ زبانه رلان چھے، اکھ زبان چھ پتھ گن یوان لاینہ (Backgrounded) بیلہ زن بیا کھ زبان چھ سرس روزان (Foregrounded)۔ اکھ زبان چھے ترقی کران تہ اٹیچ اہمیت تہ ضرورت (Ethnolinguistic Vitality) چھے ہرن، بیلہ زن بیس زبانہ ہنز اہمیت تہ ضرورت کم سپدان چھے۔ امیک مطلب گوواکھ زبان چھ درجہ اول حاصل کران، بیلہ زن بیا کھ زبان دویمس درجس لاینہ چھ یوان۔ یوسہ زبان سیاسی تہ اقتصادی طور کمزور قومس ستر وابسطہ چھ آسان، سو چھے درجہ دووم حاصل کران۔

اگر زن اسی کاشتر زبانہ ہندس تاریخس پیٹھ نظر تراو، تر و اہمہ صدی پیٹھ چھے کاشتر زبان چھ دنیا چن مشہور زبان ستر کنٹیکٹس منز روزمتر؛ خواہ سو سنسکرت اسی تن یا فارسی، تہ چھن اکہ دوے مہ درنج کنٹیکٹ زبان ہنز جائے رٹمتر۔ امہ کنی چھ کاشتر زبانہ یمن زبان ہند اثر واریاہ بڑس پیمانس پیٹھ پیومت۔ بیلہ زن کاشتریک اثر یمن زبان پیٹھ واریاہ کم چھ۔ سنسکرت، فارسی، اردو تہ انگریزی چھ ہمیشہ سرکاری تہ غیر سرکاری امداد ستر سرس روزمتر، بیلہ زن کاشتر زبان صرف گرن منز زند چھ روزمتر۔ مگر کاشتر زبانہ ہنز شکل و صورتس منز چھ واریاہ تبدیلی آمتر۔ کاشتر زبانہ ہند درجہ دویم کنٹیکٹ زبان آسنہ کہ وجہ ستر چھ اتھ منز واریاہ تبدیلی آمتر۔ کاشتر زبانہ ہنز بدلونہ شکل و صورتس تہ امیکن باقین پہلوون پیٹھ چھ واریاہو عالموتہ سکالرو کام کر مٹر، یمن منز پروفیسر شفیع احمد شوق، پروفیسر نذیر احمد ملک، پروفیسر نذیر احمد دار، پروفیسر او۔ این۔ کول، ڈاکٹر عادل امین کاک سرس چھ۔ کاشتر زبانہ ہنز بدلون روپ ریکھا ہیکہ اکہ دلچسپ

تحقیق مرکز بنتھ۔

1.2۔ یمہ مقالک مدعاتہ مقصد:

یمہ مقالک مدعاتہ مقصد چھ زبان رلہ نچن واریاہن عملن سام پئز (Language Interaction Phenomena) سوال چھ کہ کیاہ یمہ عملہ زبانہ رلہ وز وجودس منز یوان چھے تمہ چھ گنہ ترتیپس منز وجودس یوان کنہ تہند وجود چھ بے ترتیب تہ بے تنظیم، کیاہ کوڈ مکسنگ (CM, Code Mixing) کوڈ سوچنگ (CS, Code Switching) تہ بواروونگ (BW, Borrowing) چھاہ اکائے عمل کنہ یم چھے واریاہ عملہ یم زن اکس خاص ترتیپس تہ انتظامس مطابق عملہ منز یوان چھ۔ یہ کوشش چھ آثر کاثر زبانہ ہندس پس منظرس تہ امچہ موجود تہ پترمس تاریخس (Synchronic and Diachronic study) پیٹھ نظر کرتھ کرنہ آثر۔

1.3 طریقہ کار (Methodology):

یمہ مقالہ حیطر آو ڈاٹا (Data) ریکارڈنگ (Recording) ہند ذریعہ حاصل کرنہ یوسہ ریکارڈنگ تقریباً شین گنٹن کرنہ آیہ۔ یہ ریکارڈنگ آیہ گر (Informal) تہ نیمر (Formal) دونونی جاین کرنہ۔ امہ علاو آو ڈاٹا کاک (1995)، وانی (2005)، تہ کاک تہ وانی (2006) پیٹھ تہ استعمال کرنہ۔

2.1۔ زبانہ رلچہ عملہ: مسایل تہ حل:

(Language Interaction Phenomena: Issues & perspectives)

زبانہ رلچہ عملہ، مثلاً کوڈ مکسنگ (CM)، کوڈ سوچنگ (CS)، بواروونگ (BW) چھ بے شمار طریقو پیش کرنہ آثر۔ واریاہ لسانیاتی ماہرن ہند خیال چھ کہ یمہ ساتہ

زبانہ ہنز واریاہ اکاییہ (Linguistic Units) اکر سے جملس منزرن اتھ عملہ
 چھ ونان کوڈ مکسنگ، تہ اگر ز زبانہ اکہ جملہ ہیورلن یا کنٹیکٹس منزے ین تیلہ
 گئے سو کوڈ سوچنگ (CS)۔ ییلہ زن واریاہن لسانیاتی ماہرن ہند خیال چھ کہ
 کوڈ مکسنگ (CM) تہ کوڈ سوچنگ (CS) چھے اکائے عمل تہ یم چھنہ ز عملہ۔ یلہ
 زن کینہہ چھ کوڈ مکسنگ (CM)، کوڈ سوچنگ (CS) تہ بوار وونگ (BW)
 اکائے عمل سمجھان۔ یتھ کنز ہیکو اسی ونتھ کہ وکنس چھے لسانیاتی تحقیقی حلقن منز
 یہ اکہ اہم سوال کہ گویا یم زبانہ رلیج عملہ چھ اکس اکہ نشہ مختلف کنہ یمن چھ کانہہ
 فرق۔ واریاہ مسئلہ تہ حل یم زن اتھ سلسلس منزرنہ آئے تم چھ یتھ کنز۔

2.2 مسئلہ ٹرانزیشن (Transition Problem):

وینرک (Weinreich, 1953)، لیو (Labov, 1971) تہ بیو ماہر سکا لرو کوور
 اتھ سلسلس منز اکہ مسئلہ پیش یتھ زن یمو مسئلہ ٹرانزیشن (Transition
 Problem) وون۔ یمو وون کہ یہ وئن چھ سیٹھاہ مشکل کہ کمہ ساتہ چھ اکہ
 زبانہ ہند لفظ بیس زبانہ منز پور طور جذب گزھان۔ شہری علاقن منز چھ یہ وئن
 زیادے مشکل۔

2.3 مسئلہ انٹگریشن (Integration Issue):

فیف (Pfaff, 1979)، پوپ لیک (Poplack, 1980) چھ راے دوان کہ کوڈ
 سوچنگ (CS) تہ بوار وونگ (BW) چھے ز مختلف عملہ۔ مگر کوڈ مکسنگ (CM) تہ
 کوڈ سوچنگ (CS) چھنہ کانہہ فرق۔ تمو وون کہ اکہ زبانہ ہند لفظ آواز، شکل،
 تہ اداگی ییلہ دو یمہ زبانہ ہند یو اصولو مطابق گزھ تیلی ہیکو اتھ بوار وونگ
 (BW) ونتھ نہ چھ یہ کوڈ سوچنگ (CS) یوسہ زن کوڈ مکسنگ (CM) برابر

چھے۔

2.4 مسئلہ لیکزیکل گیپ (The Lexical Gap Criterion):

بینٹاہیل تہ ڈیوس (Bentahila and Davies, 1983) تہ تھوونہ کوڈ سوچنگ (CS) تہ کوڈ مکسنگ (CM) منز کا نہہ فرق۔ مگر بواروونگ چھا اکھ الگ عمل۔ تمو و ون سریدھرتہ سریدھرس (Sridher and Sridher, 1980) ستری کہ بواروونگ چھے اکس زبانہ منز خالی جا یہ (Lexical Gaps) بران تکیا زتھہ زبانہ منز چھنہ سہ لفظی آسان۔ سہ لفظ چھ وزم (BW) یوان انہ یس پتہ امی زبانہ ہند بنان چھ۔

میرسکاٹنہ (Myres-Scotton, 1993) وون اتھ پیٹھ کہ یہ چھ نہ ضروری کہ بواروونگ (BW) بر اکس زبانہ منز خالی جاے (Lexical Gap) بلکہ زبان چھے بواروونگ (BW) یا ووزم لفظ انان ییلہ کہ زن تمن پننن لفظ موجود آسان چھ۔ یہ چھ وار یا ہوسماجی، اقتصادی تہ نفسیاتی وجوہاتو کنہ گڑھان۔ مزید وون میرسکاٹنہ کہ بواروونگ چھے دون قسمن ہنز آسان: اکھ گ گئے لیکزیکل بواروونگ (Cultural Borrowing, CB) تہ بیا کھ گئے کور بواروونگ (Core Borrowing, COB)۔ کلچرل بواروونگ گئے تم لفظ یم زن نہ دویمہ زبانہ منز موجودے آسن، ییلہ زن کینہہ الفاظ گوڈنچہ زبانہ منز موجود چھ آسان۔ تمن برعکس گئے کور بواروونگ (COB) تم یہند برابر الفاظ گوڈ پیٹھے دویمہ زبانہ منز موجود چھ آسان مگر تمن بدلہ چھ کور بواروونگ استعمال یوان کرنہ۔ تمہ پتہ چھ یم کور بواروونگ (COB) امی زبانہ ہند اکھ حصہ بنان۔ ییلہ کہ امی زبانہ ہندی اصلی الفاظ چھ وار وار مشراونہ یوان۔ زبان رنچن عملن (Language

Interaction Phenomena, LIP) متعلق وون ایسٹ مینن (Eastman, 1992) کہ تمامہ کوششہ یم زن کوڈ مکسنگ (CM) کوڈ سوچنگ (CS) تہ بواروونگ (BW) فرق کرئچ چھ یوان کرنہ۔ تم چھ بے کار تہ بے مقصد، اگر زن لسانیات کئین سکالرن زبان رلچن عملن (LIP) ستر وابستہ سماجی تہ تہذیبی وجہ زانڑ چھ، تمہن پزیمن مختلف عملن منز فرق کرنی تہ تراوڑی۔

3.1 کاشتر زبان بحیثیت درجہ دویم کنٹیکٹ زبان:

(Kashmiri as a subordinate Contact Language)

یتھ کنز زن برونہ تہ ذکر کرنہ آو کہ کاشتر زبان چھ ہمیشہ پٹھے (ساروے کھوتہ پرائی ریکارڈ چھ ترواہمہ صدی ہندی) دُنیاچن واریاہن مشہور زبان ستر رلیمر۔ تہ یمن زبان برعکس اوس کاشترس ہمیشہ اکھ درجہ دویم کنٹیکٹ زبان میولمت۔ کاشتر زبان روز زندہ کیا زیہ اُس گرن منز یوان بولنہ۔ پیلہ کہ باقی زبانہ، مثلاً سنسکرت تہ فارسی روز ادبی حلقن تائے محدود۔ تمہ آسہ سر کاری زبانہ پیلہ زن کاشتر گرچ زبان اُس، عام لوکن ہنز زبان۔ حالانکہ سنسکرت تہ فارسی تہ واڑ وادی ہندس گونس گونس منز مگر یمن ہند اثر روود صرف لفظن تامی محدود تہ کیا ز تعلیمی شرح اوس واریاہ کم۔ اگر اُس وہمہ صدی ہندس آغازس منز وچھو، سرینگر شہرس منز اوس تعلیمی شرح ترے فی صد (3%) کھوتہ تہ کم۔ امہ علاو اوس نہ امی ساتھ ماس میڈیا (Mass Media) تہ تیوتاہ موجود وادی منز۔ امہ کنز روود سنسکرت تہ فارسیک اثر صرف لفظن تامی محدود۔

یُس ڈاٹا اسہ ریکارڈ کوڑ، تمہ منز چھ کینہہ مثالہ یتھ کنز:

1۔ تمس چھنہ نیک انسان سنز پہنچان۔ (ک) ک = کاشتر

2۔ پو تر دگ للناذی چھنہ سہل (ک) ک = کاثر

3۔ می اوس نہ پتہ کہ اس رشتے کی قیمت اتنی سستی ہوگی۔

(ک۔ ا) ک۔ ا = کاثر اردو کوڈ سوچنگ


مے اُس نہ پتہ کہ یمہ رشتک قیمت آسہ یوت کم (ک)

4۔ تمس گس بزنس چھ فادر کرن سوچھو واریاہ انٹیلجنٹ بچہ۔

(ک۔ ا) کاثر۔ انگلش مکسنگ

یمہ ژور مثالہ ہیر کنہ پیش کرنہ آے یمہ چھ عکاسی کران واریاہن زبانہ رنچن
عملن ہنز۔ گوڈنچ ز مثالہ چھ عکاسی کرن بواروونگ (BW) عملہ ہنز۔ یوسہ
کاثر و نکینس بولنہ چھ یوان اتھ منز چھ واریاہ سنسکرت تہ فارسی الفاظ بواروونگ
ہنز شکلہ منز موجود۔ گریسنن (Greierson, 1911) چھ اتھ بنیادس پیٹھ کاثر
زبان دون قسمن منز تقسیم کر مژ: اُس قسمس چھ ونان فارسی کشمیری تہ بنیس چھ
ونان سنسکرت کشمیری۔ کانہہ تہ ریکارڈ یا ثبوت چھنہ موجود یمہ ستر یہ ثابت
سپد ہا کہ فارسی یا سنسکرت اوس عام لکن ہنز زبان یا آسہ یمہ زبانہ گرن منز یوان
بولنہ۔ اُس ہیکو ونٹھ کہ سماجی، سیاسی تہ اقتصادی حالات اُس تھہ کہ یمہ زبانہ
روز ادبس تہ دفترن تاپے محدود تہ روز کشیر منز ووپر زبانہ (Foreign
Languages)۔ یوت تام زبانہ ہنز شکل و صورتک سوال چھ،۔ فارسی تہ
سنسکرت زبانن ہند اثر رود لفظن تاپے محدود تہ یہند اثر چھو صرف بواروونگ
تاپے محدود۔ گوڈنٹھ ژاے سنسکرت تہ فارسی الفاظ کوڈ مکسنگ ہنز شکلہ منز۔
کینژن لفظن ہند استعمال رود کمسے کالس۔ کینہہ بنیہ نانس بواروونگ (NB)
تہ وقت گذر نس ستر بنیہ تم بواروونگ (BW)۔ یہ ہیکو اُس کہ شکلہ ذریعہ تہ

ہاؤتھ۔



شکل نمبر ۱:۔ زبان رلچ عملہ الفاظن ہندس پالیس تام۔

شکل نمبر ۱:۔ زبان رلچ عملہ الفاظن ہندس پالیس تام۔
شکل نمبر ۱:۔ زبان رلچ عملہ الفاظن ہندس پالیس تام۔
شکل نمبر ۱:۔ زبان رلچ عملہ الفاظن ہندس پالیس تام۔

یومودو یو زبانو پتہ یوہ زبان کاشر زبان ستر کنیکٹس منز آے سو اس اردو
تہ اردو آے نوین سماجی، سیاسی، حالاتن منز۔ پیہ اس امہ ساتھ کاشر زبانہ منز
تہ واریاہ تبدیلی آثر۔ اردو زبانہ اس بذات خود واریاہ الفاظ فارسی تہ سنسکرت
زبان ہند۔ امی موجب اس یہ کاشر زبان بناوٹ لحاظ تہ واریاہ نزدیک۔ امہ
علاو اردو زبان بیلہ ہری سنگھن سرکاری زبان بناو۔ وادی منز اس تعلیم دوہہ
کھوتہ دوہہ عام گڑھان اتھ ستر اوس ماس میڈیا (Mass Media) تہ ترقی ہنز
وہ پیٹھ گامزن۔ اردو زبان تہ انگریزی زبان وادی ہندس گونس گونس
واتناونس منز کور ماس میڈیا ہن اکھ بوڈ بار رول ادا (دارتہ حسن Dhar and
Hassan, 2006)، (کاک تہ وانی Kak and Wani, 2006)۔ یوتاہ پوچھرتہ
ترقی اردو ہس وادی منز میول تیوتاہ اوسنہ نہ سنسکرتس میلیومت نہ اوس فارسیس۔
بلکہ بنیہ اردو کشیر منز اکھ دویم زبان (Second Language) تہ یہ تبدیلی یوس
زن ووپر زبانہ (Foreign Language) دویم زبان چھے بناوان چھامہ زبانہ
ہند بڈون اثر ورسوخ تہ اچ ترقی یتھ زن مضبوط اتھنولنگولیٹک وٹیلیٹی

(Positive Ethnolinguistic vitality) و نان چھ ثابت کران اردو بحیثیت د
 ویم زبان رُوز نہ سکولن تہ دفترن تامی محدود بلکہ واثر یہ کرن منز
 تہ (کاک، 1995) اردو ہک اثر رودنہ کاشرس پیٹھ صرف لفظن تاپے محدود بلکہ
 ووت یمن دون زبانن ہند رُن جملہ کس حدس تام تہ۔ اردو زبان چھ وٹکنس
 شانہ بہ شانہ کاشر زبانہ ستر پکن۔ یتھ کن زن مثال نمبر ترے ہس منز چھ ہاونہ
 آمت۔ وٹکنس چھ کاشر منز اکھ جملہ اردو ہک استعمال گڑھن تہ اُتی تھے چھ
 بیا کہ جملہ کاشر زبانہ ہند استعمال گڑھن۔ کاشر۔ اردو کوڈ سوچنگ (CS) چھ
 وٹکنس عام طور پر یتھ پُر متس لیکھ متس فردس منز وچھنہ یوان۔ اردو زبان
 چھ وٹکنس کاشر منز اکھ کوڈ سوچڈ زبان (Code-Switched)
 (کاک تہ وانی، 2006)۔ اگر زن سنسکرت تہ فارسی بوار وونگ
 (BW) ہندس پالیس (Stage) پیٹھ رُکیہ، اردو زبانہ کوڑ یہ پایہ تہ پار تہ اردو
 بنیہ کاشر منز اکھ کوڈ سوچڈ زبان یوسہ زن زبان رلنچ عملہ ہند بیا کہ پایہ چھ
 (The Next Stage Of Language Interaction Continuum)۔

کوڈ سوچنگ (CS) کئے سہ عمل یتھ منز زن زگر امر آسانی سان پرز ناونہ چھ
 یوان۔ (کاک تہ وانی، 2006)۔ کاشر زبانہ کوڑ نہ صرف اسم، فعل، صفت
 اردو زبانہ پیٹھ ووزم (BW) یمہ زن عام زبانن ہندس رلنس منز گڑھن چھ، بلکہ
 کاشر زبانہ کرر گرامری الفاظ یتھ کن زن کنجکشن (Conjunction) تہ
 پرپوزیشن (Preposition) تہ اردو پیٹھ ووزم۔ یہ زن نہ عام طور زبانن ہندس
 رلنس منز گڑھان چھ، سماجی، تہ نفسیاتی طور بنیہ اردو زبان اکھ گرچ زبان تہ
 امیک استعمال گو عام۔ یتھ کنر وچھ اسہ کہ زبانہ رلنچ عملہ ہیکن تیلی

وأتھ کوڈ سوچنگ (CS) پالیس ییلہ زن امہ حیطر واریاہ لسانی، سماجی تہ سیاسی حالات موافق آسان۔

کوڈ مکسنگ - نانس باراوونگ - باراوونگ - کوڈ سوچنگ
(CM) (NB) (BW) (CS)

شکل نمبر 1.2 زبان رلنج عملہ جملہ کس پالیس تام:

زبان رلنک نظام چھ نہ کوڈ سوچنگ تاے محدود بلکہ دون زبان ہندی گرامر تہ ہیکن اُکس اکھ ستر رلٹہ تہ اکھ نو قسمک گرامر بناوتھ یاہیکہ اکھ زبانہ ہنہ گرامر بیس زبانہ منز جذب گڑھتھ۔ یہ چھ ممکن یمہ ساتھ زن یمن دون زبان واریاہ لفظ ہوی آسن، خاصکر گرامری الفاظ۔ مثالہ پاٹھر کجیکشن (Conjunction) تہ پرپوزیشن (Preposition)۔ یمہ ساتھ ز گرامر رلن اتھ عملہ چھ ناودنہ آمت کنگورینٹ لیکزیکل رزیشن (lexicalisation Congruent) تہ یہ عمل گڑگوڈنیتھ مسکینن (Muysken, 2000) واضح۔ کآثر زبان تہ آسہ وونی اردو کس گرامر س گن پھیران۔ کآثر زبانہ ہنز کنگورینٹ لیکزیکل رزیشن (CL) تہ اُس ممکن کیا ز کآثر س اُسی واریاہ الفاظ اردو زبانہ ہندی پیہ اردو ہکو شانہ بہ شانہ استعمالن اُس کآثر س کنگورینٹ لیکزیکل رزیشن (CL) پیہ ہن ممکن بنا مثر۔ (وانی تہ سہراوت، 2006-2006) (Wani and Sehrawat)۔ یتھ کنز وچھ اسہ کہ لفظو تہ جملو پیہ ہیکن زبانہ رلنج عملہ گرامر کس پالیس پیٹھ تہ رلٹہ۔ یتھ زن کنگورینٹ لیکزیکل رزیشن (CL) ونان چھ۔

کوڈ مکسنگ - نانس باراوونگ - باراوونگ - کوڈ سوچنگ
کونگرینٹ لیکزیکل رزیشن

شکل نمبر 1.3 زبان رلنج عملہ گرامر کس پالیس تام

مگر کاشر زبانہ ہنز کو نگرینٹ لیکز یکلاریشن (CL) رُکیہ کیا ز انگریزی زبانہ ہند عروج سپد کشیر منزیمہ کس نتیجس منزاردو ہکی الفاظ انگریزی الفاظونیر کڈی۔ یہ عمل چھ حلس تہ جاری کیا زیمہ ساتہ زبان ہند حال و چھوانگریزی زبان چھے سرس تہ امکو الفاظ چھ تیز رفتاری سان کاشرس منز داخل سپدان کوڈ مکسنگ ہنز شکلی منز تہ کینر و انگریزی الفاظ چھو کاشر زبانہ منز بروٹھی باراوانگ ہند پایہ حاصل کو رمت۔ امہ ستر چھ اردو ہس تہ کاشرس منز ہشر کم گڑھان۔ اتھ عملہ یتھ منز دون زبان ہندس رلس منز تریمہ زبانہ ستر رکاوٹ سپدان چھ، تھ چھ یوان ونہ شیڈ ہاپو تھیسز (SHADE HYPOTHESIS) انگریزی تہ کاشر زبان چھے ونکیس زبانہ رلنہ کس عملہ کس گوڈ نیکس پایہ دانس پیٹھ، تہ یہ وشن چھ سیٹھاہ مشکل کہ انگریزی زبانہ ہند اثر کتھ حدس تام روز کاشر زبانہ پیٹھ۔

4.1 زبان رلس چھ اکھ باقاعدہ نظام

کاشراکھ دویم درجہ کنٹیکٹ زبان مد نظر تھاتھ و چھ اسہ کہ زبانہ چھ ا کس اکھ ستر رلان، مگر یہ زبان ہندرلن چھنہ بے قاعدگی سان سپدان بلکہ چھ یہ اکھ باقاعدہ نظام۔ زبان ہندرلن چھ سیاسی، سماجی، اقتصادی، نفسیاتی محرکاتن تہ زبان ہنز بناوٹ پیٹھ منحصر۔ ستر چھ زبان ہندرلنک نتیجہ تہ یمنے چیزن پیٹھ منحصر۔ اسہ وچھ کہ زبان چھے گوڈنتھ رلان الفاظن ہندس پایدانس پیٹھ کوڈ مکسنگ (CM) ہنز شکلہ منزیمن منز زن کینہ الفاظ بواروونگ (BW) بنان چھ۔ پتہ اگر حالات موافق آسن، یہ اثر ہیکہ جملس تام تہ و اتھ یتھ عملہ زن کوڈ سوچنگ (CS) چھ ونان۔ یم عملہ ہیکن برونہ گن گرامرس تام تہ و اتھ یتھ عملہ زن کو

نگورینٹ لیکزیکلائیشن (CL) و نان چھ۔ یتھ کنز و چھ اسہ کہ زبانن ہند رلنک نظام چھ اکھ باقاعدہ نظام۔ یتھ منزرن اکھ عمل بیس عملہ پتہ اُکس قدرتی قانونس اندر واقع چھ سپدان۔ سون نتیجہ دراوا ایسٹ مین (Eastman, 1992) سندس نتیجس بلکل خلاف تیمکز ن یمہ عملہ مختلف زاننس قطعی انکار گور۔ اسہ و چھ کہ یمہ ساتھ اُسی سیاسی، سماجی تہ نفسیاتی حالات مد نظر تھاؤ و، تیلہ ہیکو اُسی یمن عملن اُکس اکھ نش فرق کرتھ۔ پیہ ہیکو اُسی اتھ زبان رلنہ کس صاف و شفاف نظامس طریقہ سان سام ہیتھ۔ اندگر و یمہ کتھ ستر کہ زبانن ہندس رلنس پیٹھ ہیکو اُسی زبانہ رلنک عملی نقشہ (Language Interaction Continuum) تیار کرتھ۔

کتاب نامہ

- 1۔ ایسٹمین، سی۔ ایم (ایڈ) (1992) کوڈ سوچنگ ایز۔ این۔ اربن لنگویج کنٹیکٹ فینا منا ان جرنل آف ملٹی لنگویل اینڈ ملٹی کلچرل ڈیولپمنٹ: (1-17)
- 2۔ بنٹاہلا، اے اینڈ ڈیوس، ای ڈی (1983) دی سنیکس آف اراپک۔ فرنج کوڈ سوچنگ لنگوا 59: (301-330)
- 3۔ بیکس، اے (1996) ٹو۔ ان۔ ون بائیلنگول سپیچ آف ٹرکش امیگرٹس ان دی نیندر لینڈس۔ سٹیڈیز ان ملٹیلنگو یلم یلزم۔ تلبر گیو یورٹی پرس
- 4۔ پوپ لیک، ایس (1980) سم ٹائمر آئے ول سٹا اے سینٹنس ان سپینش وے ٹرمو اسپنول: ٹو وارڈس اے ٹیولوجی آف کوڈ سوچنگ لنگویسٹکس 18: (581-618)
- 5۔ جیلز، ایم (1992) فرنج ان اربن لو بوم باشی سواہیل: کوڈ سوچنگ، بواروونگ اوور بوتھ؟ ان جرنل آف ملٹی لنگویل اینڈ ملٹی کلچرل ڈیولپمنٹ 13: (41-56)
- 6۔ دھر، نذیر احمد اینڈ حسن۔ شیبہ (2007) اُردو ان کنٹیکٹ سچویشن ان کشمیر ان این۔ ایس۔ پی۔ ایل۔ ڈپارٹمنٹ آف لنگویسٹکس۔ یونیورسٹی آف کشمیر

7۔ سریتھر، ایس۔ این اینڈ سریتھر۔ کے (1980) دی سنیکس اینڈ سائیکولوجیٹکس آف بایلینگول گوڈ مکنگ۔ کنیڈین جرنل آف سائیکولوجی 134: (7-16)

8۔ شوق، شفیع (2007) کشمیری لنگوتج: اوریجن اینڈ ڈیولپمنٹ ان این۔سی۔پی۔ ایل۔ ڈپارٹمنٹ آف لنگویٹکس۔ یونیورسٹی آف کشمیر

9۔ فیف، سی (1979) کنسٹرینٹس آن لنگوتج مکنگ: انٹرا سینیٹینشل گوڈ سوچنگ اینڈ بواریونگ ان سینیٹینشل انگلش۔ لنگوتج 55: (291-318)

10۔ کاک، عادل امین (1995) ایکسپٹ بلٹی آف کشمیری۔ انگلش میکسڈ سینیٹینسز اے سوشیو لنگویٹک سٹیڈی۔ اپبلیشڈ ایم۔ فل۔ تھیسز۔ یونیورسٹی آف دہلی

11۔ کاک، عادل امین اینڈ وانی، سجاد۔ حسین (2005) کیسس فار بیس: دی نوٹن آف بیس لنگوتج ان کشمیری۔ انگلش گوڈ مکنگ۔ پیپر پریزنٹڈ ایٹ دی 25Th اینول سوتھ ایشین

لنگویٹک انیلیسز رونڈ ٹیبل ہیلڈ ایٹ دی یونیورسٹی آف ایوٹوس ایسٹ اربانیا۔ یو۔ ایس۔ اے

12۔ گول، اومکار ناتھ (2007) سٹیڈیز ان کشمیری لنگویٹکس ان این۔سی۔پی۔ ایل۔ ڈپارٹمنٹ آف لنگویٹکس۔ یونیورسٹی آف کشمیر

13۔ گریرسن، جی۔ اے (1911) سنڈارڈ مینول آف دی کشمیری لنگوتج۔ وولیوم 1 لیو، ولیم (1972) سوشیو لنگویٹکس پیٹرنز۔ یونیورسٹی آف پنی سیلوینیا پریس۔

14۔ موسکن، پی (2000) بایلینگول سچ: اے ٹاپولوجی آف گوڈ مکنگ۔ کیمبرج یونیورسٹی پریس

15۔ میرس سکون، کیروول (1993) ڈیولنگ لنگوتج: گرامیٹیکل سٹرچر ان گوڈ سوچنگ۔ کلیرینڈان۔

16۔ وانی، سجاد حسین (2004) فارمل اینڈ فنکشنل اسپیکٹس آف انگلش۔ کشمیری گوڈ مکنگ۔ اپبلیشڈ ایم۔ اے۔ تھیسز۔ ڈپارٹمنٹ آف لنگویٹکس۔ یونیورسٹی آف کشمیر

17۔ وانی، سجاد حسین (2007) دی ریزسٹنٹ گوڈور: لیکزیکل اور فنکشنل: اے سٹیڈی آف کشمیری۔ اُردو کنٹیکٹ ان این۔ ایس۔ پی۔ ایل۔ ڈپارٹمنٹ آف لنگویٹکس۔ یونیورسٹی آف کشمیر

- 18۔ وانی، سجاد حسین اینڈ سہراوٹ، اُنیل (2006) لنگوتج سیوسائڈ: اے سٹیڈی آف کشمیری۔
 اردو کنٹیکٹ۔ پیپر پریزنٹڈ ان سمینار آن پَر سپیٹھوز ان لنگویسٹکس۔ ڈپارٹمنٹ آف
 لنگویسٹکس۔ یونیورسٹی آف کشمیر
 19۔ ویزک، یو (1953) لنگوتجز ان کنٹیکٹ۔ دی ہاوگ۔ مووٹون

لغت نگاری تہ امکی اصول

شفقت الطاف

لغت نگاری چھ ڈکشنری ترتیب دینچ اکھ سائنسی عمل۔ یہ عمل چھ کینژن
لسانی اصولن تہ ضابطن تحت سپدان۔ لغت نگاری چھ لسانیاتک اکھ عملی² پہلو
یوان گزرنہ۔ لغت ترتیب دنگ یہ سلسلہ چھ تنے پٹھ جائری ینہ پٹھ انسان
سند ترسلی نظام تحریری دستاویزن ہند ذریعہ وجوہ دس آو³۔ لغت نگاری چھ
انگریزی پاٹھر (Lexicography) ونان یس زن اکھ یونانی لفظ (Lexis) منز
درامت چھ تہ میمک معنی لفظن ہنز دولت چھ۔ لغت نگار سند سیوہ تعلق چھ
گنہ تہ زبانہ منز ورتا ونہ ینہ والین لفظن ستر تہ یم لفظہ ترتیب وارد رچ کرنس
چھ لغت یا ڈکشنری یوان ونہ۔ زبانہ ہنز ترقی تہ قوت اظہارک انداز چھ زبانہ
ہند لفظہ راشہ (Vocabulary) ستر سپدان⁴۔ یوہ دوے زبانہ منز کاٹھہ تہ کیفیت یا
موضوع بیان کرنہ خاطر بر محل لفظن ہنز کثرت موجوہ داسہ تیلہ چھ اسی آسانی
سان یہ دعواہیکان کرتھ زبان چھ کائل تہ ترقی یافتہ۔ زبانہ اندر لفظن ہنز یہ
اہمیت ژپتھہ چھ آر۔ ایچ۔ رابنس (R.H. Robins) لیکھان:

پڑتھ گنہ زبانہ ہند خاطر چھ یہ لازمی بنان زیہ گوشہ پنن بولن
والین ہند ضرورتہ تہ ماحولہ مطابق موزون آہنی پانہ۔ یتھ گنہ چھ لفظ

راش (Vocabulary) جایہ جایہ وفور تہ غار وفور لغوی مدن (Lexical

Items) ہندین مصنوعیاتی مادان تہ سلسلن اندر وکر بدلاوان⁵

دُنیا کہ پڑتھ گنہ علمچ بنیاد چھ لفظن پٹھ تہ لغت نگار سُنْد تعلق تہ چھ یمنے
لفظن ستر۔ یو دوے سہ ادب آسہ یاسائیس، توارتخ آسہ یاسیاست، معاشات
آسہ یا تعلیم، بشریات آسہ یا سماجیات، جغرافیات آسہ یا فلسفہ۔ غرض یمن
سار نے شعبن ہند و جو دچھ لفظن ہند بدولتہ تہ امہ علاو چھ یمن موضوعن متعلق
زانگاری حاصل کرنہ خاطر تہ لفظی کام پیوان پئی۔ بیلہ تہ آسہ گنہ چیزک
کا نہہ خاص ادراک بیان آسہ گرن اُس چھ امہ ادراک خصوصیت لفظستی
یوت مستند بناوتھ ہیکن⁶۔ یہ ون چھ صحیح ز دُنیا پچ پڑنتھ چھ لفظ تہ لفظہ تہ چھ دُنیا
تہ اتھ اندر چیز و (Objects) سستی پڑناونہ یوان۔ یعنی دوشونے چھ پانہ وائی
اکھ اڑھین رشتہ۔ انسانی خیالن تہ جذب بن ہند اظہارک ذریعہ تہ چھ لفظی۔
ڈکشنری یا لغت تہ چھ گنہ زبانہ ہندین لفظن ہنز ترتیب وار سو مبرن آسان
ییمہ خاطر اُکس لغت نگار لغت ترتیب دینہ بڑونہہ لفظہ تہ امکہ استعمالک
تصور قائم گرن پیوان چھ⁷۔

ڈکشنری یا لغت چھ روایتی طور زبانہ ہند معلوماتی ذریعہ یوان مانہ۔ ز
زبانہ ہندی یم تہ صوتیاتی اصول آسن تے یوت ہیکن امہ زبانہ ہند صحیح لغت
ترتیب دس منز مدگار ثابتہ سپد تھ⁸۔ عام لوکن چھ لغتس ستر اکھ عقیدہ تہ پڑھ
آسان وابستہ۔ تم چھ لغتس اندر یہ زانک توقع تھاوان ز لفظک کیا معنہ چھ؟
لفظن کتھ پاٹھ چھ پانہ وائی میل گڑھان؟ لفظک املا کیا چھ؟ لفظس اندر گڑ
رکن (Syllables) چھ؟ لفظہ چھا شایستہ کنہ نہ؟ لفظہ چھا تکنیکی کنہ غار تکنیکی؟

یمن سارنے چیزن ہند پے چھ اُسہ ڈ کشنری ہند مطالعہ کرنہ ستی لگان تہ یو ہے
 چھ ڈ کشنری ہند بُنیادی مقصد تہ۔ امہ علاو چھ زبانہ منز بولنہ پینہ والین علامثن،
 متر اُدن تہ مخفن ہند علم تہ گزہان ڈ کشنری ستی حاصل۔ تو صچی بُنیاز پٹھ چھ
 لغتک بیا کہ مقصد یہ ز یہ چھ لفظن ہنز صوتیاتی (Phonological)، مار فہمی
 (Morphological) معنویاتی (Semantic) تہ نحوی (Syntactic) خو بین ہنز تہ نشاندہی
 کران۔ بلوم فیلڈ (Bloomfield) چھ لیکھان:

(اکھ) ڈ کشنری چھے حقیقی طور گرامرک ضمیمہ (Appendix)

آسان۔ (تہ پیہ چھے یہ) بُنیادی طور بیہ قاعد گیہ ہند فہرست تہ
 آسان۔ یہ سورے چھ تمہ وزٹا کارپاٹھن نوں نیران ییلہ (گنہ تہ زبانہ
 ہنز) معنویاتی کفیر پٹھ غور کرنہ چھ یوان تکیاز پڑتھ گنہ مار فیمک
 معنہ چھ خود مختارانہ روا یژن تحت اتھ ستر آسان منسلک“ 9

ڈ کشنری بناوڑ چھے اکھ پیچہ تہ کھری دار کلام۔ ڈ کشنری مرتب کرینچ اتھ
 کامہ آو“ بے زیر چا کری تہ ونہ۔ 10 اکھ لغت نگار چھ پنن لغت ترتیب دینہ
 وز کیشن خاص تہ پیچہ سوالن ہند شکار گزہان۔ تسند سوینچ چھ آسان یہ ز
 ڈ کشنری تشکیل دیک یہ تجویز کتھ پاٹھن چھ عمل و ن ممکن؟ سہ چھ یتھ کتھ پٹھ
 غور کران ز اکھ ڈ کشنری گزہ لفظن ہنز ویشہ ہنے تھو صو رتس منز کرنہ یتھ کنییم
 بولنہ چھ یوان؟ یا یمن لفظن متعلق گزہا یہ کیشنہ تجویز بیان کرنہ؟ لفظن ہنز
 اتھ ویشہ ہنے منز چھ لغت نگار اکثر جاین راوان تہ زن گو و لفظ بجلی چھ۔ یو دوے
 کانسہ شخصس ونو ”بجلی“ کیا گیہ صحیح معنیس منز؟ باسان چھ ز کانسہ نشہ تہ نیر نہ
 امیک معقول جواب۔ پڑتھ کانہہ ونہ یی ز بجلی چھے تھ و نان یوسہ گاشراون

چھے۔ مگر پیارے چھ زون، افتاب، تارکھ، گیس، لالٹین، چھتکیر، شمع بیتر چیز تہ
 گاش دوان۔ ڈکشتری ہند امہ پچدگی ہند انداز کرتھ چھ زگستالیدس لو
 (Zegusta Ladislav) لغت نگاری لسانی حرکت ہند اکھ مشکل تہ وردار پہلو
 مانان۔¹¹ امہ علاوچھ دنیا ہکو پیہ تہ کینہہ نمائند لغت نگار ڈکشتری ہنز اتھ پرتیچ
 عملہ پنہ پنہ آیہ ویتھناوان یمن منز سیمول جانسن (Samuel Jhonson)، ارک
 پاٹرگ (Erick Patridge) تہ ایلن گیلسن (Allen Galeason) بیتر شامل چھ۔
 ایلن واکر ریڈ (Allen Walker Read) چھ ڈکشتری ترتیب دیکو مشکلات تھ کز
 باوان:


ییلہ کانہہ زبان گنہ وسیع ترین علاقس اندریوان بولنہ چھے (اتھ
 اندر چھے گنہ چیز چہ) مختلف بولنچہ کفیڑ ووتلان یم زن اُکس لغت
 نگارس درج کرنہ و ز مختلف مسئلہ یاد کران چھ۔¹²

یمو باژوتلہ چھ صاف ظاہر سپدان ز لغت نگاری چھے پز کز مشکل ترین کام
 تہ یہ چھے صابر ن ہنز کام تصور کرنہ یوان۔ اوے تہ چھ وننہ آمت ز لغت چھ
 قومکئیں بہترین دانشورن تہ مفکرن ہنز مسلسل کوششن ہند اکھ عملی نتیجہ
 آسان۔ ڈکشتری بناوڑ چھے اکھ دایمی (Eternal) مسلسل (Continuous) تہ تکنیکی
 عمل۔ امہ عملہ خاطر چھ ضروری زیہ گڑھہ سنجید آسز۔ ڈکشتری اندر شامل
 پڑتھ گنہ پچ باوتھ چھے انفرادی سطحس پٹھ سپدان یمہ کز لغت نگارس ڈکشتری
 ترتیب ونہ بز ونہہ امہ زبانہ ہندیشن گرامری تہ صوتیاتی سرحدن ہند خیال
 پیوان تھاؤن چھ۔ امہ کز چھ لغت نگار گوڈے پچ باگنہ تہ شناخت گرامری
 سو تھرس پٹھ بہم تکلمی جزو (Parts Of Speech) ستر کران یمن منز ناوت، کراؤت،

باؤت تہ ڈکھ کراؤت شائل چھ نتہ چھ یتہ ممکن ز تلفظہ روز املا ستر تہ مشکوک۔
 تکنیکی اعتبار ہیکو اُس لغت دون حصن اندر با گرتھ۔ یعنی انسایکلو پیڈک
 لغت تہ لسانی لغت۔ بیشتر لوکھ چھ یتہ غلط فہمی منز مبتلا ز لسانی لغتس تہ
 انسایکلو پیڈک لغتس درمیان چھ اڑھین واٹھ یارشتہ۔ بذاتی چھ یم دوشوے ز
 مختلف قسمیہ حوالیاتی (Reference) کتابہ۔ یم دوشوے کتابن چھ پُن پُن
 مقصد۔ لغت چھ لفظن ہنز اکھ ترتیب وار سو مبرن یتہ اندر لفظن ہنز معنیاتی
 وضاحت، یہند تلفظہ اشتقاق تہ یہنز گرامری خاصیت مختصر اندازس منز باونہ
 یوان چھ۔ انسکلو پیڈک ڈکشنری چھ عام پاتھر انسایکلو پیڈ یا یوان ونہ۔ اتھ
 اندر چھ کیشہ مخصوص لفظہ آسان یم زن بالالسانی دُنیا ہیج خبر داری دوان چھ۔
 انسایکلو پیڈک ڈکشنری منز ہیکہ نہ مول، مائج، بوے، پینہ لفظہ آستھ۔ اتھ
 اندر چھ کینژن خاص بیمارین، کلین، کٹین، حیوانن، جاناوارن، سیاسی تہ ادبی
 چیزن متعلق وضاحتی تذکر میلان۔ تہ زن گوو کانہہ بیمارک چھ۔ لسانی لغتس
 منز چھ امہ بیمار ہند صحیح تلفظہ، املا، گرامری خوبہ تہ اتھ متعلق مترافات تہ
 متضادات میلان ییلہ زن انسایکلو پیڈ ہس منز امہ بیمار ہند وجہ، اشار،
 خاصیت، قسم، علاج تہ یہ بیمارک لارینچ وتھ۔ غرض اتھ بیمار متعلق وضاحتی
 زان حاصل سپدان۔

اُزی کس جدید لسانی دورس منز چھ اکہ ڈکشنری ہنز باگنے اُس خاص
 معیارس¹⁴ تحت سپدان۔ یہ مقصد چھ ترین نقطن پٹھ مشتمل، یعنی دایرہ (۱)

(۲) (Range) تناظر (Perspective) تہ پیشکش (Presentation) -



دایرہ (Range) ستر چھ اُس ڈکشنری ہند حجم (Size) تہ گنجائش و چھان۔ امہ ستر چھ اخذ کرنہ یوان ز امہ ڈکشنری کتھ حدس تام چھ زبانہ ہند لفظ و حاطہ کرتھ ہیگ متری۔ بقول ایس ایم کاتری (S.M. Katre): ”امہ ستر چھ لفظن ہند ہوئز تہ سیز (Size) و چھنہ یوان¹⁵۔ امہ ستر چھ یتہ پے لگان ز ڈکشنری اندر کتھ زبانہ چھے درج کرنہ آمز مطلب یہ چھا یک زبانی (Mono-Lingual) یہ چھا دُ زبانی (Bi-Lingual) یا یہ چھا کثیر زبانی (Multi-Lingual)۔ تناظر (Perspective) ستر چھ اُس لغت ترتیب دینہ واکر سندر ویک تہ نظریہک مطالعہ کرتھ ہیگان یس تم پتہ ڈکشنری تشکیل دینہ و زپانہ نو و مت آسہ۔ امہ ستر چھ اُس یتہ و چھان ز لغت چھا کثیر زبانی / تو ا ر تخی (Diachronic) کنہ یک زبانی / تو صیحی¹⁷ (Synchronic)۔ بیہ چھ اُس امہ ستر پتہ و چھتھ ہیگان ز ڈکشنری کمں اصولن تحت چھے ترتیب دینہ آمز۔ یعنہ یہ چھا اچھر وار، کنہ صوتی طور، کنہ نظریاتی طور ترتیب دینہ آمز۔ امہ ستر چھ ہیگ تہ بغور جائز پینہ یوان ز لغت

نگار سُنْد رویہ کتھہ حدس تام چھ اتھ اندر غار معتصبانہ، مزاجی تہ مدرک۔ پیشکش (Presentation) ستر چھہ اُسر یہ زانتھہ ہیکان زڈ کشنری ہندس تناظرس منز کتھہ کز چھہ مواد شیرنہ اُمّت۔ امہ ستر چھہ اُسر سہ طریقہ کار تہ زانان یُس لغت نگارن جامع وضاحت تہ غار تحریری مواد ڈ کشنری اندر شامل کرنہ خاطر ور تومت آسہ۔ امہ ستر چھہ اُسر ڈ کشنری ہندیش با تصویر وضاحتن تہ تلفظ چین خوبین ہند تہ تجزیہ ہیکان کرتھ۔

زبان ہندی تعداد رنگ تہ چھہ ڈ کشنریہ منقسم کرنہ یوان۔ تہ زن گو و کانہہ ڈ کشنری چھہ یک زبانی (Mono-Lingual)، کانہہ چھہ دُ زبانی (Bi-Lingual) تہ کانہہ چھہ کثیر زبانی (Multi-Lingual)۔

یک زبانی (Mono-Lingual) ڈ کشنری چھہ صرف اکر سہ زبانہ منز ترتیب یوان دینہ۔ امہ قسمہ ڈ کشنری چھہ تمن بولن والین ہند خاطر مرتب یوان کرنہ یمن اتھ ڈ کشنری اندر ورتا ونہ آہر زبان ملجہ زیو آسہ یا گنہ وز چھہ یہ تمن لوکن ہندی خاطر تشکیل یوان دینہ یم زن ڈ کشنری ہنز اتھ زبانہ دویمہ زبانہ ہندی رنگ پچھن آسن یڑھان۔ تہند خاطر چھہ ضروری زتم گڑھن گوڈ امہ زبانہ ہندیش نحوی، معنوی تہ ترکیبی ساختن زانان آہر۔ اکھ یک زبانی ڈ کشنری چھہ اندراجاتن متعلق وضاحتی اطلاع فراہم کران۔ تہ زن گو و امہ زبانہ ہند پڑتھ کانہہ لفظ چھہ اے زبانہ ہند لفظ یا وضاحت ستر باونہ یوان۔ دُ زبانی (Bi-Lingual) ڈ کشنری چھہ گنہ زبانی ہندیش لفظن ہنز اکھ ترتیب وار سؤ مبرن آسان۔ اتھ زبانہ چھہ ڈ کشنری ہنز ماخذ زبان (Source Language) یوان ونہ۔ امہ ماخذ زبانہ ہندیش لفظن ہندیش معنن ہنز وضاحت چھہ پیہ

زبانہ یعنی ہدفی زبان (Target Language) ہندیو لفظو ستری یوان کرنے۔ دُزبائی ڈکشنری ہندیو یا دی مقصد چھہ تمن پرن والین مدد کرن یم ڈکشنری اندر شامل کرنے آمژن زبانن منز اُکس زبانہ زانن آسن۔ یتھہ پاٹھک چھہ زیادہ یم قیاس کرنے یوان دُزبائی ڈکشنری اندر یوسہ زبان پرن ول گوڈے زانان چھہ سو چھہ تسنر مادری زبان یا مقامی زبان آسان۔ دُزبائی ڈکشنری یہ چھہ دوہہ قسمی یعنی اُوک ستمی (Uni-Directional) تہ دُستمی (Bi- Directional)۔ اُوک ستمی ڈکشنری میں منز چھہ دوہو زبانو منز صرف اُکر سے زبانہ گن خاص توجہ یوان دینہ۔ تہ زن گووامہ زبانہ ہندیہ لفظن ہنز نحوی، معنوی ترکیبی، صوتی تہ مارپی ہیڑ چھہ جامع پاٹھک یوان ویشہناونہ۔ دُستمی ڈکشنری میں چھہ دوشونے زبانن گن یکسان توجہ یوان دینہ۔ امہ کنر چھہ یم دون زبانن ہنز ز مختلف ڈکشنری یہ بنان۔

کثیر زبائی (Multi-Lingual) ڈکشنری یہ گئیہ تم ڈکشنری یہ یمن اندر گنہ زبانہ ہندیہ لفظن ہندیہ معنہ دوہہ کھوتہ زیادہ زبانہ ہندیو مترادفو ستری ہاونہ چھہ یوان۔


یمن تریشونے قسمہ چین ڈکشنری میں ہندی خاطر چھہ ضروری زیم گڑھن توارتخی، تقابلی تہ توضیحی آسنہ تہ لفظہ کین صوتی، گرامری تہ مارپی ساختون متعلق تہ گڑھن زانکاری دینہ۔ امہ علاو گڑھن یم گرامری تبدیلن، نحوی اصولن تہ معنن متعلق تہ خبردار کرنے۔

اُز کس عصری دورس منز آہ ڈکشنری ہنز بے شمار صنفہ بروئہ گن یمن منز

اشتقاقی ڈکشنری (Etymological Dictionary)، تلفظہ ڈکشنری (Pronunciation)

Dictionary) محاورہ ڈکشنری (Idiomatic Dictionary)، تھسارس (Thesaurus)،
 عام ڈکشنری (General Dictionary)، خاص ڈکشنری (Special Dictionary)،
 عالمانہ ڈکشنری (Scholarly Dictionary)، تجارتی ڈکشنری (Commercial
 Dictionary)، ڈیسک ڈکشنری (Desk Dictionary) چند ڈکشنری (Pocket
 Dictionary) سی ڈی یا کمپیوٹر ڈکشنری (CD or Computer Dictionary)، کامؤس
 نما ڈکشنری (Encyclopedic Dictionary)۔

لغت نگاری ہندوستان اصولن ہنز صحیح وضاحت کرنہ خاطر چھ لغت شناسی
 (Lexicology) ستر ضروری زان پیوان کرنی تکیا ز لغت شناسی (Lexicology) ہند
 بنیادی مقصد چھ لفظ کس معنیس تہ آگرس لسانی سو تھرس پٹھ تجزیہ کرن۔
 یو دوے لغت نگاری تہ لغت شناسی لسانیاتکو ز مختلف شعبہ چھ تہ کرتھ چھ یمن
 پانہ وائی اکھ اڑھین رشتہ۔



اکھ لغت نگار ہیکہ تیلے کامیابی سان پنہر لغت ترتیب دتھ ییلہ سہ گوڈ لغت
 شناس تہ آسہ۔ تس گڑھ لغت نگاری تہ لغت شناسی ہند یکان علم آسن۔ گلوبل
 انسکلو پیڈ ہس (Global Encyclopedia) منز چھہ انچ وضاحتھ یتھ کنز کرنہ

آمر۔

لغت شناسی گو و لفظن ہندین مؤلن تہ معنیس ہند مطالعہ۔ لغت نگاری
ڈکشنری بناونچ عمل۔ لغت شناسی چھ اکھ نظریاتی سائنس۔ اکھ جان
لغت نگار چھ ایے وقتہ لغت نگار تہ لغت شناس تہ آسان۔ یم دوشوے
علم چھ لسانیاتچ سولنڈ بناوان یتھ پچید شعبہ معنیات (Semantics) تہ
صاف تہ واضح فن ڈکشنری ستر رشتہ چھ۔¹⁸

لغت ترتیب دیکر چھ کینہہ اصول، یم متعلق اُکس لغت نگارس زان کرہر
لازمی بنان چھ تکیا زیمے اصولن تحت ہیکہ اکھ کامیاب ڈکشنری تیار کرنہ یتھ تہ
لفظن متعلق ہیکہ صحیح زانکاری حاصل کرنہ یتھ۔ یم اصول چھ لسان دانو
ڈکشنری بناونہ خاطر معین تہ مقرر کرہر متہ۔ یمو اصولو وراے چھ اکھ مثبت
ڈکشنری تیار کرہر ناممکن۔ یو دوے کرنہ تہ یمہ، تھہ روز نہ کاٹھہ تہ لسانی
اہمیت۔ یم اصول چھ یتھ گئی:

(۱) لفظن ہند انتخاب (The Selection Of Lexical Items)

(۲) ہیچہ تہ تلفظ (Spelling And Pronunciation)

(۳) تکلمی مد تہ تصرف (Parts of Speech and Inflection)

(۴) اشتقاق (Etymology)

(۵) لفظن ہند تعریف تہ ویشہ (Definitions)

لفظن ہند انتخاب:

لفظن ہند انتخاب چھ ڈکشنری ہند (Front Matter) یعنی بنیادی معاملہ۔ لغت
نگارس چھ ڈکشنری مرتب کرنہ بڑونہہ لفظن ہند انتخاب کرن پیوان۔ تس چھ یم

ساری لفظ صوتی بُنیاد پٹھ پیوان پرکھاوہر تکیازِ یمن لفظن ہنزن آوازن، علامزن، حرکزن تہ ٹھراون ہندِ خاطر چھ تَس املائی نشانین ہند تعین پیوان کُرن۔ ڈکشری اندر یمن گرامری تہ صوتی نشانین ہند لغت نگارس استعمال کرن چھ پیوان تم چھ تَس مثالہ پٹھ ڈکشری ہندس گوڈس پٹھ پیوان ظاہر کرنہ تاکہ پرن و ا لس یہ نہ لغتک مطالعہ کرنہ و ز کا نہ تھوس یہ۔ یہ کتھ ونہ بہ یتین وثوقہ سان ز کا نہ تہ لغت آسہ نہ دُنیا ہس منز مکمل تہ حتمی یو دوے تمیک تعلق گنہ تہ ترقی یافتہ یا غارتقی یافتہ زبانہ ستر آسہ۔ اکھ ڈکشری چھنہ تمن سارن لفظن کوم ہیکان کرتھ یمن امہ ڈکشری ہنز زبانہ منزورتا ونہ آسن پیوان۔ وچھنہ چھ اُمّت زینلہ کا نہ تہ ڈکشری انگریز زبانہ اندر ترتیب چھہ دینہ پیوان یوسہ پڑتھ رنگہ مکمل تہ آسہ، تو پتہ تہ چھ اتھ اندر پانژے لچھ اندراجات اکہ لٹہ سپدان ممکن۔ یہ چھ لغت نگاروسر کو رمت ز اکہ ڈکشری ہندیش دہن شمارن اندر ہیکہ شے لچھ لفظن ہند اضافہ سپدتھ۔¹⁹

ہیچہ تہ تلفظ

پڑتھ گنہ زبانہ چھ اکھ مخصوص تہ منفرد لہجہ آسان۔ وونی گوو ا کس زبانہ اندر چھ تھہ تہ کینہہ یم معنہ لفظ یمن بولنہ و ز صوتی طور مختلف علاقن اندر اختلاف گڑھان چھ۔ مثالے انگریزی لفظ 'Tomato' یا (Economics) چھ۔ یو دوے کانسہ تہ ونو یہند تلفظ کیا چھ؟ پڑتھ کا نہ تہ چھ یمن پنہ پنہ مطالعہ تہ لہجہ مطابق بولان۔ انگریزی سے منز چھ تم تہ لفظ یہند نہ صرف تلفظ الگ چھ بلکہ چھ تحریری صورتس منز تہ یہندس املا ہس منز پھیر گڑھان۔ مثالے:

Memorandum

Memorandum

کاشرس منز تہ چھ بے شمار لفظیہندس تلفظس منز علاقہ وار پھیر گڑھان چھ
مثالے:

کمر آزی لہجہ

مر آزی لہجہ

کؤر

کؤڈ

ہؤل

تؤل

بیہ

بیہ

امہ علاو چھ بالہ اپار بولنہ بیہ وائلس کاشرس منز تلفظک تہ املا ہک پنن اکھ
منفرد انداز۔ یم ساری چیز تھرتل تھاتھ پزلغت نگارس ڈکشتری اندر پڑتھ گنہ
لفظک جغرافیائی تہ سمآجی تلفظ بڑونہہ گن انن۔ گلوبل انسکلو پیڈیا (Global
Encyclopedia) چھ اتھ متعلق لیکھان:

”لغت نگار گئے وونی لفظن ہندی جغرافیائی تہ سمآجی تلفظ ونہ خاطر آماد۔
وینس تام اسی تم یمن اوصولن پانہ ناوسنس پٹھ بے غرضی ہندا ظہار کران“ 20۔
زبانی اندر چھ تلفظ تہ املا ہس متعلق کیشہ مقرر صوتیاتی اوصول یمن ہندا مآہر
اکس لغت نگارس ضروری پڑ پنن تکیا ز پڑتھ لفظس چھ پنن اکھ صوتی تہ بصری
صورت آسان۔ یہ کتھ چھ اہم ز پڑتھ گنہ لفظ بصری صورت چھ امچہ صوتی
صورت ستری یوان پڑ ز ناونہ۔ اوے تہ چھ سیمؤل جانسن (Samul Jhanson)
اتھ متعلق پنن راے دیوان:

”ڈکشتری ہنر اکھ اہم کام چھ یہ ز یہ گڑھ زبانی اندر لفظن ہند صحیح تلفظ مقرر
کرتھ امچین خو بین بڑر گرتھ ہیکن“ 21

تکلمی مدتہ تصرف

پڑتھ گنہ لفظس چھے پنڑ اکھ منفرد گرامری صورت آسان یعنی یہ چھا ناوت (Noun) کراوت (Verb)، باوت (Adjective) ہر کراوت (Adverb)،

پوناوت (Pronoun) کنہ ڈکھہ کراوت (Auxiliary)، واٹنے (Connective) کنہ پکچوشین (Punctuation) مطلب یمنے اٹھن گرامری صورتن تحت چھے لفظ

باگے ہیکان سپد تھ۔ مثالے انگریزی لیس منز چھ لفظہ 'Intercede' چھ گرامر لحاظ چھ یہ لفظ کراوت، امیگ ناوت چھ (Intercession)۔ اتھ لفظس چھ پیہ تہ۔ گرامری صورت مگرونگ مطلب چھ یہ ز ا کس لغت نگارس پڑ ڈکشتری بناونہ وز پڑتھ گنہ لفظس امکین نحوی صفتن ہنز باوتھ انفرادی طور کرنی تاکہ لفظ ساریے گرامری خوبہ ین بز ونہ کن۔ محدود موضوع آسنہ کنی ہیکہ نہ بہ تفصیلہ سان کاشتر زبانی اندر مثالہ دتھ۔ توتہ کر بہ مثالہ رنگی اکھ لفظ پیش یعنی 'کھو ان'۔ گرامر مطابق چھ یہ 'کراوت' ییلہ یہ لفظ ناوت آسہ بناؤن یہ چھ بنان کھین۔ تصریح بیا کھ مثال چھے۔ تھ کنی ز عربی لفظہ 'صلوات' میمیک معنہ 'نماز' چھ۔ ییلہ اردو ہس منز یہ لفظہ جمع صورتس منز بولان یا لیکھان چھ امیگ اصلی معنہ چھ بدلان۔ اتھ چھ لیکھ 'یا بے عزتی معنہ نیران'۔

جدید لغت نگارن سپد یہ احساس ز لفظ گڑھہ تمام گرامری خوبہ سان ڈکشتری اندر درج کرنہ یں۔ مؤجود ز مانس منز ہیژن واریہہ ڈکشتری یہ منظر عامس تام واتنہ یمن اندر لفظ شناخت کرنی سیٹھا سہل چھے گڑھان۔

اشتقاق

ڈکشنری اندر چھ پڑتھ گنہ لفظس پنہی اکھ الگ تارتخ آسن یعنے لفظ چھا مستعار؟ یو دوے چھ کمہ زبانہ یا زبان ہندی ذریعہ چھ آمت؟ لفظہ چھا زبانہ ہند پنہی پادوار؟ یو دوے چھ تہ کتھ پس منظرس تحت چھ ووجو دس منز آمت؟ یہ لفظہ چھا اختراعی؟ یو دوے چھ تہ کمن حالتن منز آوتھرنہ؟ یمو غلط ھمیونشہ بچنہ خاطر چھ ونن یہ ضروری باسان ز ^{لفظ} پچ چھنہ اندہ پٹھ آخرس تام تارتخ دنی تکیاز ڈکشنری ہند اصول چھ یہ زیہ گڑھہ ^{لفظ} پچ صحیح تہ محدو دطر افسس منز باوتھ کرنی۔ انگریزی یس منز چھ ساسہ ہدی ہند یوری خاندانکی لفظ یم زن وسطی جرمنی کہ ذریعہ موجود انگریزی یس منز داخل سپدی۔ کاشترج مثال تہ چھے یڑھے۔ اتہ تہ چھ ساسہ ہدی لفظ یم زن مختلف زبانو ہندی ذریعہ اتھ اندر شامل سپدی مثالے اوگن۔ (اگنی۔ سنسکرت)، آشری۔ (آشا۔ عبرانی)، نار (نار۔ عربی) بیتر بیتر۔

لفظن ہنز ویشہ ہنے تہ تعریف

لفظن ہندی تعریف تہ ویشہ ہنے چھ لغت ترتیب دنگ اکھ اہم پڑاو۔ امہ وراے چھے ڈکشنری بے روح۔ لفظن ہندی تعریف تہ ویشہ ہنے کرنی چھے سو عمل یتھ تحت لفظن ہنز ترتیب جمع کرنہ آمتیو حوالو ستری دینہ چھے پیوان۔ ڈکشنری بناونہ وز چھ لفظن ہند صحیح معنہ دینہ خاطر ا کس لغت نگارس تحریری دستاویزن ’یمن منز کتابہ، رسالہ، اخبار تہ اشتہار شامل چھ مطالعہ کرن پیوان۔ امہ علاو چھ تس ریڈیو۔ ٹی۔ وی تہ انٹرنیٹ پٹھ تہ لفظن ہند ذخیر جمع کرن پیوان۔ لغت نگارس چھ تمس لفظن ہند زیاد معنہ تہ مفہوم ہاون پیوان یم زبانہ اندر نہایت عام فہم آسن۔ امہ پتہ چھ سہ تمس لفظن ہنز باوتھ کران یم گنہ خاص علاقس، ٹولہ یا گنہ خاص ماحولس ستری منسوب آسن۔ بقول سیمول جانسن ’لفظن چھے لغتہ کس

تعبیرس منز وضاحت (ستری) اختصارچ تہ و سجاړچ ضرورت آسان۔ اوے تہ
 گژھہ لفظن ہنز وضاحت علمہ کس تناظرس منز صحیح آسنی مگرستی گژھن عام پرین
 واکر یہ آسانی سان سمجھ تہ پڑتھہ ہیکڑی۔ یتھ کتھ، پٹھ سپد وار یہہ ژپری اتفاق ز
 اکھ لغت نگار گژھہ غار جائیدار پاتھ لفظن ہنز وضاحت کرن۔ اتھ کتھہ پٹھہ او
 گوڈ نکہ پھر ٹھوس نری یا ز پٹھہ ایکس فورڈ انگلش ڈکشنری اندر دل دینہ:

یہ ڈکشنری چھہ اچھر وار توہہ بروہہ گنہ۔ اتھ اندر چھہ تم ساری لفظ
 شامل کرنہ آمتی یم پتھہ کال پٹھہ از کال تام انگریزی لفظ راشکری حصہ بنے۔
 لفظن ہنز شناخت آیہ مترادف ہیژن (Forms)، فکری تارتیچہ (Sens
 History) تلفظی تہ اشتقاقی بنیاز پٹھہ کرنہ۔ یتھ اندر چھہ ترقی یافتہ
 زبانہ تہ ابلاغس دل دینہ آمت۔ بلکہ چھہ خاص تکنیکی لفظ راشس تہ
 بے شمار عامیانہ بولین متعلق سرہ سوچنہ آمت۔ 22

غرض لفظن ہند معنہ گژھہ باؤن تھوؤرتس اندر ہیملک یم حصہ آسن۔ پڑتھہ
 گنہ پچ باوتھ گژھہ کم از کم تریو ہم پلہ مفیو ستی کرنہ تری۔ یہ وضاحت گژھہ
 ترتیب وار تموبے لفظو ستی کرنہ تری یم لفظ کس اتھ معنیس نزدیکھ آسن۔ ا کس
 لفظس ہیکن مختلف معنہ آستھہ تم گژھن صحیح تہ مختصر لفظو یا جملو ستی واضح کرنہ تری۔
 یو دوے گنہ جایہ لفظس کاٹھہ تہ ہم پلہ معنہ آسہ نہ تمہ وز گژھہ تمن جملن ہند
 استعمال کرنہ یس یم امکہ معنہ خاطر موافق تہ موزون آسن۔ امہ علاو گژھہ
 معنہ خاطر ترکیبن علامثرن، استعارن، محاورن تہ شکلن ہند تہ استعمال کرنہ
 یں تاکہ لفظ واضح گژھنس منز یہ نہ کاٹھہ تہ تھوس۔ لفظک معنہ ہیکو آس
 ڈکشنری اندر ترین حصن اندر با گرتھہ یعنی (۱) تصوراتی معنہ (Notional)

(۲) Meaning) حوالیاتی معنیہ (Referential Meaning) (۳) بیانیاتی

معنیہ (Contextual Meaning)

تصوراتی معنیہ مطلب گوویہ ز لغت نگار گزہ لفظک معنیہ مترادفوتہ جامع اظہار و ستر دیں۔ امہ علاو گزہ لفظک تصور چ، خیال چ تہ محسوس چ تہ باوتھ ستر کرنے۔ حوالیاتی معنیہ مطلب گوویہ ز ڈکشنری اندر گزہ لفظک معنیہ باونہ خاطر شکلن یا وضاحتن ہند استعمال کرنے یں نیمہ ستر لفظک معنیہ صاف تہ واضح گزہ۔ بیانیاتی معنیہ بڑیادی مقصد چھہ یہ ز ڈکشنری اندر گزہ لفظک معنیہ تمنے اصولن تہ ضابطن تحت و پڑھناونہ یں یمن تحت امر لفظن زاین آسہ لو بمت۔

آخر جس چھے یہ کتھ و پڑ ضروری باسان ز ڈکشنری اندر لفظک معنیہ واضح کرنے خاطر گزہ زیادہ کھوتہ زیادہ مترادفن ہند استعمال کرنے یں۔ امہ علاو گزہ مترادفن ستر ستر متضاد لفظ تہ دنہ ستر تا کہ لفظ پڑتھ کانہہ معنوی صورت پیہ بڑونہ کن۔ گنہ تہ لفظک مترادف چھنہ امہ لفظ کس معنیس صحیح معنیہ آسن بلکہ چھہ یم اتھ معنیس نزدیک ہیکن آستھ۔ لہذا گزہ یہ خیال ذہنہ مثر تراؤن ز گنہ لفظن کیا چھہ بیا کھ کانہہ ہم پلہ معنیہ بلکہ ہیکہ نس کینہہ رلہ و فی معنیہ آستھ۔

حوالہ تہ حاشیہ

1۔ لغت چھہ عربی زبانہ ہند لفظک نیمک معنیہ زبان، بولی یا تہم ثقیل لفظ یم فکر ترہ مشکل آسن۔ موجود معنیس اندر چھہ لغت تھ کتابہ ونہ یوان یتھ مثر گنہ زبانہ ہند یں لفظن ترتیب وار معنیہ دتھ آسہ۔

2۔ عملی لسانیت چھہ اکھ مجموعی اصطلاح لسانی علمہ کین تمن مختلف شعبن ہند خاطر یمن مثر

لغت نگاری بالترجمہ، شارٹ ہینڈتہ و وپر زبانہ پنچھنہ شامل چھ۔

3. R.R.K.Hartman 'Lexicography: Principles and Practice' (London: Academic Press 1938) P.4

4۔ مالک رام 'لغت نویسی کے مسائل'۔ مرتبہ گوپی چند نارنگ (نئی دہلی: ماہنامہ کتاب نما 1985ء) ص-13۔

5. *General Linguistics* IV Ed. (London: Longman 1989) P. 380

6. Bishnupada Bhattacharya, *A Study in Language And Meaning*.
(Calcutta: Progress Publishers 1962) P.19

7. Hartman, *Lexicography: Principles and Practice* P.4

(8) Bloomfield, *Language* (Rept. Delhi: Motilal Bahnasidas, 1994 P.365

10. S.M.Katre, *Lexicography* (Madras: Annamali University 1965) P.1.

11. Zegusta Ladislav, *Manual of Lexicography* (The Hague: Mouton: Prague; Academic 1971) P.15.

12. "The Labeling of National and Regional Variations In Popular
Dictionaries" in *Problems in Lexicography*, 2nd Ed. by House-holder
and Saporta (The Hague: Mouton and Co. 1967) p.217.

13. Sidnay I.Landau, *Dictionaries: The Art and Craft Lexicography*,
(London: Cambridge University Press 1989) P.5.

14۔ امہ معیارک نظریہ دیت ساروے کھوتہ بز ونہہ یا کو ملاک الن (Yakov Malkiel)

پنٹس ا کس مقالس اندریتھ 'A Typological Classification of Dictionaries

on the Basis of Distinctive Features'۔ یہ مقالہ آوانڈیانہ ینورسٹی بلوم

انگلش طرفہ لغت نگاری ہندس مسلسل پیٹھ بلاونہ آمز ا کس کانفرنسہ منز پرہ۔ یہ

کانفرنس سپز 11 نومبر، 1960ء، منز منعقد۔ یہ مقالہ گوو 'Problems in Lexicography'

ناوچہ کتابہ اندر 1962ء، منز کتابہ ہند مزید تفصیل زانہ خاطر وچھویمہ مقالک حوالہ نمبر

16۔ کثیر ذبائی / توارنخی لغتس اندر منہز چھ گنہ زبانہ ہند اکہ خاص مدتکو لفظہ شامل کرنہ یوان۔

17۔ یک زبانہ / توضیحی لغتس اندر چھ زمانگ امتیاز کرنہ ورأے لفظ شامل کرنہ یوان۔

18. *Global Encyclopedia* (Reprinted 1983) P. 308

19. Dr. Vershney, *Linguistics and Phonetics* (Bareilly: Noori Enterprises, Sandagran 7th Ed.) P.313

20. *Global Encyclopedia* (rept. 1983) p.308.

21. *The Plan of a Dictionary of the English Language*, (London: Scholar Press, 1970).

22.. See Dew.T.Starnes and G.E.Noyes, *The English Dictionary from Cawdrey to Jhonson 1604-1755*(Chapel Hill 1946).

گلوبلائزیشن تہ کشیر ہنز بدلوئی لسانی شکل

سجاد حسین وانی

عادل امین کاک

تعارف:

زبان چھ سماجی، اقتصادی، سیاسی، تہ ثقافتی عملن ہنز اکھ بنیادی اکائی۔ زبانہ ور اے ہیکو نہ گنہ تہ سماجی عملہ ہند قیاس کرتھ۔ عالمی سطحس پیٹھ چھ گنہ زبانہ ہند استعمال گلوبلائزیشن عملہ ہنز عکاسی کران۔ گلوبلائزیشن لفظک استعمال چھ دُنیا اکر ہے رز منز گنڈ نہ خاطر استعار پائٹھ استعمال گڑھان۔ دُنیا ہج یک جہتی ونٹوس یا گلوبلائزیشن، یہ چھ گنی کتھ۔ البتہ اگر پونسہ کس بنیس طرفس نظر تراو، گلوبلائزیشن چھ نہ پیر شفاف عمل۔ اگر زن گلوبلائزیشن ستر کینزو و ملکو اکہ طرفہ ترقی کر مگر ستر گئے امہ عملہ ستر کینہہ مُلک پتھ، خاصکر تم مُلک یم زن برو نہی اقتصادی طور کمزور اُس۔ تہ ستر پیو و امیک منفی اثر تہ زن زبانن پیٹھ تہ۔ گلوبلائزیشن ستر کر کینزو و زبانو ترقی تہ مقبولیت حاصل ییلہ زن واریاہ زبانہ ددارس منز آہ تہ ما گڑھن ختم۔ یتھ زن لنگوتج ویتھ (Language Death) ونہ چھ یوان۔ اتھ سلسلس منز چھ کر شل

(Crystal 2000) وناں ز ا کہ تخمینہ مطابق چھ دون ہفتن منز اکھ زبان مران یا ختم گڑھان (2000: 19)۔ کرسٹل نہ مطابق چھ دُنیاچہ 96% فی صد زبانہ کل آبادی ہند صرف 4% فی صد حصہ بولان (Crystal 2002: 14)۔ امہ ستری چھ یہ کتھ ثابت سپدان ز آزی کس دوسر منز چھ کینہ اقتصادی طور مضبوط زبانہ دوه کھوتہ دوه زیاد زیاد بولن واکر حاصل کران میلہ زن اقتصادی طور کمزور زبانن ہندی بولن واکر دوه کھوتہ دوه کم گڑھان چھ۔ امیوک مطلب دراوز گنہ تہ قومک ذہنی شعور تہ طاقتک انداز ہیکہ تہنز زبانہ ہنز ساخت تہ استعمال وچھتھ کرنہ۔ مختلف لسانی تحقیقن منز چھ یہ کتھ ثابت کرنہ آثر ز گنہ تہ قویچ ترقی چھ تہنز زبانہ منز صاف ظاہر گڑھان تہ سہ قوم چھ مُرد پچ زبان مُرد آسہ۔

میمہ ساتھ زن گلوبلائزیشنہ ہنز کتھ کرو یوسہ زبان زن برونہ گن یوان چھ سوگپہ انگریزی یا انگلش۔ انگریزی زبان آہ گذشتہ دوسر منز گلوبل زبانہ ہنز شکلہ منز لوکن برونہ گن۔ انگریزی زبانہ ہند استعمال تہ ترقی چھ اتھ ز بانہ ستری وابستہ لوکن ہنز ترقی تہ طاقتک مظاہر کران۔ انگریزی زبان چھ وکیلین اکھ کثیر الصفت (multivalent) تہ کثیر الجہت (multidimensional) زبان بنیمز تہ یہ سورے چھ گلوبلائزیشنہ ستری ممکن سپد یومت۔ کثیر الصفت تہ کثیر الجہت زبانہ ستری چھ سون مطلب اکھ سو زبان یوسہ زن زندگی ہند پریتھ کانہہ شعبہ پننس و شس منز کر۔ سہ علمی شعبہ اُسرتن یا غیر علمی، سا ئنسی اُسرتن یا غیر سائنسی، اخلاقی اُسرتن یا غیر اخلاقی؛ انگریزین بنو و گلوبلائزیشنہ بدولت پریتھ گنہ شعبس منز اکھ مخصوص جائے۔ انگریزی

زبان میوئل یہ پوچھ کر کیا زوہم صدی اند وائنس ستری چھ انگریزی بولن واکر ملک خاصکر امریکہ دُنیا ہس منز ساروے کھوتہ زیاد تیزی سان اقتصادی ترقی کرن وول ملک بنیومت۔

یتھ کنز چھ انگریزی وکلین دُنیا ہس برو نہہ کنہ امریکچ برتری تہ طاقتک مظاہر کران۔ انگریزی چھ وکلین ادبی، غیر ادبی، سائنسی تہ تکنیکی ترقی ہنز علامت بنیومت گنہ تہ شعبس منز ترقی کرنہ خاطر چھ دُنیا ہس انگریزی زبانہ لول بھرن۔ یہ عمل چھ جنوبی ایشیا ہس خاصکر ہندوستانس منز زیاد لاگو گڑھان پیتہ زن انگریز یک زیادے چکہ چاو چھ۔ انگریزین چھ گلوبل سطحس پیٹھ مقابلہ وراے لنگو افرینکا بیج (Lingua-Franca) حیثیت حاصل کر مژ۔ گلوبلائزیشن عملہ ہنز علامتہ طور چھ انگریزین وکلین واریاہن علاقہ یی زبانن ہنز جائے رٹھیمہ زبانہ زن دوہ کھوتہ دوہ کم کم استعمال کرنہ بیوان چھ۔ گلوبلائزیشن ستری چھ سوروی دُنیا اکس گلوبل وچس (Global Village) منز تبدیل گوٹ تہ اتھ منز روزنہ خاطر چھ انگریز یک علم سیٹھاہ ضروری۔ انگریزی چھ وکلین زندگی ہندین خوبصورت چیزن ہند ضامن بنیومت (English for good things of life)۔ گلوبلائزیشن ستری چھ انگریزی زبان سیٹھاہ کم وچس منز واریاہ زیاد ترقی کر مژ۔

ییمہ مقالک مدعاتہ مقصد

ییمہ مقالک مدعاتہ مقصد چھ کشیر ہندس لسانی صورتحالس گلوبلائزیشن ہند واسطتہ جائزہ یون۔ مقصد چھ یہ کہ گلوبل زبانہ کتھ کنز چھ کشیر ہندس لسانی صورتحالس منز تبدیلی ائی مژ۔ یہ وچھ بیج تہ یہ کوشش کرنہ کہ

کتھ کنز چھ لسانی سطح علاؤ انگریزین پُنن چھاپ کائٹرس سماجس تہ کائٹرس دماغس منز تر وومت۔

کشیر ہند لسانی صورتحال ماضی پیٹھ حالس تام:

کائٹرز زبان چھ کائٹرین ہنز مادری زبان تہ ایچ تاریخ چھ واریاہ پرائی۔ برہمن دورس (13th century AD) بروہہ چھ کائٹرس متعلق واریاہ کم علمیت۔ برہمن دورس منز اُس کائٹرز زبان عام لوکن ہنز زبان تہ سنسکرت اُس عالمن ہنز زبان۔ یہ ہیکو ونٹھ زسنسکرتس اوس علمی زبانہ ہند درجہ پیلہ زن کائٹرس گرچہ زبانہ ہند درجہ اوس۔ کائٹرز ادنیج تاریخ چھ تیراہ پرائی پیراہ زن انگریزی ادنیج چھ یعنی ستھ ہتھ وری پرائی۔ کائٹرز اوس بروہہ کالہ شاردو رسم الخطس منز لیکھنہ یوان تہ مسلم دورس منز آواتھ فارسی۔ عربی (Perso-Arabic) رسم الخط دِنہ یُس زن ونہ تہ راتج چھ۔ کائٹرز زبانہ اوس پریتھ سو چیز یُس زن اُس زبانہ آسن گوڑھ، مگر اکہ چیز چ روز کائٹرز زبانہ ہمیشہ کمی یوسہ زن پتھ کالہ تہ اُس تہ ونکین تہ چھس۔ یہ کمی چھ سرکاری امداد چ کمی۔ کائٹرز زبانہ ستری آو پننس گرس منز وور سلوک کرنہ تہ یہ وور سلوک چھ ونہ تہ جاری۔

کشیر منز روز ہمیشہ وور زبانن ہنز برتری تہ یمنے وور زبانن آو دفتری امداد دِنہ۔ پرائس دورس منز آویہ امداد سنسکرتس دِنہ تہ منز مس دورس منز آویہ امداد فارسیس دِنہ تہ نوس دورس منز نیو سرکاری زبانہ ہند درجہ اردوہن یوس زن ونکین صرف ناو کنز سرکاری زبان چھ کیا ز کہ تقریباً چھ ونکین سائرے دفتری کام انگریز یس منز یوان کرنہ۔

یتھ کنوچھ اسہ زیس دباو ونکین دُنیاچن زبانن گلوبل انگریزی ستری چھ
 سہ دباو چھ کائٹرس واریاہ برونہہ پیٹھ ژالن پیومت۔ کائٹر زبان بچیہ
 تکیاز کائٹر اُس مقبول زبان۔ عام لکن ہنز زبان یم زن اکثریتس
 منز ناخواندہ یا انپڈ اسی۔ لکن ہند یہ ناخواندہ اُسن روڈ کائٹر زبانہ
 خاطرہ مفید۔ سینسس (census) (شکل نمبر 2-1) پیٹھ نظر تراونہ ستری
 چھ یہ کتھ ثابت سپدان ز وہمہ صدی ہندس آغازس منز چھ سرینگر
 شہرچ 96% آبادی ناخواندہ اُسمر۔ امہ ستری سپد ثابت ز کائٹر سماجک
 ڈھانچہ اوس امہ ساتھ تیتھ ز کائٹر رود محفوظ۔ البتہ لسانی طور اگر اسی
 وچھو، سنسکرت تہ فارسیک اثر رود کائٹرس پیٹھ صرف لفظن تاپے محدود۔
 سنسکرت تہ فارسیک لفظ ژائے کائٹرس منز۔ گوڈنیتھ کوڈ مکسنگ (code
 mixing) ہنز شکلہ منز۔ وقت گذرنس ستری ستری چھ یمو لفظو منز واریاہ لفظ
 غیب گزھان تہ واریاہ لفظ چھ زبانہ منز پننر جائے بنان تہ یمن لفظن چھ
 باروونگ (borrowing) ونان۔ یم لفظ چھ امہ دویمہ زبانہ ہند حصہ بنان تہ
 چھ اتھ زبانہ منز روزان۔ سنسکرت تہ فارسیک اثر رود کائٹرس پیٹھ
 صرف باروونگن تاپے محدود۔ کشیر منز یوتاہ وق گذارنہ پتہ تہ بنیہ
 نہ سنسکرت تہ فارسی عام لوکن ہنز زبان تہ روز کشیر منز غیر ملکی زبانہ
 (Foreign Languages) ہنز حیثیث۔ یم زبانہ آئے نہ زانہہ تہ عام لوکن ہندس
 بول چالس منز تہ بنیہ نہ زانہہ تہ کشیر منز دویم زبان (Second

Language in Linguistic Terminology)

گریسنن (Grierson 1911) چھ لفظن ہندس خزانس پیٹھ کائٹر دون

قسمن (Dialects) منہز تقسیم کو رمت یعنی مسلم کاشتر تہ ہندو کاشتر۔ مسلم کاشترس
منہز چھ فارسی لفظن ہنز بہتات تہ ہندو کاشترس منہز چھ سنسکرت لفظن ہنز
بہتات۔

نمبر	1911	1921	1931	1941	1961	1971	1981	2001
کل	2.42	2.78	3.67	7.46	16.80	21.71	33.90	59.8
مرد	5.04	4.94	6.40	11.83	23.7	29.39	31.97	69.6
زن	0.06	0.20	0.32	2.12	8.52	12.68	24.66	48.1

شکل نمبر 1.1 چھ وادی منہز 1911 پیٹھ 2001 تام تعلیمی شرح ہاوان۔

فارسی پتہ یوسہ زبان کشیر منہز آیہ سو اُس اردو۔ اردو زبان کرڈوگرہ
راجو وادی منہز وہمہ صدی ہندس آغازس منہز بحیثیت سرکاری زبان لاگو۔
اردو آو کشیر منہز تمہ ساتہ میمہ ساتہ وادی ہندس سما جس منہز تیزی سان
تبدیلی یوان اُس۔ اسی ہیکو ونٹھ کہ اردو آو کشیر منہز اکس نوس سما جی
ڈھانچس منہز۔ وہم صدی ہند کاشتر سماج اوس اکھ نووسماج تہ امیوک
ثبوت چھ شکل نمبر 1.1 منہز تہ صاف نظر گرہان۔ کاشتر لوکھ گیے وہمہ
صدی منہز تعلیمہ ہند نور ستری آشنا تہ یہ تعلیم اُس بُنیادی طور اردو ہس
منہز دنہ بیوان۔ اردو ہس مپلو تمام موافق چیز کشیر منہز سما جی سطحس پیٹھ تہ تہ
لسانی سطحس پیٹھ تہ یم زن اکس زبانہ ہنز ترقی خاطر ضروری چھ۔
سرکاری امداد پیٹھ مذہبی پہنچان۔ اردو ہس میلیو و تہ سوروی کشیر منہز یہ نہ
زن سنسکرتس تہ فارسیس تہ میلیو مت اوس۔ لسانیاتی الفاظن منہز ونو اسرز
اردو زبانہ میلیو کشیر منہز ساروی کھوتہ زیادہ اتھنولنگویسٹک واپٹیلیٹی (Positive
Ethnolinguistic Vitality)۔ لسانیاتی علمس منہز چھ اتھنولنگویسٹک واپٹیلیٹی تمن

سارنے عنصرن (سمآجی تہ لسانی سطحس پیٹھ) ون یم زن اکس سما جس منز اکس زبانہ ستری وابستہ آسان چھ۔ کشیر منز اردو ہس ستری وابستہ مختلف عنصر ہیکو کھاسی شکل نمبر 2.1 منز وچھتھ۔

یمن سارنی عنصرن ہند نتیجہ دراو ز اردو زبان رُو ز نہ کشیر منز اکھ وو پر زبان (Foreign Language) بلکہ بنیہ کشیر ہنز پتری زبان یعنے دویم زبان (Second Language)۔ اُردو زبان رُو ز نہ کشیر ہنز دفترن تائی محدود بلکہ واثر یہ زبان گرن تام۔ اردو زبان رُو ز نہ افرس تہ ماتحت سنز زبان بلکہ بنیہ دوستن منز استعمال گروھن واجتی زبان۔ ونکین چھ کشیر منز واریا ہن گرن منز بچن کاثرس ستری اردو تہ ہچھناونہ یوان تہ کینژن گرن منز چھ اردو زبانے بچن ہنز گوڈنچ زبان بنیمز۔ اتھ عملہ یتھ منز زن اردو زبان سکولو پیٹھ گرن منز داخل گئے، اتھ ونو ٹر کلنگ آف اردو فروم سکول ٹو ہوم۔

(Trickling of Urdu from School to home, Kak : 2000)

* سرکاری زبانہ ہند درجہ

* کشیر منز اکھ صدی کھوتہ زیادہ وق

* 2003ء تام تعلیمہ ہنز زبان

* قرآنی رسم الخط

* تعلیمی شرحس منز اضافہ

* اسلامس تہ مسلمانن ہنز پہچان

* ہند لیس ستری پیشتر اردو

* کینژن اردو بولن والین ہنز موجودگی

* فارسی لفظن ہنز بہتات

* باقین ہندوستان ستر لنگوا فرینکا ہیج حیثیت

* ماس میڈیا ہیج مشہور تہ اکثریتی زبان

یہ وچھنہ ستر چھ صاف ظاہر گڑھان زاردوہس کوتاہ موافق ماحول میلو و کشیر منز۔ لسانی علمہ طور اگراسی وچھو یہ کتھ چھ صاف ظاہر گڑھان ز کائٹرس تہ اردوہس منز چھ ونکین واریاہ ہشر آمت۔ کائٹرس تہ اردوہس چھ ونکین ہتہ بد الفاظ، ہوی۔ یمو الفاظو منز چھ واریاہ الفاظ فارسی پیٹھہ کائٹرس منز داخل گمتری تہ واریاہ چھ اردو پیٹھہ سید سیوڈ کائٹرس منز داخل گمتری۔ تعلیم یافتہ کائٹرن چھ ونکین اردوہس منز اتھ حدس تام مہارت گمتر کہ تم چھ پوٹس پتھ کائٹرس جملس ستر اردو جملہ استعمال کران تہ اتھ عملہ یتھ منز زن دون زبانن ہند جملہ پوٹس پتھ استعمال گرچھنس چھ ”کوڈ سوئیچنگ (code switching) ونان۔ کائٹرس تہ اردو زبانہ چھ ونکین کشیر منز کوڈ سوئیچنگ ہندس عملس منز استعمال گڑھان (کاک تہ وانی، 2004)۔ یتھ پاٹھر وچھ اسہ ز کائٹرس۔ اردو زبانن ہند رلن (Kashmiri-Urdu contact) چھ کائٹرس۔ سنسکرت تہ کائٹرس۔ فارسی زبانن ہندہ رلنہ نشہ قدرے مختلف لسانی بنیادن پیٹھہ تہ سماء جی بنیادن پیٹھہ تہ۔ سماجی طور روز سنسکرت تہ فارسی کشیر منز ووپر زبانہ یا علمی زبانہ پیلہ زن اردو زبان کشیر منز دویم زبان یا عام لگن ہنز زبان بنیے۔ سنسکرت تہ فارسیک اثر رود کوڈ مکسنگ تہ باروونگ تامی محدود پیلہ زن اردو ہک اثر امہ ہیو ر کوڈ سوئیچنگ ہندس پالیس تام ووت۔ کائٹرس۔ اردو کوڈ سوئیچنگ ہنز

کینہ مثالہ یم زن اسہ ریکارڈ کر مڑ چھے:

- ۱۔ سہ چھ کنجوس، مگر نرم مزاج می ہے۔
 - ۲۔ مہ چھ نہ پتہ کہ وہ مجھے بُرا کیوں لگتا ہے۔
 - ۳۔ اُس کو پتہ ہے کہ بہ چھس نہ حلو کھیوان۔
- گلوبلائزیشن عملہ ہنز زبان

دُنیا بچ لنگوا فرینکا

۲۰۰۳ پیٹھ تعلیمی زبان (Medium of Instruction)

سائنس تہ ٹکنالوجی ہنز زبان

امیرن ہنز زبان

مُبادل سرکاری زبان

ونکینس کائٹرس منز لفظن ہند ساروئے کھوتہ بڈ سر چشمہ انگریزی

کشیر منز پرنٹ میڈیا ہس منز فون زبان

جوانن ہنز زبان

(-) مختلف رسم الخط

(-) درسگاہن تہ پائٹشالہن منز لگن ہند رجبان

(-) زبانن منز واریاہ زیادہ لسانی فرق

(-) لکین ہنز شروعاتی مزاحمت

شکل نمبر 1-3 چھ کشیر منز انگریز لیس ستر وابستہ واریاہ مثبت تہ منفی (-) عنصر ہاوان

کشیر منز اردو پتہ یمہ زبانہ ہند ذکر ووتھ سو چھ بلا شک انگریزی۔ دی
گلوبل لنگوتج۔ انگریز یک آکر من تہ گو کشیر منز تمی ساتھ یمہ ساتھ زن اردو

کثیر منز آو۔ مگر انگریز یک سفر رود نہ کثیر منز تیوتاہ ہموار یوتاہ زن اردو یک رود۔ شکل نمبر 3-1 وچھنے ستری چھ صاف ظاہر گڑھان ز انگریز یس سپدینے کثیر منز گوڈ گوڈ مزاحمت۔ لکن اوس درسگاہن تہ پاٹشاہن منز پڈنس گن زیادہ رُحان۔ انگریزی زبانہ آو شیطانی زبان ونہ۔ کرپچن مشنیری یمو زن وُہمہ صدی منز انگریزی زبان کثیر منزائی تھوپنڈی کام جاری تہ ترأ وکھ کثیر منز واریاہ مشنیری سکول۔

اگر زن انگریزی زبانہ کثیر منز شروعاتی مزاحمت وچھنی پنے مگر یہ صورتحال روز نہ زیادہ وقس۔ گلوبلائزیشن عملہ ہندس وجودس ستری ہر یو کثیر منز انگریز یس مول۔ لگو پڑاہ ترقی کرتے تعلیم پر، تیوتاہ تیوتاہ آیہ تم انگریز یس نزدیک۔ انگریزی آیہ لکن بروہنہ گن اکھ سائنسی تہ تکنیکی زبان بنتھ۔ لکن توگ بوزن ز بروہنہ پکنہ خاطر چھ انگریز یک علم ضروری تہ کینژون ورڈین منزے نے انگریزین اردو بیج جائے۔ سماجی سطحس پیٹھ تہ نفسیاتی سطحس پیٹھ تہ اُکس حقیقس منز آو کثیر منز وچھنے ز ونکین چھ کثیر منز لکن سماجی تہ نفسیاتی سطحس پیٹھ ساروے کھوتہ مثبت رائے انگریزی زبانہ متعلق۔ (کاک: 2002ء)۔

ییلہ زن اتھ حقیقس منز کاثرین پڑھنے آو ز تعلیم کتھ زبانہ منز گڑھہ دنہ ستر تمومنز وون اکثر لگو، خاصکر جوانوز انگریزی زبانے چھ ونکین تعلیمہ ہند ساروے کھوتہ بہتر ذریعہ (Medium of instruction) (کاک 2002ء)۔

امہ تحقیقہ ستری چھ یہ نتیجہ اخذ کرنے آمت ز ونکین ہیکو کثیر منز زبانہ اُکس ترتیبس منز تھاوتھ۔ اتھ ترتیبس منز روز انگریزی زبان سرس، ییلہ زن کاثر زبانہ ساروے کھوتہ کم درجہ میلہ تہ اردو زبانہ میلہ منز باگلک

درجہ۔ (کاک 2002ء)۔ امہ تحقیقہ نشہ چھہ یہ کتھ ننان ز گلوبلا یزیشنہ ستری
چھہ انگریزین کشیر منز تہ پٹن اکھ سروں اثر تروومت تہ چھن اردو پچ جاے
رٹمز۔

لسانی بُنیادن پیٹھ اگر نظر کرو، انگریزی زبان چھہ وٹکنس کائٹرس ستری کوڈ
مکسنگ ہندس رشتس منز۔ ہتہ بدر انگریزی الفاظ چھہ وٹکن کائٹرس منز
استعمال یوان کرنہ۔ کیہنہ ضرورتہ موجب تہ کیہنہہ پر سٹیجہ (Linguistic
Prestige) موجب۔ یم انگریزی الفاظ چھہ وٹکنس کائٹرس زبانہ منز فارسی تہ
اردو ہکو الفاظ نیبر کڈان تہ تھنز جاے نوان۔ (Relexification of Kashmiri

with English Lexicon and delexification from Urdu, Wani 2005) کیا ز کہ
زیادہ انگریزی الفاظ گئے زیادہ علم تہ زیادہ پر سٹیج (Prestige)۔ دوہ کھوتہ
دوہہ چھہ زیادہ زیادہ الفاظ انگریزی پیٹھ کائٹرس منز استعمال گزہان۔
کائٹرس۔ انگریزی کوڈ مکسنگ چھہ وٹکنس کشیر منز اکھ عام عمل بنیمز۔ (وانی 2004
ء)۔ سانہ ریکارڈنگ منز چھہ کیہنہ مثالہ یتھہ پاٹھر:

- 4۔ بہ کرن نہ سہ پاس۔ (Pass)
- 5۔ سہ چھہ انٹلیجنٹ۔ (Intelligent)
- 6۔ تمس چھہ رز سائل۔ (Smile)
- 7۔ سہ کر، تمس ٹوار چر۔ (Torture)

کشیر، ہندس پرنٹ میڈیا ہس منز زبان ہند رُحان:

کشیر ہندس پرنٹ میڈیا ہس منز چھہ بُنیادی طور اردو زبان تہ انگریزی
زبان استعمال گزہان، مگر اگر زن اُسی از برونہ دہ۔ بہہ وری نظر تراو،

یعنی 1991ء تس گن، صرف اکھ انگریزی اخبار اوس کشیر پیٹھ شائع گڑھان۔

1991ء تس منز اوس صرف اکھ انگریزی ہفتہ وار سرینگر پیٹھ شائع سپدان۔ اگر

اسی 2005ء منز انگریزی اخبارن گن نظر تراو، یہ تعداد چھ تقریبین اٹھن

انگریزی اخبارن تام وومت تہ ستر چھ انگریزی ویکلین ہند تعداد بہن

تام وومت۔ اگر زن اتھر مدتس منز کشیر منز اردو اخبارن تہ ہفتہ وارن

ہندس تعدادس کن نظر تراو، یہندس تعدادس منز چھ نہ کانہہ قابل ذکر

اضافہ گومت۔ پرنٹ میڈیا ہکیم اعداد و شمار چھ کشیر منز گلوبل انگریز یک

بڈونہ اثرچ نمایندگی کران۔ انگریزی زبانہ چھ پتر مہ دبائی منز پتر قدم

مضبوطی سان کشیر ہندس پرنٹ میڈیا ہس منز ٹھہراؤ متری تہ یہ کتھ چھ نہ

ناممکن زینہ ولس وفتس منز ما آسہ انگریزی زبان تعداد طور پرنٹ

میڈیا ہس منز گوڈنیکس نمبرس یس نمبرزن وکلین اردو زبانہ چھ۔

کائٹرس پرنٹ میڈیا ہس منز انگریزی زبانہ ہنز مقبولیت چھ یمہ

کتھ ستر تہ ثابت سپدان ز وادی ہند مشہور اردو اخبار ”الصفاء“ والیو

کور 2000ء منز اکھ انگریزی ویکلی شروع تہ ایچ مقبولیت روز پتر ز

2002ء پیٹھ آو الصفا بحیثیت اردو۔ انگریزی باینگول اخبار اجرا کرنہ۔

اتھ طرزس پیٹھ آو 2006ء منز اکھ اردو۔ انگریزی باینگول اخبار اطلاعات

اجرا کرنہ۔ کائٹر پرنٹ میڈیا ہک رجبان چھ وکلینس بلا شک انگریزی زبانہ

گن تہ یہ چھ گلوبلائزیشن ہندس بڈونس اثرس گن اشار کران۔

ہمیر یم اعداد و شمار برو نہ گن آہ، تموستر چھ ثابت سپدان ز گلوبلائزیشن

عملہ ستر چھ لکن منز انگریزی ہچھنگ جذبہ بڈیومت۔ کائٹر چھ وکلین انگریزن

دُنیا ہس منز ساروے کھوتہ ذہن، با مقصد، حقیقت پسند تہ جدید مانان۔
 کشیر منز لکن ہندر۔ حجان تہ انگریزی زبانہ ہند بڈون ضرورت وچھتھ چھ
 سرکارن 2003ء پیٹھ پرایمری سطح پیٹھے انگریزی زبان تعلیمہ ہند ذریعہ
 (Medium of Instruction) بنامث۔

کشیر منز ہندی زبان:

کشیر منز چھ نہ ونکین ہند لیس کن کا نہہ خاص رُحجان لبنہ یوان۔ 1989
 تا 1990ء برو نہہ یعنی تحریک آزادی برو نہہ اوس کشیر منز کا شہر زبانہ کن اکھ
 خاص رُحجان لبنہ یوان لیس زن شمالی ہندوستانچہ ہندی تحریک ستر وابستہ
 اوس۔ کشیر منز اُس ہندی زبان یو۔ جی تہ پی۔ جی (U.G and P.G.)
 دونوئی سطح کن پیٹھ چکے چاوسان پرناونہ یوان۔ 1970ء منز اوس کشیر
 یونیورسٹی ہند ہندی ڈپارٹمنٹ طالبہ علموستی برتھ آسان تہ طالبہ علمن ہند تعداد
 اوس امہ ساتہ تقریبین پانزہاٹھ۔ 1980ء منز ووت یہ تعداد صرف پندہن
 طالبہ علمن تام تہ امہ ستر اُس ہندی پرن واکر صرف ہندو۔ باقی ملکو پائٹھ
 آہ کشیر منز تہ ہندی زبان ہندوون ستر وابستہ کرنہ تہ امیوک فایدہ آوار دوزبانہ
 کشیر منز یوسہ زن کشیر منز واریاہ پھیبہ۔ ملٹنسی دوران ییلہ ہندیو کشیر پیٹھ
 جوم ہجرت کر، ہندی ڈپارٹمنٹ گو خالی۔ ونکین چھ ڈپارٹمنٹس منز تقریبین
 پانزہ یا شے طالب علم۔ یتھ پائٹھ چھ ثابت سپدان ز کشیر منز چھ نہ ہندی
 زبانہ ہند کا نہہ خاص کردار کیا ز کہ ہندیک ضرورت چھ اتھ ستر نزدیکی
 وابستہ زبان اردو پور کران۔

نتیجہ:

یہ مقالہ اوس کشیر ہنز لسانی شکلہ متعلق تہ ستری اوس یہ مقالہ کشیر ہنز لسانی شکل گلوبلایزیشن عملہ ستری رلاونچ اکھ کوشش۔ یتھ مقالس منز آو یہ اخذ کرنہ ز کاثر۔ سنسکرت یا کاثر۔ فارسی کنٹیکٹ (Language Contact) ہیکون نہ کاثر۔ اردو یا کاثر۔ انگریزی کنٹیکٹس ستری رلاوتھ کیا زہ یم چھ اکس اکھ نشہ سماجی تہ لسانی طور مختلف۔ کاثر سماجی سماجی تہ اقتصادی حالت چھے ونکین قدرے مختلف۔ تمہ ساتھ نشہ پیلہ زن کشیر منز سنسکرت یا فارسی زبان آسہ۔ سنسکرت تہ فارسی زبان روز کشیر منز ہمیشہ ووپر زبانہ پیلہ زن اردو کشیر منز دویم زبان بنیہ۔ سنسکرت تہ فارسیگ اثر روود صرف لفظن تامی محدود پیلہ زن اردو کشیر منز اکھ کوڈ سوچڈ زبان بنیہ۔

کشیر منز آو پتری مین کینژون دہاين منز وچھنہ ز انگریزی زبان چھ گلوبلایزیشن ہند بدولتہ کشیر منز تہ باقی دُنیا ہکو پاٹھو واریاہ برونہہ چمڑ۔ لسانی طور چھ انگریزی کشیر منز ونکینس اکھ کوڈ مکسیڈ زبان۔ سماجی تہ نفسیاتی سطحس پیٹھ چھ انگریزی زبان ونکینس کشیر منز ساروے زبانو کھوتہ بہترین مانہ یوان۔ کشیر ہندس پرنٹ میڈیا ہس منز تہ چھ ونکین انگریزی زبانہ گئے رُجھان لبنہ یوان۔ انگریزی زبان چھ کاثرین جوانن ہنز زبان بنیمڑ۔ گلوبلایزیشن عملہ ستری چھ انگریزی زبانہ کشیر منز لسانیاتی، سماجی تہ نفسیاتی سو تھرن پیٹھ اکھ اہم جائے رٹھڑ۔ ینہ دول وق کر فیصلہ ز گلوبل زبان انگریزی کتھ حدس تام کر کشیر ہنز لسانی شکلہ منز بدلاو۔

کتاب نامہ

- 1- ایسٹمین، سی۔ ایم۔ 1992۔ کوڈ سوچنگ ایز۔ این۔ آر بن لنگوتج کنٹیکٹ فینا منا ان جرنل آف ملٹی لنگویل اینڈ ملٹی کلچرل ڈیولپمنٹ: (1-17)
- 2- ڈنلیپ، بی۔ 2000۔ ویر ان دی ورلڈ اذ گلوبلائزیشن لیڈنگ اس؟ 10۔
- 3- <<http://glreach.com/eng/ed/art/rep-eur13.html>>
- 4- سریتھر، ایس۔ این، اینڈ سریتھر۔ کے۔ 1980۔ دی سنیکس اینڈ سائیکولنگویسٹکس آف بائیلینگول گوڈ مکسنگ۔
- 5- کنیڈین جرنل آف سائیکولوجی 134: 7-16۔ سیرو، ایس۔ ایل۔ 1980۔
- ہسٹری اینڈ گروتھ آف ایجوکیشن ان جموں اینڈ کشمیر 1872-1973۔ سرینگر: علی محمد اینڈ سنز۔
- 6- شوق، شفیع۔ 2007ء۔ کشمیری لنگوتج: اوریجن اینڈ ڈیولپمنٹ ان این۔ سی۔ پی۔ ایل۔ ڈپارٹمنٹ آف لنگویسٹکس۔ یونیورسٹی آف کشمیر
- 7- کاچرو، بی۔ بی۔ 1983ء۔ دی انڈیانائزیشن آف انگلش: دی انگلش لنگوتج ان انڈیا۔ دلی: اکسفورڈ یونیورسٹی پریس۔
- 8- کاک، عادل امین۔ 1995ء۔ یکسیپ ٹی بیلٹی آف کشمیری۔ انگلش میکسڈ سینٹی نسر اے سوشیو لنگویسٹک سٹیڈی۔ اپبلیشڈ ایم۔ فل۔ تھیسز۔ یونیورسٹی آف دہلی۔
- 9- کاک، عادل امین۔ 2002۔ لنگوتج مینیٹ نینس اینڈ شیفت ان سرینگر۔ پی۔ ایچ۔ ڈی۔ تھیسز۔ یونیورسٹی آف دلی۔
- 10- کاک، عادل امین۔ 2003ء۔ ون سٹیپ فردر ڈاوین: کشمیری ان دی کونٹیکٹ آف گلوبلائزیشن۔ پیپر پریزینٹڈ ایٹ انٹرنیشنل سمینار آن ایپلائیڈ لنگویسٹکس ان اے گلوبل ورلڈ۔ یونیورسٹی آف دلی۔
- 11- کاک، عادل امین۔ 2005۔ انگلش اینڈ ایئر سوشیو سائیکولوجیکل کوریلیٹس

- ان کشمیر۔ پیپر پر ریزینڈ ایٹ دی سکیسٹھ انٹرنیشنل کانفرنس آن تھ
ایشین لنگویٹجز۔ آئیگو سال۔ 6۔ ثمانیہ یونیورسٹی۔
- 12۔ کاک، عادل امین اینڈ، وانی، سجاد۔ حسین۔ 2005۔ کیس فار بیس: دی نوٹس
آف بیس لنگویٹج ان کشمیری۔ انگلش کوڈ مکسنگ۔ پیپر پر ریزینڈ ایٹ دی 25Th
اینول سوتھ ایشین لنگویٹک انیلیسرز روڈ ٹیبل ہیلڈ ایٹ دی یونیورسٹی
آف ایونوس ایسٹ آربانیا۔ یو۔ ایس۔ اے۔
- 13۔ کاک، عادل امین اینڈ وانی، سجاد۔ حسین۔ 2005۔ میڈیا اینڈ گلوبلائزیشن:
کنفلیٹنگ سکیلز فروم پرنٹ اینڈ ایلکٹرانک میڈیا ان کشمیر: فور تھ
کومنگ۔
- 14۔ کرٹل، ڈیوڈ۔ 2000۔ لنگویٹج ڈیٹھ۔ کیمبرج: کیمبرج یونیورسٹی۔
- 15۔ کرٹل، ڈیوڈ۔ 2001۔ لنگویٹج اینڈ دی انٹرنیٹ۔ کیمبرج: کیمبرج
یونیورسٹی۔
- 16۔ کرٹل، ڈیوڈ۔ 2003۔ انگلش ایز اے گلوبل لنگویٹج۔ دویم ایڈیشن۔ کیمبرج:
کیمبرج یونیورسٹی۔
- 17۔ گول، اومکار ناتھ۔ 2007۔ سٹیڈیز ان کشمیری لنگویٹکس ان این۔ سی۔ پی۔
ایل۔ ڈپارٹمنٹ آف لنگویٹکس۔ یونیورسٹی آف کشمیر
- 18۔ گاندھی، وی۔ پی۔ 1995۔ میڈیا اینڈ کمیونیکیشن ٹوڈے: پوالیسی ٹریننگ اینڈ
ڈیولوپمنٹ۔ وولیوم۔ 3۔ نیودلی: کالیندی۔
- 19۔ گریڈول، ڈیوڈ۔ 1997۔ دی فیوچر آف انگلش۔ لندن: دی بریٹش کونسل۔
- 20۔ گریرسن، جی۔ اے۔ 1911۔ سٹنڈارڈ مینول آف دی کشمیری لنگویٹج۔ وولیوم۔ 1۔
- 21۔ گوسوامی، راہول۔ 2003۔ گلوبلائزیشن چلینجز ایشین لنگویٹجز۔
ایشین ٹائمز۔ 1 نومبر۔
- 22۔ لیو، ولیم۔ 1972۔ سوشیو لنگویٹکس پیٹرنز۔ یونیورسٹی آف پینی سیلوینیا پر لیس۔

23۔ مونسکن، پی۔ 2000۔ بائلینگول سپیج: اے ٹاپولوجی آف گوڈ مکنگ۔ کیمبرج یونیورسٹی پریس

24۔ میرس سکون، کیروول۔ 1993۔ ڈیولنگ لنگوتجز: گرامیٹیکل سٹرپچر ان گوڈ سوچنگ۔ کلیرینڈان۔

25۔ وانی، سجاد حسین۔ 2004۔ فارمل اینڈ فنکشنل اسپیکٹس آف انگلش۔ کشمیری گوڈ مکنگ۔ اپبلیشڈ ایم۔ اے۔ تھیسز۔ ڈپارٹمنٹ آف لنگویسٹکس۔ یونیورسٹی آف کشمیر

26۔ وانی، سجاد حسین۔ 2007۔ دی ریزیسٹنٹ گوور: لیکزیکل اور فنکشنل: اے سٹیڈی آف کشمیری۔ اردو کنٹیکٹ ان این۔ ایس۔ پی۔ ایل۔ ڈپارٹمنٹ آف لنگویسٹکس۔ یونیورسٹی آف کشمیر

27۔ وانی، سجاد حسین۔ اینڈسہراوت، انیل۔ 2006۔ لنگوتج سیوسائڈ: اے سٹیڈی آف کشمیری۔ اردو کنٹیکٹ۔ پیپر پرینٹڈ ان سمینار آن پراسپیکٹوز ان لنگویسٹکس۔ ڈپارٹمنٹ آف لنگویسٹکس۔ یونیورسٹی آف کشمیر

28۔ ویزک، یو۔ 1953۔ لنگوتجز ان کنٹیکٹ۔ دی ہاؤگ۔ مووٹون

کاثر صوتیات تہ اتھ پیٹھ اثرات

اویسا فاروق پنزو

ناظمہ مہدی

{ یہ مقالہ چھ ڈاکٹر عادل امین کا کتبہ رہنمائی منتر تیار کرنہ۔ }

تعارف:

علم صوتیات چھ آوازن ستر تعلق تھاوان۔ اتھ منتر چھے تمہ سارے آواز شامل یمہ انسان اسیہ کڈتھ تہ کتو بوزتھ ہیکہ۔ یاہتھ کتو ونوز انسان آواز بولن تانن ہند دسر یمہ تہ مختلف آواز کڈنہ ہیکہ کتہ تہ زبانہ منتر چھے تمہ منتر کینہہ آوازے ورتاونہ یوان۔ علم صوتیات چھ آوازن ہندس ورتاونس، باگراونس تہ ویرھناونس ستر تعلق تھاوان مثلاً کاثر زبانہ منتر چھ واویلن تہ کانسونٹن ہند اکھ مقرر تعداد۔ صوتیاتی نظامک مجموعہ چھ آوازن ہنز دہنی حقیقت بارسس انی۔ صوتیاتس منتر چھ مارفیم، لفظ تہ ر وکنس منتر کانسونٹن تہ واویلن ہنز باگرن تہ ترتیب بتر یوان۔ امہ باو جو دچھ صوتیات سپراسیگمنٹلن ستر تہ تعلق تھاوان۔ سپراسیگمنٹلن منتر چھے یوان تمہ سارے خصوصیت یم پھور اثرن ہند نتیجہ چھ آسان۔ ا کس تھس سما جس منتر پیتہ اکھ کھوتہ زیادہ زبانہ بولنہ یا پرناونہ چھ یوان تتی چھے یم زبانہ پانہ ونی رلتھ اکھ ا کس پیٹھ پنن اثر

تڑاوان حالانکہ ہم زبانہ ہیکن اکہ کھوتہ زیادخاندان سترتعلق تھاتھ اچہ بہترین مثال چھ تھمن سماجن ہنزیتکو نفر اکہ کھوتہ زیاد زبانہ بوتھ چھ ہیکان۔ ییلہ گنہ زبانہ منز ا کس دون زبانن ہندرا بطہ چھ سپدان امہ ستر چھ اتھ زبانہ منز کافی تبدیلیہ یوان مثلن صوتیاتی، مارفیمیاتی نحوی تہ معنیاتی بیت۔

یتھ مضمونس منز چھ یہ وچھنچ کوشش آہر کرہ ز اردوتہ انگریزی زبانوکیاہ اثر چھ کائثرس صوتیاتس پیٹھ تروومت۔ یتھ چھ یہ کتھ ضروری ژیتس تھاونی ز مضمون مختصر آسنہ موجب چھ کینز نے تبدیلین تہ تفریقن ہند ذ کر آمت کرنہ۔

طریقہ:

ییمہ مضمونہ خاطر آیہ تھمن نفرن ستر کتھ باتھ کرنہ یہنز مادری زبان کائثر اُس تہ پیہ اوسکھ اردوتہ انگریزی زبانن ستر گنہ حدس تام تعلق۔ یعنی تم اُس کم سے کم ییمہ زبانہ سمجھتھ ہیکان۔ یمن ستر یوسہ کتھ باتھ کرنہ آیہ سو آیہ رکارڈ کرنہ تہ تمہ پتہ آوتمیک صوتیاتی تجزیہ کرنہ۔

تجزیہ:

ییمہ مضمونہ کس تجزیس منز آیہ تڑے تبدیلیہ وچھنہ یمن زن یتھ پاٹھی چھ۔

1: /ف/ صوتی کائثرس منز آمد:

یتھ حصس منز آویہ وچھنہ ز صوتیم /ف/ یس زن اردوتہ انگریزی زبانہ ستر چھ تعلق تھوان۔ یہ آو وچھنہ ز صوتیم /ف/ چھ کائثرس منز /پھ/ صوتیم چہ جایہ استعمال یوان کرنہ۔ البتہ یہ تہ آو وچھنہ ز /ف/ صوتیم چھ سرینگرس منز زیاد پھن تہ سرینگر نیبر کئے پھن یوان استعمال کرنہ۔ یتھ چھ یہ ضروری

وُن ز اُردو زبانہ ہند تعارف سپد یو و کشیر منز گنوہمہ صدی ہندس آخرس پیٹھ
تہ انگریزی زبانہ ہند تعارف سپد یو و وہمہ صدی ہندس شروع عاتس منز عیسائی
مشرپزو ذریعہ۔ و قس ستر بنیہ یم زبانہ نصا بک اہم جز۔ ستر ستر سپد یو و
کشیر منز پھند پھالاوتہ۔ یتیتھ چھ کینہہ الفاظ و تھ یم زن ساء مطالعس منز
آیہ۔

ا پھ / صوتیمہ و ا لک الفاظ / ف / صوتیمہ و ا لک الفاظ

پھیرن	فیرن
پھوت	فوت
پھش	فش
پھرن	فرن
پھراک	فراک
پھیرن	فیرن
پھینٹان	فینٹان
پو پھ	پوف
پھل گو بی	فل گو بی
پھروژ	فروژ
پھلائی	فلائی
پھٹن	فٹن
	{ ٹیبل: ۱ }

یمو الفاظوتلہ چھ سیو و باسان ز / ف / چھ / ا پھ / چہ جایہ استعمال یوان

گرنہ۔ البتہ /ف/ صوتیمہ کس استعمالس منز آو پھیرتہ وچھنہ۔ یہ آو وچھنہ ز
 کینہہ لگھ چھ /ف/ صوتیم صرف تمن الفاظن ستر استعمال کران یم زن
 انگریزی تہ اردو زبانو پیٹھ چھ پہہ آمتز نہ۔ مثلاً فراک، فایرنگ، فل گوبی،
 بیتر تہ /پھ/ صوتیم چھ صرف تمن الفاظن ستر استعمال کران یم زن بذاتی
 کاشرک چھ۔ کینہہ لگھ چھ تم تہ یم /ف/ صوتیم چھ تمن لفظن منز استعمال
 کران یمن منز /پھ/ صوتیم چھ یوان۔ امہ علاو آو یتہ وچھنہ ز کینہہ
 لگھ خاص کرتھ تم یم سرینگر نیبر چھ روزان تم چھ خالی /پھ/ صوتیم استعمال
 کران۔

2: کانسونٹن تہ واول صوتیمن منز تفریق:

یتھ حصس منز آویہ وچھنہ ز /ف/ صوتیم باو جودتہ چھ باقی صوتیم مثلاً کانسو
 نت تہ واول یمن منز فرق چھ آہڑ۔ یہ فرق چھ بوہ گنہ کس ٹیبلس منز
 ٹا کار پائٹھر لبنہ یوان۔

واویل تفریق روس الفاظ واویل تفریق دار الفاظ

آزکل

ازکل

جانور

جاناوار

موسم

موسم

دامن

دامانہ

پنڑہ

پانڑہ

نامور

ناماوار

{ ٹیبل: II }

کانسونت تفریق روس الفاظ کانسونت تفریق دار الفاظ

جوڑتھ	جوڑتھ
کون	کونج
سنسار	سمسار
سنتر	سنکتر
{ ٹیبل : III }	

یموٹیبلو تلہ چھ یہ ننان ز کائرس منز چھے واریاہ جاے پیتنس کائرس بولن والی اکہ کھوتہ زیاد لفظ ہیکن استعمال کرتھ پیہ چھے تمن الفاظن پانہ وڈی مشابہت۔ یتھ مطالعس منز آویتہ وچھنہ ز ییلہ گنہ چیز خاطر اکہ کھوتہ زیاد الفاظ آسن تیلہ چھ لکھ سے لفظ استعمال کرن پسند کران یتھ لفظس بڈ پیمانچہ زبانہ ستر تعلق آسہ۔ یم الفاظ ہیرمین ٹیبلن منز دینہ چھ آمتی تمن چھ اردووس ستر زیاد قریبی تعلق۔ سائس کائرس سماجس منز چھ اردووس تہ انگریز لیس کائرس مقابلہ زیاد رتبہ توے چھ یتھین موقعن پیٹھ لکھ زیاد تر تمہ زبانہ ہندک الفاظ استعمال کران یمن تھو درتبہ زبانہ ہندین الفاظن ستر مشابہت چھ۔

3: کانسونتی پنگتھ:

یہ چھ اصول ز ییلہ تہ ز یا دو یو کھوتہ زیاد زبانہ راء بطس منز چھے آسان کینہہ الفاظ چھ یم اکھ ا کس پہہ دوان مثلن اگر انگریزی زبانہ ہندک کینہہ الفاظ نموکھ۔ سکول / sku:l / سٹرایک / strike / سپلٹ / split /۔ یمو لفظو

تلہ چھ سیو د ننان کہ انگریزی کانسونٹی پنگتھ واکر الفاظ یم زن کائٹرس
 صوتیاتس منز چھنہ تمّن منز چھ کائٹرس صوتیات نزدیک انہ باپتھ واول یوان
 لگاؤنہ۔ مگر سائنس مطالعس منز آو یہ وچھنہ ز یہ اثر چھ دودہ پتہ دودہ کم
 گڑھان تعلیم تہ exposure بدوؤنہ وجوہاتوئستری بلکہ چھ بیتہ یوان وچھنہ ز
 یہ کانسونٹی پنگتھ چھ بلکل انگریزی صوتیات حسابہ استعمال یوان کرنہ۔
 نتیجہ:

یم تہ مثالہ پیٹھ گنہ چھ دتھ تموئستری چھ ٹاکار ننان ز کائٹرس صوتیاتی نظامس
 چھ انگریزی تہ اردو زبان ستری رابطہ تھاؤنہ ستری تبدیلیہ آمرہ۔ انگریزی تہ اردو
 زبان چھ کشیر منز یوان بڈس پیمانس پیٹھ مانہ تہ یمّن زبان ستری رابطہ تھاؤنہ
 ستری چھ کائٹرس منز مختلف سطحن پیٹھ تبدیلیہ آمرہ، یمو منز کینہہ صوتیاتی تبدیلیہ
 یتھ مضمونس منز پیش کرنہ آیہ Chomskian paradigm چھ صوتیاتک اکھ
 اہم کردار ادا کران تہ زبانہ ہندس ویرھناؤنس منز تہ چھ امیک اکھ بے مثال
 رول۔ چنانچہ صوتیاتی تبدیلی ہند مطلب چھنہ صوتیاتس تامتھ محدود بلکہ
 چھ یہ پور زبانہ پیٹھ پن اثر تراوان۔

Title

Author

Accession No.

Call No.

Borrower's
No.

Issue
Date

Borrower's
No.

Issue
Date